



फलिफालमव्यण्णुसिरिहेमचंद्रसूरीमर-पणीअ-

तिसट्टिमलागापुरिसचरियस्म पढमपञ्जस्म

रुचतर

# सिरिउसहणाहचरियं

निम्माया

आपरियवियजकन्थूरस्म

सपायग

उवज्जाप चद्रोदय विजयगणी

प्रकाशक

धी नेमि विज्ञान कस्तूरसूरि ज्ञानमदिर, सुरत.

चिप्रमाब्द २०२५ ]

प्रथमावृत्ति  
वीर न २४९५

[ इ स १९६८

प्राप्तिस्थान :  
श्रीनेमिविज्ञान कस्तूरसूरि ज्ञानमंदिर,  
गोपीपुरा सेइनरोड,  
सुरत.

प्राप्तिस्थान :  
जगवंतलाल गिरधरलाल शाह,  
टे. ३००/४ जैनप्रकाशन मंदिर,  
डोशीवाडानी पोल, अहमदाबाद.

प्राप्तिस्थान :  
श्री सरस्वती पुस्तक भंडार,  
रतनपोल, हाथीखाना,  
अहमदाबाद.

सर्वहकस्वायत्तीकृतेव प्रकाशकेन  
राजतन्त्रवाहकादेशानुसारेण ।

मूल्यम् ५-०

प्रकाशक :  
श्री नेमिविज्ञान कस्तूरसूरि ज्ञानमंदिर  
संघवी शांतिभाई चीमनलाल  
गोपीपुरा, कायस्थ महोदया, सुरत.

मुद्रक :  
डी. सी. शाह,  
आशा प्रिन्टर्स,  
मुंबई.

जगद्गुरु शासनसम्राट् सूरिचक्रवर्ति-प्रौढप्रभावशालि भंडारकाचार्यदेव

जन्म स १९२० कार्तिक शुभ १ महाया. | दीक्षा स १९४५ ज्येष्ठ सुद ७ भावनगर.



शासनसम्राट्

गणित स १९६० कार्तिक वद ७ यत्ना | द्वायावद स १९६९ मागस सुद ३

श्रीमान् विजयनेमिसूरीश्वरजी महाराज

आथावद स १९९४ ज्येष्ठ सुद ५ भावनगर


स्वर्गपान स २००५ आतो वद ०॥ महाया

समयज्ञ-शान्तमूर्ति वात्सल्यवारिधि आचार्यदेव

दीक्षा सं. १९६२ कार्तिक वद ३ बलाद.

गणिपद १९७३ घानेराव.

जन्म सं. १९४७ पाटण.



पन्थासपद सं. १९७३ घानेराव. उपाध्याय पद सं. १९८७ कार्तिक वद ३ अमदावाद्.

आचार्य पद सं. १९९१ ज्येष्ठ शु. १२ महुवा.

श्रीमान् विजयविज्ञानसूरीश्वरजी महाराज

स्वर्गवास सं. २०२२ चैत्र सुद १० गुरु खंभात.

## गुरूण गुणसंभरणा

चरित्तित्थयरसिरिवद्धमाणजिणवरवह्विज्जमाण-मासणस्स पभावगाण

तवागच्छाहिबद्ध - त्रिउसवरत्रिणमियपायपकय - अण्डयम्ह-

तेयपिराश्यमुत्ति-कय रगिरिपमुहाणेगत्तित्थोद्धारग-

भट्टारगायत्थियाण पगुरभगवत्ताण

सिरिविजयनेमिसुरीसराणं

तह य ताम् पट्टालमार-समयण्णु-पसतमुत्ति-वच्छल्लचारिहि-

सञ्चरणसीलमालीण गुरुदेवायायरिय-

सिरिविजयविन्नाणसूरिवराणं

असीममहुत्तरार हिययम्मि

सव्विणय सणव

संभरमाणो

त्रिजयक्त्थूरसुरी

[ तिरिउमहणाहचरिण ]

सिद्धान्तमहोदधि प्राकृतविशारद आचार्यदेव

जन्म सं. १९५७ पौष वद १ अमदावाद्. दीक्षा सं. १९७६ फागण वद ३ मेवाड.

प्रवर्तकपद सं. १९९१ फागण वद २ कदंबगिरि



गणपद सं. १९९४ कार्तिक वद १० जामनगर. पद्मपद सं. १९९४ भाद्रपद सुद २ जामनगर.  
उपाध्यायपद सं. १९९७ भाद्रपद सुद ३ सुरत.

श्रीमान् विजयकस्तूरसूरीश्वरजी महाराज

आचार्यपद सं. २००१ फागण वद ४ बुरानपुर.





પૂજ્યશ્રીની મુંબઈમાં-માટુંગા-કોટ-પાયધુની શ્રીનમિનાથજી તથા શ્રીગોડીજી ઉપાશ્રયના પાંચ ચાતુર્માસની સ્થિરતા દરમ્યાન અનેક વિધ થયેલ શાસનપ્રલાવનાના ચિરસ્મરણીય અનુમોદનીય થયેલ કાર્યોની પરંપરાને અદ્યાપિ આરાધક જીવો યાદ કરી અનુમોદના કરી રહ્યા છે.

માટુંગામાં થયેલ લવ્યઅંજનશલાકા પ્રતિષ્ઠા મહામહોત્સવ, પાયધુની શ્રી ગોડીજી તથા શ્રીનમિનાથજી દેરાસરે તથા કોટ, પ્રાર્થના સમાજ કુર્લા તેમ માટુંગા (સહસ્રકણુપાર્શ્વનાથજી જીનાલયમાં) વિગેરેમાં થયેલ અભૂતપૂર્વ જિનગિમ્બ તથા ધ્વજદંડ, શાસન અધિકાયક દેવ દેવીઓના પ્રતિષ્ઠા મહોત્સવો તેમ સંખ્યાબંધ જિનેન્દ્ર લક્ષિત નિમિત્તે અઠ્ઠાઈ મહોત્સવો અષ્ટોતરીસ્નાત્રો, શાંતિસ્નાત્રો, શ્રી સિદ્ધચક્ર બહત પૂજનો વિગેરે સમ્યગ્દર્શનની સ્થિરતા દઢતા-નિર્મળતા કરનારા બન્યા હતા.

સમ્યગ્ જ્ઞાનયોગની સાધનાના આલંબનભૂત શ્રીઉપધાન તપની આરાધનાઓ, શ્રીભગવતીજીસૂત્રના વાંચન પ્રારંભ મહોત્સવો, પ્રસ્તુત ઉસહનાહચરિયતું લેખનકાર્ય તેમ પૂજ્ય આચાર્ય મહારાજ શ્રીની નિશ્રામાં થયેલ મુનિ સમુહની આગમવાચના-તેમ તે વાચનાની યોગ્યતા પ્રાપ્ત કરવા મુનિસમુહની યોગોદ્ધરણની સુંદર આરાધના યાદ આવતાં આનંદ અર્પે છે.

સમ્યક્ ચારિત્ર અને તપોધર્મની સાધના એ તો પાંચવર્ષની મુંબઈની સ્થિરતામાં આરાધક જીવોના હૈયે ચિરસ્થાયી બની છે. પૂજ્ય આચાર્યદેવશ્રીના-બાલ-યુવાવ-પ્રૌઢ અને વૃદ્ધ મુનિઓની જ્ઞાનધ્યાન પૂર્વકની ઘોર તપશ્ર્ચર્યાઓ તેમ ચારિત્રનિષ્ઠ મુનિઓના ગણિ પંચાસ-તથા ઉપાધ્યાય પ્રદપ્રદાન જેવા શાસનમાન્ય પદપ્રદાન મહોત્સવો થવા સાથે ૨૦ થી ૨૫-ની સંખ્યામાં બાલ-યુવાન તેમ પ્રૌઢ મુમુક્ષુ જીવોને ભાગવતી પ્રવ્રજ્યા પ્રદાન તથા ઉપસ્થાપના આદિના ચારિત્રધર્મની પ્રલાવના કરતાં પ્રસંગો લોકહૈયે જડાઈ રહ્યા છે.

શ્રીચતુર્વિધ સંઘમાં પણ અભૂતપૂર્વ બનેલ શ્રી શંખેશ્વર પાર્શ્વનાથજી ભગવંતની વિધિ-પુસ્તકરની ૧૨૦૦-ની સંખ્યામાં આરાધકોની લવ્યતમ અહૂમતપની આરાધના તેમ શ્રી સ્થંભન પાર્શ્વનાથ, અભિગ્રહ તેમ સિદ્ધગિરિરાજ અહૂમ તથા શ્રી ગૌતમસ્વામિજીના છઠ્ઠું તપની હજારો તેમ સોંકડોની સંખ્યામાં થયેલ આરાધના આજે પણ તે સાધકો યાદ કરી રહ્યા છે.

પ્રસ્તુત ગ્રન્થકારશ્રીના ગ્રન્થારંભથી લઈ ગ્રંથપૂર્ણાહુતિના લગભગ બાર માસના સમય દરમ્યાન સામુદાયિક એક કોડ નવકાર મહામંત્રના જાપની આયંબીલના તપ કરવા પૂર્વકની સાધનાઓ ગ્રન્થકાર પૂજ્યશ્રીને દ્વિગુણ ઉત્સાહિત કર્યા છે.

ચતુર્વિધ શ્રીસંઘમાં થયેલ આમ રતનત્રયીની આરાધનાની ઉત્કણીરૂપ લવ્ય ઉદાપન મહોત્સવો પણ અનુમોદનાના પાત્ર બન્યા છે.

ઉપરોક્ત પ્રવૃત્તિ સાથે સાધાર્મિક લક્ષિત અંગે વ્યક્તિગત તેમ સામુહિક પ્રેરણાના પરિણામે હજારોની રકમોનો સહવ્યય તો અદ્યાપિ પ્રચ્છન્ન જેવો રહ્યો છે.

આવા ઉત્સાહ ભર્યા વાતાવરણમાં પૂ. પંચાસજી શ્રી ચંદ્રોદય વિજયજી ગણિ મહારાજ (હાલ ઉપાધ્યાયજી)ની પ્રેરણા પામી આ પ્રાકૃતરૂપાન્તરને પ્રકાશિત કરવા અનેક મહાનુભાવોએ અગાઉથી આર્થિક વ્યય કરી લાલ મેળવ્યો છે જેઓની શુભ નામાવલી યથાસ્થાને મુકવામાં આવી છે.

અંતમા એ કે પ્રસ્તુત પુસ્તકના રચયિતા પૂન્ય આચાર્ય મહાગજ શ્રીજીને તેમ ઉપદેશક પૂન્ય ઉપાધ્યાયજી મ ને પ્રકાશનમા સહાય કરનાર મહાનુભાવો, સ શોધન સ પાઠકમા સહાયક મુનિવરો, તેમ પ્રથમ તેમ બીજાવાગના મુદ્રણ પત્રો તપાસવાનુ કાર્ય કરનાર પ રિત શ્રી મુળો-ધભાઈ ને તેમ છેવટના મુદ્રણપત્રો તપાસવાનુ કાર્ય તેા ગ્રન્થકાર પૂન્ય આચાર્ય શ્રીજીએ કાઈ સખલના રહેવા ન પામે તે લક્ષ્યપૂર્વક કહેલ હોવાથી તેઓશ્રીને તેમ મુદ્રક શ્રીધૈર્યકુમાર સી શાહ વિગેરેને આ પ્રસ ગે યાદ કરવાની અમે અમારી ફરજ સમજીએ છીએ

શાસ્ત્રનદેવને એક જ પ્રાર્થના કે ઉચ્છ્વનાહુચ્ચિની જેમ પૂન્ય આચાર્ય ભગવતને ત્રિપ-લિંતુ મ પૂર્ણ પ્રાકૃત રૂપાન્તર કરવા મહાત્મભૂત થાય

હવે પછી ઉપરોક્ત આચાર્ય શ્રીએ “અ દ્રરાન્તનારાસ”ના આધારે પ્રાકૃતમા રચેલે ગ્રન્થ નામે—“અદગય ચરિય” પ્રકાશિત કરવાની ભાવના રાખાએ છીએ એજ લી

મ ૨૦૨૪ ના શ્રીનેમિ-વિજ્ઞાન-કસ્તૂરસૂચિ જ્ઞાનમ દિર  
 વંશાખ સુદ ૧૦ ધુધવાર સુગતના મચાલક  
 ગાતિલાલ ચીમનલાલ સઘની



મુખ્યમાં સિરિઉસહનાહ્યરિયના પ્રકાશનમાં દ્રવ્યસહાયકોની નામાવલી

૩. ૧૨૫૦ શ્રી ગોડીજી-શ્રીવિજયદેવસૂર સંઘના જ્ઞાન ખાતામાંથી.

૨૫૫ શ્રેષ્ઠી કેશવલાલ સોમાલાઈ.

૨૫૦ ,, હીરાલાલ ગોપાળજી.

૨૫૦ ,, સુમતિલાલ કેવલચંદ્ર રાજકોટવાલા.

૨૫૦ શ્રી દેવકરણુ મેન્સન પ્રીન્સેસ્ટ્રીટ લુહારગ્યાલ શ્રીસંઘના જ્ઞાનખાતામાંથી.

૧૫૦ શ્રી ગોડીજી ઉપાશ્રય-ખહેનો તરફથી.

૧૨૫ શ્રેષ્ઠી ખુમચંદલાઈ રતનાજી જ્ઞેરાજી.

૧૨૫ ,, શાન્તીલાલ ખેચરદાસ.

૧૨૫ ,, ખાવચંદલાઈ રામચંદ્ર દૂધવાલા.

૧૨૫ ,, નાથાલાલ મૂલચંદલાઈ, ભારતીખેનના શ્રેયાર્થે-કોટવાળા.

૧૨૫ ,, લાલજી દેવજી-કેશવજી વીરજી.

૧૦૦ ,, નાગરદાસ ગોવિંદજી, રતનચંદ્ર જ્ઞેચંદવાલા.

૧૦૦ ,, જ્ઞે-એમ શેઠ. હરિલાઈ.

૧૦૦ ,, સોભાગચંદ્ર હેમચંદલાઈ.

૧૦૦ ,, વાડીલાલ સાંકલચંદ્ર.

૧૦૦ ,, કચરાલાઈ વિક્રમસી. હ. સમરતખેન.

૧૦૦ ,, કાંતિલાલ વરધીલાલ.

૧૦૦ ,, અમૃતલાલ પિતાંબરદાસ.

૧૦૦ ,, અમીચંદલાઈ-લીખીખેન.

૧૦૦ ,, રાયચંદલાઈ લલ્લુલાઈ સંઘવી-ઘોઘાવાળા

૭૫ ,, હેમચંદ્ર અમૃતલાલ કું.

૫૦ ,, રતિલાલ પારેખ.

૨૫ ,, ચીમનાજી ઉમાજી.

૮૦ ,, સદ્ગુહસ્થે તરફથી.



## पत्थाविगं

छजंति जस्स गंया,  
 सिद्धनिजइमहिओ जो,  
 सब्बणुसमो इहयं,  
 दंसणियसब्बगंधा,  
 सिरिहेमचन्दसूरी,  
 तस्स हि सब्भूयजस,  
 अन्नाणविसहरणे रयणसरिसा ।  
 कुमारवालस्स वोइगरो ॥१॥  
 कलिकालम्मि य समणउई जाओ ।  
 जेण विरइया जगपसिद्धा ॥२॥  
 विन्नाणाविजुहविणमियपयकूमलो ।  
 गायमि कत्तूरसूरी इं ॥३॥

सिरिहेमचदसूरिणो जम्मो विक्रमस्स सैर-वेय्ये-भूमि-ससैक(११४५) वरिसम्मि कच्चियसुक्क-  
 गुणिमाण धयुगानयरम्मि होत्था । तस्स पिउणो नाम 'चाच' माउए य 'पाहिणी' आसी ।  
 गिहत्थावत्थाए हेमचदस्स नाम चगदेवुत्ति । तस्स मोढजाइए उप्पत्ती हुवीअ ।

चदकुलायरियदेवचदसूरी सिरियभतित्थम्मि तस्स माऊए आण घेतूण विक्रमस्स गयण-  
 सर-चद-भूमि (११५०) वरिसम्मि माहमासस्स सुक्कचउदसीए मद्दासरे रोहिणीनक्खत्तम्मि  
 सिरिपासणाहच्चेइयम्मि दिक्क दाऊण सोमचदत्ति नाम अकरिस्सु ।

तवो सोमचदो निग्मलमइउटेण नाय-वागरण-साहित्तपमुहविज्जाओ अम्मसित्ता विसेसवो  
 मइविगासनिमित्तं कम्हारदेसम्मि गतूण सरस्सईदेवीसमाराहणमणोरह कासी ।

तयणतर थमगत्तिथाओ गीयट्टसाह्हि सह विहारं काऊण कमेण यमत्तियसमीत्तथिअ रेवया-  
 वयारत्तिथम्मि सिरिनेमिणाहच्चेइए तीए आराहणे सावहाणपरो होत्था । तइया पुण्णाणुभावाओ  
 मग्गारधीए नासग्गट्ठविअनेत्तस्स तस्स सोमचदस्स पुरवो पच्चसवीहोऊण पसण्णा सरस्सई  
 वए-उत्त । देसंतर मा वच्चसु, तुम्हेच्चयविसुद्धभत्तीण तुट्टा ह । तुम्ह इच्छिअ परथच्चिअ  
 मिग्गिह्हिइ इह वोत्तूण सा अदसण पत्ता ।

उद्दसरस्सइपसाय त सोमचद पासिऊण गुरवो सधसमकं नगराहोसविट्ठियमट्टसवपुञ्जय  
 चिक्कमरम र्मै उट-भैमि सैसक (११६६) वरिसम्मि अक्कयतइयाए मग्गट्टसमए गूरिमत्तप  
 याणेण न आयरियपण ठविथा । तइया सो हेमचदसूरी इअ नामेणं पसिद्धि पाविओ ।

तरम माया पाहिणी सुयम्मिजेहेण गुरुसगासम्मि सजम गिह्त्था । जणगीवच्छओ अहि-  
 जबायरिओ गुरुह-आओ न पत्तत्तीपयम्मि ठवीअ ।

हेमचंदसूरी तओ विहरमाणो कमेण अणहिल्लपुरं समागच्छिःथा । एगया सिद्धराओ भूवई गयवराखुढो रायवाडिगाए वियरंतो रायपहम्मि विचणीसंठियं हेमचंदपहुं पेक्लिऊणं तम्सुहाओ सुभासिअं सुणिउं पेरेइ, तइया सूरिणा वुत्तं—‘हे सिद्धराय ! नीसंकं गयरायं चलावेसु, दिसिगया तसित्तु, तेहिं किं ? जओ पुढवी तुमए च्चिय उद्धरिया’ एवं ‘सुहासिअं सोच्चा पसन्नहियओ सो नरवई रायसहाए आगमणट्टं पत्थणं कासी ।

एगया सिद्धराएण मालवदेसविजएण तओ आणीओ भोयवागरणपमुहगंथभंडारो सिरिहेमचंदस्स दंसिओ । सिद्धरायस्स निदेसेण हेमचंदपहुणा ‘सिद्धहेम’ त्ति अभिणवं वागरणं सुत्त-उणाइ-धाउपाढ-गणपाढ-लिंणाणुसासणनामपंचंगरूवं निम्मविअं । तस्स य अट्टुञ्जाया । तस्स वागरणस्स विवरणट्टाए बिहन्नासो महावुत्ती लहुवुत्ती य निम्मियाओ । विसेसओ नाममाला-सेसनाममाला-अणेगट्टनाममाला-देसियनाममाला-निधंट्टु-छंदोणुसासण-कव्वाणुसासण-तिसट्टिसलागा-पुरिसचरिय-सत्तसंघाणमहाकव्व-दुविइदुगासयकव्व पमाणमीमंसा-जोगसत्थपमुहा विविहविसयगंथा विरइया य । ते य विउसगणेहि पमाणीकया ।

पंडियपवरभागवयायरियस्स इंदजालियदेववोहस्स दुक्खियावत्थाए तेण सूरिणा सहेज्जं कयं ।

सिद्धरायनरवई पुत्तस्साऽभावेण सिरिहेमचंदपहुणा सद्धिं तित्थजत्ताए निग्गओ । पुव्वं सिद्धगिरिम्मि जत्तं काऊणं तित्थस्स पूआइ दुवालसगामे दाऊणं रेवयायलतित्थम्मि समागओ । तत्थ नियसज्जणमंतिकारियजिण्णुद्धारम्मि सत्तावीसलक्खसुवण्णदम्मवयं सोच्चा तं च लाहं सयं घेतूणं सो बहुयं पसंसिओ । तओ सिरिहेमचंदसूरिसहिओ सो सिद्धराओ सोमेसरपट्टणम्मि उवागओ । तत्थ महादाणाइं दाऊणं अच्चब्भुयंपूअं च काऊणं सो अंबिगादेवीए अहिट्टिएं कोडिणारनयरम्मि अंबिगादेवीदंसणट्टं समागओ । पुत्तट्टं आराहियाए अंबिगादेवीए सिद्धरायस्स पुत्ताभावो निदिट्टो । तस्स य उत्तराहिगारी पेइय-भाउ-देवपसायस्स पोत्तो तिहुवणपालस्स पुत्तो कुमारवालो होहिइ त्ति देवीवयणं सोच्चा पुव्वकम्मदोसेण तम्मि वेरं वहेइ । तस्स वहाइ विविहे उवाए चिंतेइ । तं वियाणिऊण कुमारवालो वेसपरावट्टणं काऊणं अच्चंतगूढाणे वसिउं लग्गो ।

एगया सिरिहेमचंदेण अणहिल्लपुरनयरम्मि सिद्धरायभएण भमंतो सो रक्खिओ । पुणो त्ति एगया थंभतित्थम्मि सावगदुवारेण बत्तीसलक्खदम्मे दाविऊण तस्स सहेज्जं दिण्णं ।

विवकमस्स गह-नंद-रुइ (११९९) वरिसम्मि सिद्धराए परलोगं गए कुमारवालो महाराओ जाओ । सो विवत्तिसमए सहेज्जकारगे सव्वे आहविऊण अईव सम्माणं तेसिं कासी ।

१ पहावगचरियंतगयसिरिहेमचंदचरिए एयं सुहासिअं—

कारय प्रसरं सिद्ध ! हस्तिराजमशङ्कितम् । त्रस्यन्तु दिग्गजाः किं तैर्भूस्त्वयैवोद्धृता यतः ॥६७॥

सवायलक्खदेसाहिवद्-अण्णोरायस्स अणेगसो जयम्मि न्पफळे मए तस्स जयदुं नियमती वाहडो पुच्छिओ 'कहं सो जिणिज्जइ ?' । तइया मतिवाहडवयणेण पट्टणसथिअमिरिपासणाहचेइ-अमज्झम्मि सिरिहेमचदपहुपइट्टिअमहापहावजुअसिरिअजियणाहजिणीसरपडिमाराहणेण अण्णो रायस्स विजओ विहिओ ।

एगया जइणधम्मसवणे मंतिवाहडमुहाओ सिरिहेमचदसूरिणो गुणे सोच्चा त च आहवि-ऊण तम्मुहाओ जिणधम्म सुणिऊणं मसाहारचागपमुहनियमे गिण्हत्था । तओ सो जइणसत्थाण अज्जयण कुगतो कमेण महासावगो सजाओ । नियदताण तिसोहणट्ट बत्तीस जिणचेइयाड तह य नियपियरसेयनिमित्त 'तिहुवणविहार'-चेइअ अन्नाइ च अणेगचेइआइ करावेसी । पुव्व सिरि-अजियजिणाराहणेण अण्णोरायस्स विजओ कओ आसी, तओ तस्स सुमरणनिमित्त तारगाय-लसिहरम्मि उच्चयम भव्वमहापासाय कराविऊणं तम्मि इक्काहिगमयंगुलपमाण सिरिअजियणाह-जिणपडिम करावित्ता तहिं पइट्टु करावित्था ।

उदयणमतिस्स त्रिइयपुत्तेण अब्बेण भरुअच्छनयरम्मि 'सउणिगाविहार' चेइअस्स उद्धारो कओ तस्स पइट्टा वि विक्रमस्स उउ चद आइच्च (१२१६) वरिसम्मि सिरिहेमचदसूरिणा विहिया ।

सिरिहेमचदपहुणो उवप्सेण कुमारवालो नरिंदो समणोवासगस्स दुवालसवयाइ गिण्हत्था । ताहे सो नियसव्वदेसेसु जीववहं तह य जूअपमुहसत्तवसणाइ निवारित्था ।

सिरिहेमचदसूरिस्स वयणेण कुमारवालो सिंधुसोवीरदेसरायघाणीवीअभयपट्टणस्स भूमि-रणणेण निग्गायाओ पुव्वकालियजिणपडिमाओ इह पट्टणम्मि आणाविऊण जिणचेइएसु पइट्टाविआओ ।

एव आयरियसिरिहेमचदसूरी कुमारवालमहाराय पड्डिवोहिऊण तह य सव्वगीअगअरयणेण गुज्जरदेसस्स सिरिजिणसासणस्स य अणुवम पहावणं काऊण विक्रमस्स नद-नयण भुय-ससक- (१२२९) वरिसम्मि चउरासीइवरिसाउसो सग्ग समागओ । एव महापुरिसाण गुणगाण कम्मन्स्सयाय होइ । तहेव इह उसहचरियविरयणे सिरिहेमचदसूरिविरइयतिसट्टिसलागामहापु-रिसचरियस्स पढमपव्वस्स उवओगो मए विहिओ । तेण एएंसि महापुरिसाण गुणगाण मज्झन्नि कम्मस्सयट्टु ह्वेउ ।

एव सिरिहेमचदपहुणो सखेवओ पहावगचरियस्स समत्तीकाऊण अहुणा तिसट्टिसलाया पुरिसचरियाइमपव्वस्स रूवरेहा मए आलिहिज्जइ—

अणाइनिहणम्मि एयम्मि जगम्मि पउरपुण्णोदएण सुलद्धमणुअभवा संखाईया पाणिणो अज्जप्पुन्नइपयं पाविआ । एएसिं पुरिसुत्तमाणं सब्भूयकित्तणाइं जिणागमेसुं अणेगठाणेसुं विहियाइं । तेसिं च निदेसो सत्थेसुं महापुरिस—सलागापुरिसाभिहाणेण निदंसिज्जइ ।

इह भरहखेत्तम्मि पत्तेगं ओसप्पिणीए तह उस्सप्पिणीए तिसट्ठी तिसट्ठी सलागापुरिसाणं गणणा किज्जइ, इमीए वट्टमाणकालहुंटावसप्पिणीए चउव्वीसं तित्थयरा, दुवालस चक्कवट्ठिणो, नव वासुदेवा, नव बलदेवा, नव पडिवासुदेवा इअ तिसट्ठी सलागापुरिसा संजाया । सिरिसीलंकायरिए नव-पडिवासुदेवाणं निदेसं अकिच्चा महापुरिसाणं चउप्पणं गणणा साहिया अत्थि । तहिं च जीवाणं संखा सट्ठी अत्थि, जओ सोलसइम-सत्तरसइम-अट्टारसइमतित्थयरा एयम्मि भवम्मि च्चिय तित्थयरा चक्कवट्ठिणो वि संजाया, भिण्णभिण्णभवाविकखाए जो चिय तिवुट्टुवासुदेवो सच्चिय कालंतरम्मि सिरिमहावीरसामी नामेणं चउव्वीसइमो तित्थयरो जाओ, तेण तयविकखाए एगूण-सट्ठी सलागापुरिसा गणिज्जंति ।

एएसिं सलागापुरिसाणं गुणाणं उक्कित्तणं पुव्वकालम्मि पुव्वाणुयोगम्मि आसी । अज्ज-यणसमए सो न लहिज्जइ । अहुणा उ सलागापुरिसवण्णणविसया गंथा इमे संति । १ चउ-प्पणमहापुरिसचरियं, २ कहावली सिरिभदेसरसूरिविरइया, ३ हेमतिसट्ठी, ४ उवज्जायमेहविज-यगणिविरइया लहुतिसट्ठी ।

अन्नं च दिगंबरीयमयम्मि महापुरिसवण्णणविसया कइई गंथा संति, जे इमे—

१ सिरिजिणसेणायरिएण आइपुराणदुवारेण महापुरिसचरियं पारद्धं, तस्स य सीसेण गुण भदेण उत्तरपुराणरूवेण संपुण्णं विहियं । २ पुप्फदंतविहियं तिसट्ठिमहापुरिसालंकारु किं वा महापुराणं ।

कलिकालसव्वणुसिरिहेमचंदपहुणा सक्कयभासाए तिसट्ठिसलागापुरिसचरियं छत्तीससहस्स-सिलोगसंखपमाणं विरइयं अत्थि । तं च दससु पव्वेसु विभइयं तहिं च पढमपव्वम्मि छ सग्गा संति ।

एवं इहयं पि पत्थुयचरियं पढमपव्वस्स पाइयभासाए रूवंतरं अत्थि । इहावि पव्वस्स ठाणम्मि वग्गो तह य सग्गस्स ठाणम्मि उदेसो एरिसं नामं ठवियं ।

अहिगारा—

देवाहिदेव-पढमसिरिउसहणाहस्स तेरस भवा संति । तत्थ पढमोदेसम्मि दुवालस भवा । तह वीय-उदेसाओ चरिम-छट्टुदेसं जाव तेरसमो अंतिमभवो वण्णिओ अत्थि ।

१ समवायसुत्ते—पडिवासुदेवस्य निदेसो न विहिओ, तेण तत्थ चउप्पन्नं (५४) संखा कहिया ।

विषेसओ-वीयउदेसम्मि सत्तकुलगराण वुत्ततो, तह य भरहचक्कवट्टिस्स उप्पत्ती निदिट्ठा । तइयम्मि भरहरायस्स चक्कुरयणलाहो, मरुदेवाए मोकस्सगमण । चउत्थम्मि भरहरायस्स उक्खंत-  
टसाहणा । पचमम्मि भरहस्स बाहुवलिणा सद्धि जुद्धं । छट्ठम्मि भरहनरवद्दणो पुत्तस्स  
मरीद्दणो वेसपरिवट्टण । सिरिउसहणाहस्स भरहचक्कवट्टिणो य अट्टावयगिरिम्मि निव्वाणपयसपत्ती ।

अवर च एयस्स गथरयणाए सिरित्तागच्छाहिवड्ड-सासणपहावग आवालयभयारि सूरीसर-  
सेहरास्सयरियविजयनेमिसूरीस-पट्टालकार- समयण्णू-वच्छल्लवारिहि-गुरुदेवमिरि- आयरियविजयवि-  
णाणसूरीसर सुमरणपहम्मि समाणेमि । तास अणुवमन्निवादिट्ठीए सुहासिसाए य पेरीओ ह  
गंथसमत्तीकरणे पक्कलो सजाओ । तस्स य निदेसेण सुदणालए सुदणट्ट एत्तो गथो  
समप्पिओ । किंतु मंपुण्णमुदणकज्जाओ पुव्व तस्स गुरुदेवस्म सिरियभतित्थे ओसवाल्लवस्स-  
यम्मि विक्कमस्स नेत्त मुय-गयण-कर(२०२२) वरिसम्मि महुमासस्स सुक्कदसमीवासरे  
आराहणपुव्वग देहविल्लथाओ सरणविरहिओ ह सजाओ, तेण गुरुदेवविरहवाहा मे चित्त  
अज्ज वि जाव अईव दूमेह ।

पज्जते इमस्स गथस्स सुदणपत्ताण ससोहणकम्मम्मि मईयपरिवारगय-उवज्जायचट्टुदय-  
विजयगणि-मुणिअसोगच्चदविजय-मुणिजयचंदविजयपमुहेहिं जेहिं सहेज्ज दिण्ण ते वि घण्णवायारिहा ।  
इअ वेय-नयण-गयण कर (२०२४) वरिसम्मि सूरियपुरम्मि विजयकत्थूरसूरी निवेपइ ।





# पढमवर्गो

## विसयाणुकमिणिगा

सिरिउसहणाहचरिए, पहाणविसयाण संगहो जो उ  
सो एत्थ सए वुत्तो, साहुगणाण सइ सुमरट्टं ॥२॥

पढमवर्गे पढमो उद्देशो—

पढमो धणसत्थवाहभवो—तत्थ धणस्स वसंतपुरनयरगमणे वियारो, धम्मघोसायरियस्स समागमो, धणेण सह धम्मघोसायरियस्स नयरओ निग्गमणं, गिम्ह-वासा-उउवण्णणं, अडवीए वासो, सत्थजणदुहेण धणस्स चिंता, सूरिणो य समीवग्गि समागमणं, नूरिधणसत्थवाहाणं संलावो, धणस्स घयदाणेण वोहिवीयसंपत्ती धम्मवएसो, धणस्स वसंतपुरनयेरे आगमणं ।  
पढमो भवो समत्तो । ३-९

धणस्स जुगलियनरत्तेणेण समुप्पत्ती, उत्तरकुराए कप्पतरवो सोहम्मकप्पे उप्पाओ ।  
वीओ जुगलियभवो तइओ य सुरभवो समत्तो । ९-१०

चउत्थो महावलभवो—

सयवलस्स वेरग्गं, सयवलस्स दिक्खा, महावलो य राया जाओ, सयंबुद्धमंतिचित्तणं, महावलस्स अगओ उवएसदाणं, संभिन्नमइणो चव्वागमयदंसणं सयंबुद्धकयजीवसिद्धी, सयंबुद्धकहिओ नरिंदस्स पियामह-अइवल्लवुत्तंतो दंडगनरिदवुत्तंतो य, सयंबुद्धस्स असमए उवएसदाणस्स कारणं, महावलनरिंदस्स दिक्खा अणसणं च । चउत्थो महावलभवो समत्तो । १०-१९

पंचमो ललियंगदेवभवो—

ललियंगदेवो तस्स य समिद्धी, ललियंगदेवस्स जिणपडिमा-दाढापूअणं, तस्स सयंपहा महादेवी, सयंबुद्धो ईसाणकप्पे दढधम्मो देवो जाओ, निन्नामिगा, जुगंधरमुणिस्स केवलनाणं, तस्स य उवएसो, निन्नामिगाए सम्मदंसणलाहो, अणसणं च काऊणं सा ललियंगदेवस्स सयंपहा देवी जाया, ललियंगदेवस्स चवणचिन्हाइं, तओ चविऊण ललियंगो वज्जजंधो सयंपहा य सिरिमई जाया । पंचमो भवो समत्तो । १९-२५

छट्टो वज्जजंधभवो—

सिरिमईए वज्जजंधेण सह परिणयणं, वज्जजंधो सिरिमई य मच्चुं पावित्ता उत्तरकुरूसे तओ अ सोहम्मदेवलोगे समुप्पण्णा । छट्टो वज्जजंधभवो समत्तो । सत्तमो जुगलियभवो अट्टमो य देवभवो समत्तो । २५-२९ ।

नवमो जीवाणंदभवो—

जीवाणंदाइमित्तलक्ककयमुणिचिइच्छा, जीवाणंदाइमित्ताणं संजमग्गहणं अच्चुयकप्पे य समुप्पत्ती । नवमो जीवाणंदभवो दसमो य देवभवो समत्तो । २९-३२ ॥

इक्कारसमो वज्जणाभक्कवट्ठिभवो—

देवलोगावो चविज्ज जीवाणदाइणो उ वज्जणाहप्पमुहा जाया-वज्जसेणो त्तिथयरी  
वज्जणाहो अ चक्कवट्ठी जावो, वज्जणाहाईणं पव्वज्जा, वज्जणाहस्स वीसठाणगेहिं त्तिथय-  
रनागक्कम्मनिक्कयणं, वज्जणाहाईणं सव्वट्ठिसिद्धविमाणम्मि समुप्पावो ।

इक्कारसमो वज्जणाहक्कवट्ठिभवो दुवालसमो य देवमनो समत्तो । ३२-३७ ।  
वीयउइसो-

कुलगराणं उप्पत्ती-सेट्ठिचंदणदासस्स पुत्तो सागरचदो, सागरचदस्स उज्जाणे  
गमण भयावो च पियदसणाए रक्खणं, चदणदासस्स पुत्तस्स पुरवो उवएसो, सागर  
चदस्स पियदसणाए सह विवाहो, असोगदत्तस्स एगते पियदसणाए मिलण, सागरचदेण  
सह असोगदत्तस्स सवावो, सागरचदाइणो मरण पाविज्ज जुगलियत्तणे समुप्पण्णा । ३७-४२ ।

कालचक्कसरूव, विमलवाहणाइणो सत्त कुलगरा, सत्तमो कुलगरो नामी मरुदेवा य  
भज्जा, मरुदेवीए चउइससुमिणदसण, मरुदेवाए पुरवो नाहिकुलगरस्स इदाण च सुमिण-  
फलकहण, गन्मप्पहावो उसहजम्मो य । ४३-४८ ।

दिमिकुमारीकयजिणजम्ममहसवो । ४८ ५० ।

सोहम्माहिवइणो जिणजम्मणघरावो जिण घेतूणं मेरुम्मि गमण, ईसाणरुप्पाइइदाणं  
मेरुसिहरे समागमण, अचुयरुप्पाइ इदकयामिसेगमहसवो, सोहम्मरुप्पिदकयामिसेगमहसवो,  
सक्ककयजिणिइथुई । ५१-५८ ।

नदीसरदीवे इदाइकय-अट्टाहियामहसवो, इदकयमहसवो समत्तो । ५९-६० ।

‘उसह’ त्ति नामकरण वसठवण च, जिणजोन्वणकाले देहसोहा देहलक्खणाइ च  
। ६०-६३ ।

पहुणो देवकयसगीयपेक्खण, सक्ककयविवाहपत्थावो, आभियोगियदेवकयमडववणण अच्छ-  
राहिं सुमगलासुणदाण पट्ठीकरण, सामिणो विवाहमडवे आगमण, देवीहिं कयविवाहउ  
वयारो, पहुणो विवाहमहसवो । ६३-६९ ।

भरहाइपुत्ताण उप्पत्ती, सुरवट्ठकयजिणरज्जाभिसेगो, विणीयानयरीनिम्माण, जिणस्स रज्ज  
गसंगहो, अग्गिणो उप्पत्ती, नगवइणो सिप्पकलाइपयसण, रज्जाववथा य । ६९-७३ ।

उसहप्पहुणो वसत्तूमवतिरिक्खण, उसहप्पहुणो वेरग । वीओ उइसो समत्तो । ७३-७६  
तइओ उइशो—

उसहपट्ठुणो भरहस्स रज्जदाण, सवच्छरियदाण, दिक्खामहसवो, कच्छ-महारुक्क-  
पमुहाणं दिक्खा, उसहपट्ठुणो अण्णमुणीण च आहारस्स असपत्ती, कच्छमहारुक्काइण आहा

रचिता, नमिविणमीणं आगमणं, पहुपासम्मि नमि-विणमीणं रज्जमगणं, धरणिदागमणं च, नागराएण नमि-विणमीणं विज्जाहरेस्सरियदाणं, वेयद्धगिरिवण्णणं । ७७-८५ ।

विज्जाहराणं मज्जाया, उसहपहुणो पढमा भिक्खा, सिज्जंसकुमारस्स पढमं दाणं, उसहप्पहुणो वहलीदेसे गमणं, वाहुबलिणो य वंदणट्ठं आगमणं, सामिणो अदंसणे बाहुबलिणो पच्छायावो, उसहसामिणो केवलणाणुप्पत्ती । ८६-९५ ।

समोसरणं, इंदकयउसहजिणथुई, मरुदेवाए विलावो, भरहनरिंदस्स पुरओ सामिणाणुप्पत्तीए चक्करयणुप्पत्तीए य जुगवं निवेअणं, मरुदेवाए सह भरहस्स सामिवंदणट्ठं आगमणं, मरुदेवीए मोक्खो, भरहनरिंदकयजिणथुई, उसहजिणस्स देसणा-संसारसरूवं, सम्मदंसणलाहो, सम्मदंसणलक्खणाई, उसहसेणाईणं दिक्खा, चउव्विहसंघस्स गणहराणं च ठवणा, पहुणो जक्ख-जक्खिणीओ, विहारो, अइसया य । तइयो उद्देशो समत्तो । ९५-११० ।

चउत्थो उद्देशो —

चक्कपूअणं, भरहस्स दिसिजयाय पयाणं, चक्कीणं रयणाई, दिसिजत्ताए मागह-वर दामत्तिथाहिगारो कयमालदेवाहिगारो य, सिधुनईए परतडत्थिअमिलिच्छाणं विजओ, तमिस्सा-गुहाए दुवारुग्घाडणं, मणिरयणकागिणीरयणाणं वण्णणं, उम्मग्ग-निमग्गनईओ, गुहाओ बाहिरं निग्गमणं, उत्तरभरहम्मि चिलायाणं विजओ, हिमवंतगिरिकुमारदेवविजओ, उसहकूडम्मि नाम-लिहणं, नमि-विणमिविज्जाहराणं विजओ, इत्थीरयणं, गंगादेवी-नट्टमालदेवविजओ, नवनिहिणो ।

१११-१३६ ।

अउज्जानयरीए पवेसमहूसवो, भरहस्स महारज्जाभिसेओ, चक्कवट्ठिस्स सामिद्धीओ, सुंदरि दट्ठणं भरहस्स चिंता सुन्दरीए य दिक्खा, भरहेसरकया घम्मचक्कवट्ठिणो थुई ।

१३६-१४६ ।

भरहस्स अट्टाणउइभाऊणं पहुणो उवएसो, एत्थ इंगालगारस्स दिट्ठंतो तेसि च दिक्खा । चउत्थो उद्देशो समत्तो । । १४६-१४७ ।

पंचमो उद्देशो —

भरहस्स वाहुबलिणो अग्गओ दूअपेसणं, तक्खसिलापुरीए पवेसो, वाहुबलिणा सह संभा-सणं, सुवेगदूअस्स सहाए निग्गमणं, विणीआनयरीए आगमणं, भरहनरिंदस्स मंतीहिं सद्धिं विया-रणा, भरहनरिंदस्स संगामकरणट्ठं पयाणं वाहुबलिणो वि पयाणं, भरहवाहुबलीणं सइण्णववत्था, उअण्हं सेण्णाणं संगामट्ठं सज्जीभवणं, संगामपारंभे जिणिदपूअणं । १४८-१६८ ।

जुद्धनिवारणाय देवाणं आगमणं, भरहस्स नियसेण्णाणं पुरओ वलपयंसणं, भरह-वाहु-बलीणं दिट्ठिपमुहजुद्धं, भरहस्स चक्कमोयणं, वाहुबलिस्स दिक्खा, ज्ञाणमग्गया केवलनाणं च । पंचमो उद्देशो समत्तो । १६८-१८४ ।

छट्टो उदेसो—

मरीइणो वेसपरिवट्टणां, मरीइसररि पीडा, तर्हि च रायपुत्तस्स क्विलस्स आगमण दिक्खा  
य, उसहसामिणो अट्टावयगिरिम्मि समागमण, अट्टावयगिरिवण्णण, समवसरण च । वासव-  
विहिय—मिरिउसहजिणधुई, धम्मदेसणा, पंचविह—अवगहसरूव, भरहेण सावगाण भोयणदाण ।

१८५-१९७ ।

सिरिउसहजिणीसरदेवकहियभावि—तिथयर—चक्कवट्टि—वासुदेव—बलदेव—पडिवासुदेवाण सरूव ।

१९७-२०३ ।

भरहेण पुट्टेण भगवया मरीइणो भाविसरूवकहणं, कुलमयकरणाओ मरीइणा नीयगो-  
त्तकम्मुवज्जणं, उसहपहुगो सत्तुजयत्तिकत्थम्मि आगमण, केवल्लणाणलाह दसिउग्ग पुंडरीग-  
गणहर तत्थ ठविक्कण भगवओ अन्नहिं विहारो, दन्वभावसलेहणासरूव, पुंडरीगगणहराईणं  
सत्थ निन्वाण । २०३-२०६ ।

भरहेण सत्तुजयगिरिम्मि पुडरीगपडिमासहिय-उसहजिणीसरचेइयनिम्मवण, उसहजिणी-  
सरस्स समणाइपरिवारसत्ता । २०६-२०७ ।

भगवओ अट्टावयगिरिम्मि आगमण अणसण च, पहरुस्स अणसण सोच्चा भरहस्स खेओ,  
तत्थ य आगमण । आसणकंपाओ तर्हि आगयाण विसन्नहिययाण इदाण अवत्थाण । २०७-२०८ ।

तह्यारगस्स एग्गूणणउइपक्खेसु अवसिट्ठेसु समाणेसुं माहमासस्स किण्हतेरसाए—सिरि-  
उसहप्पुणो निन्वाण, अण्णेसि पि दससहस्ससमणाण भगवया सद्धिं परमपयासायण, जिण-  
वरस्स इदाइकयनिन्वाणगमणमहसवो । २०८-२१२ ।

अट्टावयगिरिम्मि भरहकारियसिंहनिसज्जापासाओ, नक्कणउइभाउग्ग च थूवनिम्मवण,  
भरहेण छोहनिम्मिय-जत्तमइयाऽऽरक्खगपुरिसेहिं चेइयरक्खाविहाण, जिणपटिमाण विथेण  
अप्पणाइविहाण । २१२-२१५ ।

सोग-भात्तमारिय भरहनरिंदविहियचउब्बोसजिणवराण धुई, विणीथानयरीए आगमण, भरहस्स  
भोगा । २१५-२२० ।

भरहनरिंदरस्स आयसगेहम्मि केवल्लणाणुप्पत्ती, देवेहिं तरस्स मुणिवेससमप्पण, दससहस्स-  
नरर्याणं पत्थग्गमहण । २२०-२२१ ।

प्राइच्चजस्स २ग्गामिसेगो, देसणाए अच्चजीवे पडिबोहमाणरस्स भरहरम पुव्वत्तम्पव  
रिसे जाव विहाणे, अट्टावयगिरिम्मि य निन्वाण, सत्त्वाउसपपाण । २२२-२२३ ।

छट्टो उद्देसो समगो । सिरिउमहसामिजिगवइ-भरहचक्कवट्टिपडिउद्धो  
पदमो चग्गो समचो ॥

# शुद्धिपत्रकम् ।

## सोहिपत्तगं

पंत्तीप	असुद्धं	सुद्धं	पुढे	पंत्तीप	असुद्धं	सुद्धं
२	नियनिमत्तं	नियनिमित्तं	"	२१	चिद्दिच्छा	चिद्दिच्छा
१२	जहाणुकुलं	जहाणुकूलं	३३	१९	धम्ममि	धम्ममि
१५	धम्मघोसा०	धम्मघोसा०	३४	९	जइ	जइ
४	वारिधरो	वारिधरो	३६	१२	ठाणगं गु	ठाणगं ३ ।
८	आगममिष	भागममिष	"	२९	उद् भास०	उद्भास०
१७	वत्थ०	वत्थ०	३७	११	सयट्ट०	सव्वट्ट०
१९	गिण्हंओ	गिण्हंतो	३७	१२	छ कि	छ वि
२७	०भिलासिणा	०भिलासिणो	३८	२४	हा सागर०	इअ सागर०
२	प्पतरवो	कप्पतरवो	३९	२४	जाइ	जाइ
३	विज्जुलया०	विज्जुलया०	४०	७	०वियाहेण	०वियाहेण
४	संझा०	संझा०	४२	१	सत्थं	सत्थं
७	ताविज्जइ	ताविज्जइ	"	१०	काल धम्मं	कालधम्मं
२२	सयंबुद्धि०	सयंबुद्ध०	४३	२	जोइसिभायअ०	जोइसिया य अ०
२७	सूर्यः	सूर्यः	४६	५	०भिसिच्चमाणी	०भिसिच्चमाणी
४	वारियर०	वारिधर०	"	१०	अणेगाणणभओ	अणेगाणणभूओ
१८	विणीओ	विणीओ	५१	६	विण्ण	विण्ण-
३	SSयंसंतालि०	SSयंसतालि०	५१	२२	मरुदवाए	मरुदेवाए
१७	ओव्वग०	ओव्वण०	५२	१५	अट्टण्हं	अट्टण्हं
८	लद्धा	लद्धा	५३	१९	निरुंभणिकवदि०	निरुंभणिकदि०
१५	जायन्ति	जायंति	"	२१	०भहिमहूसवं	०महिममहूसवं
१७	ससुत्त०	ससुत्त०	५५	१६	भाम	भीम-
१८	संपतो	संपत्तो	५५	२५	उवागच्छंति	उवागच्छेइ
३	असिपत्त०	असिपत्त०	५६	३	सुवण्णरूप०	सुवण्णरूप०
९	भक्खिज्जति	भक्खिज्जति	"	३	आट्टोत्त.	अट्टोत्त०
२०	जलजंतूण०	जलजंतूण०	"	६	०देवाते	देवा ते
१	उक्तर०	उक्तर०	"	११	०वणेसुय	वणेसु य
२१	आइं	आइं	५७	२	०रवु०	०रवु०
७	समुप्यन्नो	समुप्यन्नो	५७	४	०हाउजयं	०हाउज्जयं
१९	जाइस्सरवंता	जाइस्सरवंतो	"	८	०गज्जियं	०गज्जियं
२२	जुद्धण	जुद्धण	६२	१	पण्हा	पण्ही
१३	०हिट्ठिओ	०हिट्ठिओ	६३	२०	०सराराइं	०सरीराइं
१६	छट्टतवस्स	छट्टतवस्स	६७	४	०SSणाय०	०SSणीय०

पुढे	पंतीप	असुद्धं	सुद्धं	पुढे	पंतीप	असुद्धं	सुद्धं
६९	२०	०बल उवेओ	०बल उवेओ	११	२१	रयम०	रयण०
७२	१३	अहुणा	अहुणा	१११	१२	अइ	अह
७२	२६	पक्खिक्खण,	पक्खिक्खण	११	१५	तमिव	तमिव
७३	३	अणतरंदिणक०	अणतरं दिणक०	११	२२	अन्म०	अन्म०
७३	२२	वसत्त०	वसत्त०	११२	१	उव्वट्टति	उव्वट्टति
७४	२३	०रोहाओउ०	०रोहाओ उ०	११२	१८	बिसाल०	बिसाल०
७४	८	सपक्केण	सपक्केण	११	२८	पुरोधेररनम्	पुरोधेररनम्
७४	१४	नियाइआ	नियोइया	११३	१४	भरहनरि	भरहनरिदो
७४	२६	कामणीए	कामिणीए	११६	१९	णो	णो
७५	१३	चि दी	चिदी	११८	१५	पवोहिओ !	पवोहिओ ?
७६	२२	पट्ठरे	पट्ठरे-	११	२८	उद्धन्नात्तु०	उद्धन्नात्तु०
७७	२	०पहुणा	पहुणो	११९	४	तवाण	त वाणं
७८	१०	०हत्थेहिं	हत्थेहिं	११	७	वरदाममइ	वरदाममइ
७८	१०	संम	सम	११	२८	वाणयात्तात्	वाणयात्तात्
८२	१६	सुद्धे	सुद्धे	१२३	१६	०पक्ख रो	०पक्खधरो
८२	१९	निज्ज	निज्जं	१२७	२३	वट्ट	वट्ट
८४	१०	विमोत्तण	विमोत्तूण	१३०	६	विपत्तीए	विपत्तीए
८६	४	च स्सति	चइस्सति	१३१	८	उसहकुब्बिमि	उसहकुब्बिमि
८८	२०	क्या त	क्या ते	१३३	१३	हरणो	रणो
८८	२५	परिचइता	परिचइत्ता	१३	१८	ठाणेसुसाम	ठाणेसु साम
८९	१८	भगवतस्स	भगवतस्स	१३४	७	विज्जा०	विज्जा०
९२	६	०अठणा	अठणा	१३६	९	विइम०	विइम०
९२	१८	०गिज्ज सरीरट	०गिज्जसरीर०	१३९	७	अगगमि	अगगमि
९८	२६	कणमायर०	कणमायर०	१४१	९	पिट्ठसतिप-	पिट्ठसतिय-
९८	३०	०दु च्चाय०	०दु च्चाय०	१४१	१५	नवनिहिणो	नवनिहिणो
१००	१	सइ	सइ	१४२	२८	वायत्तरि-	वायत्तरि-
१०२	२१	अकखरं	अकखर	१४२	२६	ओम्मन्ता	ओम्मन्ता
१०३	३	०नाणस्स	नाणस्स	१४८	१	०सेणावइ	सेणावइ
१०४	२२	उव्वसमन्मम	उव्वसमन्मम	१५०	२६	विवि	विवि
१०५	११	मिच्छत	मिच्छत	१५१	१	इय	इय
१०६	२६	प्राणापह णम्	प्राणापहरणम्	१५३	८	अयाइ	अयाइ
१०८	५	अत्तहराव्व	अत्तहराव्व	१५५	१३	सुइ	सुइ
१०८	२३	ण	ण-	१५६	२१	पक्खिज्जमाण	पक्खिज्जमाण
१०८	२४	चउ०	चउ०	१५६	१७	इच्छतो	इच्छतो
१०९	१३	चउत्तण	चउत्तण	१५७	४	उज्जीपति	उज्जीपति

पंतीप	असुद्धं	सुद्धं	पुढे	पंतीप	असुद्धं	सुद्धं
२१	वन्धिं	वन्धिं	,,	१७	तम्हे	तुम्हे
९	जलहर	जलहरं	१८६	९	पण्ट्रेसि	पवोसि
१८	वीरपट्ट	वीरपट्ट	१८९	९	उत्तरंगित०	उत्तरंगिम०
२	विग्घा	विग्घो	१९०	७	हिट्टमि	हिट्टंमि
७	मिंदेइ	मिंदेइ	१९९	५	र उज्जा०	अउज्जा०
१७	सिारि०	सिरि०	२०२	२१	वरिस स०	वरिसस०
२५	गच्छंतेहिं-	गच्छंतेहिं	२०५	१४	पुंढरीअं	पुंढरीअं
२९	यरस्परं	परस्परं	२०६	५	रागद्दोसे०	रागद्दोसे०
२५	रयण	रयणं	२०८	४	पल्लंका०	पल्लंका०
१	अण्ण	अण्ण-	,,	२४	जाणाविठ	जाणाविठं
२९	अगृहणात्	अगृह्णात्	२०९	१	मणूसाणं	मणूसाणं
६	ए	एवं	,,	७	०गिण्हेसि ।	गिण्हेसि ?
१७	सली	सली-	२१२	१०	रम्माइं	रम्माइं
९	हिट्टिमि	हिट्टिमि	२१४	७	०भिगारगा	भिगारगा
१६	रवि-	रवि-	२१४	२५	गिरि पिव	गिरि पिव
४	चकं	चक्कं	२१७	१२	मग	मगं
९	मुद्देमि	मद्देमि	२१९	३०	हिययम्मिप०	हिययम्मि प०
१३	सागिणी	सागिणी-	२२३	५	वएइ	वएइ
८	पावो	पावो	२२३	९	घाहट्टं	वोहट्टं
६	तस्सुं पाए	तस्स पाएसुं	,,	२१	नंह	नह

॥ ॐ नमो अरिहंताणं ॥

॥ नमोत्थु णं समणस्स भगवओ महावीरवद्धमाणसामिस्स ॥

॥ नमो परमगुरुप्रायरियसिरिजियनेमिद्धरीसरसिरिजियविन्नाणद्धरिवराण ॥

आयरियजियरुत्थूरद्धरिविरइयं

॥ सिरिमहापुरिसचरियं ॥

(सिरिउसहनाहचरियं)

तथतगयसिरिउसहजिणीसर-भरहचन रुवडिचरियपडिवद्धपढमवगम्मि

पढमो उद्देशो

मंगलाचरणं—

जयउ स उस्सहजिणिंदो, भव भयभीयाण भवसत्ताणं ।

हरड भय जो निच्चं, किच्चा वरधम्मसत्ताण ॥ १ ॥

सिरिसंती जिणणाहो, सुर-असुरनियरसुगीयगुणगाहो ।

सड पसमरसनिमग्गो देउ ममं सतिपरंमपयं ॥ २ ॥

वसुदेवतणयगच्चय-जलनिहि-महण-सुरसेल-सारिच्छो ।

राईमड-मणसायर-हरिणको जयउ पेमिजिणो ॥ ३ ॥

भवनावतविगसत्ते, उहिं काउं व सगफणच्छत्तो ।

विग्यहरनाममतो, पासजिणिंदो सिव दिज्जा ॥ ४ ॥

वदे वीर वीर, जलहिजलगहीरममरगिरिधीरं ।

कम्मरयहरसमीर, भवदवदहण-पसमण-णीरं ॥ ५ ॥



सेसा वि जयंतु जिणा, भवियजणमणनयणप्पसणगरा ।

जेवि नमिरहिययपडम-सहस्सकिरणा सिंघं पत्ता ॥ ६ ॥

जिणवरवयणुब्भूआ, सन्भूअपयत्थकत्थणे निउणा ।

अत्थसमत्तसरूवा, सरस्सई देउ योहं मे ॥ ७ ॥

इक्कारसवि गणहरे, गोयमपमुहे गुणगणसंजुत्ते ।

वंदामि ते वि पुज्जे, जाण पसाया सुयं होइ ॥ ८ ॥

अण्णे वि य गुणगरूआ, चउदस-दसपुब्बिणोऽत्थ आयरिया ।

मज्झ सह पसीएज्जा, अमोहवयणा जुगप्पवरा ॥ ९ ॥

वीरजिणीसरसासण—पहावगा सुयपहावसंपुण्णा ।

जे अण्णे आयरिया, ते मे नाणप्पया होंतु ॥ १० ॥

सिरिहेमचंदसूरी, सव्वणुसमो जयम्मि जो जाओ ।

जास तिसट्ठि-चरियं, जए पसिद्धं विराएइ ॥ ११ ॥

तग्गयभावे गिणिहअ, पाइअभासानियद्धमेयं हि ।

ओज्झाय-मेरु-पंडिय — जसभद्दणं मए हेउं ॥ १२ ॥

जयउ सिरिनेमिसूरी, उद्दारगरो कयंबतित्थस्स ।

तवगच्छभूसणं मे, पहावगो सासणे पगुरू ॥ १३ ॥

वच्छल्लवारिही मे, विण्णाणगुरू जएउ सूरिवरो ।

जास सुहादिहीए, मन्दो वि समत्थओ जाओ ॥ १४ ॥

कत्थूरायरिएणं, विरइयमेयं महापुरिसचरियं ।

जाव चरमजिणतित्थं, ताव जयउ भवियबोहगरं ॥ १५ ॥

महापुरिसचरियस्स उवक्कमो-

अह एयाए ओस-प्पिणीइ, उसहाइ-वीरपज्जंता ।

तित्थयरा चउवीसं, बारह भरहाइणो चक्की ॥ १६ ॥

पडिचिण्हुणो य नव नव, बलदेवा केसवा य नरवसहा ।

जाया उत्तमपुरिसा, तिसट्ठि-संखाइ सुपसिद्धा ॥ १७ ॥

तेसिं पढमं वुच्छं, जिणवर-उसहस्स तेरहभवे य ।

स म्म इंसण ला हा सिवपयसंपत्तिपज्जंतं ॥ १८ ॥

उसहचरिण पदमो घणसत्त्ववाहभवो—

अत्थि ब्रलयागारसथिअ-असंखदीवसमुद्देहिं परिवेद्विओ लस्सजोयणपमाणा-  
यामवित्तरो किंचिद्विगतिलक्खपरिहिंसंजुओ जंबुदीवो नाम दीवो । गगासिन्धुप्पमुह-  
महानर्द्धिं भरद्वाइसत्तखेचेहिं हिमंताइ-उवरिसधगेहिं च समलक्रियस्स तस्स मज्झम्मि  
नाभिव्व लस्सजोयणपमाणुच्चो मेहलत्तयनिहूसिओ चत्तालीसजोयणुच्चचूलो जिणचेइ-  
अमडिओ सुवण्णरयणमउओ मेरू बट्टइ । तस्स पच्छिमविदेहेसु सिद्धिपट्टिअं नाम महीमहि-  
लामंडण महापुर आसि । तत्थ महइदीहिं रायमाणो देविदत्तुल्लो धम्मकम्मेषु सइ साव-  
हाणो पसण्णचंदाडिहाणो महाराया होत्था । तम्मिच्चिय नयरंमि धणणामो सत्थमाहो,  
सो सरियाणं सागरुच्च संपयाण ठाणं चिय. तस्स लञ्जो वि मधंरुत्तस पहेव  
अण्णसाहारणा परुयारिकफला, सो उरालया-गहीरिम-धीरिमाइ-गुणपरिओ सव्वाण  
वि सेणजिज्जो आसी ।

घणस्स वसंतपुरनयरगमणे विचारो—

सो एगया गहियमहामंडुगरणो वसतपुरनयरं गंतुं विचारित्था । तओ  
सो धणो सयळे पुरे डिंडिमं तालिऊणं नयरवासिलोगे इअ उजोसित्था । 'इमो  
धणसत्त्ववाहो वसतपुरनयरं गच्छिउत्तइ, जेसि जणाणं तत्थ गंतु इच्छा सिया, ते  
सन्वे अणुणा सह चलंतु । सो य भंडरहियस्स भंडं, अवाहणस्स माहणं, असहेज्जस्स  
सहेज्जं, संनलरहियस्स संनलं दाहिइ । मग्गे वि चोर-सावयाइरूरपाणिगणेहिंतो  
सहगामिअंधवे इव दुव्वळे मंदे य सन्वे पालिस्सइ' । तओ स सुहमुहूत्ते सयव-लठणा-  
कयमंगलो रहे उअविसिऊण पट्टणाओ वाहिरं पट्टाणं कासी । तथा पत्थाणमेरीस-  
इसवणेण वसतपुरनयरगामिणो सन्वे जणा तत्थ समागया ।

धम्मघोसायरियस्स समागमो—

एत्थंतरमि आयरिअणुणगणसमलंक्रिओ धम्मघोसो नाम छरिपुंगवो साहुचरियाए विहरंतो  
धम्मवृएसदाणेण महिं पात्रयंतो सत्थवाहसमीवयुवागओ । धणसत्त्ववाहो वि तवतेयसा  
सहस्सक्रिणमिअ दिपपंतं तं आयरिअयरं पासिऊण ससंभमं उट्ठाअ कयजली तस्स  
पायसरोयं वदिऊण समागमणकारणं पुट्ट, छरिवरेण उच्चं- 'अम्हे तुम्हेहिं समं वसंतपुरनयरं  
समागच्छिउत्तामो' त्ति । त सोच्चा सत्थमाहो आह-हे भयव ! धणो अहं जओ अहिगंतुण  
वदणारिहा तुम्हे अओ अवम्म मम सत्थेण मह समागच्छिउत्तमह एव रुदिऊण

निअस्रअगारे कहेइ—एएसिं आयरिअवरियाणं कए असण—पाणाइयं तुम्हेहिं सइ कायव्वं, एवं सोऊण आयरिआ कर्हिति—‘अम्हाणं मुणीणं नियनिमत्तं कयं कारियं अणुमोइअं च अन्नाइं न कप्पइ, किं च हे सत्थवाह ! सिरिजिणंदसासणे वावी-कूव-तडाग-सरियाइगयं असत्थोवगयं जलंपि वारियं, महुगरवित्तीए आहारगवेसिणो अम्हे, तेण अणेण अलं ।

महुगारसमा बुद्धा, जे भवंति अणिस्सिआ ।

नाणार्पिंडरया दंता, तेण बुच्चंति साहुणो ॥ १ ॥

एत्थंतरंमि केण वि जणेण सत्थवाहस्स पुरओ पक्कअंवफलभरभरियं एगं थालगं ठविअं । तओ पमोअपुलइअमणो सत्थवाहो मुणिंदं कहेइ—हे भयवं ! अमूइं फलाइं गिण्हह, मं च अणुगिण्हित्था । स्ररी कहेइ—असत्थोवहयं एरिसफलाइयं अम्हाणं फासिउं पि न कप्पइ किं पुणो खाइउं ? । समणायारसवणगुणरंजिओ धणो कहेइ—अहो ! दुक्करं समणत्तणपालणं, अम्हारिसेहिं पमायगत्येहिं एगदिवसंपि पालिउं असक्कमेव । तओ सिरिमंताणं जं कप्पणिज्जं तं दाहिस्सं, मइ पसीएह, जहाणुकुलं मए सद्धिं आगच्छिज्जाह एवं वोत्तूण नमिऊण मुणिंदे गमणाय अणुजाणित्था । तओ सत्थवाहो चंचलेहि तुरंगेहिं उट्टेहिं वसहेहिं विविहवाहणेहिं च तुंगेहिं तरंगेहिं सागरुव्व निग्गओ ।

धणेण सह घम्मघोसायरिअस्स नगराओ निग्गमणं—

अह सामणमूलगुणुत्तरगुणगण-समण्णिअ-समणवरेहिं सह आयरिअपुंगवा वि तेण सह चलिआ । सत्थरक्खणत्थं सो धणो सया अग्गओ तस्स य मित्तो माणिभदो पिट्टओ चलेइ, उभयपासाओ विविहसत्थधराऽऽसारोहवरसुहडेहिं रक्खिज्जमाणो सत्थपाणीहिं च आरक्खगणेहिं सव्वओ समंतओ परिवेढिओ वड्ढरंपंजरमज्झठिओ इव स सत्थो पहंमि निग्गच्छित्था । एवं धणो निद्धण-सिरिमंताणं समभावेण जोगं खेमं च कुणंतो सव्वे सह निविग्घेण नेसी । एवं सव्वलोएहिं पसंसिज्जमाणो सो धणो दिणे दिणे रविव्व पयाणं कासी । कईसु पयाणेषु कएसु पहियजणाणं भयंकरो भीसणो अच्चुद्दामो सरोवराणं सरियाणं च पयाइं तणूकुणंतो गिम्हउऊ संजाओ ।

गिम्ह-चासा-उडवणणं—

तेवणोवि वन्दिच्छडुवमं आतवं वितेणेइ । अच्चंतदूसहो पवणो वाइ । तिव्वातवपीलिआ सत्थपहिआ मग्गे पइतरं उवविसंता पैइपवं पवेसं कुणंता पयं पिच्चा पिच्चा भूमीए पलोइंसु । दिणयरस्स तत्तलोहसरिसपयंडकिरणेहिं मयणपिंडुव्व सरीराणि वि विलीणाणि ।

एयारिसगिम्हयाले सत्यजणा पलाम-ताल-हिंताल-नळिणी-कयलीदलेहिं तालअ-टीकएहिं वम्मयं सैमं छिदिंसु । तओ गिम्हयालसस ठिउच्छेय, पनासीणं च गइविच्छेयं कुणंतो मेह्ण्णो वासायालो सपत्तो ।

एणतरंमि वारिवरो वि धारा-सराऽऽसारं कुणतो रक्खसो वि उचास जणितो सत्यपट्टिण्हिं दिट्ठो । सो जलहरो अणायमिव विज्जुं मुहुं मुहुं भमाडतो, बालगे इव पट्टिण्हिं उचासितो मुसलप्पमाणजलधाराहिं वासिउं पउत्तो । जलप्पवाहेहिं पुढवीए सव्वं नीय उच्च च समीकय । मग्गो वि पंरुवहुलेहिं दुग्गमो सजाओ । कोसो वि जोयणाण सयं विअ जाओ । पहिअजणो आजाणुसलग्गनरुद्धमो सणिअं सणिअ चलिउं लग्गो । सयडा वि परुवियडे सुत्ता, ऋहा वि खलियपाया पए पए पडिआ, तथा एणसत्यग्राहो मग्गाणं दुग्गमत्तणं पासित्ता तीए मडाडवीमज्झंमि आवासं काऊण संठिओ ।

अडवीए वामो—

ससमणा सूरिवरा वि माणिभदेण दंसिए जंतुरहियभूमियले उडय-उवस्सए वासं अकरिंसु । तत्य सत्यलोगाणं बहुत्तणओ पाउसनाळस्स य दिग्घत्तणओ सव्वेमि पौहेयं जैवसाइं च सुद्धिअं । तओ ते सत्यजणा तावसा इव कुचेला लुढावाहिआ य कंदमू लाइं साइउं पउत्ता । सत्यवासिजणाणं सरुवं नच्चा माणिभदेण सायंकाळंमि धणसत्यग्राहस्स पुअओ विन्नत्तं ।

सत्यजणदुहेण धणस्स चित्ता सूरिणो य समीवस्मि समागमण—

सत्यलोगदुक्खसत्तणचित्ताउरस्स सत्यवाहस्स रत्तीए निआवि न समागया । रत्तीए चरमे जाममि निम्मलासओ आससालापाहरिओ एअं वट्ठथा—

पत्तजसो णु सन्वत्थ, गओ वि विसमं दसं ।

मामी अम्हाण पालेज्ज, पट्टिवणमहो ! इमो ॥ २ ॥

एयं ओयणिऊण 'मईए सत्ये अरुचंतदुद्धिओ को वि इह अत्यि ? जेणाहं उणालंमिओमिह अणेण' त्ति तेणं विचारिअं, हा !! णायं, अरुय-अकारिय-अणणु-मय-पासुअ-भिग्गामेचुअनीणिओ धम्मपोसायरिअपरिआ मए सट्ट ममागया संति । जे उ रंउमूलफगईणि कयावि न फरिसंति, अहुणा दूहिण सत्ये ते मंनि । तेसि

१ काल्पतीट्ठे । २ धम्म । ३ पायेयम् । ४ वयणादि-वृत्तादि । ५ आरुयं ।

पहंमि जं पओयणं सिया तं अंगीकाऊणं मग्गे सह आणीआ । अज्जच्चिअ ते संइ-  
 पहंमि समागया, जडेण मए किं कयं ? वायामेत्तेण वि अज्ज जाव उइअं न कयं,  
 अज्ज अहं ताणं सूरिपुंगवाणं नियमुहं कहं दंसिस्सं ? तहवि अज्जावि तेसिं वयण-  
 कमलं पासिऊणं नियावराहे पक्खालिस्सं, सव्वत्थ वि निरीहवित्तीणं तेसिं तु किं  
 मए कायव्वं ? एवं चिंतमाणस्स मुणिदंसणे ऊसुगचित्तस्स सूरुदओ संजाओ । सुइ-  
 वत्थविहूसिओ पहाणजणसहिओ धणो सूरिणमुवस्सए समागओ । अब्भंतरे पविसंतो  
 सो पावसमुहस्स मंथणदंडमिव, निव्वुईए पहमिव, धम्मस्स अत्थाणमिव, कल्लाणसं-  
 पयाए हारमिव, सिक्खंखीणं कप्पदुममिव, संघस्स अलंकारमिव, मुत्तिमंतं आगममिव,  
 तित्थयरमिव धम्मघोसमुणिदं पासित्था । तत्थ के वि साहवो ज्ञाणाहीणअप्पाणो, के वि  
 मंडणवइणो, के वि काउस्सग्गे संठिआ, के वि आगमपढणतल्लिच्छा, के वि वायणा-  
 दाणतप्परा, के वि गुरुवंदणसीला. के वि धम्मकहं कुणंता, के वि सुअनाणस्स उइेसगा,  
 के वि सुअस्स अणुण्णादाइणो, के वि तत्ताइं वयंता दिट्ठा । सो धणो आयरिअपायपंकयं  
 पणमित्ता जहक्कमं साहुणो वि वंदेइ । मुणिदो वि तस्स पावपणासणं धम्मलाहं देइ ।

सूरिधणसत्थवाहाणं संलावो—

तओ आयरिअपायकमले रायहंसो इव उवविसित्ता वोत्तुं पारंभेइ—‘भयवं ! तया  
 सहागमणामंतणं कुणंतेण मए निप्फलं चिअ संभमो दंसिओ, जओ ताओ दिणाओ  
 आरब्भ अज्ज जाव न दिट्ठा न य वंदिआ, न य कयावि अण्ण-पाणीअ-वत्थपमु-  
 हेहिं सक्कारिआ, मए मूढेण किं कयं ? जं पूयणिज्जा वि एवं अवमणिआ ।  
 मम इमं पमायायरणं भयवंता ! तुम्हे सहिज्जाह, महापुरिसा पुढिविच्च सव्वंसहा  
 चिय’ । सूरिणो वि आहु—‘अम्हाणं मग्गंमि दुट्ठ-सावय-चोर पमुहेहितो रक्खंतेण  
 तुमए किं न कयं ?, अन्नं च तव एव सत्थजणा पासुअं कप्पणिज्जं उइअं असण-  
 पाणाइं दित्ति, तम्हा अम्हाणं सव्वं सिज्झइ, ऊणया कावि न । तओ हे सुद्धासय !  
 मा विसायं कुणसु’ । सत्थवाहो वोल्लेइ—उत्तमा गुणे च्चिय पासंति, तेण  
 तुम्हेहिं एवं वुच्चइ । अओ नियपमाएण लज्जिओम्हि, किवं ममोवरिं किच्चा साहु  
 अज्ज मज्झ मेहे पेसह, जहेच्छं आहारं देमि । सूरि आह—‘वट्टमाणेण जोगेण’ जारिसा  
 भिक्खा मुणीणं कप्पइ तं तु तुमं जाणेसि । धणो ‘जं चिय उवयरिस्सइ तमेव दाहं’  
 ति वोत्तुणं नमिऊणं निआवासे गओ । इमस्स अणुपयमेव साहु-संघाडओ धणावासे  
 गओ, तया तस्स अगारे दइव्वजोगओ किमवि कप्पणिज्जं न सिया, तत्तो इओ तओ

गवेसमाणो सुद्धनियद्वियमिव घयं पासित्या, 'तुम्हाणं एय कप्पेज्जा' इअ कहिज्जण  
'कप्पिज्ज'ति वयंतस्स साहुस्स पत्तम्मि सच्चं घयं दिण्ण ।

घणस्स घयदाणेण बोहिवीयसंपत्ती—

धण्णोहं कयपुण्णो अह ति चिर्तितो मुणीणं पाए पणमेड । मुणिणो वि सच्चरुल्ला-  
णसिद्धीए सिद्धमंतसमं यम्मलाहं दाऊण तओ निग्गया । एवं घणसत्यवाहेण तया  
घयदाणपहावेण निम्मलयरभाविसुद्धीए सिवतरुवीयसमं सुदुल्लहं बोहिवीअं पत्तं ।

धम्मवएसो—

रयणीए मुणीण उवस्सए गतूण मुणिंदं पणमिता पुरओ उवविट्ठो । तया  
धम्मयोसतरिंदो मेह्णुणिणा देसणं देइ—

धम्मो मंगलमुविकुट्टं, धम्मो सग्गावचग्गओ ।

धम्मो ससारकनारुल्लंघणे मग्गदेसओ ॥ ३ ॥

धम्माओ भूओ होज्जा एव धम्माओ वासुदेवो बलदेवो चक्रवट्टी देवो इंदो अ हवइ,  
धम्माहि गेवेज्जय-अणुत्तरेसु अहमिदत्तण पावेइ, एत्तो किं किं न सिज्झइ ? जओ  
उत्तं—

सग्गो ताण धरंगणे सह्यरा, सच्चा सुहा संपया ।

सोहग्गाइगुणावली विरयए, सच्चंगमालिगणं ॥

संमारो न दुक्कारो सिवसुहं, पत्तं करभोरुहे ।

जे सम्मं जिणधम्मकम्मकरणे, वट्टंति उद्धारया ॥ ४ ॥

सो धम्मो दाण-सील-तव-भाव-भेयाओ चउच्चिहो होइ । तत्थ नाणदाण-  
अभयदाण-उम्मुरग्गहदाणओ दाणधम्मो तिविहो वुत्तो, भच्चजीवाणं धम्मवएसेण नाण-  
साहणदाणेण य नाणदाणं रुदियं । नाणेण जीवो द्वियाद्विय जीवाजीवाइ-नउत्ताइ जाणेइ,  
विरइ च पावेइ, तओ निम्मठं त्रेल्लनाण लद्विज्जणं निहिलओगेसु अणुगिण्हित्ता परमपयं च  
पावेइ । अभयदाणं तु मणयायाकाएहिं करणकारण-अणुमोयणेहिंपि जीवाणं बहवज्जणाओ  
होइ । अभयदाणेण जणो जम्मंतरेसु कंतो दीहाउसो आरग्गवंतो मुरूओ लयण्णवंतो  
दिदसत्तिमंतो य होइ, तओ परओगे सुह इच्छतेण जीवेसु जीवदया कायच्चा । जओ उत्तं—

इक्कस्म कए निअजीविअस्स, बहूआओ जीवकोडीओ ।

दुक्खे ठवंति जे केइ, ताण किं मामयं जीअं ? ॥ ५ ॥

जं आरुग्गमुदग्गमप्पडिहयं, आणेसरत्तं फुडं ।  
 रुवं अप्पडिरुवमुज्जलतरा, कित्ती धणं जुव्वणं ॥  
 दीहं आउ अवंचणो परिअणो, पुत्ता सुपुण्णासया ।  
 तं सव्वं सचराचरंमि वि जए, नृणं दयाए फलं ॥ ६ ॥

धम्मवग्गहदाणं तु दायग-गाहग-देय-काल-भावविमुद्धीए होइ । तत्थ दायग-  
 सुद्धं, नाय-उवज्जिअ-दव्वो नाणवंतो आसंसा-रहिओ अणुतावरहिओ दायगो भवुदहि-  
 तरणत्थं जं देइ तं ।

इमं चित्तं इमं वित्तं, इमं पत्तं निरंतरं ।  
 संजायं जस्स मे सो हं, कयत्थो म्हि त्ति दायगो ॥ ७ ॥

गाहगसुद्धो-सावज्ज जोगविरओ गारवत्तयरहिओ तिगुत्तो पंचसमिइजुत्तो रागदोसव-  
 ज्जिओ निम्ममो अट्टारससहस्ससीलंगधारी नाणदंसणचारित्तधरो समकंचणलेट्टुओ  
 सुहज्जाणट्ठिओ जिइंदियो नाणाविहतवचरणसीलो सतरहविहसंजमधरो अट्टार-  
 सविहवंभचेरधारगो एरिसो गाहगो सुद्धिमंतो जाणियव्वो । देयसुद्धं तु वाया-  
 लीसदोसरहिअं असण-पाण-खाइम-साइम-वत्थ-सेज्जा-संधाराइअं भवेज्जा ।  
 कालसुद्धं-जं किं चि वि काले संजआणं साहूणं दिज्जइ तं पेयं । फलासंसारहिण  
 सद्दाए अ जं अप्पिज्जइ तं भावसुद्धं जाणिअव्वं । देहेण विणा न धम्मो, आहाराइं  
 विणा न देहो तम्हा धम्मवग्गहदाणं निरंतरं कायव्वं । सीलं सावज्जजोगविरइ-  
 रूवं, तं दुविहं देसविरइ-सव्वविरइ-भेअओ । तत्थ देसविरइ तिगुणव्वय-चउसिक्खा-  
 वय-थूलअहिंसाइ-पंचाणुव्वयसरूवहुवालसविहा जाणियव्वा । इयं च देसविरइ जइ-  
 धम्माणुरयाणं सुस्ससाइगुणवंताणं सम-संवेग-निव्वेअ-अणुकंपा-अत्थिक्कलक्खणरूवसम्म-  
 दंसणं पडिवन्नाणं मिच्छत्तरहियाणं साणुबंधकोहुदयवज्जिआणं चरित्तमोहणिज्ज-खओ-  
 वसमेण अगारीणं संजायइ । सव्वओ हिंसाइवज्जणेण सव्वविरइ होइ । सा उ सहावओ  
 मंदकसायाणं संसारसोक्खविरयाणं विणयाइगुणसंजुआणं महापुरिसाणं साहूणं भवेइ ।  
 जं तु किलिठक्कम्मकट्टाणि दहेइ तं तवं वाहिरअव्वंभंतरभेअभिन्नं दुवालसविहं जाणेज्जा,  
 दंसणनाणचरित्तधरेसु अणिच्चला भत्ती, तेसिं कज्जकरणं, सुहिक्किंता, संसारदुगुंछा  
 सा भावणा होज्जा ।

चउद्धा कहिओ धम्मो, नीसीमफलदायगो ।  
 कायव्वो भवभीरुहिं, भव्वेहिं सो सुभावओ ॥ ८ ॥

तओ उम्मुवणस सोच्चा णमत्थवाद्दो रुद्देड्—हे भयं ! अज्ज जाव मज्झ दिणाडं निष्फलाडं गयाडं, अज्ज मे सह्लो दिव्हो संजाओ, जेण ऋयावि अपत्तो जिणदेसिओ धम्मो अज्ज मए संपत्तो इअ कट्ठिऊण अपाण पुण्णत मन्नमाणो निआवासे गओ, परमाणंदनिम्मगो सुअधम्मुरएसत्रिआरणाए रत्ति नेमी । पच्चसकाले मंगलपाढवो सुत्तुट्ठिअस्स तस्स पुरओ संलगहीरमहुरसदेण पढेड—‘वससायहरा पाउसच्च रयणी गया, तेयाभिमुहो भाणू संजाओ, सरयकालो इव नराणं वससायवयंसो पभायकालो त्रियं-भेइ, दिणयरकरिणेहिं सुअरुपंका मग्गा सुगमणा जाया । एयंमि कालमि वससायसालिणो सत्थजणा देसंतराडं गंतुं तुवरिति’, इअ तस्स णयणं सोच्चा, ‘अणेण पयाणसमओ जाणाविओ’ ति धणसत्थवाद्दो नच्चा पयाणभेरिं वाएड । तओ पयाणद्वक्कासच्चसणणेण सत्थजणा निअनिअवाहणेहिं चलिउं लग्गा । धम्मप्रोसमुणिवईं वि मुणिवुद्धपरिवरिओ विहरिउ पउत्तो । धणमत्थवाद्दो वि सच्चओ समंता सत्थपरारक्खगपुरिसेहिं रक्खिअज्ज-माणो निग्गओ । ऋमेण महाभयाणगाडविं अण्णिवेण समुत्तिण्णे समाणे मुणिदा वि सत्थवईं अणुजाणावित्ता अन्नओ विहरिउं लग्गा । जओ—

समणाणं सजणाण, भमरकुलाण च गोकुलाण च ।

अनिआओ वसईओ, सारइयाणं च मेहाणं ॥ ९ ॥

धणस्स वसंतपुरनयरे आगमणं—

सत्थवाद्दो वि निरुवइवेण गच्छंतो ऋमेण वसंतपुरनयरं सपत्तो । तत्थ निय-  
ऋयाणगाइं त्रिविक्कणंतो पडिऋयाणगाणि अ गिण्हओ भूरिसमिद्धिमंतो संजाओ । तओ  
धणो गामाणुगाम वियरंतो निअभंडाणि विक्कणंतो नपाड च गिण्हंतो ऋमेण निय-  
नयरंमि समागओ । रण्णा वि वहुं मण्णिओ सो धणसत्थवाद्दो नयरसेट्ठिपयं संपत्तो  
लोगाणं च त्रिसमरुज्जेसु पुच्छणिज्जो वीसासारिहो अ जाओ । सो धणसत्थवाद्दो  
ऋमेण पुण्णाउसो—

वगस्स जुपालिधनरत्तगेण समुप्पत्ती— (पढमो भवो समत्तो ॥ १ ॥)

मुणिदाणपढावेण एयमि जवूदीरंमि सीयामहानईए उत्तरतडंमि उत्तरकुरु-  
नामस्सित्तंमि जुगअधम्मणेण समुप्पण्णो । तत्थ ठिआ जणा अट्ठमत्तपज्जंतो आहारा  
भियासिणा जुगअरूवा कोसत्तिगुच्चा त्तिपल्लवमाउसा पज्जंतसमयपससा मदकसाया  
ममत्तरहिआ एग्गणपन्नासं दिणाड अंणच्चजुगल पालित्ता पज्जते मरण लहिता सुरेसुं  
ते उववज्जिरे । उत्तरकुराए भूमीओ सटावओ रमणिज्जाओ संति, मज्जंगपमड्-



दसविह्वकृष्णतरुणो जुगलमणूसाणं सइ वंछिआइं अट्टाईं दिनि । जओ उतं—

उत्तरकुराए प्यतरवो —

मज्जंगकृष्णमुहा तत्थ, दसहा कृष्णपायथा ।

मणुभाणमजत्तेण, सइ अप्पिंति वंछिअं ॥ १० ॥

तत्थ मज्जंगकृष्णरुक्खा सोहणं साउतरं मज्जं १, भिगतरो भायणं २, तुरि-  
अंगा विविहलयजुत्ताइं वज्जाइं समप्पिंति ३ । दीवसिहा जोइसिआ य अच्चव्भुअं  
उज्जोअं कुणंति ४-५ । चित्तंगा पुप्फाईं मल्लाईं च ६ । चित्तरसा भोज्जं ७, मणि-  
अंगा भूसणाईं ८, गेहागारा घराईं ९, अणगिणकृष्णतरुणो दिव्वाइं वत्थाइं दिंति १० ॥  
अणो वि कृष्णतरवो तत्थ मणवंछिअदायगा संति । सो धणजीवो कृष्णतरु  
संपन्नरायलभोगो देवो इव पंचिंदियविसयसुहाइं भुंजंतो सुहेण कालं विणेसी । तओ  
सो धणजीवो निअं जुगलधम्माउसं पालित्ता पुव्वजम्मदिण्णसुपत्तदाणाणुभावओ  
सोहम्मकृष्णे सुरो होत्था ।

सोहम्मकृष्णे उप्पाओ—

वीओ जुगलिअभवो तइओ अ सुरभवो समत्तो ॥ २-३ ॥

चउत्थो महाबलभवो—

अह सो धणजीवो सोहम्मकृष्णाओ चविऊण पच्छिमविदेहेसुं गंधिलावईए विजए वैअ-  
इद्वपव्वए शंधारनामजगवए मंधसमिद्धपुरे विजजाहरपइणो सयवलस्स रण्णो चंद्रकंताभज्जाए  
पुत्तत्तेण समुप्पन्नो । सयवलस्स रण्णो पुत्तो महाबलो जाओ, वलेण नामेण य सो महाबलो  
संजाओ । रक्खगपुरिसेहिं रक्खिज्जमाणो मायपियरेहिं च लालिज्जमाणो क्रमेण सो बुद्धिं  
पत्तो । कलानिहिंव्व सणियं सणियं समग्गकलासंपुण्णो जणाणं नयणाणंदयरो महाभागो  
होत्था । स समयहिण्णू समए मायपिऊणं आएसाओ मुत्तं विणयसिरिमिव विणय-  
वइं कन्नं परिणेंसु । अह सो कामिणीजणकम्मणं रइलीलावणं जोव्वणं पत्तो । एगया  
सयवलो विजजाहरवई निम्मलबुद्धी महासत्तिमंतो तत्तजाणगो इमं चित्तित्था—

उत्तमा अप्पचित्ता सा, कामचित्ता उ मज्झिमा ।

अहमा अत्थचित्ता सा, परचित्ता ऽहमाहमा ॥ ११ ॥

सयवलस्स वैरग्गं

दुवालसदारेहिं मलसाविणी काया निम्मलाहार-वत्थाहूसणेहिं वारंवारं सकारिआ  
वि खलुव्वं विक्किअं पावेइ न कंप्पि गुणमावहेइ । सरीराओ बाहिरनिग्गय-मल-मुत्त-

सिलिम्हेहि दुर्गण्डणा जइ जायइ तथा देहंतगएहिं तेहिं किं न ?। एयंमि देहे  
अन्वतधीहणगरारिणो 'अयंहे सप्पा इव रोमा समुच्चवंति ।

रुचमसासयमेव, चिञ्जुल्लयाचंचलं च जण जीअं ।

मद्धानुरागसरिसं, खणम्मणिज्ज च ताण्ण ॥ १० ॥

जीअं जलचिंदुसम, संपत्तीओ तरगलोलाओ ।

मुमिणयमम च पिम्मं, जं जाणसु न करिञ्जसासु ॥ १३ ॥

सरीरतद्विभो वि अप्पा सव्वया कामकोहाइतावेहिं ताविज्जइ, परिणाम-  
रुद्धफलदायगविसएणु सुह मन्नमाणो असुइमज्जद्विअकीडगुच्च मणयपि अहो !! न  
निरज्जइ, कामभोगोऽऽनत्तमणो अंधो कूमिअ पायग्गओ ठिअं मच्चुं न पासइ, विस-  
सनिह-विसएसु गिद्धो अप्पा अप्पणो हिआय न पयट्टं धम्माइचऊयु, अणाइका-  
ऽन्मासाओ पावसरुवअत्थकामेसु पयट्टेज्जा, न पुणो धम्ममोक्खेसु । अपारे भवजल-  
हिमि महारयणामिव पाणिगणणं अइव दुद्ध मणुअत्तण, तंमि लद्धं वि पुष्पजोगओ  
जिणीसरो देवो, सुसाहो गुरवो, जिणंदपणीओ अ धम्मो पाविज्जंति, तओ एएसु  
पत्तेसु पमाओ न कायव्वो । जओ उत्तं—

पाविअ दुल्लहलंभ, चिञ्जुल्लयाचंचलं च मणुअत्तं ।

धम्ममि जो विसीयट्टं, सो काउरिमो न सप्पुरिमो ॥ १४ ॥

तम्हा एयमि महाअलकुमारंमि रज्जभार समारोपित्ता अप्पणो समीहियं कुणेमो  
एअ विआरित्ता रज्जभाहणहेयवे विणयसंपणं महाअलकुमारं षोड्ढाविज्जण रज्ज-  
दाणाय वोहित्था, सो अणिउत्तो पिउआणाए रज्जभार चेत्तुं अणुमणित्था ।

महाबलो राया जाओ सयअलस्स य दिग्खा—

तओ सो सयअलनरिंदो सीहासगम्मि महाअलं उवविमायित्ता निअहत्थेण तिलगमंगल  
काही । तेण सो बुइसोयरं तिणा चट्ठणतिलएण इंदुणा उदयगिरिव्व सोहीअ । तम्म अभि-  
संयसमए चंदुदए समुओ इअ मंगअइंदुदुही मव्वदिमाओ गज्जगिरिती पाइत्था । सअओ  
मत्तिमामतपमुत्तरपुरिसेहिं समागतुण बीओ मयअलनरिंदुव्व सो महाअलनरिंदो सविणयं  
पणमिओ । एअ सयअलमहीरइ रज्जम्मि पुत्तं निवेमित्ता तओ शीणाणाहारणं दाणं  
दाउण नरअइयमामअपुच्चय जुगएदाणगुणगगधारगाइरिआं मनिगामे निरसतो ।

सो रायरिसी केरिसो जाओ ?—

मिउमह्वसंपन्ने, गम्भीरो सुसमाहिओ ।

बिहरइ महिं महप्पा, सीलभूएण अप्पणा ॥ १५ ॥

एवं सो मुणिवरो गहणासेवणसिक्खाए गुरुवराण पासंमि रयणत्तयं अब्भसंतो सव्वत्थ समचित्तं भावितो, जिइंदिओ कोहाइअरिगणं जिणंतो, 'अज्झप्पविसोहि-जुत्तो सत्थपारगो समिइगुत्तिजुत्तो दूसहपरीसहे अहिसदंतो मेत्ती-पमोय-कारुण-मज्झत्य भावणादिण्णचित्तो परमपए इव अमंदाणंदरससागरनिमग्गो संजमाराहणसीलो संजाओ, एवं कप्पेण रायरिसी महप्पा ज्ञाणेण तवसा य निम्मलचारित्तं आराहिज्जण अंते अणसणेण निआउं सम्मं अइवाहित्ता सग्गसंपयं संपत्तो ।

अह सो महाबलनरिंदो सबलाणेगखेअरवुंदेहिं परिवरिओ इंदो इव अखंडसासणो पुढविं पसासेइ । स रमणिज्जरमणीपरिअरिओ पसणचित्तो रम्मारासणीसु कमलिणी-वणखंडेसु रायहंसो इव कया कीलेइ, अग्गओ पासओ पच्छा नारीगणपरिवेढिओ सो सक्खं मुत्तिमंतो सिंगाररसो इव कया दीसइ, एवं केवलं विसयकीलासत्तचित्तस्स तस्स धम्मविमुहस्स निष्फलाइं दिणाइं जंति । एगया सा महाराओ अवरमणि-सयथंअसरिसागेगामच्च-सामन्तप्पमुहविसिट्ठजणविराइअसहाए उवविट्ठो होत्था । तथा रण्णो पहाणमन्तिवरा सयंबुद्धो संभिन्नमई सयमई महामई अ नरिंदं पणमित्ता जोगिणो इव महीवइदिण्णेगचित्ता सहामज्झे नियनियासणम्मि उवविट्ठा संति । तत्थ सम्मदिट्ठी सयंबुद्धो जो निअसामिभत्तिवच्छलो कल्लाणमित्तो बुद्धिरयणरोहणायलुव्व आसी । जओ—

जोएइ थ जो धम्मे, जीवं विविहेण केणइ नएण ।

संसार-चारगगयं, सो नणु कल्लाणमित्तो त्ति ॥१६॥

सयंबुद्धिसंतिचित्तणं, महाबलं च पइ उवएसो—

सो केवलकामभोगासत्तं नरवइं ददूण विचितेइ—अम्हाणं सामी दुइंतइंदिएहिं विसयासत्तो पासमाणेसु अम्हेसु हरिज्जइ, तओ तं उविकखमाण्णं अम्हाणं धिद्धी ? ? । विसयाणंदमग्गचित्ताणं धम्मकम्मविहीणाणं अम्हाणं सामीणं निरत्थयं जम्मं गच्छइ त्ति मे मणो तम्मेइ । जइ अम्हेहि एसो धम्मसम्मुहो न करिज्जइ तथा अम्हाणं नम्म-

मतीण च किं अतरं होज्जा ? । तओ कइं पि अम्हेहिं नरिंदो द्विअपहंसि नेयव्वो,  
कया वि सामिवसणजीविणो एए दुद्धमंतिणो मं निदिस्सट्ठ अणेण किं मम ? एवं  
विआरित्ता सच्चमतिपहाणयमो सो सयंबुद्धो मंती रउयंजली रायाण विण्णवेड—हे महाराय !  
ससारमि समुद्धो नदीजलेहिं, वडवाणलो समुद्धजलेहिं, जमो जंतहिं, अग्गी इंध-  
णेहिं न तिप्पइ, तहा जीयो वि पंचिदियविसयसुहेहिं कया वि किं तिचि पावेड ? ।

अधिराण चंचलाण य, खणमित्तसुद्धकराण पावाण ।  
दुग्गइनिघघणाणं, विरमसु एआण भोगाणं ॥ १७ ॥  
सल्ल कामा विसं कामा, कामा आसीवीसोवमा ।  
कामे पत्थेअमाणा, अकामा जंति दुग्गइ ॥ १८ ॥  
तिलमित्तं विसयसुहं, दुहं च गिरिरायसिगतुंगयर ।  
भवकोडीहिं न निट्ठइ, जं जाणसु तं करिज्जासु ॥ १९ ॥  
मयणेण मएणेव, जणो परवसीकओ ।  
सयायारपहभट्ठो, पंडए च्च भवावडे ॥ २० ॥

विसयपल्लीओ इव इत्थीओ दसणेण फासणेण उवभोगेण य अत्तं वामोहाय  
च्चिअ जायन्ते । अणं च एए नम्मसुद्धिआ खाण—पाणिक्कदिण्णचित्ता सामिणो  
परलोगहिय न चित्तिरे, अहो ! दुज्जणा नियत्यसाहणपरा, कुटीणाणं दुज्जणससग्गाओ  
अन्धुदओ कुओ होज्जा ? , जओ बोरीतरुसनिहिंमि कयली कयामि किं नदइ ? ।  
तओ हे सामि ! पसीअसु, सयं विउसो असि, विमूढो मा भयाहि, वसणासत्ति परि-  
चइत्ता धम्ममि मणं ठविज्जाहि । जओ उत्तं—

नरनरचइदेवाणं, जं सोक्ख सव्वुत्तम लोण ।  
तं धम्मेण विट्ठप्पइ, तम्हा धम्म सया कुणसु ॥२१॥  
जाणइ जणो मरिज्जइ, पेउठइ लोओ मरतयं अन्नं ।  
न य कोइ जण अमरो, कइ तइ चि अणायरो धम्मे ॥२२॥  
धम्मो घघू सुमित्तो य, धम्मो य परमो गुह ।  
सुक्खमग्गपघट्टाण, धम्मो परमसट्ठणो ॥२३॥

जहा देवहीणं चेउअं, चंद्रहिआ रयणी, अचारित्तेण जटं, नयणहीणं सुद्धमि  
निद्धम्मो नरो न सोहइ । अहियं किं पुच्चइ ? , धम्मेणेय नरा मग्गे दिविंदाइयुं

पविसंतो निअपुत्तो मणिमाली पुव्वजम्मजाइसरणाओ अयं मे पुत्तुत्ति उवलक्खिओ,  
 पसंतागिइं दंसितो सो अयगरो ससिणेहो मुत्तिमंतो पुव्वजम्मनिअयंधू इव को वि  
 एसो त्ति मणिमालिणा जाणिओ । तओ मणिमालिनरिंदो कासइ ओहिनाणसंपन्न-  
 महामुणिवरस्स समीवाओ तं नियं पियरं नच्चा, तस्स पुरओ उवविसित्ताणं जिणिंदभा-  
 सिअं धम्मं कहित्था । तओ सो अयगरो अरिहंतधम्मं पावित्ता अणसणं च अंगि-  
 क्किच्च सुहज्जाणपरो मरिऊण देवलोगं गओ । पुत्तनेहेण सग्गाओ आगंतूण स देवो  
 दिव्वमुत्ताहलमंडिअं हारं अप्पित्था, सो हारो अज्जावि तुज्झ हियए अत्थि । हरिचं-  
 दनरिंदवंसम्मि तुमं सुवुद्धिमंतिस्स य वंसम्मि अहं जाओ, तओ कमागयनेहभावाओ  
 धम्मो तुमं पवट्ठिज्जसि । जं तु अयंडे विण्णत्ती किज्जए तत्थ कारणं सुणिज्जउ ।  
 सयंबुद्धस्स अस्सए उवएसस्स कारणं—

जं अज्ज नंदणवणम्मि जगभावपयासगे महामोहतमच्छेदगे एगत्थ मिलिए निसागर-  
 दिवागरे इव दुवे चारणसमणमुणिणो पासित्था । नाणातिसयसोहिल्ला भव्वजीवाणं  
 देसणं कुणंता ते दुणिण मुणिवरा समए तुम्हकेराउसपमाणं मए पुट्ठा । तेहिं तुम्हाणं  
 मासमेत्तं आउं निवेइअं, एएण कारणेण धम्माय अज्ज महाराय ! तुवरेमि । महा-  
 वलनरिंदो अप्पं नियाउसं सोच्चा वएइ—सयंबुद्ध ! बुद्धिनिहाण ! तुमं चिय मम एगो  
 वंधू असि, जं तु मम कज्जदंठं एवं तम्मेसि । विसयपसत्तं मोहनिदाए निदाळुं मं  
 सासेहि, किं आराहेमि ? । मए अप्पम्मि आउसम्मि अहुणा कियंतो धम्मो साह-  
 णिज्जो, 'केरिसं कूवखणणं सज्जो लग्गे पलीवणे' । सयंबुद्धो एवं कहेइ—मा विसीअसु,  
 धीरिमं धरेसु, परलोगिक्कमित्तं जइधम्मं अंगीकुणसु ।

एगदिवसं पि जीवो, पव्वज्जमुवागओ अणणमणो ।

जइवि न पावइ मोक्खं, अवस्सं वेमाणिओ होइ ॥२६॥

महावलनरिंदस्स दिक्खा अणसणं च—

'आसं'ति वोत्तूणं नियरज्जे नियपुत्तं ठविऊण महावलनरिंदो दीणाणाहजणाणं  
 तारिसं दाणं दासो, जहा न को वि धणरहिओ आसी । अवरो इंदो इव स सव्व-  
 चेइएसु विचित्तवत्थ—माणिककसुवण्णकुसुमेहि पूअं अट्टाहियामहसवपुव्वं अकासी, तओ  
 सयणं परिवारं च खमिऊण आयरिअपायकमले सुक्खसिरिसहिं पव्वज्जं गिणहेइ,  
 विसुद्धीए पवट्ठमाणमणो सो सव्वसावज्जजोगविरईए समं चिय चउव्विहाहारं पच्च-

क्खाणं समायरेड । तओ निरतर समाहिपेऊसदहमगो भोज्जाइं भुंजन्तो इप पेज्जाइं  
पिवत्तो इप स अरुणीणदेहतेओ महासत्तसिरोमणी मणयं पि गिलाणं न पत्तो, एए सुस-  
माहिओ पंचपरमिट्टिनमुक्कारं सुमरंतो वारीसदिणाड अणसणं काऊणं ईसाणदेवलोगे सिरि-  
प्पहविमाणे सयणिज्जसपुडम्मि वारियरगव्हे विज्जुपुंजो इप समुप्पन्नो ।

चउत्थो महावलभवो समत्तो ।



पंचमो ललियंगदेवभवो—

ललियंगदेवो तस्स थ समिद्धी—

दिन्वागिई सुसठाणो, सत्तधाउज्झिअगओ ।

सिरीससुउमालंगो, कंतिकतदिगंतरो ॥२७॥

वज्जकाओ महोसाहो, पुण्णलक्खगलक्खिओ ।

कामरुवो ओहिनाणी, सव्वविन्नाणपारगो ॥२८॥

अणिमाइणुणोवेओ निदोसो अचित्तिणज्जवेभरो सो ललियगुत्ति जदट्टनामेण  
पसिद्धो जाओ, जेण पाएसु रयणरूढगा, कडीतडम्मि रुडिसुत्तं, हत्येसु कंरुणजुगल,  
धुएसुं अगयजुम्मं पच्छम्मि हारलट्टी, कंठे गेवेज्जय, मुद्दाणंमि माला किरिडो अ इच्चा-  
इभूसगवुंदं दिन्वाइं च वसणाइं तस्स सव्वंगभूसणं जोव्वणेण सह जायइ । मगलपाढगा  
'जय जय जगदाणंदो' ति पढिउ लग्गा । अह सो सुत्त-उट्टिओ इव सव्वओ  
पासंतो विंतेइ—'किं इंद्यालं ? किं सित्रिणो ? किं माया ? किमिअ एरिस ?, किं एयं  
गीयनिच्चाइ म उदिसिऊग पयट्टइ, अयं लोगो विणीओ मम नाहाय किं चिट्टइ ? इयं  
सिरिसंतं रम्मं कल्लाणसयणं केण कम्मणेण अहं पावित्था' इअ विचारंतं तं सुक्कोमलाए  
गिराए रुयजली पडिहारो विण्णवेइ—हे नाह ! अम्हे अज्ज वण्णा रुयपुण्णा थ, जेण तुमए  
सामिणा सणाहा जाया, पेऊससरिसदिट्ठीए विणमिरेसु अम्हासु पसायं कुणाहि, हे सामि !  
ईसाणरूपो एसो जहासंरुप्पिअ पयायगो अणप्प-अरुणीण सिरिओ सया सुहनिहाण  
सिजा, एयंमि देवलोगे तुमए पउरपुण्णेण उवज्जिअं सिरिप्पह इमं प्रिमाण साः  
अहुणा अंरुणेसि । अमी तुम्हाणं सहामंडणं सामाणिआ सुरा, एए तायत्तीसगा देवा  
गुरूपयठाणभूआ, एए अमरा पारिसज्जा लीलाविलासगोटीधुं त्रिणोअदाइणो, एए देवा  
संरम्मिआ त्रिविहसत्थारिणो सामिरक्खामहादक्खा अप्परक्खगा, अमी लोम-  
पाला पुररक्खाहिसारिणो, एए सेणावइणो अणीगपुरधरा, उमे पडण्णगसुरा  
पउरजाणपथमरिसा, सव्वे एए सुरा मत्थयम्मि तुव आणं धरिस्सन्ति, एए  
मणप्पमापजगगा रयणनिम्मिआ पासाया, एआओ मोवग्गत्तमज्जगराओ रयण-

धम्मो आयरणिज्जो 'वालत्तणे विज्जाए अब्भासो कायव्वो, जोव्वणे य विपयभोगा भोत्तवा, बुद्धत्तणम्मि अ मुणित्तणं कायव्वं' ति कामभोगजोगजुव्वत्तणं ऋद्धुणं को तस्स उइअं उवेक्खेज्जा, तुमए अवसरं विणा धम्मवएसो कओ, 'वीणाए वाइज्जमाणीए वेय-उग्गालो किं विरायइ ?' धम्मस्स फलं सग्गइआइं तं संदिद्धं चिअ, तओ इहभविग-विसय सुहाऽऽसायरसं असमए किं निसेहसि ? ।

सयंबुद्धमंतिकहिओ नरिंदस्स पियामहअह्वलवुत्तंतो—

अह सयंबुद्धो कयंजली विण्णवेइ—आवस्सयकरणिज्जधम्मफलंमि अण्णहा न संकित्था, एगया नरवर ! वालत्तणे अम्हे नंदणवणम्मि गया, तथा तत्थ अच्चंतसुंदररुव्वधरं एगं सुरवरं पासित्था किवासीलो सो देवो तथा एवमाह—हे निव ! तव अहं अइवलो नाम पिआमहो अम्हि, संसारभयविरत्तमणो तिणमिव रज्जसिरिं चइत्ता पवज्जमुत्तागओ, निम्मलयरचारित्तराहणेण अंते अणसणं गहिज्जण लंतगदेवलोगे तस्स अहिवो अहं जाओ 'तुमए वि धम्मकज्जंमि पमाओ न कायव्वो' इअ वोत्तूण पयासिआगासो विज्जुव्व सो तिरोहिओ आसि । तओ पच्चक्खे वि पमाणंतरकप्पणाए किं ?, अओ महाराय ! पियामहस्स वयणं सुमरंतो 'परलोगो अत्थि' इअ मण्णसु । नरिंदोवि वोल्लेइ—मंतिवर ! जं तुमए पियामहस्स वयणं सारिओ तं सोहणं कयं, अहुणा हं धम्माधम्मनिबंधणं पर-लोगं मण्णेम्मि । अह अण्णाणतमतइविणासणभक्खरसमो सो मंतिवरो समयं लद्धुणं सा-णंदं वोत्तुं पारंभेइ—

हे नरीसर ! पुरा तुम्ह वंसम्मि कुरुचंदो नाम नरिंदो होत्था, तस्स भज्जा कुरुमई, हरिचन्दो नाम पुत्तो । स निवई सुंगयभत्तो महारंभमहापरिग्गहेसु सया रओ, जो कयंतुव्व सव्वया पाणिहिंसाइ—निंदणिज्जाऽणज्जकज्जेसु निहओ होसी । पंचेदियविसयसुहाइं एगंतं भुंजंतस्स धम्मविमुहस्स तस्स अंतिमस-मए आसण्णनरगदुक्खव्वेण्णिगामेत्तसंनिहो सत्तधाउप्पकोवो संजाओ, जेण तस्स सुउमा-लतूलसेज्जा कंटगसेज्जा इव दुहदाइणी जाया, साउसुरसअसणाइंपि लिंवरसुव्व विर-साणि अ जायाइ, चंदणागरुकूपूरकत्थूरीपमुहसुगंधपयत्थाइंपि दुग्गंधसरिसाईं होहीअ, भज्जापुत्तमित्ताइ-परिवारजणा य सत्तुव्व चक्खूणं उव्वेगजणगा होत्था, अहवा पुण्णक्खए सव्वं विवरीयत्तणं जायइ । तथा कुरुमई हरिचंदो अ तं नरिंदं पच्छण्णं

आणंददायगमुहेयानिसयउवयारेहिं पडिजागरित्या । कास-सास-स्रलजराइचाहिवाहियो  
 पच्वंगं इंगालेहिं चुंविज्जमाणो इय दाहविभ्रलो रउइज्जाणपरो स भूई मरणं पत्तो ।  
 तओ तस्स पुत्तो हरिचंदो तस्स उद्धदेहियं किच्चा सयायारपहासत्तो नायपुरस्सर  
 रज्जं पालेउं लभो । सो राया एत्थ वि पावफलं निअपिउणो अचंचंतदुक्खनित्रंणं  
 मरण ददृण्ण गहेयुं सरमिा पुरिसद्वेयुं धम्मं चिअ पसंसित्था । अणया सो निअवा-  
 लमित्तं सागगं सुवुद्धिमंतिअर रुहित्या, 'तुमए पउडिणं धम्मसत्थपिउसेहिंतो धम्म  
 सोच्चा मम सो रुहिअवो' एयं सुणिऊण सुवुद्धी मंती निच्चं निअपण्णाऽणुसारेण  
 रणो पुरओ जिणिंदपणीअयम्मं रुद्धिउं तपर्रो जाओ, 'जओ अणुल्लपपत्तणं सज्ज-  
 णाणं ऊसाहकारणं होज्जा' एयं सुवुद्धिरुद्धिअं यम्मं सुणमाणो रोगभीओ ओसहमिव  
 पावभीओ तं सदीअ । अगया नयराओ वाहिरं उज्जाणमज्जम्मि सीलंपरमुणिस्स  
 उप्पणे केवलनाणे तस्स महूसरं काउं देवा समागया । सुवुद्धिणा एयंमि वुत्तंते कहिए  
 सद्दातरंगिअमाणसो आसारुद्धो सो राया त मुणिंदं उयागओ, तं पणमित्ता उअविद्वे  
 नरिंदे स केवलनाणी महामुणी अन्नाणतमहरणि धम्मदेसण अकासी । देसणंते स भूई  
 रुयंजओ तं मुणिंदं पुच्छित्था-हे अयं ! मम पिआ मरिऊण कं गइं पत्तो ? । जह सो  
 केवलपरो वयासी-महाराय ! तअ पिआ तिव्वपावुदण अंते बहुदुक्खं अणुअपिऊण  
 सत्तमिं नरगापणिं गओ । तारिमाणं महाओरकम्माण न अन्नं ठाणं सिआ । त सोच्चा  
 संजायसवेगो स महीवई मुणिंदं पणमित्ऊण उट्ठाय नयरम्मि समागओ । पुत्तस्स रज्जं  
 दाऊणं सुवुद्धिं मत्ति आह-हे मतिअर ! उ पव्वज्जं गिण्हिस्स । तुमं मम इय मज्ज  
 पुत्ते वि जिणिंदयम्म सइ उअदिसाहि । सो वि आह-हे नरिंद ! अहंपि तुमए सह  
 पव्वइस्सं, मम पुत्तो तुमहाणं पुत्तम्म अगओ यम्मं कहिस्सइ । तओ ते राय-मतिणो  
 कम्मगिरिभेयणकुलिपमरिस महव्वयं गिण्हित्था, निम्मलयरविमुद्धीए उग्गतवसा किलि-  
 द्ढरुम्माऽ खवित्ता केवलनाणं लद्धुणं सिअं पत्ता ।

दहगनरिंदपुत्ततो-

अवरं च तुमहाण पंसे पुरा पयडसासगो डंटगो नाम पत्थियो अहेत्ति । तस्स  
 पुत्तो मणिमात्ती नाम जयम्मि चिअयाओ सजाओ । सो नरिंदो पुत्तमित्तकउत्तेयु सुवप्प-  
 मणि-रयण-रययणोसु च अचंचंतमुत्तपंतो अभू । काळक्रमेण अट्टज्जाणपरो सो निओ  
 मन्नु पात्रिअ नियभंडागारे अयगरत्तणेण मधुअवन्नो । तत्थ टिओ दाग्णमरुओ मच्च  
 भविस्सहेआसण इय उट्ठित्तो जो जो भटागार पणेमइ, त त गमेइ । एगया भंडागार

१ इत्ताण - अमि ।



मईओ वावीओ, इमे कीलणगगिरिणो रयणकंचणसिहरा, सच्छजलाओ एआओ कीलान-  
ईओ, इमाणि कीलोज्जागाणि निच्चपुष्कफळाणि, एयं सहावरं सुवण्णमाणिककनिम्मिअं,  
एयाइं सव्वाइं तव चित्ताइं हरिस्संति । एआओ चामराऽऽयंसंतालिअंटहत्थाओ वार  
जुवईओ तुमं सइ सेविस्संति । अयं गंधव्वगो चउव्विहाऽऽउज्जवायणचउरो तव पुरओ  
संगीयट्ठं सज्जो संचिट्ठइ । तओ सो ओहिनाणेण पुव्वं जम्मं सुमरेइ-सयंबुद्धेण  
मंतिणा धम्मभित्तेणं जिणिंश्चधम्मं विवोहिओ सो हं विज्जाहरपई, तथा पव्वज्जं पडि-  
वण्णो तयच्चिअ अगसणं कासी, तओ संजमाराहणकळं मए इमं पत्तं । 'अहो धम्मस्स  
वइभवं' ति सुमरिउण सयणिज्जाओ उट्ठाय सिंघासणं अलंकरेइ ॥

### ललियंगदेवस्स जिणपडिमा-दाढापूअणं--

तओ देवेहिं रज्जाभिसेएण अहिसित्तो चामरेहिं च वीइओ गंधव्वेहिं अहिगीओ  
सो समुत्थाय भत्तिपुण्णमाणसो सासयजिणचेइए गंतूण जिणपडिमाओ समच्चेइ, देवेहिं  
गीयमंगले किज्जमाणे विविहथोत्तेहिं जिणाहीसं थुणेइ, तओ नाणदीवगाइं पोत्थयाइं  
वाएइ, तओ माणवथंभट्टिआओ जिणीसराणं दाढाओ पूएइ ।

### तस्स सयंपहा महादेवी--

अह पुण्णेदुसरिसदिव्वाऽऽयवत्तेण<sup>१</sup>रेहिरो स लीलाघरं गओ, तत्थ सहस्ससो अच्छ-  
रागणेहिं परिओ परिवरिअं सयंपहं नाम देविं पासेइ । नेहाइसयजुत्ताए कयव्वुट्ठाणाए  
तीए सह जोव्वणवयउइअविविहविसयभोगे भुंजंतो निरन्तरनेहो बहुकालं गमेइ ।  
आउस्स कम्मस्स खणभंगुरत्तणेण सा सयंपहादेवी तरुत्तो दलमिअ सग्गाओ चुआ । तओ  
कुलिसेण ताडिओ इव स ललियंगदेवो पियाचवणदुक्खेण मुच्छं गओ । पुणो लद्ध-  
चेयणो पडिसदेहिं सिरिपहविमाणं विलावंतो वारंवारं विलविउं लग्गो, उववणे  
वावीए कीलासेले नन्दणवणे अ कत्थ वि पीइं न पावेइ, हा पिए ! हा पिए !  
कत्थ तुमं असि, कत्थ तुमं असि, एवं विलवंतो एसो जगं सयंपहामइअं पासंतो  
सव्वओ भमिउं लग्गो ।

### सयंबुद्धो ईसाणकप्पे द्ढधम्मो देवो जाओ--

इओ अ सो सयंबुद्धो मंती सामिसरणुप्पणवेरग्गमावण्णो सिरिसिद्धा-  
यरिअसमीवम्मि गहिअदिव्वो सुदीहकालं संजमं पालित्ताणं ईसाणकप्पे दिढधम्मो नाम

इदसामणिओ सुरो होत्या । सो य पुत्रभरसंधाओ नेहवंधुरो वंशु इव त ललित्यंगं  
आसासिउं इमं वयण ववेइ-भो महासत्तसालि ! महिलामेत्तनिमित्तं किं मुज्झसि ?,  
'धीरा पाणंते वि एरिसिं अत्थं न हि पाविरे' । ललित्यंगो वि आह-चधु ! किं  
बुच्चइ-जेण सुदूसहो उ पिआविरहो, पाणते सुसहो भवे, मसारम्मि सारगळोयणा  
एग च्चिअ णणु सारं, जं विणा णण एरिसीओ वि सब्बसंपयाओ असार गणिज्जंति ।  
एयम्म वयणं सोच्चा तस्स दुक्खेण दुद्धिओ सो वि इंदसामणिअसुरो दिदधम्मो ओहिना-  
णेण उअओमं दाऊण इमीए सख्य नच्चा ववेइ-महाभाग ! मा विसीआदि, अहुणा  
सत्थो भग्गु, मग्गनाणेग मए तुव पागप्पिआ लद्धा अत्थि, सुणसु ।

### निन्नामिगा—

महीयळे धायइसडस्स पुव्वविदेहे नदिगामे नागिलो नाम दरिदो गिदवई अत्थि । नि-  
विडपावोदयाओ उयरपूरणाय नयरे पेओ इव सया, भंमंतो क्किपि अलडतो खुद्धिओ तिसिओ  
अ सयइ, तारिसो अ उद्वेइ, दालिदस्स बुहुक्खा इय तस्स भज्जा दुग्गमगिसिरो-  
मणी नागसिरी नाम अत्थि, ताणं उअरिसुवरिं छ ऋणाओ जायाओ, ताओ पय-  
ईए बहुभक्खणसोलाओ कुरूयाओ सब्बनिंदणिज्जाओ हम्मिसु, ऋमेण पुणो वि अस्स  
पत्ती गव्वभरा जाया, 'पाएण हि दलिद्दाण इत्थीओ बहुसो गव्विणीओ जायन्ति'  
तया सो चित्तेइ- 'कस्स कम्मस्स इमं फलं?, ज अहं मणूसलोगे वि  
नरगयीलं पावेमि, अणेण जम्मसिद्धेण अचिइच्छगीएण भूरिणा. दालिददु-  
क्खेण उव्वइओ अग्घि, इओ सक्ख दलिदमुत्तीहिं इय पुव्वजम्मवेरिणीहिं इव कन्न-  
गाहिं वहुसो अदिओ, जड अहुणा मे भज्जा पुणा वि पुत्तिगं पसविस्सड तया एयं  
कुट्टंग उज्झत्ता विएसं गच्छिउस्स, एवं चिंतापवण्णस्स तस्स गेहिणी ऋणं सुद्ध-  
पसेससरिसं पुत्तिजम्म पसुवेड, तेण य त भुअं । अह सो नागिलो उद्वदुहो अहम-  
वलिदो मारमिउ कुट्टुं उज्झत्ता विएस निग्गओ । तया तीए पसवज्जणियदुक्खे पडप्प-  
वसणपीडा वणम्मि खारखेवो इय तज्जालं जाया । तओ नागसिरी तीए पुत्तीए नामं पि न  
अरुसो, तत्तो लोगेहिं तीए नामं 'इमा निन्नाभिंय' च्चि उअरीरिअ । सा नागसिरी सम्म तं न  
पालेड, तह वि सा निन्नामिगा वदिदड लग्गा, 'जओ वज्जाहयम्म पि अक्खीणाउसम्म  
मच्चू न मिआ' । माऊए वि उव्वेगमिआइणी अच्चंतदुग्गमा सा अन्नारम्मि दुक्कम्मं  
कुगती काठं गमेड । एगया ऋम्मि मंह-पसंगे घणइड-पालाग-हत्थेसु मीयगे पेक्खिऊण

सा वि नियमायरं मग्गेइ । दंतेहिं दंते ग्रंसंती माया बवेइ — जुत्तं, मोयगे मग्गेसि,  
तुज्ज पिया वि मोयगभक्खगो चेव, जइ लइइए भक्खिउं इच्छसि, तथा पुत्ति !  
रज्जुं गहिऊण कट्टभाराऽऽणयणत्थं अंवरतिलग-पव्वयं गच्छ । सा निन्नामिगा  
मुम्पुरसमाणाए माऊए गिराए उज्जमाणा रुयंती दवरियं चेतूण गिरिं पइ गया ।

जुगंधरमुणिसस केवलनाणं तस्स य उवएसो—

तथा तत्थ पव्वयसिहरम्मि एगरत्तिअ-पडिमाधरस्स जुगंधरमहामुणिणो केवलनाणं  
समुप्पणं आसि । अह सण्णिहिअदेवया तस्स मुणिदस्स केवलनाणमहूसवं आरंभिसु ।  
पव्वयाऽऽसणनयरवासिणो जणा अहमहमिगा-पुव्वयं तत्थ तं महामुणिं वंदितुं निग्गआ ।  
नागावत्थाऽऽहूसणभूसिअं मुणिवरवंदणाय गच्छंतं जणं दद्वृणं अइविम्महएण सा  
निन्नामिगा खणं वित्तलिहियव्व संठिआ, तओ सा परंपराए लोगाऽऽगमणकारणं  
णच्चा दुक्खभारमिअ कट्टभारं चइत्ता जणेहिं सह चलंती निन्नामिगा तं गिरिं  
आरोहित्या 'जं तित्थाइं सव्वसाहरणाइं हुंति' । सा महामुणिदस्स पाए कप्पतरुव्व  
मग्गमाणा साणंइं वंदेइ 'मई हि गईए अणुसारिणी सिआ' ।

अह जगजंतुहियावइो सो मुणिवरो लोणं सेहो इव अलहायंतो गहीराए  
बुणीए धम्मदेसणं कुणेइ-आममुत्तनिवद्वपलिअंकाऽहिरोहण-सरिसविसयसेवणं भवभूमीए  
निवडणाय सिआ, सव्वपाणीणं पुत्त-मित्त-रुत्ताइ-परिवारजोगो एगगामसहाऽऽवा-  
समुत्तपहिअजणुवमो, चुलसीलक्खजोणिगहणभीसणसंसारे भमंताणं जीवाणं अणंतक्खुत्तो  
सक्कम्मपरिणामजणिओ दुहसंभारो संपत्तो, लोणे वालग्गकोडिमित्तं पि तं किंपि ठाणं  
नत्थि, जत्थ जीवा बहुसो दुक्खपरंपरं न पत्ता । एयं सोच्चा निन्नामिगा अंजलिं  
काऊण भयवंतं कहेइ-तुम्हे राय-रंकेसुं सुहगदुहगेसुं च सिरिमंतनिद्रणेसु य तुल्लो  
सिआ तेण त्रिण्णत्रिज्जइ — भगवंतेहिं एसो संसारो दुक्खाणं खागी कहिओ, ता  
ममाओ अहियतमो इह को वि दुहिओ किं अत्थि ? । केवली आह — दुहिअमाणिणि !  
भेदे ! निरय-तिरिअगइगयजीवाणं पुरओ तुज्ज केरिसं दुक्खं, अण्णेसिं जीवाणं दुक्खं-  
सुणाहि — पाणिणो नियक्कम्मपरिणामेण निरयभूमीए उववज्जिरे, तत्थ जीवा छेयण-  
भेयणाइवेयणं सहिरे, परमाहम्मिएहिं असुरेहिं के वि जंतेहिं तिलपीसणमिअ निपीडि-  
ज्जंति, कट्टं व करवत्तेहिं केवि दारिज्जंति, के वि सल्लसेज्जासुं साइज्जंति, के वि  
सिलायलंमि यत्थमिव अफ्फालिज्जंति, के वि लोहपत्ताइं पिय मोगारेहिं कुट्टिज्जंति, के वि

खंडसो खंडिज्जन्ति, एव ते नरगजीवा करुणसर अकदंता भुज्जो मिलियगां तदेव भुज्जो भुज्जो तं चिअ दुहं अणुभाविज्जन्ति, पुणो पित्रामिया ते तत्ततरमं पाड्जन्ति, छायत्थियो अ असिपत्तरुस्म तलम्मि उविसाविज्जन्ति, एवं नरगम्मि नेरइआ पुराकयकम्मं सारिज्जमाणा मुहुत्तमेत्त पि नियणं त्रिणा ठाउं न लहते, वन्हे ! नरगगयाणं पाणीण जं दुक्ख तं मुणाविज्जमाण पि अपरेसिं दुहाय जायए । तिरियगईसु पि जठयर-थलयर-सयरजीवा सकम्मजणिअदुसरं अणुभवभाणा पच्चकसं पैक्खिज्जन्ति । तत्थ जलयरा परुप्परं तिमिगिण्णायणा स्यायता मन्उवंधेहिं परिगिण्णिज्जन्ति वगाईहिं च गिलिज्जन्ति, एवं केपि उंस्कीलिज्जन्ति, केपि भेज्जिज्जन्ति, क्रियता भोत्तुक्कामेहिं विपच्चिज्जन्ति अ । एवं थलयरा मिगाडपाणिणो मंसाहारि-सिंयवग्गप्पमुहकरसत्तेहिं भक्खिज्जन्ति, मिगयासत्तेहिं मंसत्थीहिं चागुरिएहिं अणुपराहिणो ते इण्णिज्जन्ति, सुहा-पिनासा-सीउण्णाइमा रारोवणाइणा कस-इकुसतोत्तेगेहिं च एए अईव वेयण सहते ।

तिचिरिमुगपारेवयचेडयाइखेअरा<sup>१</sup>सेणसिंचाणमिद्धप्पमुहेहिं मंसलुद्धेहिं गिण्णिज्जन्ति, मंसलुद्धसांउगिएहिं<sup>२</sup> नाणोत्रायपत्रणेण नाणारूपविडंणगेहिं पंड्ढम्मिज्जन्ति, एवं तिरिआणं जलाइसत्थाइजणियभयं सव्वओ निअनिअकम्मवधनिवंपणं सिआ । माणुस्सए वि सपत्ते के पि मणुसां जम्मओ अंधा चहिरा पंगुणो कुट्टिणो अ जायंते, चोरिअपरदार-वढ-बंध-पसत्ता केपि माणवा नारगा इव ननननिगहेहिं निगिण्णिज्जन्ति, के वि मणुआ निरतरं विविहवाहीहिं वाहिज्जमाणा परमुहं पेस्समाणा पुत्तेहिं पि उक्खिरज्जन्ति, मुल्लकिणिआ के वि अस्सयरा इव तालिज्जन्ति, अन्ने अ अइभारेण वाहिज्जन्ति पिवासाइयं च अणुभाविज्जन्ति । अमराणपि परुप्परपराभवकिलिद्धाण सामिसेवगभाववद्धाण निरंतरं दुक्खमेव । सहाओ अइदारुणे असारे ससारसमुदं जलजतूणमिव दुस्खाण न अवही, भूअपेआउसकुले ठाणे मतक्खरं इव दुक्खनिळयससारे जिणिंददसिओ धम्मो एव भवविणासणे उवाओ । 'जीवहिंसा कया वि न कायव्वा' ।-पाणिणो हिंसाइ अटभारेण नागा इव नरए मज्जन्ति । 'असच्चं सव्वहा चंयणीअं' जं असच्चवयणेण पाणिगणो चिरं संसारे भमेइ । 'अदिण्णं न ने'ज्ज'—जओ अदिण्णाऽऽट्टाणाओ केविक्खु-फलफरिसाओ इव कया वि सुहं न लहेज्जा । 'मेहुणं सव्वहा परिहरियव्वं'-अभसेवणेण हि गल्मि गहिक्खण रको इव जणो निरयम्मि पक्खिज्जन्ति । 'परिगाहो न परिउव्वो'-परिगहवसेण जं लोगो अइभारेण चञ्चिवो इव दुक्खपकम्मि निमज्जइ ।

१ उट्टीचन्ते-नीलेन नियन्तते । २ भुज्जन्ते-पच्यन्ते । ३ अनपराधिन । ४ तोत्रकै-परोणे इति मापायाम् । ५ चट्टकादि० । ६ इयेन-पक्षिविशेष । ७ शाकुनिक । ८ प्रतिहन्त्यन्ते । ९ त्यजनीयम् । १० गालम् । ११ कपिकच्छु-श्रेयच ।

जो इमाइं पंचावि हिंसाईणि देसओ वोसिरेज्ज सो वि उत्तरुत्तरकछाणसंपथं पावेइ ।  
निन्नामिगाए सम्महंसणलाहो, अणसणं च काऊणं मा ललियंगदेवस्स  
सयंपहा देवी जाया—

अह सा संसारभयतसिया पत्तसुद्धसंवेगा रागदोसकम्मगंथिं भिदिऊण महा  
मुणिस्स पुरओ सम्महंसणं पावेइ, भावओ अ जिणिंददेसिअं गिद्धिधम्मं अंगीकरेइ,  
परलोगमग्गपत्थयणभूआइं-च पंचाणुव्वयाइं पडिवज्जित्ता मुणिणाहं पणमिऊण दारुभारं  
च वेतूण कयकिचवेव मुइअमागसा नियवरंमि गच्छेइ । तओ आरव्व सा जुगंधर-  
महामुणिस्स य देसणं नियनामं इव अविस्सरंती दुब्भग्गकम्मखवणत्थं नाणाविहं दुक्करं  
तवं तवंती क्रमेण जोव्वणं पत्ता, तह वि दुब्भगं तं न कोवि परिणेइ, तओ विसिद्धयर-  
संवेगा तत्थ गिरिवरे पुणो सभागयस्स जुगंधरमुणिवरस्स अग्गओ अहुणा गहियाण-  
सगा सा अत्थि । तओ तत्थ गच्छपु, इमीए निअं रूवं दंसेहि, जइ तुमए सा  
रागिगी सिआ, तो तुज्ज पत्ती होज्जा 'जओ अंतकाळे जारिसी मई, गई किल  
तारिसी भवे' एवं मित्तवयणं सोच्चा सो तहेव अकासी । सा निन्नामिगा ललि-  
यंगदेवम्मि रागिगी समाणा मरिऊण पुव्वमिव सयंपहा नाम तस्स पिआ जाया ।  
सो वि ललियंगदेवो पणयकोवाओ पणट्ठं इव तं पावित्ता तीए समं अहिययरे काम-  
भोगे विलसिउं लग्गो ।

ललियंगदेवस्स चवणचिण्हाइं, तओ चविऊण ललियंगो वज्जजंघो, सयंपहा य  
सिरिमई जाया

एवं तीए सद्धिं रसमाणा कियंतम्मि काले गए सो ललियंगदेवो  
निअचवणचिण्हाइं पेक्खित्था तया तस्स रयणाहसणाइं तेअरहियाइं जायाइं,  
पुप्फमालाओ मिलानं पत्ताओ, अंगं वत्थाइं च मलिणिआइं, 'जओ आसण्णे वसणे लच्छीए  
लच्छीनाहो वि मुंचिज्जइ' कामभोगेसुं च तिव्वासत्ती तस्स जायइ, तस्स परिवारो  
वि सव्वो सोगविरसं जंपेइ, 'जंपिराणं हि भाविकज्जाणुसारेण वाया निग्गच्छइ,  
आकालपडिवण्णपिआहिं सइ च्चिअ कयावराहो इव सिरि-हिरीहिं परिमुच्चइ, मच्चु-  
काले पक्खेहिं कीडिआ इव सो अदीणो वि हि दीणयाए, विणिदो वि हि निद्दाए  
अ अस्सिओ, तस्स तणुसंधिवंधणा हियएण सद्धिं विसिलेसित्था, मंहावलेहि पि  
अकंपणिज्जा कप्पतरवो कंपिउं लग्गा, रोगरहियस्स तस्स भाविदुग्गइग्गमणुत्थ-वेयणा  
संकाए इव सव्वंग-उवंगसंधीओ भंजित्था, तस्स दिट्ठी वि मंइला जाया, तक्खणे  
अंगाणि वि गव्भावासनिवासुत्थ-दुहाऽऽगमभयाओ इव अच्चंतकंपणसीलाइं जायाइं,

स रम्मेसु वि क्रीलागिरि-सरोवर-वात्री-उववणेसु वि कथ वि रइ न पावित्या,  
 तओ पियं नेहरद्विअं पासिचा सा सयंपहादेवी वएइ-हे पिय ! मए किं अवरद्धं ?  
 जं एवं सुण्णचित्तो दीसइ । ललियंगो वोल्लेइ-हे पिए ! तुमए न अवरद्ध किंतु  
 मए चिअ, जओ पुव्वमवे तओ अप्पो कओ, धम्महीणो अ केवलं कामभोगेसुं चेव  
 पसत्तो, पुव्वजम्ममि अहं विज्जाहरनरिंदो हुवीअ, तथा सेसमि आउसमि पुण्णो-  
 दयपेरिएण व्व सयजुद्धेण मंतिणा पडिवोहिओ अहं जिणिंदधम्म पावित्या । तेण  
 अंतिमस्साले आराहिअधम्मपहावेण एयंमि सिरिप्पहम्मिमाणे सामित्तणेण समुप्यन्नो,  
 अहुणा तं पुण्ण खीणं तेण इओ अह चइस्सामि एयं भासमाणस्स तस्स पुरओ  
 देविंदेण आदिट्टो दिहधम्मो नाम देवो उवेच्च तं एवं वएइ । “अज्ज ईसाणिंदो नदी-  
 सराऽदीवेसुं जिणिंदपडिमच्चणमहस्रं काउं गच्छिइइ, ता तुम पि तस्साऽऽणाए  
 आगच्छसु”, एवं सोच्चा अहो ! पुण्णुदयाओ मम कालोइअं सामिसासण ति पसुइअमणो  
 पियाए सहिओ चलीअ । नंदीसरम्मि गच्चा वीसरिआसण्णचवणो सो परमहरिसेण  
 सासयपडिमाओ अच्चेइ, तओ सुहभावणावासिअमणो अन्नेसुं तित्थेसुं गच्छंतो  
 विद्याले खीणाउसो सो चविओ ।

पचमो मवो समतो,  
 अह छट्टो वज्रजघमवो-

तओ चविऊण जंजूदीवे पुव्वविदेहे उवसागरं सीयाए मदानईए उत्तरतडम्मि पुक्ख-  
 लायईए विजए लोहग्गलमहापुरमि सुवण्णजंघस्स रण्णो लच्छीनामाए भज्जाए  
 पुत्तत्तणेण समुप्यन्नो, पुत्तजम्ममि संपत्ताऽऽणंदा मायपियरा पुत्तस्स घज्जजंयो ति  
 नामं करेइरे ।

सिरिमईए वुत्ततो

अह सा सयपहा देवी पिअवियोगे दुहट्टा धम्मरुज्जंमि संलीणा कियंतेण  
 फालेण ललियंगो इय सग्गाओ चपिऊण इहेव विजए पुडरिगिणीए नयरीए वज्ज-  
 सेणचवक्कट्टिस्स शुगवईए भज्जाए पुत्तित्तणेण समुप्यन्ना, मायपिअरेहिं सव्वज्जोगा-  
 इसाइणीए सिरिए संजुत्तणेण सिरिमइ चि नामं ठविअं । सा कमेणं पचधात्रीहिं  
 लाट्टिज्जमाणा सुउभात्ता मिलसंतपाणिपलत्ता वइइमाणी निद्राए कंतीए नहयळं  
 पयासती जोव्वणमणुपत्ता । एगया सा सव्वओमइ नाम पासाय कीडाए आरो-  
 इती पासायतळोवरिं गया, तय नयरसोहं पासंती सा मणोरमुज्जाणे सुत्थियअमहा-

मुणिणो उप्पण्णे केवलनाणे तस्स महूसवं काउं आगच्छंते देवे पासइ, पासिऊण  
 'पुव्वं मए एरिसं क्त्थ दिट्ठं' ति विचारंती ऊहापोहं च कुणंती निसासुमिणमिव  
 पुव्वाइं जम्मंतराइं सुमरेइ, हियए पुव्वभवनाणभारं वहिउं असमत्था इव तक्खणंमि  
 मुच्छिआ भूमियलंमि निवडिया, सहीहिं कएण चंदणाइउवयारेण लद्धवेयणा समुट्ठिआ  
 समाणा चित्तंमि य एवं चित्तेइ-मम पुव्वभवपई ललियंगो सो सग्गाओ चविओ  
 संपइ क्त्थ ओइण्णो अत्थि त्ति अन्नाणं मं पीलेइ, हिययसंकंते एयम्मि, न अन्नो  
 मम पाणणाहो, जओ कप्पूरपत्ते को नाम लवणं पविखवेज्ज । सो अ  
 पाणप्पिओ मम वयणगोअरो न सिआ, तो अण्णेण सह आलवेण अलं ति विआरित्ता  
 मउणं चैव अकासी । तथा तस्स सहीवग्गो भूअप्पेआइदोससंकाए मंतंतताइ-उवयारं  
 काउं लग्गो । सा उवयारसएहिं पि भूगत्तणं न सुंचेइ । अहं कंमि पओयणे वि  
 निअं परिवारं अक्खराइं लिहिऊण भूमया-हत्थाइसन्नाए वा निओएइ, अन्नया सा  
 सिरिमई कीलोऊजाणे कीलणत्थं गया, तत्थ एगंते समयं लड्डूणं पंडियाए नाम  
 धाईए पुच्छिआ-हे पुत्ति ! तुमं मज्झ पाणा इव पिआ असि, तुज्झ वि अहं माई  
 इव, तेण अम्हाणं अण्णमण्णं अवीसासकारणं न, तओ जेण हेउणा मोगं आलंबसे  
 तं मज्झ कहसु, मम तुज्झ दुक्खसंविभागं दाऊण अप्पाणं अप्पदुक्खं कुणाहि, तव  
 दुक्खं अहं णाऊण तस्स पईगारत्थं जइस्सं, जओ हि अण्णायरोगस्स कयाइ चिइच्छा  
 न जुज्जइ, माऊए इव तीए वयणं सोच्चा सा वि पुव्वजम्मसंभवनिअवुत्तंतं तीए  
 अग्गओ ववेइ । सा य पंडिआ उवायंकुसला सिरिमईए तं वुत्तंतं पडम्मि आलिहिऊण  
 नयरंमि दंसिउं सिग्घं गया । तथा वज्जसेणचक्कवट्ठिस्स जम्मदिवसो हुवीअ, एयम्मि  
 समए तत्थ बहवो भूवइणो आगया । अहं सा पंडिआ तं सुंदरं चित्तपडं घेत्तूणं  
 रायमग्गम्मि वित्थारिऊण ठिआ । तत्थ सत्थकुसला के जणा तं पडं पासित्ता  
 सग्ग-नंदीसराइअं ठाणं आगमत्थाऽविरोहेण परिथुणिरे, अवरे उ महासावगा मत्थयं  
 धुवमाणा पत्तेगं सिरिअरिहंताणं पडिमाओ वणिंति, के वि कलाकोसलसालिणो अभिक्खणं  
 कुंणियनेत्तेहिं पइक्खणं पडं पेक्खमाणा चित्तरेहासुद्धिं पसंसंति । एत्थंतरम्मि य दुइंतो  
 इअ जहत्थनामो दुइंसणमहीवइणो पुत्तो तत्थ समागओ, सो तं चित्तपडं खणं  
 पेक्खिऊण धीमंतो अलीगाए मुच्छाए भूमीए पडिओ, लद्धसन्नो इव उट्ठिओ सो  
 जणेण गुच्छाए कारणं पुट्ठो कवडनाडयं काऊण वुत्तंतं कहेइ-मम पुव्वभवचरिअं  
 केणावि एत्थ लिहिअं अत्थि, एयस्स चित्तपडस्स दंसणाओ मम जाईसरणं समुप्पण्णं,

अह ललियंगो अम्हि, इमा सयंपहा मम येनी इच्छाईं जं एत्थ पडम्मि लिहियं तं  
 संपएइ च्चिअ । अह य पंडिआ तं पुच्छेइ-जइ एवं भइ ! तया ऋहेहि 'पडंमि  
 को इमो संनिवेशो, तं तुमं सय अंगुलीए दंसेसु' । सो वएइ-एसो मेरुपव्व-ओ,  
 एसा नयरी पुंडरिणिणी । तीए पुणो वि पुट्ठो-इमो मुणीसरो को ? । सो वएइ-  
 इमस्स नामं मए विस्सरिअ । भुज्जो वि सा पुच्छेइ-मंतीहिं परिउरिओ अयं  
 नरिंदो को नाम ? एसा य तवंसिणी ऋ ? । सो वोल्लेइ-अह न जाणामि । तीए  
 नायं-इमो को वि मायावी अत्थि ?, तओ सा उवहासपुव्वयं वएइ-'हे पुत्त !  
 तुम्ह पुव्वभवचरियं संपएइ एव, तुमं ललियंगो देवो असि, तुम्ह पत्ती उ सयंपहा  
 नदिग्गामे कम्मदोसाओ संपइ पंगूभूआ उप्पन्नासि, संजायजाईसरणाओ निअं चरियं  
 पडम्मि आलिहिज्जण तीए एसो पडो धायइरंडगयाए मम अप्पिओ, तीए पंगूए  
 करुणाए तु मए गवेसिओ असि, तओ आगच्छहि तीए समीवंमि तुम नएमि,  
 दीणा सा तुम्ह विओगम्मि पुत्त ? ऋट्ठेण जीवइ, तओ पुव्वजम्मपियं अज्ज समा-  
 सासेहि' एव वोत्तूण तुण्हिआए पंडियाए स मांडओ नियमित्तेहिं चेव उवहासपुव्वयं  
 भासिओ-मित्त ! कलत्तरयणाभिगमाओ तुम्ह महंतो पुण्णुदओ, तओ तत्थ गच्छसु, सा  
 पंगू पिआ तुम्ह सव्वहा पोसणिज्जा एव । तओ विलक्ख-दीणाणणो स दुइंतो  
 कुमारो कत्थ पि गओ ।

अह लोहगलपुराओ सो वज्जजंयो वि तया तत्थ समुवागओ, तं चित्तपडलिहि-  
 अनिअचरिय पासिऊण मुच्छिओ तालयटेहिं 'पीइओ जलेहिं च सिंचिओ, अह सो  
 उट्ठिओ समाणो सज्जो सग्गाओ आगओ इव जाइस्सरवंता होत्था । तया तीए  
 पंडिआए 'कुमार ! इमं चित्तपडं पेक्खित्ता तुमं किं मुच्छिओ असि ?' इअ पुट्ठो  
 वज्जजंयो आह-हे भइ ! इह सप्पियस्स मम पुव्वभवसभवचरियं इमं लिहिअं, तं ददट्ठणं  
 अहं मुच्छिओ, चित्तपडम्मि इमो ईसाणकप्पो, इमं सिरिप्पह विमाणं, एसो ह ललि-  
 यंगो नामेणं देवो, इमा मज्झ सयंपहा नाम पिआ अत्थि, इओ अ धायइसंडे  
 नदिग्गामे महादलिदस्स घरम्मि निन्नाभिगा पुत्ती इमा, इह सा अंबरतिलगपव्वयमा-  
 रुद्धा जुगंधरमहामुणिसस पुरओ गहिआणसणा ठिआ अत्थि, एत्थ अह ईमीए निअ-  
 रूद्धंसणत्थ आगओ, । मइ रत्ता मरिऊण एसा पूर्णं सयंपहा जाया, इह नंदीसरदीवे  
 जिणपडिमापूअगपरो अह अम्हि, इओ अन्नतित्येसु गच्छमाणो मग्गम्मि चयमाणो  
 अह अम्हि, इह य एगातिणी मज्झ त्रिओणे दीणाणणा ट्ठमा सयंपहा, इह य चय-



माणा इमा सा एव मज्झ पिआ अत्थि । अहं मण्णेमि-तीए जाइस्सरणेण इह नियचरियं लिहियं, 'न हि अन्नो अण्णाणुभूअं कयाइ जाणाइ' । पंडिथावि आमं ति वोत्तूण सिरिमईए समीवे गंतूण हिययविसल्लीकरणोसहस्रं तं सव्वं कहेइ ।

सिरिमईए वज्जजंघेण सह परिणयणं —

सिरिमई पिअ-वुत्तंतगिराए रोमंचिआ जाया । तं च वुत्तंतं पंडिआमुहेण सिरिमई पिउणो जाणावित्था, जओ इत्थी सायत्तत्तं न अरिहेइ । तीए गिराए पमुइओ वज्जसेणनरिंदो वज्जजंघकुमारं वाहरित्ता तं आह-हे कुमार ! अम्हाणं एसा सिरिमई पुत्ती पुव्वजम्मु व्व तुम्हं एण्हि पि पिआ होउ, तेण कुमारेण तहत्ति पडिवण्णे पसण्णो भूवई सिरिमई कण्णं समहूसवं कुमारेण सह परिणावेइ । तओ जोण्हामयंका इव संजुत्ता ते सियवसणधरा रण्णाणुण्णाया लोहगलपूरं गच्छिम्म ।

अह सुवण्णजंघो नरिंदो वज्जजंघं जोगं नच्चा तं रज्जम्मि ठविऊण पव्वज्जं गिण्हित्था । वज्जसेणचक्कवट्ठी वि पुक्खलपालस्स पुत्तस्स रज्जसिरिं दाऊणं पव्वइओ, सो य तित्थयरो जाओ । वज्जजंघो वि सिरिमईए पियाए सह विविहकामभोगाइं भुंजमाणो नायमग्गेण रज्जं पसासेइ । गंगासागराणमिव विओगं अपत्ताणं भोगे भुंजमाणं ताणं पुत्तो समुप्पणो । अह पुक्खलपालस्स सीमाए सामंतनरिंदा तेण सह विरोहं काउं पउत्ता, एयस्स आणं अवमण्णेइरे, तओ दुज्जणाणं व तेसिं साहणत्थं वज्जजंघनरिंदं वाहरेइ । अह पबलसेणासहिओ वलवंतो सो वज्जजंघो नयराओ निग्गच्छेइ, तथा पियविरहाऽसहा सिरिमई वि नरिंदेण सह निग्गया, अह सो नरिंदो मग्गम्मि गच्छंतो अद्दपहम्मि अमावासारयणीए वि जोण्हाअमदायगं महासरवणं पासेइ । तत्थ पहिगेहिं सो विणत्तो-हे राय ! इहं दिट्ठिविससप्पो अत्थि त्ति वयणं सोच्चा सो अन्नेण पहेण निग्गओ, कमेण सो पुंडरीगिणीनयरीए समागओ । तेयंसिणो अस्स महारायस्स पहावाओ सव्वे सामंतनरिंदा जुद्धण विणा आहीणा जाया । राया पुक्खलपालोवि वज्जजंघनरिंदस्स विविहप्पयारेण सागयं कासी । समए सो वज्जजंघो पुक्खलवालनरिंदस्स अणुणं घेतूण सिरिमईए सहिओ नयरीए निग्गओ । अह सो कमेण महासरवणं संपत्तो, तथा पहिएहिं सो वुत्तो-हे महाराय ! संपइ अस्स वणमज्जेण गच्छाहि, जओ अहुणा एत्थ वणम्मि दुण्हं अणगाराणं केवलनाणं समुप्पणं

अत्थि, तर्हि सुराऽऽगमगोज्जोआओ सो दिद्विविससप्पो विसरहिओ जाओ । नामेण सागरसेणो मुणिसेणो अ ते मुणिणो छर-मयंका इव राय । एत्थ विज्जंति, सहोयरे ते मुणी णाऊण विसेसेण सहरिसो नरिंदो तत्थच्चिअ वणे निवासं करेइ, तओ समज्जो भत्तिभर-नमिरो सो सुरासुरसेविए देसणं कुणंते दुण्णि मुणिवरे वंदेइ, देसणासवणाणंतरं एत्थ-अन्नपाणोत्रगरणेहिं ताणं पडिळाहित्था, तओ सो चिंतेइ-सामण्णसहोयरभावे वि अहो ! एए निक्कसाया ममत्तरहिआ परिग्गहविरया धण्णा विअ, एरिसो अह न म्हि, गहियवयस्स पिउणो सप्पहेण अणुसारिणो एए च्चिअ सहोयरा, अहं तुं 'किणिओ इव पुत्तो म्हि, एवं टिए वि जइ पव्वएमि ता किंचि न अजुत्तं, 'गहियमेत्ता वि पव्वज्जा दीविगा इव तमविणासाय होज्जा' तम्हा एण्हि नयरिं गंतूण पुत्तस्स रज्जं दाऊण हसो हसस्स गइमिअ पिउस्स गइं पाविस्सामि । सिरिमईए वि सह वयगहणेण अणुमोइओ सो तीए सह तओ निग्गच्छिऊण कमेण लोहगलपुर पत्तो ।

वज्जजंत्यो सिरिमई अ मच्चुं पावित्ता उत्तरकुरुसुं तओ अ सोहम्मदेवलोगे समुपवण्णा —

तया उ अस्स रज्जलद्धो पुत्तो धणदाणेण पहाणमंडलं नियाहीण अकासी । सिरिमईए सहिओ नरिंदो पच्चूहे अप्पणो वयगहण पुत्तस्स य रज्जदाणं चिंतमाणो निसाए सुत्रिओ, सुहेण सुत्तेसु तेसु पुत्तो ताणं गिहम्मंतरे विसधूवं करित्था, 'घराओ हि उट्ठिअं अग्गि पिअ तं निरोहिउं को समत्थो सिआ ?' नासिगापविट्ठेहिं विसमइअधूवधूमेहिं ते सज्जो मच्चु पाविऊण उत्तरकुरुसुं जुगलधम्मणेण समुववण्णा, 'जओ एगचिंताविवण्णाणं गई एगा हि जायइ,' तर्हि पि ते खेत्ताणुरुवसुहं अणुमचित्ता मरणं पावित्ता सोहम्मदेवलोगम्मि सुरा जाया ।

छट्टो वज्जजवभवो, सत्तमो य जुगलियभवो, मट्टमो य देवमवो समत्तो ।  
अह नवमो जीवाणदभवो—

अह वज्जजपत्रीवो देवलोगम्मि दिव्वाइं भोगाइं निरंतरं भोत्तूणं आउक्खएण चविऊण जंबूदीवे विदेहेसु खिइपइट्ठिअनयरंमि सुविद्विवेज्जस्स पुत्तो नामेण जीवाणंदो जाओ, तथा तम्मि नयरंम्मि अन्ने वि चउरो पुत्ता समुववण्णा, तत्थ एगो ईसाणध-दनरिंदस्स कणगरईए भज्जाए नामेण महीधरो, अन्नो मुणासीरनामस्स मंतिणो लच्छीए भज्जाए सुजुळी नाम नदणो, अवरो सत्थवाहवडणो सागरदत्तस्स पियाए अभयमईए

पुण्णभदो नाम, चउत्थो धणसेट्ठिणो सीलमईए पत्तीए सीलमुंजो इव नामेणं गुणापरो  
त्ति । एए सव्वे चालधारेहि राइंदिअं जत्तेण रक्खिज्जमाणा वह्दिउं पउत्ता, सहपंसुकील-  
णपरा ते समंचिअ सयलकलाकलाचं गिण्हेइरे ।

अह सिरिमईए जीवो वि देवल्लोगाओ चवित्ता तत्थच्चिअ नयरम्मि ईसरदत्तस्स  
सेट्ठिणो केसवो नाम तणओ संजाओ । जीवाणंदप्पमुहा ते छ च्चिअ परुप्परं सव्वया  
अविउत्ता मित्तत्तणं पत्ता । जीवाणंदो वि पिउसंतिअं 'अट्ठंग-आउविज्जं रसवीरिअविवागओ  
अ सव्वाओ ओसहीओ सम्मं वेइत्था, गएसु परावणो इव, गहेसु आइच्चो इव, सो वेज्जेसुं  
निरंवज्ज-विज्जो विउसपहाणो होत्था । ते सव्वे सोअरा इव सएव रमंता कयाई  
कासईअणमण्णस्स घरंमि अण्णमण्णमणुरत्ता सह चिट्ठित्ति । एगया वेठजपुत्त-  
जीवाणंदस्स मंदिरे चिट्ठमाणेसु तेसुं एगो साह भिक्खागहणट्ठं आगओ । सो य पुह्वी-  
पालनरिंदस्स पुत्तो नामेण गुणागरो मलमिव रज्जं चइत्ता पव्वज्जं गिण्हित्था, गिम्हा-  
यवेण जलोहो इव उग्गतवसा किसीभूअदेहो सो अकाल-अपत्थभोयणाओ किमिकुट्ठाहि-  
भूओ आसी, सो मुणिवरो सव्वंगीण-किमि-कुट्ठाहिदिओ वि कत्थ भोत्तइं न मग्गित्था  
'जओ मुमुक्खवो साहवो कायनिरविक्खा हुंति' ।

जीवाणंदाहमित्तच्छक्ककयमुणिचिहच्छा —

एगया छट्ठ तवस्स पारणे गोअरचरिआए गेहाओ गेहं परिभमंतो तेहिं नियगिहंग-  
णसंपत्तो सो मुणी दिट्ठो । तथा नरिंदपुत्तमहीधरेण किंचि परिहासेण जीवाणंदो भिसयवरो  
बुत्तो-जीवाणंद ! तुम्ह वाहिणो परिनाणं ओसदस्स य नाणं, चिइच्छाए य कउसलं अत्थि,  
केवलं क्किया नत्थि, सव्वया तुम्हे वेसा इव दव्वं विणा संथुअं पि बुहपीलिअं पि  
पत्थणापरं पि जणं नयणेणावि न पासेह, तह वि विवेगवंतेहिं एगंतओ अत्थल्लुद्धेहिं  
न होयव्वं, धम्मं पि अंगीकाऊण कत्थ वि चिइच्छा कया ?, चिइच्छाए वाहिनियाणे  
च तुम्ह सव्वं परिस्समं धिद्धी, गिहंगणे आगयं एरिसं सरोगं पत्तं जं एवं उविक्खसे ।  
चिइच्छाविणाणरयणरयणागरो जीवाणंदो वि आह-महाभाग ! साहुं साहुं तुमए अहं विम्हा-  
विओ म्हि । जओ-वंभणो मच्छररहिओ, अवंचगो वणिओ, ईसारहिओ पिओ, देही निरा-  
मओ, विउसो धणी, गव्वविरहिओ गुणी, इत्थी अचवला, रायपुत्तो सयाथाररओ अ जयम्मि

पाएण नहि दीसइ । अहो ! मए'अयं महासुणी चिड्छणिज्जो चिअ, किंतु ओसहाणं अभावो अंतरायत्तणं उवेइ, तत्थ वि मम पासम्मि एणं लक्खपाणं तेह्ण अत्थि, न उ गोसीस-चंदणं रयणकंबलो य सिआ, तं तुम्हे आणेज्जाइ । एयस्स वयणं सोच्चा 'अम्हे ताइं आणेसामो' ति कहिज्जण पच पि ते वयंसा वणिअहइम्मि गया । सो वि मुणिंदो निअ-द्वानं गओ । जोग्गमुल्लं वेत्तूणं अम्हाण गोसीसचंदण-रयणकंबलाइं देसु ति वुत्तो बुद्धव-णिओ ताइ दिंतो इम ववेइ-एआणं एकिंक्खस्स मुल्लं दीणाराण लक्खमेगं सिया, जइ इच्छा सिया तथा गिण्हेह, अवर च कहेह एएहिं तुम्हाणं किं पओयण अत्थि ? ते पि कहिति मुल्लं गिण्हेह गोसीसकंबलाइं च देह, एएहिं अम्हे महासुणिस्स चिड्छं करिस्सामु ति अम्हाणं पओयणं । तेसिं वयणं सोच्चा निम्हयविप्फारिअलोयणो रोमं च-सइआऽऽणंदो सो मणसा एवं चित्तेइ-एएसिं जोव्वण उम्माय-पमाय-मयणोम्मत्तं कत्थ ?, विवेगाऽऽ-वासा य बुद्धत्तणोइआ मई कत्थ ?, जराजज्जरिअदेहाणं अम्हारिसाणं उइअं ज, तं अहो ! एए कुणति इअ चित्तिज्जण सो कहेइ-गोसीस-कंबलाइं तुम्हे गिण्हेह, तुम्हाणं महा ! मइं अत्थु, तुम्हाणं दव्वेणं अलाहि, इमेसिं वत्थूणं मुल्लं अन्नयं धम्मं अहं गिण्हिस्सं, तुम्हेहिं वंधुहिं इव सोहणं अहं धम्ममागीकओ एवं धोत्तूणं सो वणिअवरो गोसीसकंबलाइं अप्पिज्जण अह सो भाविअप्पा पव्वइओ परमपय च पत्तो । महापु-रिसाणं उत्तमा ते जीवाणदेण सहिआ ओसइसामग्गि गिण्हित्ता जत्थ सो मुणिवरो तत्थ ते गच्छित्था, नग्गोहपायस्स हिट्ठमि काउस्सग्गेण चिट्ठमाणं ज्ञाणसमाहिज्जुत्तं ज्ञाणेगलीणं तं मुणिवर पणमिज्जण वयंति-हे भयय ! अज्ज भयवंताणं चिड्छाक-म्मेण धम्मविग्गं करिस्सामु, तं अणुजाणाहि अम्हासुं च पुण्णेण अणुगिण्हसु, एणं मुणिवरस्स अणुणं वेत्तूण अह ते नं गोमडयं आणेसु, मुणिरस्स पच्चंगं तेण तेल्लेण अब्भंग काही, अच्चुण्णहीरिण्ण तेण तेल्लेण सुणी सण्णारहिओ संजाओ, 'उग्गवाहिणो हि पसमणे अन्नुग्ग ओसइं उइअं', तेण तेल्लेण वाउला किमओ सरी-राओ वाहिरं निग्गया । तओ जीवाणंदो रयणकंबलेण समतओ मुणिं अच्छाइअ । अह ते किमिणो रयणकंबलस्स सीयत्तणओ तत्थन्निअ विलीणा । जीवाणदवेज्जो कंअं मंइं अदोळंतो गोक्खेअरम्मि किमिणो पाडित्था, तओ जीवाणंदो अमयरसेहिं इव जंतुजीवाउगोसीमचदणरसेहिं त मुणिं आसासित्था । पुच्च तु जे किमिणो निग्गया ते तैयागय ति चित्तिज्जण भुज्जो मुणिणो तेल्लेभंगं काही, तेण अब्भणेण भुज्जो वि पहुणो मंसगया पि किमओ निग्गया । तहेव पुणो अन्नायणे रूप रयणकंबलम्मि ते नित्रोणा जाया । तमि गोमडए ते किमिणो भुज्जो तहेव पाडित्था, पेज्जस्स अहो !

अन्नाणतमोहरणे आइच्चो इव, अणाइकालुप्पन्नाऽचिइच्छणीयकम्मवाहिसंहरणे मे ताओ अपुव्वो चिइच्छगो, अहवा सव्वदुक्खाणं विणासगो, अनुल्लाणुवमसुहाणं जणगो करुणाऽमयसागरो मज्झ पिआ अत्थि, एवंविहे भयवंते पत्ते वि मोहपमत्तेहिं अम्हेहिं अप्पणा चिय अप्पा वंचिओ एसो', तओ सो चक्कवट्टी तं धम्मचक्कवट्टिं जिणिंदं नमिरो भत्तिभरगगरगिराए विण्णवेइ—'हे नाह ! अज्ज जाव मए कामभोग-पहाणेहिं अत्थसाहणपरेहिं नीइसत्थेहिं मई कयत्थिया, विसयलोत्तेण नेवत्थकम्मेहिं नडेण इव चिरं मए अयं अप्पा विणट्टिओ, मम इमं हि विउल्लरज्जं अत्थकाम-निबंधणं एत्थ जो धम्मो चिंतिज्जमाणो सो पावाणुबंधगो चिय, तओ तायस्स पुत्तो भविज्जण जई भवसमुद्धम्मि भमामि तथा अन्नसाहारणस्स मज्झ को पुरिसगारो सिया । जहा तुम्हेहिं दिण्णं इमं रज्जं पालेमि, तह संजम—महारज्जं दिण्णं पि पालिस्सं, मज्झ तं देसु' ।

वज्जणाहार्इणं पव्वज्जा—

अह सो चक्कवट्टी भवविरत्तमणो पुत्तस्स रज्जं दाऊणं भगवओ पासे महव्वयं पडिवण्णो । तथा वाहुप्पमुहा सोअरिआ वि जेट्ठेण भाउणा सह वयं गिणिंहुमु, जओ पिउणा जेट्ठेण य जं अंगीकयं तं चिय तेसिं कमागयं सिया । सो वि सुजसो सारही निअसामिधम्मसारहिणो पायपउमंते पव्वइओ, जओ सेवगा सामि-पयाणुसारिणो च्चिअ हुंति । सो वज्जणाहो रायरिसी कमेण सुयसागरस्स पारीणो दुवालसंगविज्ज संजाओ । वाहुप्पमुहा साहवोऽवि ते एगारसंगीए पारं पत्ता । तित्थयरपायसेवाए दुकरतवाराहणाए य संतोसधणा वि ते सइ असंतोसिआ हविंसु । निच्चं ते जिणीसर-वाणी-पीऊस-रस-पाणरया अवि मासखवणाइ-तवसा न किलम्मिंति । कमेण भयवं वज्जसेणो वि तित्थयरो सुक्कज्जाण-तइअ-चउत्थपायं ज्ञायंतो गिन्वाणवि-णिम्मिअमहूसवं निव्वाणं पावित्था । वज्जणाहो वि वाहुप्पमुहमुणिवरेहिं सहिओ भव्व-जीवे बोहितो वसुहं विहरित्था । तेसिं मुणीणं तवसंजमजोगप्पहावेण चंदकिरणेण पव्वएसुं ओसहीओ इव खेलोसहिपमुहलद्धीओ पाउव्वभित्था ।

\*लद्धीणं वणणं—

ताणं 'खेललवेणापि कुट्टिणो देहं कोडी—वेहरसेण तवं इव सुवण्णं संपज्जइ, कण्ण-नेत्ताइसमुप्पण्णो अंगभवो य कत्थूरिगापरिमलो मलो सव्वरोगीणं रोगहरो होइ, ताणं देह—फरिसमेत्तेण अमएण व्व सरोगा देहिणो-रोगरहिया हुंति । ताण अंगपुटं मेह—नई—पमुहजलं पि सव्वरोगे हणेइ, ताणमंगपुट्टपवणो वि विसप्पमुह-दोसे हरेइ, तेसिं पत्ते मुहे

\*लद्धीणं सरूवं विसेसेण कुमारवालपडिवोहम्मि तईअपत्थावाओ दंसणीयं । १ \*लेप्पलवेनापि ।

वा संपविद्ध त्रिसमीसिअ अण्ण विसरहियत्तणमुवेड । ताण वयणसवणाओ मतक्खरेहिं विसमिअ महाविसवाहिवाहियस्स वाहा अवसरेइ, तास नहा केसा दत्ता अण्णं पि सरीर-समुप्पन्नं सव्व ओसहत्तणं पावेइ । तह एएसिं महप्पाणं अट्टमहासिद्धीओ वि संजायाओ, जेण ताण अणिमसत्ती तहा होत्था जहा छडरघे त्रि तंतुव्व संचलितं जलं । तेसिं महिमसत्ती सा ह्दुमीअ, जीए मेरुगिरी त्रि जाणुपमाणो किञ्जड, एआणं लहिमसत्तीए तहा सामत्थं संजाय, जेण अणिलस्सात्रि लाघवं लंवेडरे । देहस्स गरिमसत्ती वडराओ त्रि अट्टसाडणी तहा होत्था, जीए सक्काइहिंपि जा न सहिज्जइ । ताणं 'पावणसत्ती तहा होसी, जीए तरुपत्तमिअ ते अंगुलीए मेरुसिहरं गहाडणो य छिडिरे' । पाकम्मगुणेण तह सत्ती आविञ्चुया, जह भूमीए इअ जळे, जळे इव भूमीए ते चरिउं एमा । एस्सरिय-सत्ती तहा संभूया, जेण ते चक्कट्टि-सुराहीस-रिद्धिवित्थर त्रिहेउं 'पहुण्ति । वसित्त-गुणेण तह सत्ती जाया जेण कूरात्रि जंतुणो ताण पसमं जति । अण्णाओ त्रि अणेगाओ रिद्धीओ ताण सजायाओ । जहा-अपडिप्रायत्तगुणेण सेलमज्जे वि रंधमिअ गच्छति, अंतद्वाणगुणेण ते साहवो पणो व्व सव्वओ अहिस्सयं पाउणंति, कामरुवित्तण-गुणेण ते नियनाणारूवेहिं लोमं पुरेइरे, ताण जा वीयजुद्धिरिद्धी सा एगत्यवी-आओ अणेगत्यवीयाणं परोहिणी, कुट्टबुद्धी ताणं तह सजाया, जीए कोट्टपत्तिसत्तध-णमिअ अत्याणं समरणं त्रिणा सृत्तं अस्सयं सिया, आइ-मज्झ-अंतगय-एगपयस-वणेणात्रि सव्वंगथाऽअओहाओ ते पयाणुसारिणो, एगं वत्थुं उद्धरिज्जणं अंतमुहुत्तेण सुय-समुद्रावगाहणसत्तीए ते मणोत्रलिणो, अंतोमुहुत्तेण भाउयक्खरमेत्तलीलाए सव्वं सुय गुणमाणा ते वायात्रलिणो, दीहकाल पंडिम पवज्जमाणा परिस्सम-गिलाण-रहिया ते कार्यवलिणो, भायणत्थियकयन्नस्सवि 'मुहाइरसभावपरिणामाओ ते अमय-रीर-महु-धयाऽऽसत्तिणो, दुस्सपीलिएसु तेसिं वयणं अमयाइ-परिणाम जायइ । तेसिं पत्त-पडियमण्णं 'थेवं पि उहुयदाणेवि जाअ सयं न जिमंति ताअ न जिञ्जए तओ ते अस्सीण-महाणमरिद्धिणो, तित्थयरपरिसाए इव अप्पदेसे वि निरात्राहं असंखिज्जपाणीण ठिउंए ते अस्सीणमहाअ्या, सेसेदियत्रिमयस्स एणेणवि इंदिएण उव्वभाओ ते संभिण्णसोय-लद्धिमंता, तेसिं च जंजाचारणरूद्धी सा होत्था जीए एणेण उप्पाएणं क्यगदीयं गच्छंति, क्यगदीयाओ अरंता ते एणेण उप्पाएण नंदीसरदीवे आगच्छंति, वीएण सट्ठाण जाग-च्छति, उद्धगईए गच्छंता ते एणेण उप्पाएण मेरु-सिहरसठिय पडगुज्जाणं, प्लिआ

१ प्राणमसि प्रतिगचि । २ स्थानि । ३ प्रमयन्ति । ४ प्राणुवन्ति । ५ अकारादिपट्टनारिदनाह-काशर । ६ सुवादि । अयुजादि । ७ एगासविण । ८ स्तोत्रमवि । ९ उत्यातेन ।

बुद्धिकोसलं । पुणा वि जीवाणंदो गोसीसचंदणरसेण मुणिं आसासीअ । भुज्जो तेल्लब्भं-  
गेण अत्थिमज्झगया वि किमी निग्गच्छीअ, पुणो वि अच्छायणप्पयारेण रयणकंवलविलग्गे  
किमिणो गोक्कडेवरम्मि ख्वित्था । तओ पुणो वि सो भिसयवरो परमाए भत्तीए  
गोसीसचंदणरसेहिं तं मुणिवरं विलिंपित्था, संरोहणोसहेहिं संजायनवत्तओ दित्तिमंतो  
सो मुणी विसुद्धकंचणपडिमा इव विराइत्था । भत्तिभरनिब्भरेहिं तेहिं खमिओ सो खमा-  
समणो तओ अण्णहिं विहरिउं निग्गओ । तओ बुद्धिमंता ते अवसिट्ठगोसीसचदणं रयणकंवलं  
च विक्केऊण सुवणं गिण्हति, तेण सुवण्णेण अप्पकेरसुवण्णेण य मेरुसिंगमिव उत्तुंगं  
जिणवेइअं कराविति । तओ ते महासया निच्चं जिणपडिमं पूयंता 'गुरुवासणा-  
तल्लिच्छा कं पि कालं वइक्कमिति ।

जीवाणंदाइमित्ताणं संजमग्गहणं अच्छुयकप्पे य समुप्पत्ती —

एगया ते विसुद्धपरिणामा वयंसा जायसंवेगा साहुसगासम्मि मणूसजम्मतरुणो  
फलं पव्वज्जं गिण्हति । ते चउत्थच्छट्ठ—अट्ठम—दसम—दुवालसाइतवेहिं संजमं निम्म-  
लयरं पालिता, दायारं अपीलंता, पारणम्मि महुगरवित्तीए देहभेत्तनिव्वहणत्थं भिक्खं  
गिण्हंता, अवलम्बिअधीरिमा ते खुहापिवासा—सीउण्हाइपरीसहे सुहडा पहारे इव सहिरे,  
मोहनरिंदस्स सेणाए अंगाणि इव चउरो कसाए खंति—मद्व—अज्जवाऽलोहसत्थेहिं  
जिण्हति, एवं अज्झत्थविसुद्धीए संजमं आराहंता पज्जंते ते दव्वओ भावओ अ संले-  
हणं काऊणं कम्मगिरिनिष्णासणे असणिसमं अणसणं अकरिंसु, पंचनमुक्कारमहामंतं सुम-  
रंता सुसमाहिजुत्ता देहं चइऊण एए छ वि वयंसा दुवालसमअच्छुअकप्पम्मि इंदसामाणि-  
गदेवत्तणेण समुप्पण्णा । तत्थ वि बावीसं सागरोवमे जाव दिव्वाइं सुहाइं अणुभवित्ता  
तओ चवित्था 'जओ मोक्खं विणा कत्थ वि अचवणं नत्थि' ।

नवमो जीवाणंदभवो, दसमो य देवभवो समत्तो ।

अह इक्कारसमो वज्जणाभचक्कवट्ठिभवो—

देवलोगाओ चविऊण ते वज्जणाहप्पमुहा जाया —

अह जंबूदीवे दीवे पुव्वविदेहे पुक्खलवईए विजए पुंडरिगिणीनयरीए वज्जसे-  
णनरिंदस्स धारिणीए महिसीए तेसु पंच कमेण तणया समुववण्णा, तत्थ वेज्जस्स जीवो  
नामेण वज्जणाभो चउदसमहासुविणसुइओ पढमो पुत्तो होत्था, रायपुत्तस्स जीवो उ  
वाहू नाम वीओ, मंतिपुत्तस्स जीवोऽवि नामओ सुवाहु त्ति तइओ, सेट्ठि—सत्थवाहपु-

चाणं जीना नामेण पीढो महापीढो य चउत्थो पंचमो य संजाया । तह य केसवस्स जीवो सुजसो रायपुत्तो जाओ, तस्स य बालत्तणाओ आरब्भ वज्जणाभस्स उवरिं अईव नेहो अत्थि, 'जओ हि पुब्बभवसंबंधनेहो भवंतरे वि वंजुत्तणं उणेइ', क्रमेण ते रायत्त-  
गया सो य सुजसो वद्धिसु, कलागहणे वि तेसिं कलायरिओ निमिच्चमेत्तो होत्था, 'जओ महापुरिसाणं सय चिय गुणा पाउब्भवति' ।

वज्जसेणो तित्थयरौ जाओ वज्जणाहो अ चक्कवट्ठी जाओ-

अह वज्जसेणनरिंदो लोगंतिअदेवेहिं समागंतूणं जिण्णविओ-हे भयं ! तित्थं पवत्तेहिं' । तओ वज्जसेणो सक्कसमपरक्कमं वज्जणाभं रज्जम्मि निवेसिऊण वरारि-  
यापुव्व च संबच्चरिअदाणेण सब्बलोगे पीणिऊण देवासुरनरवईहिं च कयनिकरुमणम-  
हूसओ उज्जाण गंतूण सयंतुद्धो स भयं दिक्खं गिण्हेइ, तथा मणपज्जवणाणं तस्स समुप्पन्न, सो भयवंतो विविहाभिग्गहधारगो अप्परओ 'समयाघणो निम्ममो निप्प  
रिग्गहो गामाणुगामं विहरिउ पउत्ते । वज्जणाभो वि पत्तेगं नियभाऊणं विसए दासी,  
तेहिं वंधुहिं लोगपालेहिं इंदो इव स विराएइ, सुजसो य तस्स सारही सजाओ ।

अह वज्जसेणतित्थयरस्स घाडक्कम्ममलक्कसयाओ उज्जलं केवल्लणाण समुववन्नं,  
तया य वज्जणाहस्स महीवट्ठो अहरीकयभक्खर आउहसालाए चक्करयणं पविसित्था,  
अण्णाइपि तेरह रयणाइं सेवापरा य नवा वि निहिणो तस्स अभांसिउ । सो सब्बं  
पुसखलावडं विजयं साहित्था, तओ समगनरिंदेहिं अस्स चक्कवट्ठित्तणाऽहिसेगमहूसवो  
कओ । चक्कवट्ठित्तणस्स काममोगाड भुजंतस्स वि अस्स वयवद्धणेण  
सह धम्ममि सुद्धीवि अहिगाहिगं वद्धित्था । एगया वज्जसेण  
जिणीसरो जयजंतुपरमाणंदजणगो सक्खं मोक्खो इव विहरंतो तत्थ समागओ,  
देवनिम्मियसमोसरणे चेइअतरुणो हिट्ठम्मि सीहासणम्मि उवविसिऊण धम्मदेसणं  
कुणेइ । तथा जिणीसराऽऽगमणसमायारं सोच्चा संधघो वज्जणाहो वि जगंतुणो  
जिणीसरस्स पायपंकर्यं उजागओ, सो जिणिंदं ति-पयाहिणं किन्चा पणमित्ता य  
सक्कस्स अणुसधू इय पिट्ठओ उवविसित्था । सो भवज्जणमणमुत्तीमु वोहिमुत्ता  
जणणिं साइनसत्तउट्ठिसण्णिहं देसणं सुणेइ । भगवओ गिरं मुणमाणो हरिसाऽइ-  
रेगाओ स गडात्थ नरिंदो एव विचित्तेइ-अयं असारो संसारो समुट्ठो इय दुत्तरो,  
तम्म वि तारगो तिओगणाहो पत्तलपुण्णुदएण पावियव्वो, जो भयं जणाण



सेट्टिठचंदणदासस्स पुत्तो सागरचन्दो—

तत्थ सिरिएसोहिल्लो धम्मिअजणाणं पहाणो नयरीजणप्पिओ नामेण चंदणदासो सेट्टिवरो आसि । तस्स यजगनयणाऽऽणंदनियानं सागरस्स चंदो इव सागरचंदो नाम नंदणो होसी, सो य उज्जुसीलो विवेगवंतो सयच्चिअ धम्मकम्मसीलो सयलनयरजणस्सावि मुहमंडणं हवित्था । एगया सो ईसाणचंदस्स रण्णो दंसणत्थं सेवा-समागयाणेगसामंत-वररायविराइअं रायसहं उवागओ । तथा ईसाणचंदनरिंदेण सो आसणतंवूलदाणाइपडिवरीए महानेहेण पिउणा इव दंसिओ । एत्थंतरम्मि को वि मंगलपाढगो सहाए अब्भंतरे समागंतूण अहरीकयसंखञ्जुणिगिराए भणित्था, अज्ज हे भूवइ ? भवओ उज्जाणे सज्जीकया-णेगपुप्फा उज्जय-उज्जाणपालीव वसंतसिरि वियंभेइ, तओ इंदो नंदणवणं इव 'विअसिर-कुसुमामोयसुरहीकयदिसाऽऽणणं एयं उज्जाणं संभावसु । राया वि दुवारपालं आह- 'पच्चूसे अहिलनयर-लोगेहिं उज्जाणंमि समागंतव्वं' ति नगरे उग्घोसेसु, तुमए वि उज्जाणे एयव्वं ति नरिंदो सागरचंदं आदिसित्था । तओ रण्णा विसज्जिओ सो 'स-घरं समागओ संतो निअमित्तास्स असोगदत्तस्स तं निवस्स आणं कहित्था ।

सागरचंदस्स उज्जाणे गमणं भयाओ य पियदंसणारक्खणं—

वीयदिवसे सपरिवारो भूवई उज्जाणंमि गच्छित्था, पउरजणा वि तत्थ गच्छिंसु, सो सेट्टिठतणओ वि असोगदत्तेण सह गओ । तत्थ उज्जाणे लोगो पुप्फावचएहिं गीय-निच्चाइकम्मेहिं च कीलिडं पउत्तो, ठाणे ठाणे विविहकीलापरा उवविट्ठा पउरजणा 'आवासि-अपुप्फसर-नरिंद-खंधावार-धुरं धरिंसु । पए पए संपवुत्त-गीय-वाइअ-महासदे अब्भहिए समुट्टिए समाणे अयंडे एगाओ तरुगहणाओ रक्खेह 'रक्खेह' ति भयतसियाए कीए वि इत्थीए करुणसदो उट्टिओ । तइया 'सोचपविट्ठाए तीए गिराए समाकडिठओ इव 'किं एयं' ति संभतो सागरदत्तो तत्थ धाविओ । सो तत्थ सेट्टिठणो पुण्णभदस्स पियदंसणा-कण्णगं 'विगेहिं हरिणिं इव दुदुठेहिं गहियं पेक्खित्था । अह सो एगस्स हत्थं आमोडिऊण छुरिगं गिणित्था । ते दुदुठपुरिसा तस्स तारिसं परक्कमं पासिऊण जलंतजलणदंसणाओ वग्घा इव पलाइंसु । हा सागरचंदेण दुदुठपुरिसेहिंतो विमोइआ पियदंसणा 'परुवयार-वसणो पुरिसुत्तमो मम पुण्णोदएण समाकडिठओ इह को एस समागओ ?, पज्जुण्णरूवधरो एसो च्चिअ मज्झ पिओ भावि' ति चिंतंती नियगिहं गच्छित्था । असोगदत्तासहिओ सागरचंदो हियए 'अणुसयं इव पियदंसणं वहंतो घरं गओ । अह चंदणदाससेट्टिठणा जण-

१ विकसत् । २ संभावय-प्रसन्नो भूत्वा प्रेक्षस्व । ३ स्वगृहम् । ४ आवासितपुष्पशरनरेन्द्र-स्कन्धावारधुराम् । ५ श्रोत्रप्रविष्टया । ६ वृकैः-वरुधे । ७ अनुस्यूतमिव-पशेवायेलनी नेभ

परपराए पुत्तस्म समग्गो बुत्तंतो त्रिण्णाओ, जओ उक्किह सुहकम्मं न ढक्किज्जड ।  
सो चिंतित्था-पियदसणाए उव्वरिं रागो अस्स उड्ढो, रायहसो कमलिणिं विणा ण  
अण्णत्थ रज्जइ, ज अणेण पुत्तेण तथा इमं उव्वभट्ठणं पर्यसिअं तं न जुत्त, सपोरिसे-  
णावि वणिण्ण न हि पोरिसं कायव्व, किं च सरलस्स मज्झ तणयस्स मायाविणा  
असोगदत्तेण सह संगो कयलीतरुणो वोरीरुक्खेण इव ण सोहणो त्ति चिंतित्तण  
स सेट्ठी सागरचंदं वोळ्ळाविज्जण सामेण उवाएण सासिउं आह—

चंदणदासस्स पुत्तं पइ उवएसो—

वन्ड ! सव्वसत्थाणुसारेण ववहारेण सयं अहिण्णू अत्ति, तह वि मए किंचि  
जाणाविज्जए, पुत्त ! अम्हे हि वणिआ, तओ कलाकोसलजीविणो अणुव्वभडायार-  
वेसा समाणा जह न गरिहिज्जामो तहा डोयव्व, जोव्वणे वि गूढविकमेहिं भवि-  
यव्वं, इत्थीणं सरीरमिव अम्हाण संपयाओ कामभोगा दाण च गुत्तं चिय सोहाए  
अलं होड, निअजाईए अणणुरुक्ख किज्जमाणं कज्जं न सोहए, जह—‘चरणे करहस्सेव  
वडं कणयनेउरं’ । सहारओ वंरुचित्ताणं दुज्जणाणं ससग्गो न हियावहो, अय च  
असोगदत्तो कुट्टरोगो देहमिव तुमं समए दुसिस्सड, अस्स मायाविणो चारजुव्वईए  
इव मणंसि अण्णं वयणे अण्णं किरियाए वि अण्णं, तओ वीसासो तुमए न कायव्वो ।  
सागरचंदो वि पिउणो उवएसं सुणित्ता मणम्मि चिंतित्था, एयाओ उवदेसाओ  
पिउणा दूढजणाओ ऋणामोअणपुत्तंतो सयलो सो विण्णाओ त्ति अहं मण्णेमि, पिउ-  
स्स असोगदत्तस्स संगो सोहणो न विभाइ, तहावि एवं होड त्ति खुणं मणंसि विमं-  
सित्ता सागरचंदो वि सत्रिणयं पियरं कहित्था-ताओ ज आदिसइ ‘अहं तुम्ह पुत्तो म्हि’  
तओ त कायव्वमेव, जत्थ गुरणो आणा लंघिज्जइ तेण कज्जेण अलं, किंतु हे पियर !  
अरुन्हा तारिस कज्जं उवचिहए जत्थ मणयं पि त्रियार-कालपडक्खण न सहेइ,  
त्रियारं कुणंतस्स कासड कज्जम्स कालो अङ्गच्छेइ, एरिसे आगए काले पाणसंसए य  
पत्ते वि त चिय काह, जे तुम्हाणं लज्जाकरं न सिआ । जं मज्झ असोगदत्तेण सह  
मित्तया तत्थ सहामासो सहपसुकीलण भुज्जो भुज्जो दंसणं च त्ति कारणं, समा जाड समा  
विज्जा सम सीलं ‘समं धयं परोक्खे त्ति उवकारित्तणं मुहदुहसमभागिया य मित्तण  
पयाइ । ‘एयम्मि मणयं पि दुग्गुण न पासेमि, भओ सुसा वो वि अस्सासि, अत्थु  
या तारिसो मायावी, एसो मम किं करिस्सइ ? एतत्थ त्रिणिप्रिसिण त्ति कच्चं कच्च एव

१ उद्दमट्ठयम् । २ पीययम् । ३ अभिज्ञ । ४ गणांभे । ५ उप्पस्वेव । ६ चारुयवत्था-वेत्त्याया  
७ सम धय । ८ आत्थए-अवपयत् । ९ कायम् ।

संता एगेण उप्पाएण नंदणवणं, वीएण उप्पायभूमिं आगच्छंति । ते विज्जाचारणलद्धीए एगेण उप्पाएण माणुसुत्तरपव्वयं, वीएण य नंदीसरदीवं गच्छंति, तओ वलमाणा एगेण उप्पाएण सदूठाणं आगच्छंति, एवं तिरिअगमणमिव उड्ढं पि दोहिं उप्पाएहिं जंति, एगेण पुणो आगच्छंति । ते आसीविसइड्ढीए निग्गहाणुग्गहक्खमा हुंति, । अन्नाओ वि ताणं बहुलद्धीओ पाउव्वुया, तहवि ते समणा अप्पकज्जंमि निराकंखा ताओ लद्धीओ न पउंजंति ।

वज्जणाहस्स वीसठाणगेहिं तित्थयरनामकम्मनिकायणं—

इओ य वज्जनाहमुणिंदेण वीसइथाणगेहिं तित्थयरनामगोत्तकम्मं निक्काइअं निवद्धं । जहा-तत्थ पढमं पयं जिणिंदाणं जिणपडिसाणं च पूआए अवण्णवायनिसेहेण सव्वभूयत्थथुईए य आराहेइ<sup>१</sup> । वीयं सिद्धित्थाणेसु सिद्धाणं पडिजागरणमहसवेहिं जहावट्ठियसिद्धत्तगुणकित्तणाओ य<sup>२</sup> । वाल-गिलाण-<sup>३</sup>सेहाइजईण जो अणुग्गहो तं पवयणस्स वच्छल्लसरूवं तइअं ठाणगं<sup>४</sup> गुरूणं आहारो-सहि-वत्थ-पाणगाइदाणाओ अंजलि-योजनाओ य अईव वच्छल्लकरणं तं चउत्थं ठाणगं<sup>५</sup> । वीसवरिसवयपरियायाणं छट्ठिवरिसाउसाणं चउत्थ-समवायंगधराणं थविराणं च भत्तीए पंचमं ५ । अत्थाविकखाए अप्पाणाओ वहुसुयधराणं सइ अण्ण-वत्थाइदाणेण वच्छल्लकरणं छट्ठं ६ । उक्किट्ठतवकम्मनिरयाणं तवंसीणं भत्ति-विस्सामणा-दाणेहिं वच्छल्लं तु सत्तमं ७ । दुवालसंगसुयम्मि निच्चं वायणापमुहेहिं सुत्तसत्थ-तदुभयगओ जो नाणोवओगो तं अट्ठमं ८ । संकादिदोसरहियं थिरयाइगुण-भूसिअं<sup>६</sup> समाइ-लक्खणं सम्मत्तदंसणं पुणो नवमं ९ । नाण-दंसण-चारित्तोवयारेहिं कम्माणं<sup>७</sup> विणयणाओ विणओ पुणो दसमं १० । इच्छा-मिच्छाकाराइआवस्सयजो-गेसु जत्तेणं अइयारपरिहारो उ एकारसं ११ । अहिंसाइ-समिइप्पमुहमूलोत्तरगुणेसुं जा निरइयारा पउत्ती उ वारसमं १२ । पमायपरिहारेण खणे खणे लवे लवे सुहज्झाणस्स करणं एयं तेरसमं १३ । मणसो देहस्स य वाहारहिएण जहासत्तिं निरंतरं तवकरणं एयं चउइसमं १४ । मण-वय-कायसुद्धीए तवंसीसु जहसत्तिं अण्णाईणं जो संविभागो तं पण्णरसं १५ । आयरियप्पमुहदसणं भत्त-पाणाऽऽहाराऽऽसणाईहिं वेयावच्चस्स करणं तं सोलसमं १६ । समणाइचउव्विहसंघस्स सव्वाऽवायनिवारणाओ मणसमाहिजणणं तं सत्तरसं १७ । अधिणवसुत्तसत्थ तदुभयस्स सव्वया जत्तेण जं गहणं तं अट्ठारसदूठाणगं १८ । सद्धाए<sup>८</sup> उव्भासणेण अवण्णवायनिसेहेण य सुयनाणस्स भत्ती तं एगूणवीसइमं ठाणगं १९ ।

१ शैक्षादि०-अभिनवदीक्षितादि । २ अर्थापेक्षया आत्मनः सकाशात् । ३ शमादि० । ४ विनयात् अपनयनात् । ५ उद् भासनेन-प्रकाशनेन ।

विज्जा-निमित्त-कव्व-वाय-धम्मकहाहिं जं जिणसासणस्स पभावणाकरणं तं वीसदम  
ठाणगं २०। एएसु ठाणगेसु एगमवि ठाणगं तित्थयरनामकम्मस्स वंउकारणं । एसो  
भयवं सव्वेहिं ठाणगेहिं पि तित्थयरनामकम्मं वंपित्था । वाहुमुणिणा साहूणं वेयावच्च  
कुणतेण चक्रुट्टि-भोगफल्दायगं कम्मं उवज्जिअ । मुत्ताहुसाहुणा तप्पसीणं महरिसीणं  
विस्सामणं कुणतेण लोउत्तरं वाहुवळं समुवज्जिअं । तथा वज्जणाभो मुणिंदो 'अहो !  
इमे साहुवेयावच्चविस्सामपरा धण्णा' इअ वाहु-मुत्ताहुमुणिणो पससित्था । ताणं  
पसस सोचा ते उपीढ-महापीढ मुणिणो परिचित्तिसु- 'जो हि उवगारयरो सच्चिअ  
इह पसंसिज्जइ, आगमउज्जयणपट्ठण-ज्जाणरण अणुपकारिणो अम्हे को पसंसेज्जा ?  
अइवा कज्जकरो जणो चिअ गिज्जइ' एव ईसानिवद्धदुकयकम्मं अणालोयंतेहिं माया-  
मिच्छत्तजुतेहिं तेहिं इत्थित्तणनिवधण कम्मं उवज्जिअं ।

वज्जणाहाडंणं सचहसिद्धविभाणे समुत्पाओ—

एवं वज्जणामप्पमुहा उ कि मुणिवरा चउइस-पुव्वलवखे जाअ असिधारासढोपरं  
निरदयारं पव्वज्ज पालिसु । पज्जते दुप्पिहसंतेहणापुव्वयं पायपोवगमणाऽणसणं पडिअ-  
ज्जित्तणं समाहिणा काल काऊण सवदठसिद्धविभाणे तित्थीससागरोअमाउसा सुरवरा  
समुप्पणा ।

इकारसमो वज्जणाहचक्रुट्टि भवो, दुवालसमो देवभवो य समचो ।

एवं उसहदेवस्स, दुवालस भवा इमे ।

बुत्ता पढमवग्गस्स, पढमोइंसगे इह ॥

इअ सिरित्तवागच्छाहिवइ-सिरिकयंअप्पमुहाणेगतिथोद्धारग-सासणप्पहावग-आपाल्लवंभयारि-

सूरीमत्तेहर-आयरिअविजयनेमिसूरीसर-पट्टालकार समयणु-सतमुत्ति-वच्छल्ल-

वारिहि-आयरिअविजयविण्णाणमूरीसर-पट्टधर-सिद्धतमहोदहि पाइअभासा-

निसारयायरिअ-विजयकथूरुसरिविरइए महापुरिसचणिए पढमवग्गमि

उसहजिणीसरस्स धणाइदुवालसमअमक्खो पढमोउदेसो

समचो ॥

उहेसो यीओ

कुलभराण उप्पत्ती

इह जव्वीअस्स पच्छिमविदेहे अरीहिं अरराइआ नामेण विअयगइआ पुरी  
अण्णि । तीए नयरीए सिरिए ईमाणिटो इअ ईसाणचदो नाम राया होत्या ।

मणी मणिच्चिय' एवं पुत्तेण वुत्तो सेट्ठी तं आह—तुमं वुद्धिमंतो सि, तहवि सवत्थ साव-  
हाणेण होयव्वं, जओ परचित्ताइं दुल्लक्खाइं हुंति । अह पुत्तस्स भाववियाणगो सेट्ठी  
पुत्तं सीलाइगुणविहसिअं पियदंसणं कण्णं पुण्णभदसेट्ठिस्स समीवे मग्गित्था । पुराऽपि  
तुम्ह तणएण मम सुआ उवगारक्किणिअत्ति वयंतो सेट्ठी पुण्णभदो तस्स वयणं अणुमणित्था ।

सागरचंदस्स पियदंसणाए सह विवाहो—

तओ पसत्थतिहिवार-नक्खत्ते सुहल्लग्गे अ दुण्हं पियरेहिं सागरचंदस्स पियदंसणाए  
सह विवाहो कारिओ । अहिलसिअविवाहेण ते बहूवरा अइव पमोइंसु । समाणमाणस-  
त्तणेण अभिण्णभावपत्ताणं ताणं परुप्परं नेहभावो वद्धित्था । ताणं सीलव्रंताणं रुव्रंताणं  
अज्जवसालीणं च विट्ठिवसाओ अणुरुवो संजोगो होत्था ।

असोगदत्तस्स एगंते पियदंसणाए मिलणं—

अह एगया सागरचंदो कज्जनिमित्तं वाहिरं निग्गओ तथा असोगदत्तो तस्स  
घरम्मि आगंनूण पियदंसणं कहेइ तव पिओ सागरचंदो धणदत्तसेट्ठिणो बहूए सह एगंते  
जं मंतणं कुणेइ, तत्थ तस्स किं कारणं होज्जा ? । तथा सा सहावसरला वएइ—तव मित्तो  
एयं जाणेइ, अहवा तस्स सव्वया वीयं हिययं असि, तेण तुमं जाणेसि । ववसाय-  
पराणं महंताणं एगंतमंतिअकज्जाणि को जाणेज्जा ?, अह जाणेइ स घरम्मि कहं  
कहेज्जा ? । असोगदत्तो वि कहेइ—तुम्ह पियस्स तीए सह जं पयोयणं, तं अहं जाणामि  
किन्तु कहं कहिज्जइ ? । पियदंसणाए 'किं तं' ति पुट्ठो ? सो ववेइ—तुमए सह मम जं  
पयोयणं अत्थि, तीए सह तस्स वि तं सिया । तस्स भावं अवियाणंतीए सरलभावाए  
पियदंसणाए पुणो वि पुट्ठं मए सह तव किं पयोयणं ? । सो वयासी—सुलोयणे !  
एगं तुमं पियं त्तिणा भिण्ण—भिण्णरसविउसस्स सचेयणस्स पुरिसस्स कस्स तुमए सह  
पयोयणं न सिया । कण्णसुइसरिसं दुट्ठभावसुयगं तस्स वयणं सोच्चा सा अहोमुही-  
होऊण सकोवा साहिकखेवं कहेइ—रे निम्मज्जाय ! पुरिसाहम ! तुमए एयं कहं  
चित्तिअं ? अहवा चित्तअं समाणं कहं तु वुत्तं ?, अहमयमस्स तुमं धिरत्थु, किंच मह-  
प्पाणं मम पइं अप्पसरिसं चेव 'रे ! संभावेसि, मित्तमिसाओ सत्तुसख्वं तुमं धिरत्थु ।  
रे पाव ! इओ गच्छ, मा चिट्ठसु, तुव दंसणाओ वि पावं सिय त्ति तीए अक्कोसिओ  
स 'थेणो इव सिग्धं निग्गओ । स गोहच्चागारो इव मलिणाणणो विसण्णमणो समा-  
गच्छंतो मग्गे सागरचंदेण विलोगिओ ।

सागरचन्देण सह असोगदत्तस्स संवाओ—

हे मित्त ! केण हेउणा उच्चिग्गो इव लक्खिज्जसि ? इअ मुद्धहियएण सागर-  
चंदेण पुच्चिअं । तओ सो मायाकुडगिरी दीढ नीसासं उच्चमतो संकोट्थासहरो  
दुट्ठो रुद्धेण इव ववेइ—हे भायर ! संसारसागरे वसंताण उच्चवेगकारण किं पुच्चसि !,  
जं गुञ्जथाणे वणमिव न ढक्किरुं नासवि पयासिउं सक्किज्जइ, त किंपि इह उच-  
ट्ठिअ' ति व्रोत्तूण मायादंसिअ-अमुविलोयणे असोगदत्ते ठिए समाणे सो मायारहिओ  
इअ चिंतिउं पउत्तो-अहो ! असारो ससारो, जत्थ एरिसाणमपि पुरिसाण अयंढे  
एरिमं सदेहपयं उजजायए, अएस गीरिमाए अवयंतस्स वि उच्चएण अचंभंतरुव्वेगो  
धुमेण वन्ही इव वलाओ 'वाहेहिं नज्जइ ति चिंतिऊण सज्जो मित्तदुक्खेण दुह्मिओ  
सागरचंदो भुज्जो सगगर तं कहेइ-हे मित्त ! जट अप्पयासणीअं न सिआ तथा  
त उच्चवेगकारणं मज्झ संसेहि, दुक्खविभाग च मम दाऊण अट्टणा 'थोक्कदुहो  
भवाहि । असोगदत्तो वि आह-मम पाणसमे तुमम्मि अण्ण अप्पयासणिज्ज किंपि न,  
विसेसेण अयं वुत्ततो । हे वयस ! तुम जाणासि, जं अंगणाओ उह अणत्थाणं खाणी ।  
सागरचंदो वि वएइ-एवं चिअ, किं नाम सपइ सप्पिणीए इय कीए वि  
इत्थीए विसमसंरुद्धे निवडिओ असि ? । असोगदत्तो वि 'कारिमं वीडय कुणंतो  
कहेइ-तत्र पिआ पियदसणा मं पइ चिर जाव असमजसं भासेइ, मए 'सयंचिअ लज्जिऊण  
कया वि एसा चिट्ठिस्सइ' ति चिंतिऊण अज्ज जाव उतिक्रिआ पर ट्ठिणे दिणे  
असइत्तणोइअयणेहिं मं वयंती अहो ! एसा न विरमेइ । हे पंधु ! अज्ज उ तुम्ह  
गवेसणत्थं तत्र घरम्मि गओ, तथा छलणपराए तीए रक्खसीए इव निरुद्धो अम्मिह,  
कहंचि तीए वंयणाओ अप्पाणं मोइऊण अहं इह सिग्घ समागओ । तओ मए चिंतिअ  
इमा जीयंतं न मुंचिस्सइ, अओ अज्ज अप्पाण किं वावाएमि ? अहवा मरिउ न  
उइअ, जं इमा मम मित्तस्स एरिसं अण्णहा कहिस्सइ त तह मम परोक्खे पि, तओ  
मरणेण अत्र, अहवा सयं चिअ एयं सव्व मम मित्तस्स पुरओ कहेमि, जहा इमीए  
रुयवीसासो एसो अणत्थ न पावेइ, एयंपि न जुत्त, जं इमीए मणोरहो मए न  
पूरिओ । अह तीए दुसीलयाकूहणेण खयम्मि खारं किं खिवेमि ? एव चित्तमाणो अह  
एत्थ तुमए संपइ दिट्ठो म्मि, हे वधव ! मज्झ इम उच्चवेगकारण जाणेहि । एय  
आयण्णिऊण पिपिअविसो इय खणं सागरचन्दो निच्चलो संजाओ । सागरचन्दो

१ मापे । २ स्तोक्कदुग्ग । ३ कृत्तम मोउक्कम्-कृत्तमा लज्जाम् । ४ आरण्य-धुत्वा ।

कहेइ—'इत्थीणं इमं जुज्जइ, विसायं मा कुणसु, सत्थं अवलंविऊण सुहे चवसाए ठायव्वं, न सुमरणीअं तीए वयणं, जारिसी तारिसी वा सा अत्थु, किं तीए, केवलं अम्हाणं भाऊणं 'मणमइलिआ मा होउ, एवं उज्जुणा तेण अणुणीओ सो अहमो असो- गदत्तो पमुइअचित्तो जाओ, 'माइणो अवरहं किच्चा वि अप्पाणं सम्माणिन्ति' ।

तओ पभिइं नेहरहिओ सागरचन्दो उव्वेगसहिअं पियदंसणं रोगमसिअं अंगु- लिमिव धारेइ, किंतु पुव्वमिव तं नीरागेण वट्टावेइ, 'सयं हि पालिआ जा लया निप्फला वि नेव उम्मूलिज्जइ' । पियदंसणा 'एयाणं मम कओ भेओ मा होउ' त्ति वियारित्ता असोगदत्तस्स तं बुत्तंतं पियस्स न निवेइत्था । अह सागरचन्दो निव्वेएण संसारं कारागारसअं मण्णमाणो दीणाऽणाहदुक्खिअजणेसु नियरिद्धिं सहलं करित्था । कालकमेण सागरचन्दो पियदंसणा असोगदत्तो अ निआउं पूरिऊण तिण्णि वि एए काल धम्मं उवागया ।

सागरचन्दाइणो मरणं लद्धूणं जुगलियत्तणे समुप्पण्णा—

इह जंबूदीवे भरहखेत्तस्स दाहिणइहभरहम्मि गंगासिंधूण अंतरे मज्झभागे इमीए ओसप्पिणीए तइयारगे बहुगए पल्लवमस्स य अहमभागे अवसिट्ठे समाणे जुगलधम्मणेण सागरचन्द—पियदंसणा समुववण्णा ।

कालचक्रस्वरूपं

पंचसु भरहेसु पंचसु य एरवएसु खेत्तेसु कालववत्थाए हेऊ दुवालसाऽरं कालचक्रं सिआ । ओसप्पिणी—उस्सप्पिणीभेयाओ कालो दुविहो अत्थि, ओसप्पिणीए सुसमसुसमाइणो छ अरा संति, तत्थ पढमो सुसमसुसमारो चउसागरोवम कोडाकोडिपमाणो, बीओ सुसमारो तिसागरोवमकोडाकोडिपमाणो, तइओ सुसमदूसमारो दुसागरोवमकोडाकोडिपमाणो चउत्थो दुस्समसुसमारो दुचत्तालीसवाससहस्सोणो एगसागरोवमकोडाकोडिपमाणो, पंचमो दुस्समारो एगवीससहस्सवरिसपमाणो, छट्ठो दुस्समदूसमारो वि तावंतवरिसपमाणो । जहा ओसप्पिणीए छ अरा उदीरिआ, तह ते च्चिअ पडिलोमकमेण उस्सप्पिणीए वि जाणियव्वा, एवं ओसप्पिणीए उस्सप्पि- णीए य संमिलिआ सागरोवमाणं बीसं कोडाकोडीओ हुंति । तत्थ पढमारंमि मणुस्सा तिपल्लवमजीविणो तिकोसुच्चा चउत्थदिणभोइणो भवन्ति, ते माणवा चउरंससंठाणा वइररिसहनारायसंघयणा सव्वलक्खणलक्खिआ सयासुहा मंदकोह—माण—माया—लोहा सव्वया सहावओ अहम्मपरिहारिणो संति । ताणं मज्जंगपमुहा दसविहा कप्पतरुणो अहोनिंसं

अहिलसिआइ दिंति । तत्थ मज्जगतत्तवो मज्जाइं, भिंगा य भायणाइं तुरियंगा विविह-  
 तुरियाइं, दीवसिहा जोइसिआयअसरिस उज्जोयं, चित्तंगा विविहाइं पुप्फाड मल्लाइं च,  
 चित्तरसा विविहभोयणजायं, मणिअंगा अणेगविहभूसणाइ, गेहागारा सुयराइ, 'अणग्गिणा  
 दिव्वाइं वसणां पयञ्जंति । तया तत्थ भूमीओ सकरा इव साउमर्दओ, सरियाईसु जलाइं  
 पि सया अन्चन्तमहुराइं । एवं पढमारे तत्थ आउसंययणाइयं अदकमेट, तथो रूपदुमपहावा  
 सणियं ऊणं ऊणं जायते । वीयम्मि अरए माणवा दुपल्लोवमजीविणो कोसदुगुच्चा  
 तइअदिणभोइणो हुंति, तत्थ रूपमहीरुहा किंचिऊणपहामा, 'उअगाइ भूमिसकरा  
 वि महुरत्तणेण पुव्वओ किंचि हीणा जायन्ते, एयम्मि अरए कालकमेण पुव्वाउरगो विव  
 हीणहीणयर अन्नं पि सव्वं जायइ । तइए अरगे नरा एगपल्लाउसा एगकोसुस्सया  
 वीअदिणभोइणो, एयमि अरंमि पुव्वमिव देह आउं भूमिमहुरया कप्पदुमपहावो वि य  
 हीण जायइ । पुव्वपहापरहिए चउत्थे अरगे माणवा कोडिपुव्वाउसा पंचसयधणुस्सया  
 हुति । पंचमारे वरिससयाउसा सत्तहत्थुच्चदेहा, उट्ठे अरे पुणो सोलसासाउसा एगहत्थु-  
 स्सया मणुआ हवति । उस्सपिणीए पि पञ्जाणुपुव्वीए दुस्सम-दुस्समपमुहा छ अरा  
 एरिसा जाणियव्वा ।

### विमलवाहणाइणो सत्तकुलगरा—

तइआरतजायत्तणेण ते सागरचन्द-पियदंसणा नवपणुसय-उच्चा पल्लदसमभागा-  
 उसा चइररिसहनारायसंययणा समचउरंससंठाणा जुगलधम्मिणो सजाया । तत्थ साग  
 रचन्दो जच्चसुवण्णजुई तस्स भज्जा पियंगुवण्णसरिसा होत्था । सो असोगदत्तो  
 पुव्वजम्मकयमायाइ तत्थ च्चिअ सुवक्खण्णाऽऽहो चउदंतो गयराओ सजाओ । एगया  
 इओ तओ ममंतेण तेण गएण पुव्वजम्ममित्तो स जुगलनरो पेक्खिओ, पुव्वभवव्भा-  
 सवमओ तस्स तम्मि नेहो पाउव्वुओ, । तेण हत्थिणा नियकरेण त वेत्थूण जहामुह आलिं-  
 गित्ता अणिच्छंतो स नियसंधपएसे समारोत्रिओ । अन्नुन्नदंसगव्भासाओ ताण दुण्हं  
 पि पुव्वजम्मस्स सुमरणं संजायं । अण्णे जुगलधम्मिणो चउदंतगयराउसमारुइं तं  
 इंदं इव पेक्खिंस्सु । 'संस-कुद-इंदुविमलं गयं आरुहो' तओ मिहूणगनरेहिं 'उमो  
 विमलवाहणो'त्ति नामेण उत्तो । स विमलवाहणो जईसरणाओ नीटजाणगो पर्यईए  
 भइओ रुववतो य इइ सव्वजणेहिंतो अब्भहिओ सजाओ । कियंते काळे गए कप्प-  
 तरुणं पहाओ सजमभट्टाण जईणमिअ मदीभूओ । तहा तारिसकालाणुभावेण मिहूणगनराण



कप्पतरुसुं ममरां संजायं, अण्णेण अंगीकयं कप्पतरं जया अण्णो निणहेज्जा,  
 तथा पुव्वजुगलियनरस्स महंतो पराभवो होत्था । ते तद्वा परिभवं परुप्परं  
 असहमाणा अप्पणो अहिगगुणवंतं विमलवाहणं सामित्तणेण अंगीकुणित्था । स  
 थविरो विमलवाहणो जाइस्सरणनाणेण नीइजाणगो जुगलिनगराणं कप्पपायवे  
 विभइज्जण देइ । तत्थ जो जो परकप्पतरुगहणेण मज्जायं अइक्कमेइ स  
 तरस सिक्खणत्थं हक्कारनीइं ठवित्था । 'तुमए हा ! दुक्कडं' ति एरिसदंढेण  
 वारिहिवेलाजलाणि इव मज्जायं ते मिहुणगनरा न अइक्कमिंमु । तेण हक्कारदंढेण ते  
 जुगलिआ दंडाईहिं घाओ वरं, न उ हक्कारतिरक्कारो ति मण्णिंमु । तस्स विमलवा-  
 हणस्स छम्मासपमिए आउसस्स अवसेसे समाणे चंदजसा भज्जा एगं मिहुणं पस-  
 वित्था । ते इत्थीपुरिसा असंखेज्जवरिसाउसा पढमसंघयणा पढमसंठाणा सामवण्णा  
 अट्ठधणुसउस्सया मायापियरेहिं 'चक्खुमंतो चंदकंता य' ति दिण्णनामा वडिडुं  
 पयत्ता । छम्मासे जाव तं पुत्तजुगलं पालित्ताणं जरारोगरहिआ मच्चुं लद्धूण विमल-  
 वाहणो सुवण्णकुमारेसु चंदजसा य नागकुमारेसु समुवण्णा । सो करिवरो वि  
 निआउं पालिउआणं तत्थिच्चिअ नागकुमारे उप्पण्णो । पढमकुलगरो समत्तो १ ।

अह चक्खुमंतो वि विमलवाहणो इव हक्कारनीईए जुगलियनराणं मज्जायं वट्ठावित्था ।  
 पत्ते चरमकाले चक्खुमंत-चंदकंताणं जसंसी अ सुखा य जुगलरुविणो पुत्ता समुव-  
 वण्णा । ते वि पुव्वमिव संघयण-संठाण-वण्णसरिसा पुव्वओ मणयं जणाउसा कमेणं  
 बुद्धिं पत्ता । सया सहयरा दित्तिमंता सत्तधणुसय-उस्सया ते मिहुणगनराणं मज्जे  
 तोरणथंभविलासं लहिंसु, अह ते वि कालकमेण कालधम्मं उवागंतूण चक्खुमंतो सुवण्ण-  
 कुमारेसुं चंदकंता य नागेसुं उप्पण्णा । वीओ कुलगरोत्ति २ । तओ जसंसी पिउणो  
 इव सव्वाइं मिहुणगाइं गोवालो गावीओ इव सलीलं पालित्था । अह मिहुणगनरां  
 कमेण हक्कारं नीइं उल्लंघिउं पउत्ता, ताइं सासिउं जसंसी कुलगरो मक्कारनीइं  
 अकासि, 'एगोसहाऽसज्जे रोगे हि ओसहंतरं दायव्वं चिअ' । स महामई अप्पे अव-  
 राहे पढमं नीइं, मज्झमे वीयं, महंते अवराहे दुण्णि वि नीइंओ जुंजित्था । पज्जंते  
 जसंसिणो सुखाए य मणयं नूणाउसा जुगलरुवा इत्थीपुरिसा सह संजाया । तेहिं  
 चंदुव्व उज्जलत्तणेण पुत्तस्स अभिचंदो ति पुत्तीए पियंगुसमाणवणत्तणेण पडिरुव ति  
 नाम कयं । पिउत्तो अप्पाउसा सइहल्लधणुसउच्चा कमेण ते बुद्धिं उवित्था ।

परिपुष्णाउसो जसंसी उद्विहकुमारेसु मुख्वा य नागकुमारेसु उत्पुष्णा । तद्वो  
 कुश्रगरुत्ति ३ । अभिचदो वि पिउणो इव सव्वे जुगलियनरे तीए मज्जायाए हन्कार-  
 मक्कारनीईहिं सासित्था । अंतकाळे पडिरुवा वि मिहुणगं पसवित्था । मायपियरेहिं  
 पुत्तस्स अभिक्खा पसेणई पुत्तीए य चक्खुंअंतं च्चि ठविआ । ते वि मायापिअरेहिंतो  
 नूणाउसा तमालसामलप्पहा छप्रणुमय-उंस्सेइं परंता कमेण वदिहत्था ।  
 अभिचदो वि पज्जंते मरणं लद्धंणं उद्विहकुमारेसु, पडिरुवा पुणो नागकुमारेसु समु-  
 वण्णा । चउत्थो कुलगुरुत्ति ४ । पसेणई मिहुणगनराणं तद्देव नाहो होत्था, 'महापुरि-  
 साणं हि पुत्ता पाएणं महापुरिसा चेव जायंते' । जह कामपीलिआ नरा हिरि-मज्जा-  
 याओ अइक्कमेइरे, तह तया जुगलियनरा हन्कारनीइं मक्कारनीइं च वइक्कमिन्ति ।  
 तत्रो पसेणई अगायार-महाभूअ-उत्तासगमंतस्सउरोम धिक्कारनीइं अण्णं करित्था ।  
 स नीइकुसलो ताहिं तीहिं नीईहिं सयलमिहुणगलोणं पसासित्था । तत्रो पच्छिमकाळे  
 चक्खुक्कता वि किंचि नूणाउसं पण्णासाऽहिगपचधणुसय-ऊसयं मिहुणगं पसवीअ, त पि  
 सह च्चिअ बुद्धिउं पयत्तं । पुत्तो मरुदेवो नाम नदणा य सिरिकंता नामेण ते दुण्णि  
 लोयम्मि पसिद्धिं पत्ता । पियंगुवण्णपैत्तीए सुवण्णप्पहो मरुदेवो नंदणवणतरुसेणीए  
 कणयायलो इव सोहित्था । ते वि पज्जंते मरण पाविज्जण पसेणई दीवकुमारेसु चक्खुंअता  
 पुणो नागकुमारेसु उवज्जिस्सु । पचमो कुलगरोत्ति ५ । मरुदेवो वि तेण च्चिअ नीइक्कमेण सव्वे  
 जुगलिये नरे पसासित्था । पज्जंते सिरिकंता नामेण नाभिं मरुदेवं च जुगलगं पस-  
 वित्था, ते पणवीमाऽहिग-पंचधणुसउत्तसया सह च्चिअ बुद्धिं पारिंसु । पियंगुसंनिहा  
 मरुदेवा जवूणयवण्णसरिसो य नाही मायपियरगुणेहिं ताण पडिर्विअभूया इव सोहित्था ।  
 सिरिकतामरुदेवेहिंतो ताणं आउस मणयं नूण सरिउज्जपुव्वपमाणं होत्था । अह  
 मरुदेवो काउधम्म उमागच्छिअ दीवकुमारेसुं, सिरिकता वि तक्कालं चिअ नागकुमारेसुं  
 गच्छित्था । उट्ठो कुश्रगरो समत्तो ६ । मिहुणगनराण सत्तमो कुश्रगरो नाभी संजाओ ।  
 सो वि पुव्वमिअ जुगलियनरे तीहिं नीईहिं पसासिउं पउत्तो ।

तया तद्भारगसेसे सरयाए चउरासीट्पुव्वसयसहस्सेसु सनयासीइपवखेसु समा-  
 जेसु इह आमाडमासस्स किण्ह चउत्थीए उत्तरासाढानअउत्ते चंटे उमागए सिरिउज्ज-  
 णाहम्म जीवो तित्तीसमागरोमयमाणं आउ परिपालिज्जण सवट्ठसिद्धिआणाओ  
 चउत्तआण मिरिनाभिकुग्गरस्स मज्जाए मरुदेवीए उयरंमि ओउण्णो । तस्माऽउ-  
 यारम्मि लोगतए वि पाणीगं दुग्गउत्तेआओ खणं सोक्ख उज्जोओ य महतो

संजाओ । तत्थ अवयाररयणीए वासभवणे सुहसुत्ताए अरुदेवीए चउदस महासुमिणा दिट्ठा । तत्थ पढवे सिओ पीणक्खंधो दिग्घसरलपुच्छो सुवण्णखिंखिणीमालाविराइओ वसहो १, चउदंतो सेयवण्णो केमुण्णओ झरंतमयरेहिरो गयवरो २, पीअनयणो दिग्घरसणो लोलकेसरो सीहो ३, पउमदहकमलवासिणी पुण्णचंदविलोयणा दिसिगई-दोरुपीवरकराभिसिचवमाणी सिरिदेवी ४, नाणाविहाऽमरतरुपुफपरिगुंफिअं दामं ५, नियाऽऽणपडिच्छंदमिव आणंदजणं पहापूरुज्जोइअ-दिसामंडलं चंदमंडलं ६, तमपडलविद्धंसणो निसाए वि वासर-भमकारणो ररिससहस्ससोहिरो सरो ७, खिंखिणीजालसोहिरीए पयलंतीए पडागाए रायमाणो सहाधओ ८, जच्चकंचणु-ज्जलंतरुवो समुद-महणुगच्छंत-सुहाकुंभ-सहोयरो पुण्णकुंभो ९, भंमरनिणाईहिं पउमेहिं पढमतित्थयरं थुणिउं अणेगाणणभओ इव महंतो पउमसरो १०, भूमीए <sup>१</sup>वित्थरिअसरय-मेहमालासोहाचोरेहिं वीइनियरेहिं मणाभिरामो खीरसागरो ११, देवत्तणे जत्थ भयवं <sup>२</sup>उसिओ होत्था, तं इहावि पुव्वनेहेण आगयं <sup>३</sup>पिव अमिअपहाविराइअं विमाणवरं १२, महियलपइट्ठिओ उइठं गगणमंडलंतं पभासयंतो तारगाणं गणो <sup>४</sup>कओ वि एगत्थमिलिओ इव पुंजीभूआऽमलजुई महंतो रयणपुंजो १३, तिलोगीमज्झट्ठिआणं तेयंसीणं पयत्थाणं सर्पिंडिओ तेओ इव धूमरहिओ सिही १४ । एवं एए चउदस महासुविणा सरय-ससिवयणाए अरुदेवीए सुहंपकए कमेण पविसिंसु । निसाविरामसमए सामिणी अरुदेवी वि सुमिणंते विम्हइआणणा विवोहित्था । तओ सा अरुदेवी हियए अमायंतं हरिसं उग्गीरंती इव कोमलक्खरेहिं तहेव ते सुमिणे नाभिकुलगरस्स कहित्था ।

अरुदेवं पइ नाहिकुलगरस्स इंदाणं च सुमिण-फलकहणं—

हे देवि ! तुम्ह उत्तमो कुलगरो पुत्तो होहिइ त्ति कहिऊण नाभिकुलगरो अप्पकेरसरल्याणुसारेण सुविणाणं अत्थं वियारिउं <sup>१</sup>पयत्तो । तथा इंदाणं आसणाई थिराई पि तथा कंपियाई, 'अकम्हा अम्हाणं आसणाणं पकंपणं किं !' ति इंदा ओहिनाणेण उवओगं दाऊण तं वियारिंसु । तंमि समए भयवओ माउस्स सुविणाणं अत्थं आसंसिउं कयसंकेआ वयंसा इव सिग्गं तत्थ आगच्छिंसु । तओ विणएण कयंजलिणो ते सुमिणाणं अत्थं फुडं अकहिंसु—हे सामिणि ! सुमिणे वसहदंसणाओ तव पुत्तो मोहपंकमग्ग-धम्मरहुद्धरणसमत्थो होही १ । गयवरदंसणाओ तव तणओ गुरुयराणं पि गुरुयरो महावीरिइक्कधामं २ । स्त्रीहदंसणाओ धीरो सव्वत्थ भयरहिओ सरो

अक्खलियविच्चमो पुरिससीहो होहिइ ३ । सिरिदेवीदसणेण ते पुत्तो 'लोगत्तदस्सरिय-  
सिरिनाहो ४ । सुमिणे दामदंसणाओ सव्वलोगस्स पुप्फमाला इव सिरिसा उव्वहणिज्ज-  
सासणो होही ५ । पुण्णरयणीयरदसणाओ जगनयणाऽऽणंदगरो कंतो तुम्ह नंदणो भवि-  
स्सई ६ । रविदंसणेण मोहंधयारनिद्धंसगो जगभावुज्जोयकारगो य ७ । महाधय-  
दंसणाओ महावंसपइट्ठिओ यम्मवओ होहिइ ८ । पुण्णकुंभदसणे सयलाऽइसयपुण्ण-  
भायणं ९ । पउमसरोवरेण संसारकंतरपडियाणं जंतूणं तावं हरिस्सइ १० । खीर-  
सागरदंसणेण अपरिमजणीओ आयरणिज्जो होही ११ । चिमाणदरिसणेण तव अंगओ  
तिष्ठुवणपई वेमाणियसुरेहिं पि सेत्रिहिइ १२ । फुरंतकंतरियणपुंजदरिसणेण तत्र  
अगओ सव्वगुणरयणागरो सिया १३ । निद्धमवन्दिदंसणेण तत्र सुओ अन्नतेयंसीणं  
तेयं दूरं काहिइ १४ । हे सामिणि ? एएहिं चउइसेहिं सुमिणेहिं तुम्ह अगओ चउइस-  
रज्जुपमाणलोगस्स अगभागे ठाहिइ ति समुइयफलं, इअ सुमिणाण अत्थं कहिज्जण  
मरुदेविं च सामिणिं पणमित्ता सुरेसरा नियनियठाणमुत्तागया । इंदेहिं सुविणत्थ  
कहणाऽमएण सिंचिया सा वारिधरेहिं तमुहा इत्तं समूससिआ जाया ।

गवभप्पहावो उसहजिणजम्मो अ—

तेण गवभेण सा मरुदेवा सुरेण मेहमाला इव, मुत्ताहलेण सुत्ती इव, सीहेण गिरिकदरा इव  
सोहित्या । निसग्गओ पियंगुसामग्गणा वि सा सरएण मेहमाला इव पंडुरत्तण पत्ता, ।  
तेलुविकरुमहासारं गवभ सा धारयत्ती वि खेयं न पत्ता, 'गवभजासीणं अरिहताण  
एसो हि अणुत्तो पहावो चिय' । मरुदेवाए उयरंमि सणियं सणिय गवभो निगूढं  
वडिहत्था । भगवओ पहावाओ सामिणी त्रिसेसाओ वीसत्तला जाया । नाभिकुलगरो  
वि सव्वेसिं जुगलियनराणं पिउत्तो वि अहियं माणणीओ सजाओ, कप्पतरुणो वि  
सामिणो पहावाओ त्रिसिद्धाणुभाजा अभविंसु, 'जओ हि सरयकालाणुभाजाओ चंद-  
किरणा अहिगसिरिणो जायंते' । जह पाउसागमे सव्वओ हि संतावा उवसमंति, तह  
भगवओ पहावओ भूमि वि उवसंत-तिरिय-मणूसवइरा जायइ । तओ सा मरुदेवा नवसु  
मासेसुं अद्धमदिणेसु य गएसुं महुमासस्स तहुल्लमदीदिणे मज्जरत्तीए गहेसु उच्च-  
द्वाणट्टिएसु उत्तरासावाए चंदे उतागए जुगलिय पुत्तं पसत्तिथा । तथा दिसाओ  
हरिसेण इव पसणं पत्ताओ, लोगो कीलापरो जाओ । उववायसेज्जाजायदेवो इव  
जराउ-सोणिअप्पमुहकळरुपरिउज्जिओ समयिज्जे सो त्रिराइत्था । तथा कय-

जगनयणचमकारो अंधयारविणासगो विज्जुपयासो इव उज्जोओ लोगत्तए संजाओ ।  
मेहगहीरझुणी दुंदुही गयणे सयं चिअ वाइउं पयत्ता । तथा तिरिय-नर-देवाणं तह  
य पुव्वं अयत्तसोवखाणं नेरइयाणं पि खणं सुहं जायए । भूमीए मंदं मंदं पसप्पंतेहिं  
समीरणेहिं किंकरेहिं इव मेइणीए रयं अवहरिअं । मेहा चेलुक्खेवं गंधवुं च वरिसिरे,  
मेइणी य ऊसामं समाससेइ ।

दिसिकुमारीकयजम्ममहूसवो —

अह अहोलोगवासिणीओ पयलियासणाओ अट्ट दिसिकुमारीओ सज्जो सूइघरंमि  
समागया ।

ताओ इमाओ—

भोगंकरा भोगवई, सुभोगा भोगमालिणी ।

तोयधारा विचित्ता य, पुटफमाला अणिंदिया ॥१॥

तत्थ पढमं तित्थयरं तित्थयरमायरं च पयाहिणतिगं काऊण वंदिऊण य एवं  
वयंति—‘तुव्वं नसो जगमायरे ? जगनाणदीवदाइणे !, अम्हे अट्ट अहोलोगवासिणीओ  
दिसाकुमारीओ ओहिनाणेण तित्थयरस्स पवित्तं जम्मं नाऊण जिण-जम्ममहूसव-  
करणत्थं इहागया, तम्हा तुम्हेहिं न भेयव्वं’ ति वोत्तूणं पुव्वुत्तरदिसाए संठिआ  
थंभसहस्सजुअं पुव्वसुहं सूइगाघरं कुणंति । पुणो ताओ सूइगाघरं परिओ जोयणभूमि-  
पज्जंतं सकारा—कंटगाइअं संवट्टवाएण अवहरिंति, संवट्टवायं च संहरिऊण भगवंतं  
च पणंमिअ तथासण्णनिसण्णाओ भगवओ गुणे नायंतीओ अवचिट्ठंति । तहेव उइढ-  
लोगवासिणीओ वि अट्ट मेरुगिरिसंठिअ-दिसिकुमारीओ आसणकंपेण जिणजम्मणं  
णाऊण तत्थ आगयाओ, ता इमाओ—

मेहंकरा मेहवई, सुमेहा मेहमालिणी ।

सुवच्छा वच्छमित्ता य, वारिसेणा बलाहगा ॥२॥

ताओ जिणं जिणजणणिं नच्चा थुणित्ता य गयणे मेहपडलं सिग्घं विउव्वित्ति,  
विउव्विऊण ताओ सुगंधिवरतोएण जोजणं जाव सूइघरस्स संसंतओ रय-  
समूहं पसमेइरे, ताओ वसुंधराए पंचवण्णपुप्फेहिं जाणुपमाणं बुट्ठिं पक्खंति, तहेव

तित्थयरस्स निम्मल्यरे गुणे गायतीओ हरिस-पगरिस-सालिणीओ जहोइअट्ठाणे चिट्ठति । पुव्वरुयगपव्वयाओ अट्ठ दिसाकुमारीओ वि निमाणेहिं सह तत्थ आगया । ताओ इमाओ—

नंदा य उत्तराणंदा, आणंदा नंदिवट्ठणा ।

विजया वेजयती अ, जयंती चापराइआ ॥३॥

एयाओ पहुं मरुदेयं च नमिऊण पुव्वं व कट्ठिऊण दप्पणहत्थाओ मंगलाइं गायंतीओ पुव्वदिसाए चिट्ठति । दाहिणरुयगगिरिसंठिआ अट्ठ दिसाकुमारीओ इरिसेण तत्थ समागयाओ, ता इमाओ—

समाहारा सुपयत्ता, सुप्पवुद्धा जसोहरा ।

लच्छीवई सेसवई, चित्तगुत्ता वसुंधरा ॥४॥

ताओ जिणिंठं जिणजणणिं च पणमित्ता पुव्वमिन्न निवेट्ठण भिंमारपाणीओ जिणगुणे गायंतीओ दाहिणदिसाए अचिट्ठति । पच्छिमरुयगगिरिवासिणीओ वि अट्ठ दिसाकुमारीओ भत्तीए परुप्परं फडं कुणतीओ आगया, ता इमाउ—

इलादेवी सुरादेवी, पुढवी पउमावई ।

एगनासा नवमिगा, भद्दा सीयत्ति नामओ ॥५॥

इमा जिणवर जिणवरस्स मायरं च पणमित्ता पुव्वं व विष्णविऊण विजणहत्थाओ जिणिंदगुणे गायंतीओ पच्छिमदिसाए चिट्ठति ।

उत्तररुयगगिरित्तो अट्ठ दिसाकुमारीओ वि सिग्घ जाभिओगियदेवविउव्विय-विमाणेहिं सह तत्थागया, ता इमा—

अलंजुम्मा मिस्सकेसी, पुंडरीगा य वारुणी ।

हाम्मा मव्वप्पहा चेव, सिरी हिरि त्ति नामओ ॥६॥

इमाओ जिणिंद जिणिंदस्स अंज च नमिऊण पुव्वमिन्न कट्ठिऊण गायंतीओ चामरहत्था उत्तरदिसाए चिट्ठति । रुयगगिरिणो विदिसाहिंत्तो चउरो दिमाकुमारीओ समायाया, ता इमा—

१ पद्मगा य-मुगा० । २ भोगवई-मुगा० । ३ स्वदाम् । ४ अनमिगा भटाउयोगे य अट्ठमा-मुगा० ।  
५ पारुणी पुंडरीगा य, मिस्सकेसी कलमुगा-मुगा० ।

चित्ता चित्तरुणगा 'सपरा सौत्तामणी तद्वा ।

ताओ जिणं जिणमायरं च पणमिउआण तद्देव विण्णविअ दीवद्धत्वा जिणगुण-  
गायंतीओ ईसाणाइविदिसागु चिट्ठंति । पुणो चउरो दिसाकुमारिगाओ रुयगदीवाओ  
समागया, ताओ--

'ख्वा ख्वास्तिगा यावि, सुख्वा ख्वावई ॥७॥

इमाओ चउरंगुलं वज्जिऊण जिणवरस्स नाहिनालं छेत्तूणं खाओयरे खिवंति,  
तं धिवरं रयणेहिं पूरिऊण तस्स उवरिं दुरुव्वाए पीढिगाबंधं कुणेइरे, पुणो ताओ  
जिणवरजम्मणघराओ पुव्व-दाहिण-उत्तरदिसागु तिण्णि सिरिगेहाणीव केळीघराइं  
विउव्विरे, पत्तेगं ताण मज्झंमि सीहासणविट्ठसिअं विसालं चउस्सालं विउव्वंति ।  
तओ ताओ जिणं करंजलीए ठविऊण मायरं च दासीओ इव दिण्णवाहूओ दाहिण-  
चउस्सालंमि निति । जिणं जिणमायरं च सीहासणंमि निवेसिऊण ताओ मुगंधिणा  
लक्खपागतेल्लेणं अब्भंगणं कुणेइरे, तओ अमंदाऽऽमोयपमोइआ ताओ दिव्वेण उव्वट्ठ-  
णेण दुण्णि उव्वट्ठंति, तओ पुव्वचउरसालंमि नेऊण सीहासणंमि य ते दुण्णि निवेसिऊण  
निम्मलेहिं सुगंधेहिं जलेहिं ण्हावेइरे । अह गंधकसायवत्थेहिं ताणं अंगाइं पमज्जंति,  
तओ गोसीसचंदणरसेहिं चच्चेइरे, देवदूसधसणाइं विज्जुप्पगाससरिसाइं विचित्ताऽऽह-  
रणाइं च ते दुण्णि पहिराविंति । अह उत्तरचउरसालंभि नेऊण सिंघासणोवरिं भयवंतं भग-  
वंतमायरं च निसीआविंति, तओ खुल्लहिमवंतगिरिणो गोसीसचंदणकट्टाइं आभियोगिय-  
देवेहिं आणविंति । तओ अरणिकट्टेहिं अग्गिं उप्पाइत्ता गोसीसचंदणेहिं होमं काऊण तेण  
'वन्धिभप्पेण रक्खापोट्टलिगं ताणं बंधंति, 'पव्वयाउसो भवाहि' ति वोत्तूण ताओ  
पहुणो कण्णपासंमि दोण्णि पाहाणगोलमे परुप्परं अप्फालिंति । तओ पहुं सरुदेवं च  
सइगाभवणंमि सयणिज्जे ठविऊण संगलाइं गायंतीओ ताओ चिट्ठंति । एयाओ  
दिसिकुमारीओ चउसहस्ससामाणिअदेवेहिं चऊहिं च महत्तरादेवीहिं, सोलससहस्संग-  
रक्खगेहिं, सत्तहिं सेण्णेहिं, सत्तहिं सेणाहिवईहिं, अण्णेहिं महीइिठहिं देवेहिं, आभियो-  
गियदेवविउव्वियजोयणपमाणविमाणेहिं सह जिणजम्मणभवणे समागच्छंति ।

इअ दिसिकुमारिगाकयजम्ममहूसवो ।

१ सतेरा सौत्तामणी । शतेरा वसुदामिनी-कम्प० । सुतेर-सोयामणी नामा-सुपा० । २ ख्या ख्यंसां  
सुख्या ख्यगावई नामा-सुपा० । ३ आनाययन्ति । ४ वहिभस्सना ।

सोहम्माहिवइणो जिणजम्मणवराओ जिणं घेत्तुणं मेरुम्मि गमणं—

अह तया सासयवंटागं रणरणारवो सग्गविमाणेसुं संभूओ । तेण सेलमूलाणीव  
 अयलाणि अवि आसणाइं कपिआइ, संभमाओ हिययाइं च । तओ सोहम्माहिवइं  
 कोवाडोत्तरुणनेत्तो णडालपट्टघडियमिउडीवियडाणणो अहर पैफोरंतो, एणेण  
 अंघिणा आसण विरं काउं इय ऊससतो 'अज्ज कयंतेण कस्स पत्तं उक्खित्त' ति  
 घुयंतो वज्जं गिणहेइ । तया कुट्टकेसरिसरिसं सक्कं पेक्खित्ता सेणाहिवइं तं नच्चा विण्णं  
 वेइ-हे सामि ! मइ सेवगे समाणे किं एरिसो आवेसो ?, समादिससु तव कं सत्तुं  
 हणेमि ? । तओ विज्जुहाडिओ ओहिणाणेण पढमजिणवइणो जम्मं जाणिज्जण विगलिय-  
 कोहो एणेण पसणमणो 'मए अणुइअं चित्तियं, मम विरत्थु, मिच्छा मे दुक्कडं' ति  
 वयंतो वासवो सीहासणं चएइ, चट्ठा तित्थयराभिसुहे सत्त अट्ट पयाइं गंतूणं, मत्थए  
 अंजलिं काउणं, वामं जाणुं भूमीए अलगं ठवेइ दाहिणं च जाणुं धरणियलंसि निवे-  
 सित्ता, तिक्खुत्तो मत्थयं धरणियले निवेसिज्जण अरिहंतं नच्चा रोमवियदेहो थुइं कुणेइ  
 — 'हे तित्थनाह ! तिओगनाह ! किंनारससागर ! सिरिनाभिनंदण ! हे भयवं तुम्हं  
 नमो, जम्मओ आभिणिवोहियाइनाणत्तएण तुमं सोहसे, हे देव ! इमं भारह-  
 वासं तेल्लुक्कमउल्लिरयणेण तुमए अलक्करिज्जइ, तेण अज्ज सग्गाओ वि अइरिच्चइ ।  
 हे जगनाह ! तुम्हं जम्मकल्लाणमहूसवपत्तिओ वासरो वि तुममिअ धासंसारं वदं-  
 णिज्जो, हे पट्टु ! तुम्हं जम्मकम्मणा नेरइयाणं पि सुहं जायइ, 'अरिहताणं हि  
 उदयो केसिं संतावहारगो न सिया ? ।' हे विहु ! तुम्हाणं चरणसरोयं पाविज्जण  
 अट्टणा के भवोदहिं न तरिस्संति ? । रणंमि कप्पतरु इअ मरुभूमीए नइप्पवाहो  
 इव हे भयव ! लोगाणं पुणेण भारहवासे तुमं ओइण्णो असि' ति भयवंतं थुणि-  
 ज्जण सोहम्माहिवइं हरिणेगमेसिं पाटत्ताणीयाहिवइ एवं वयासी-जंतूदीने दाहिणइहभ-  
 रए मज्झसुडे मज्झभूमिमागे नाभिकुल्लारस्स पत्तीए मरुदवाए नंदणां पढमतित्थयरो  
 सजाओ, तेण तम्म जम्मणमहूसवइयेवे सव्वे सुरा आहविज्जइतु । तओ सो सेणा-  
 हिवइं जोयणपरिमंडलपमाणं अच्चब्बुयसर सुयोसाभिरयधंटे तिरुत्तो उल्लिखित्तो  
 वाएइ, तओ तीसे घणचोसपडिरवपसेणं सोहम्मदेवलोगस्स अन्नाण वि धंटाणं एग्-  
 णाइं पत्तीसं सयसहस्ताइं रणरणारव काउं पारडाइ, तप्पडिरओ पि समग समुच्छ-  
 लिओ । तया पचविइणिसयपसत्ता देवा तेण सदेण 'किं एयं' ति संभंता सावहा-  
 णय पाविआ । सावहाणेसु देवेसु अह सो सेणाहिवइं मेहनिग्गोसगहीरेण वएण  
 सुररायसामग रुदे-भो भो देवा ! देवीपमुहपरिआरज्जुयाण तुम्हाण सव्वेसिं अलं-  
 घणिज्जसामणो सोहम्मदेश्लोगाहिवइं मक्को टम आदिसइ — 'जंतूदीरस्स दाहिण-



इहभरहे मज्झखंडे नाभिकुलगरस्स गेहे पढमतिथयरो संजाओ, तत्थ तस्स पढुणो जम्मकल्लाणमहूसवविहाणिच्छाए शंतुं अम्हाणं इव तुम्हे तुवरेह—'अओ परं अण्णं अहिगं किच्चं न' इअ हरिणेगभेसिवयणाओ पढुणो जम्ममहं नाऊण केवि अरि-  
इंतं पइ भत्तिभावओ, केवि इंदस्स आणाए, केवि दारेहिं उल्लासिआ, केवि मित्ताणुवत्तणाओ देवा नियनियविमाणवरेहिं सक्कसंनिहिंमि समागच्छंति । तओ सक्को वि पालगं नाम आभियोगियं देवं 'अणुवमं विमाणं करिज्जउ' त्ति आदिसइ, पालगदेवो सामिनिदेसपरिपालगो तंमि समए लक्खजोयणवित्थारं पंचसयजो-  
यणुच्चं इच्छाणुमाणगमणं पालकं नाम विमाणं विउव्वेइ, तस्स विमाणस्स तिण्णि सोवाणपंतीओ संति, ताणं पुरओ विचिहवण्णरयणमयाइं तिण्णि तोर-  
णाइं, तस्स विमाणस्स अब्भंतरा भूमी समेवित्ता राएइ । एयस्स मज्झभागे रयण-  
निम्मिओ पेक्खामंडवो अत्थि । मंडवस्स अब्भंतरम्मि चारुमाणिकनिम्मिया 'अट्टजोयण-  
विखंक्काऽऽयामा पिंडंओ य चउजोयणा पंक्रयस्स कण्णिगा विव पीढिया अत्थि, तीए उवरिं असेसतेयसारपुंजनिम्मियं पिव एगं रयणसीहासणं अत्थि, तस्स सीहासणस्स वायव्व-उत्तर-उत्तरपुरच्छिम दिसासुं चउरासीइसहस्ससामाणियदेवाणं तावं-  
ताइं भदासणाइं, पुव्वदिसाए अट्टर्हं अग्गमहिसीणं अट्ट, दाहिणपुव्वदिसाए अब्भं-  
तरपारिसज्जदेवाणं दुवालसभदासणसहस्साइं, दाहिणदिसाए मज्झपारिसज्ज-  
देवाणं चउदससहस्साणि, दाहिणपच्छिमदिसाए बाहिरपारिसज्जदेवाणं सोलस भदासणसहस्साइं, पच्छिमदिसाए सत्तण्हं अणिआहिवईणं सत्त भदासणाइं सति, तस्स सक्कस्स सव्वासु दिसासु समंतओ चउण्हं चउरासीईणं आयरक्खदेवसहस्साणं तावंताइं भदासणाइं संति, एवं परिपुण्णं विमाणं विरइऊण आभियोगियदेवा देविंदस्स विण्णविति ।  
पुरंदरो वि तंमि समए अच्चब्भुयं रूवं विउव्वेइ, विउव्वित्ता अट्टर्हिं महिसीहिं सह वासवो पुव्वसोवाणमग्गेण पयाहिणं कुणंतो विमाणं आरोहेइ, माणिकभित्तिसंक्रतमुत्ती सहस्संगो इव सहस्सक्खो नियभदासणे पुव्वमुहो उव्विसेइ, तह सक्कसामाणियदेवा उत्तरसोवाणेहिं विमाणमज्जे पविसित्ता नियनियभदासणे उव्विसंति । एवं अण्णे वि देवा पच्छिमाइ सोवाणपंतीए पविसिऊण नियनियासणेसु उव्विसंति । सिंघासणनिसण्णस्स सक्कस्स पुरओ दप्पणप्पमुहाइं अट्ट मंगलाइं विरायंति, उवरिं सेयच्छत्तं, उव्वसर्प्यता हंसाविव 'धुव्वंता दोण्णि चामरा सोहेइरे, तह विमाणस्स अग्गओ विविहपडागाहिं सोहमाणो सहस्सजोयणु-  
च्चो महिंदज्जओ सोहइ । तओ कोडिसंखेहिं सामाणिआइदेवेहिं परिवरिओ सक्को

१ समवृत्ता । २ अष्टयोजनविष्कभायामा । ३ पिण्डतः=बाहल्यतः । ४ उपरि ५ । सहस्राक्षः=इन्द्रः ।

पवाहेहि सागरो इव राएड । तं च महाविमाणं अन्नपुराणं विमाणेहि परिवेदियं समाण  
मूलवेइअं परिहिचेइएहि इव उच्चएण विरायड । तओ मागहाणं जयजयसदेहि दुडुहि-  
निस्सणेहि च गंअच्चाऽणीग-नट्टाऽणीगवाडयरवेहि देवाणं च कोलाहलेण य सदमइयं  
विमाणं इन्दइच्छाए सोहम्मदेवलोगस्स उत्तरओ तिरियमग्गेण उत्तरतं जंजूदीवस्स ढवरू-  
णाय भायणमिअ लक्सिज्जड । तथा सीहवाहणो इत्थिवाहणं कहेड-इओ दूरं गच्छाहि, अण्णह  
मम सीहो न सहिस्सद, एअं महिसवाहणो आसवाहण, वग्गवाहणो मिगवाहणं, गरुडवाहणो  
सप्यवाहणं एएड । देवाणं कोडाकोडीहि अन्नदेवविमाणेहि बहुविहअण्णवाहणेहि च चित्थि-  
ण्णो वि नहमग्गो तथा अइसंकीण्णो संजाओ । त विमाण गयणतलाओ उत्तरतं समुदे महाझय-  
पडं जाणपत्तमिअ राएड, एअं असंखिज्जदीवसमुदे रुमेणं उलंघित्ताणं नंदीसरदीये समाग-  
च्छेइ, तत्य इंदो दाहिणपुअदिसाए भनूण रइगरपव्वए त विमाणं संखिविऊण तओ  
पि दीउसागरे उल्लंघंतो रुमेण तं विमाणं सखिअंतो जेणेअ जंजूदीवस्स दाहिणद्धमारडं  
खिअंतं, जेणेअ मज्झएअं, जेणेअ पढमत्तित्थयरस्स जम्मभरण तेणेअ समागच्छेइ, दिव्वर-  
विमाणेण जिगजम्मणभुवणस्स तिकखुत्तो आयाहिणपयाहिणं काऊणं तओ विमाणाओ  
उत्तरिऊण पसण्णमाणसो सओ अट्टहि अग्गमहिसीहि चुलसीसहस्ससामाणियदेवेहि  
संजुत्तो जत्य तित्थयरो जिणजणणी य तत्येअ जागच्छड, दिट्ठिसिए पहुं पणमेइ । तओ  
समायरं भयअंतं तिपयाहिणपुव्वयं पुणो पि नमंसेइ, नमसित्ता मुद्धमि निअद्धंजली भत्तिअंतो  
सको मरुदेवासाभिणिं संयुणेइ-हे देवि ! रयणकुत्रिअरे ! जगदीवपदाग्गे ! तुम्हं नमोत्थु,  
जगमायर ! तुमं धण्णा पुग्गवई असि, तुमं चिय सहअजम्मा असि, तुममेअ उत्तमअएण्णा,  
पुत्तरईसु तुमं चेअ भुवणत्तए पवित्ता सि, जीए अब्भंतर-तम पसर-निअंभणिअदिणनाहं  
पढमजिणिदं वरपुत्तरयणं जणिऊण सपयं पुव्व्वा जणणी एज्जोयपमणिणी इव कया ।  
हे देवि ! अहं सोहम्मदेविंदो तुम्ह पुत्तरयगस्स अरिअंतस्स जम्मगभदिमहूसअं काउं  
इह आगओ अम्हि, 'भयतीए नेअ भेयअं' ति अहिऊण इंदो जिगजणणीए 'अवसोवणी  
निअं दम्हिऊण जणणिपासे वेउल्वियजिणपट्ठिरुअं टत्रिऊणं सयमेअ इंदो पंच सरीरे  
विउल्वियऊण एगेण अवेण पिट्टमो जिणस्स मत्थए उत्त धरड, दोहि च उभयपासेसु  
सैयरचामरं दालए, एअणेण पुरो सारयरमिमड अ विमाअरथं उज्जोअंतं एज्ज धरेड,  
पुणो एगेअ अवेअं हरिसवमुअमियरोअंओ सओओ सुरहिगोसीसअंधणअच्चियअर-  
फमले तिगअर धरेड, उअ पंपडि अवेहि सव्व पि नियअयअं काउं भत्तिअरअओ  
अट्टेअदेवीकोडीहि परिउओ अएण पुण्णमत मणतो आसडलो मन्टरमेअभिमुअं चलेड,  
तथा उअरुठियदेअग दिट्ठीओ जिणिअट्टेहे निअडियाओ, केइ अग्गामिणो देवा पिट्टो

देवे, विदुगा य देवा पुरओ गच्छंते देवे पसंसेईरे, अग्नेयणा केइ अमरा पहुणो अच्चव्भु-  
यरुवं ददंठुं पिद्ववटीणि नेत्ताइं इच्छंति । पक्खगामिणो केइ अमरा पहुं ददंठुं अत्तिता समाणा  
अंभियाइं इव नयणाइं अन्नओ नेउं न पौरिंति, एवं पहुसुहदंसणुसुगदेवदेवीगणपरिव-  
रिओ परमेणं पमोएणं दिव्वगईए गयणमग्गेण गच्छंतो देविंदो क्रमेण मेरुमहीधरं संपत्तो ।  
तत्थ इंदगवणम्मि चूलिगाए दाहिणदिसाए नीहारहारधवलाए अइपंडुअं वल्लसिलाए मणि-  
रयणकिरणजलक्खालियतवणीयमइय—सिहासणम्मि उच्छंगठवियजिणणाहो हरिसवस-  
वियसियनयणजुगो पुव्वाभिसुहो सक्को उवविसइ ।

ईसाणकप्पाइइंदाणं मेरुसिहरे समागमणं—

एत्थंतरम्मि महाघोसावंटानायपडिवोहियअट्टावीसविमाणलक्खवासिदेवेहिं परि-  
वरिओ सुलधरो वसहाहणो पुप्फगनामाभियोगियदेवकयपुप्फगविमाणेण ईसाण-  
कप्पाहिवई इंदो ईसाणकप्पस्स दाहिणओ तिरियमग्गेण निगंतूण नंदीसरदीवे उत्तरपुरत्थि-  
मिल्ले रइकरपव्वए आगंतूण सोहम्मिंदो इव विमाणं पडिसंहरित्ता सुमेरुसिहरम्मि सिग्वं  
जिणीसरपासम्मि उवागच्छेइ । एवं दुवालसविमाणलक्खवासिसुरगणसंजुओ  
संगंकुभारदेविंदो सुमणोविमाणेण, अट्टलक्खविष्णानत्थिअदेवेहिं परिवरिओ महिंदो<sup>१</sup>  
सिरिवच्छविमाणेण, चउलक्खविमाणवासिअमरेहिं परिवुडो बम्मिंदो<sup>२</sup> नंदावत्त-  
विमाणेण, पण्णाससहस्सविमाणवासिदेवेहिं जुओ लंतगं देविंदो कामगवविमाणेण,  
चत्तालीससहस्साणं विमाणणं अमरगणेहिं परिवरिओ<sup>३</sup> सुक्किंदो पीइगमविमाणेण, छ-  
सहस्सविमाणवासिदेवेहिं सह<sup>४</sup> स्वहस्सारिंदो मणोरमविमाणेण, चउसयविमाणट्टिअ-  
सुरगणेहिं संजुत्तो<sup>५</sup> आणय-पाणयवासवो विमलेण विमाणेण, तिसयविष्णाणाहिवई  
<sup>६</sup>आरण-अच्चुयदेवराओ य सव्वओभद्विमाणेण मेरुगिरिवरम्मि जिणपायपासंमि  
उवागया । तथा रयणपहापुढवीए अब्भंतरनिवासिभवन-वंतरदेविंदाणमवि तहेव  
आसणाइं पि कंप्पिसु, तत्थ असुरिंदस्स चमरवंचारायधाणीए सुहम्माए सहाए चमरा-  
भिहसीहासगंमि निसण्णो असुरेसो<sup>७</sup> चमरिंदो वि ओहिणाणेण जिणजम्मं नच्चा  
देवाणं जाणणत्थं हुमेण अणीयाहिवइणा ओहसरं वंठं वायावेइ, एसो विचउसट्टिसहस्स-  
सामाणियदेवेहिं तेत्तीस-तायत्तीसग—देवेहिं पंचहिं अगमहिसीहिं तीहिं<sup>८</sup> परिस्सहिं सत्तहिं  
अणीएहिं सत्तहिं अणीयाहिवईहिं, पइदिसं अपपरक्खगाणं चउसट्टिसहरसेहिं परमरिद्धि-  
मंतेहिं देवेहिं अवरैहिं असुरकुमारेहिं च परिवरिओ पण्णाससहस्सजोयणवित्थडं पंचजोय-  
णसयउच्चं महज्जयविहसियं आभियोगियदेवविउव्वियं विमाणं समारोहिज्जण जिण-

जम्ममहसवसमायरणत्वं सक्रो इव नंदीसरदीवम्भि त्रिमाणं संहरिऊण चमरिदो मेरुसि-  
हरं समागजो । एवं बलिचवानयरीए १२ बलिंदो असुरेसरो महादुमेण सेणावटणा महो-  
हसर घट वाएड, सो वि सट्टिसहसससामाणियदेवेहिं, चउगुणेहिं च आयरक्खगदेवेहिं  
तायत्तिसगाइदेवगणेहिं च परियरिओ चमरो विव मंदरायलमागओ । एवं १३ धरणना-  
गिंदो पत्तिसेणावटणा भदसेणेण मेहसराघंटावायणेण पडिओहिंएहिं उसहस्स  
सामाणियदेवेहिं चउगुणेहिं आयरक्खगदेवेहिं छहिं महिसीहिं अन्नेहिंपि नागकुमार-  
देवेहिं परिवुडो पणवीसजोयणसहस्सवित्थरं सद्धदुजोयणसयत्तुंगं इंदज्जयविराइय  
त्रिमाणरयणमारोहिता भयवंतदंसणुसुगो रणेण मंदरायलसिहरमागओ । १४ भूयाणंदो  
त्रि नागिंदो पायत्ताणियउदक्खेण मेहसराघंटाए पताडणेण पओहिंएहिं सामाणियदेव-  
कुंदेहिं परिवुडो आभियोगियदेवत्रिउच्चियत्रिमाणवरमारोहिउभाण जगत्तयनाहपवि  
त्तिय सुदगिरिंद समागजो । एवं विज्जुकुमाराणं १५ हरी १६ हरिसहो दोण्णि इंदा, सुवण्ण-  
कुमाराणं १७ वेणुदेयो १८ वेणुदारी, अग्गिकुमाराणं १९ अग्निसिहअग्गिमाणना, वाउकुमाराणं  
२० वेळंन-पंभंजणा, थणियकुमाराणं २१ सुधोस-मंहाओसा, उदहिकुमाराणं २२ जलकंत-  
२३ जलप्पहा, दीनकुमाराणं २४ पुण्ण-२५ चिसिद्धा, दिसिकुमाराणं २६ अमियं अमियवाहणा  
दोण्णि पुरंदरा । एव वतरेसु पिसायत्रासना २७ काल-२८ महाकाला, भूयपुरंदरा २९ सुख-  
३० पडिरुत्ता, जक्खरायईदा ३१ पुण्णभइ ३२ माणिभदा, रक्खससाणं इंदा ३३ आमं महाभीमा,  
किंनराणं महीसरा ३४ किंनरं ३५ किंपुरिसा, किंपुरिसिंदा ३६ सप्पुरिसं महापुरिसा, महो-  
रगपुरंदरा ३७ अइकायं महाकाया, गंधव्वाणं इंदा ३८ गीयरडं गीयजसा, एए सोलस  
वंतरिंदा । तह अगपन्नियपणपन्नियाइराणयतरअट्टनिकायाणं पि सोलस इंदा उतागया ।  
ते य इमे ३९ अणपन्नियाणं ४० सन्निययं समाणगा दोण्णि इंदा, पणपन्नियाणं मही-  
सरा ४१ धाया ४२ मिशया य, इत्तिनाडयाणं ४३ इत्ति ४४ इत्तिपालगा, भूयनाडयाणं ४५ ईसरो  
४६ महेसरो य, कदियाणं वासना ४७ सुयच्छो ४८ विसालगो य, महाकंदियाणं इंदा ४९ हास-  
५० हासरणो, कोहंडाणं ५१ सेयं महासेयपुदररा, पावगाणं वासवा ५२ पत्रगो ५३ पवगपई अ ।  
जोइसियाणं असंखेज्जा ५४ चंदं ५५ आइचा इंदा मेरुसिहरे पढमजिणस्स पुरओ समागया,  
इअ मंदगिरिवरमुद्रम्मि जिगजम्मणमहसवकरणट्ट इंदाणं चउसट्टी उतागच्छति ।

अचुयकप्पाडदक्याभिसेगमहसवो -

अह अचुयवासवो आभियोगियदेवे जिणजम्मणाभिसेगोरगणां आणेअह त्ति  
आदिसेड । पहिट्टिचित्ता ते देवा उत्तरपुरच्छिमदिसाए किंचि अयकम्मिऊण रणेणं वेउ-

१५ हरिकाणे हरिम्मद रहस्य । १७ वेणुदाली । १९ अग्निपिण । २२ धोय इति रहस्य ।  
२७ । पूर्वपिणित्ते, पुत्र-वत्तिच्छे-वृत्त । २९ वणिग-अमित्तगति-रहस्य । १ शार्पणिकानाम् अग्रतपतीनाम् ।  
२ पत्तगिणियाणाम्-यन्त्रप्रसप्तानाम् ।

त्रियसमुग्धाएणं उत्तमपोग्गलाइं आकडिडऊण अट्टोत्तरसहस्सं सुवण्णकलसाणं, अट्टोत्तर-सहस्सं रूपकलसाणं, अट्टोत्तरसहस्सं रयणकलसाणं, एवं सुवण्णरूपकलसाणं सुवण्ण-रयणकलसाणं रूपरयणकलसाणं सुवण्णरूपरयणकलसाणं भोमेयगाणं कलसाणं आट्टोत्तर-सहस्सं विउन्विंति । तह य भिगार-दप्पण-रयणकरंडग-<sup>१</sup>सुपइट्टग-थालग-<sup>२</sup>पत्तिगा-पुप्फचंगे-रियाइ-पूओवगरणाइं कलसाणमिव सुवण्णाइमयाइं पत्तेगं अट्टुत्तरसहस्सं विउन्विरे । ते अभि-योगियदेवाते कलसे वेत्तूणं खीसरमुद्दे गच्छंति, तस्स जलं पुंडरीग-उप्पल-कोकणयाइं च पोम्मविसेसाइं, पुक्खरसमुद्दे उदगं पुक्खराइं च, भरहेरवयाइं मागहाइतित्थेमु जलं मट्टियं च, गंगासिंधुपमुहवरनईणं सलिलाइं, खुहुगहिमवंतपच्चयस्स सिद्धैत्थ-पुप्फ-वरगंघे सव्वो-सहीओ य पउमदहस्स जलं विमलाइं च सुगंधाइं पंकयाइं गिण्हेइरे, एवं सव्ववासहर-वेयइह-वक्खार-पव्वएसु देव-उत्तरकुळुं अंतरनईसु भदसाल-नंदण-लोमणस-पंडगवणेसुय जलाइं पंकयाइं गोसीस-चंदण-कुसुमो-सहि-फलाइं च गिण्हंति, तथो ते गंधगारा इव एगतथ गंधदव्वं जलाइं च मेलिऊण सिग्घं मंदरायलसिहरम्मि समागच्छंति । ते विणयपणया ताइं गंधदव्वाइं खीरोयाइसलिलपडिपुण्णपुण्ण-कलसे य अच्चुय-सुराहिदइणो समप्पिंति । अह सो अच्चुयदेविंदो अभिसेयसव्व-सामग्गिं ददट्टण जायहरिसो आसणाओ उट्टिता दसहिं सामाणियसहस्सेहिं, चत्तालीसाए आयरक्खदेवसहस्सेहिं, तेत्तीसाए तायत्तीसेहिं, तीहिं परिसाहिं, चउहिं लोगपालेहिं, सत्तहिं महाणीएहिं, सत्तहिं अणियवईहिं सव्वओ संपरिवुडो तेहिं विमलतित्थुप्पण्ण-खीर-नीरपरिपुण्णेहिं विमलकमलपिहाणेहिं गोसीसचंदणपमुहपहाणवत्थुजुत्तेहिं सव्वोस-हिरससहिंएहिं बहुसहस्ससंखेहिं महप्पमाणेहिं विउन्विंएहिं साभाविंएहिं च कलसेहिं परमेण पमोएण भगवओ भुवणिककबंधवस्स पढमतित्थयरस्स जम्माभिसेगमहूसवं काउं समुवट्ठिओ ।

तत्तो असीमभत्तिभरो कय उत्तरासंगो अच्चुयदेविंदो विकसियपारिजायाइपुप्फंजलिं गिण्हेइ, गिण्हिऊण सुगंधिणा बहुलधूवधूमेण तं कुसुमंजलिं वासिऊण तिलोहनाहस्स पुरओ मोएइ । अह अच्चुयदेविंदो सामाणियदेवेहिं सह अट्टुत्तरसहस्सं कलसे वेत्तूण नियमत्थयमिव ते मणयं नमावितो तिहुवणनिकारणबंधवस्स पढमतित्थयरस्स जम्मा-भिसेयं कुणइ, तथा समकालं सयलकलसेहितो सारयससिमऊहजालं पिव गयणसुरस-रियाजलपडलं व तुसारहारधवलं खीरोयहिजलं जिणोवरि निवडियं, एवं च पवट्टमाणे जिणाभिसेए सुरेहिं चउन्विदहआउज्जाइं ताडिज्जंति । जहा सिरिमहावीरचरिए--

हुंदुही-पडह-भंभा-हुड्काउलं, वेणु-वीणारबुम्मिम्सहयमहल ।  
 झल्लरी-कैरड-कसाल-रव-यधुर, घोरगंभीरभेरीनिनायुद्धरं ॥१॥  
 काहलारवसवद्धवरमुहिसर, पूरियाऽसंख-सखुत्थरवनिभरं ।  
 पलयकालेव गज्जंतघणवदयं, ताडिय सुरेहिं चाउन्विहाउजयं ॥२॥

केवि सुरा चउन्विहाडं आउज्जाड वायति, केवि देवा गंधवसमिलियं भसलोह-  
 सुमणोहर-मंदार-पुप्फाड मुंचंति, केवि मल्ला इव <sup>१</sup>रुमददरं सज्जंति, अवरं सुहकंठ  
 रवसुंदर गायंति, केवि उत्तालतालाउल रासयं कुणंति, एयं केवि देवा हरिसपगरिसमसेणं  
 करनचिय, केवि मयविहल गयगज्जियं, केवि सुइवधुर इयहेसिय, केवि गल्लदहूरं कुणति,  
 अन्ने सुट्ठीहिं धरणीयलं पहरंति, केवि <sup>२</sup>कठीरवनायं कुच्चंति, केवि तक्खणेण तियसा  
 उदस्स अतिय रुल्लसे उवणंति । इव निहणियक्खिणेण सुरइसंघेण सन्वायरेण भयभ-  
 यभंजणे पढमजिणवरमज्जणे किज्जमाणे मारिसेण मंदबुद्धिणा किं वण्णिज्जइ ।

जिणाभिसेगे य वट्टमाणे परमहरिसभरपुल्लइयसरीरा सन्वेवि सुरिंदा धूवकड-  
 च्छय-सेयचामर-विसालउत्त-सुहपुप्फ-वरगंधहत्था पुरवो चिट्ठंति । अच्चुयसुरेसरे  
 जिणं ण्हविज्जण विरए पाणयपमुहा वासट्ठी पि देविंदा नियनियपरिवारपरियरिया महावि-  
 भूडए मोहम्माहिंवः मोत्तूणं रुमेण पढमजिणं अभिसिंचंति, अगाराग अच्चण च कुणंति ।  
 तयणतरं च ईसाणदेविंदो सोहम्मपुरंदरुव नियरुं पंचहा विउच्चित्ता एगेण रूवेण  
 भयंत उच्चगे धरंतो सिंहासणे निसीयइ, वीएण सेयउत्तं धरेट, दोहिं च उभयपासेयु  
 वरचामरेहिं जिणीसर वीएइ, एकेण य पुरवो इत्थम्मि सुलं उल्लालितो पुरवो चिट्ठइ ।

सोहम्मकप्पिदक्याभिसेगमहूसवो—

अह मोहम्माहिंवइं पि तित्थयरस्स चउदिसिं चत्तारि धयलवसहे सखदल्लुज्जले रमणिज्ज-  
 सरीरे निउव्वइ, तेसिं च अट्टसिं गमेहिं तो अट्ट खीरोयसलिलधाराओ उइह गयणगण-  
 गामिणीओ पुणो अहोनिउडणेण एगीभूयाओ काऊण जिणुत्तमगे रिवेइ, अन्नेहिं च  
 पहएहिं खीरोयकउसमहस्सेहिं अभिमिंचइ, एव रुमेण निच्चत्तिए मज्जणमहसवे परम-  
 पमोयभरपुल्लदयंगो मोहम्मसुरनाहो सुकुमालगंधकासाईए जिणदेहं ल्हिज्जण गोमीसच-  
 दणुमीस धुंसिणेण अंग आलिपइ, सियसुरहिं कुमुमेहिं पूयावित्थरं निरएइ । अह स्कवो

१ कण्ट - वायविशेष । २ अमरीप० । ३ ममददरम् - पादप्रहारम् । ४ सिंहनादम् । ५ गन्धवा  
 पायिक्या - मुग्धधिक्यायारंगना वस्त्रपदे । ६ पुग्घेन - वेदार ।

रयणमयपट्टम्मि सारयससिकरधवलेहिं अखंडेहिं रूपतंडुलेहिं दण्ण-भदासण-वद्धमाण-कल्लस-  
मच्छ-सिरिवच्छ-सत्थिय-नंदावत्त-लक्खणाइं अट्टमंगलाइं आलिहेइ । तओ सो सच्चालंकार-  
विभूसियं करेइ-तिलोगवइणो सुद्धम्मि वइरमाणिकमउडं ठवेइ, कण्णेसु सुवण्णकुंडलाइं,  
कंठकंदले दिव्वमुत्तालयं, वाहूसु अंगए, मणिवंधेमुं मोत्तियमणिकंकणाइं, कडिदेसम्मि  
सुवण्णकडिसुत्तं, पाएसुं माणिककपायकडगे संठवेइ, एवं जगगुरुणो अंगाइं सव्वदेहालं-  
कारेहिं विभूसेइ । तओ इंदो भत्तिवासिय-मणो वियसिय-पारिजायाइमालाहिं परमेसरं  
पूएइ । बहुविहकुसुमनियरं च आजाणुमेत्तं सुयइ । नाणाविहमणि-भत्ति-विचित्त-दंढेणं  
वइरामयकडुच्छुएणं पवसंधाभिरामं धुवं उक्खिवइ, पज्जलंतदीवियाचक्खालमणहरं  
आरत्तियं तह य वरमंगलनिलयं मंगलपईवं उत्तारेइ । एवं च सव्वकायव्वे कयंमि तओ  
सुरासुरेहिं सव्वायरेण पढमजिणपुरओ पणच्चियं । तओ तियसपुंगवो सद्धात्तुहिं सुरवरेहिं  
सामिणो पइण्णगकुसुमपयरं उत्तरावेइ, तओ सक्को सक्कत्थवेण परमेसरं वंदिऊण  
पुलइयदेहो भत्तीए थुणिउं समारंभेइ—

सक्ककयजिणिंदथुई—

नमो तुम्हं जगन्नाह !, तेलुक्ककंडभोधभक्खर ।

संसारमरुक्कपट्टु !, वीसुद्धरणवन्धव ! ॥ १ ॥

जय भुवणत्तयवंदिय ! भवक्खमज्झनिवडंत जंतुउद्धरणसमत्थ !, जयसु परमेसर !  
सरणागयदढवज्जपंजर ! वम्महक्कुरंगकेसरि ! मोहतमपसरदिवसयर !, हे जिणिंद ! जं  
तुज्झ मज्जणे एवं उवयरिया अम्हे तेण अच्चंतं अविरइपरायणं पि अप्पाणं अइपुण्ण-  
वंतं मण्णेमो । हे नाह ! जत्थ तुमं जम्मं पाविओ तस्स भारहखित्तस्स भदं होउ ।  
सा धरणी वि वंदणिज्जा, जा तुज्झ कमकमलं वहिहिइ । हे जिणवर ! ते मणुसा  
खलु धण्णा चिय, जे तुमं अहोनिंसं पेक्खिस्संति । जहसमयं दट्टुणो अम्हे केरिसा ? ।

जह तुह पयस्सेवाए, जिणिंद ! फलमत्थि ता सया कालं ।

एवंविहपरममहं, अम्हे पेच्छंतया होमो ॥ २ ॥

नाहं वोत्तुं समत्थो म्हि, सव्वभूए वि ते गुणे ।

चरमसागरे माउं, जलाइं नणु को खमो ! ॥ ३ ॥

इअ जगनाहं थुणिऊण हरिसपुण्णमाणसो सक्को पुठवमिव पंचहारुवं विउव्वित्ता  
ईसाणदेविंदस्स उस्संगाओ जिणवइं वेत्तूण नियामरणेहिं परिवरिओ जिणजम्मणघरंमि

समागभो, तित्थयरपडिरूव उवसंहरिऊण जणणीए अंतियंमि पहुं ठवेड, तओ मरु-  
 देवाजणणीए त ओसोवणि निइ अपणेड । पहुणो ऊसीसगमूलंमि एगं पवरं देव-  
 दसजुयळ रयणकुंडलजुयळ च ठवेड, तओ पुरंदरो विचित्तरयणहारअद्धहारजुयं सुयण्ण-  
 पायारनिम्मियं हेममामुरं एग 'सिरिदामगंडं' पहुणो अपरिं दिट्ठिविणोयाय उल्लोए  
 मुंचेड, जं अजलायतो तित्थेसरो मुहेण सचमरुविस्सेण कुणेड, मिरिमहावीरचरिए-  
 लंप्रतमुत्ताहलायचूलय 'लंपूसयं' भगवओ अभिरमणनिमित्तं अजलयंमि ओलंपेइ ति  
 क्कहिय । तओ सक्को वेसमणं जाणवेड-जहा भो सिग्गमेव वत्तीस हिरण्णकोडीओ  
 वत्तीसं सुवण्णकोडीओ, वत्तीसं रयणकोडीओ, वत्तीसं नंदासणाइं वत्तीसं भदासणाइं  
 अन्नाणि य वत्थ-नेत्रयपमुदाइं महग्गाइं निसिद्धवत्थूणि भगवओ जम्मणअणणे उ-  
 णमेहि । कुणेरदेवोऽपि जंभगदेवेहिं सव्व तं सिग्गं कारचेड । पुणरपि सक्को आभि-  
 योगियदेवेहिंतो सव्वत्थ एवं उग्घोसापेड-भो भो भवणग्ग-उतर-जोडसिय-वेमाणिया  
 देवा देवीओ य भयतो सुणतु-जो किर तित्थयरम्मस तित्थयरजणणीए वा असुहं  
 अणिट्ठं काउ वित्तिस्सड तम्म अपस्म अज्जग-भंजरिव्व उत्तिमगं सत्तहा तडिच्चि फुट्ठिहि-  
 इत्ति एणं उग्घोसाविऊण तओ देविंदो पहुस्स अंगुट्ठम्मि नाणादाररममडय अमयं ठवेड ।  
 जओ अरिहंता धणपाणं न कुणंति, किंतु सुहोदए समाणे सयं चिय अमयरसज्जरण-  
 सदाव अंगुट्ठ मुहमि पक्खिवति । पहुणो धाइकम्माणि सव्याणि काउ इदो पच अण्ड  
 रसाओ आदिसइ ।

नंदीमरदीवे इंदाहकयअट्टाहियामहसवो -

अह य जिणमज्जणमहसवाणंतर सुमेरुसिहराओ रहवो सुरा नंदीमरदीव  
 गच्छति । गोठम्मिंदो पि सिरिनामिनेंणजम्मणयराओ निग्गच्छिऊण नंदी-  
 सरदीवे लहुपेरुप्पमाणुन्वे पुच्चट्ठिमाए संठिए नामेण देवरमणे अंजणगिरिम्मि  
 अपपरेड, तत्थ अउसुंटरमणिपीदिगाचेडयतरु-महिंदज्जअपरिराडए चउदुवारमि चेडए पवि-  
 सेड, तत्थ रिमहपमुहाओ सामयजिणवडिमाओ अट्टाहियामहसवपुचयं पूएड, तम्म  
 य गिरिणो चउट्ठिमाभट्टियत्तीसु फल्लियमडयदहिमुहपचएयु चऊसु पि चेइपयु मास-  
 यत्तित्थयरपडिमाणं अट्टाहियामहसवं मवरुम्म चउरा लोमवाला कुणति । एणं ट्ठमा-  
 गिंदो उत्तरदिमापडट्टिए रमगीए नाम अजणपच्चए ओयररेड, तम्म य लोमपाया उत्तर-  
 गिरिणो थावीदट्टिमूहए एयु ओयरिऊण अट्टाट्टिणपज्जत मट्ठमए कुंति । चमरिंदो  
 दाट्टिणदिमापडट्टिए रयणपढामामिण 'निउउओयाट्टिणवे' अजणपचए ओयररेड, तम्म

१ गोभापुरातकवां पवहर । २ अमुकयसतमएवितयण । ३ निरेणपडिम्मिने ।



य लोगपाला दाहिणंजणपव्वयस्स वावीमज्झट्टियदद्विमुहपव्वएगु आगच्छंति, तह अट्टदिणं जाव महुस्सवं कुणेइरे । वल्लिंदो वि पच्छिमासासंठियस्सयंपहाभिहे अंजणगिरिम्मि समागंण रिसहाइसासयपडिमाणं महुस्सवं कुणेइ, तरस य लोगपाला तप्पुक्खरिणी-अब्भंतरवट्टिदहिमुहगिरीसु सासयजिणपडिमाओ अट्टदिणाइं जाव अच्चिंति । एवं नंदी-सरदीवंमि जिणचेइयमहुस्सवं काळण सव्वे इंदा देवा य नियं नियं ठाणं समुवग-च्छंति ।

इअ इंदकयमहुसवो समत्तो ॥

‘उसह’ त्ति नामकरणं वंसठवणं च—

अह संपवुद्धा सामिणी मरुदेवा वि देवागमणाइराइयवुत्तंतं नाभिकुलगरस्स कहेइ । जं पहुणो उरुपएसम्मि उसहलंछणं, अण्णं च माऊए सुमिणम्मि पढमो उसहो निरिक्खिओ तत्तो मायपियरा सुहम्मि दिणम्मि तस्स वालगस्स नाम महुसवपुरस्सरं ‘उसहो’ त्ति कुणेइरे, तथा सहजायाए कण्णाए वि सुमंगल त्ति जहत्थं नाम त्रिहियं । वाल-त्तणम्मि पहू निय-अंगुट्टम्मि सक्कसंकमियं सुहारसं जहकालं पिवइ । इन्देण आइ-ट्टाओ पंचावि धाइसरुवाओ देवीओ परमेसरं महामुणिं समिईओ इव संरक्खन्ति । पहुणो जम्माओ किंचि ऊणे संवच्छरे जाए समाणे सोहम्मिदो वंसठवणट्ठं उवागओ ‘भिच्चेण रित्तहत्थेण सामिणो दंसणं न कायव्वं’ त्ति वियारित्ता महइं इक्खुलट्ठिं वेत्तूणं नाभिकुलगरुस्संगनिसण्णस्स सामिस्स पुरओ समागओ । पहू ओहिनाणाओ इन्दस्स संकप्पं नच्चा तं इक्खुलट्ठिं गहिउं करिव्व करं पसारेइ । विहुभावविण्णायगो सक्को पहुं सिरसा पणमित्ता तं इक्खुलट्ठिं पाहुडमिन्न अप्पेइ । सामिणा जं इक्खु गहिओ तओ ‘इक्खागु’ त्ति सामिणो वंसं ठविऊण सक्को सगं गओ । जिणस्स देहाइणो अइसया देवहिं च सह कीलणं —

जुगाइनाहस्स देहो सेआऽऽमयमलरहिओ सुगंधी तत्रणिज्जारविंदमिव सुंदरागारो य, मंससोणियाइं गोकखीरधाराधवलाइं दुग्गंधरहियाइं, आहारनीहारविही लोयणाणं अगोयरो, वियसियकुमुयाऽऽमोयसरिसो सुरहिसासो, एए चउरो अइसया तित्थयरस्स जम्मेण सह हुंति । वइररिसहनारायं संघयणं धरित्तो पहू भूमिपडण-भयाओ इव पाएहिं मंदं मंदं चलेइ, वालो वि गहीरमहुरञ्जणी पहू भासेइ, सामिणो समचउरंसंठाणं अइव सोहइ, सरिसवया होऊण समागयसुरकुमारेहिं सह तेसिं

चित्ताणुरंजणाय उसहसामी कीलेइ । धुलीधूसरस्वप्नगो धग्गरमाल धरंतो कीलतो  
 पद्द अब्भंतरठियमयावत्याकलहो इव विराएइ । सामी जं किंचि लीलाए हत्येण  
 गिण्हेइ त उवालेउ महद्धिओ वि देवो न समो । जो पद्दणो वलं परिकिरउं  
 अंगुलि पि गिण्हेइ, सो 'सासपणणेणावि रेणुव्य दूरओ गच्छेइ । केई सुरकुमारा  
 विचित्तगेदुगेहिं भूमीए लोड्डमाणा गेंदुया इव पद्द रमारिति, केइ रायसुगा होऊण  
 जीव जीवत्ति नंद नंदत्ति वारंवारं वयंति । केइ सुरा मोरा भविऊण केकासइं  
 कुणंता सामिस्स पुरओ नच्चिरे, केइ हंसरूपधरा गंवारसइं खंता पासम्मि चरंति,  
 केवि कौंचरूपधरा मज्झिमारावं कुणंता पुरओ रसंति, धरियकोटलरूवा केवि सुरा  
 पद्दमणविणोदाय सामिसंनिहिम्मि पचमसर गायंति, केवि सुरा पद्दनाहणेण अप्पाणं  
 परिचित्तं इच्छंता तुरंगा हविऊण हेसारवेण धेवयञ्चुणिं कुणंति । केवि कलहरूपधरा  
 निसायसरं रसंता अहोमुहा होऊण करेण पद्दस्स चरणे फरिसंति । के  
 वि वसहरूपधरा 'रिसभसरच्छज्जिरा सिंगेहिं तडीओ तालितो सामिणो नयणविणोयं  
 पकुव्वंति, के वि अजणायउसंनिहा महिसीहोऊण मिहो जुञ्जमाणा भत्तुस्स जुद्धकीलं  
 दंसेइरे । के वि पद्दणो विणोयट्टं मल्लरूपधारिणो सुरा मुहुं मुहुं भुए अप्फालिता मल्ल-  
 जुद्धभूमीसुं परूपर वोल्लारिति, एयं देवकुमारेहिं विविहविणोयपयारेहिं सययं  
 उवासिज्जमाणो तार्हिं च धाडरूपधराहिं देवगणार्हिं लालिज्जमाणो विह्व कमेण बुद्धिं  
 पावेइ । अंगुट्टामयपाणात्थाए परओ वयंमि संठिना अउरे अरिहंता गिह्नासे सिद्धं  
 अण्णं सुंजेइरे, भयय नाभिनंदणो उ देवाणीअ-उत्तरकुसखेत्तफलाइं सुंजेइ, खीरसमुद-  
 जलं च पिवेइ, एयं पद्द वालत्तण उलंकिऊण विभत्तायय वीयं जीव्वणवयं पावेइ ।

जिणउजोव्वणकाळे देहमोहा देहलक्खणाइ च—

जोव्वणवयंमि पत्ते पद्दणो पाया मउया रत्ता कमलोयरसरिसा कपसेयरहिया  
 उण्हा समयतला य संजाया । सामिस्स लच्छीलीलागेहाणं पायाणं तलम्मि संस-  
 कुंभचिण्हाइं तद्द पण्डीए सत्थिओ विरायंति । सामिस्स अंगुट्टो मंसलो उद्दुल्लो तुंगो  
 सुजगमकणुपमो 'वच्छो इव सिरिउच्छंछिओ, पद्दणो निव्वाय-निपंप-सिणिद्ध-  
 दीनसिहोवमाओ निरंतराओ उज्जूओ अंगुलीओ पायपउमाण दल्लं इव सोहेइरे ।  
 जगुरुगो पायंगुलित्तेसुं णंदायत्ता सोहंति, जाण पडिपिणाः पुट्टीए धम्मपट्टाण-  
 हेउत्तयं पावति । अंगुलीणं पव्वेमु जया जगप्पणुणो जगच्छीविनाहाय 'उत्ता इव

भासेइरे । पहुस्त 'पण्हा पायकमलस्स कंदो इव वत्तुलाऽऽयया वित्थिण्णा य, अंगुट्ठअंगुलिफणीणं नहा फणामणिसंनिहा रायंति । सामिपायाणं दुण्णि गूढा गुप्फा हेमारविंद-मंडलकण्णिगागोलगसिरिं वित्थारिंति । पहुणो पाया उवरिभागम्मि कुम्मो व्व उण्णया अडिस्ससिरा निद्धच्छविणो लोमविज्जिया संति । सामिणो सेयाओ 'जंघाओ अब्भंतरमग्ग-अत्थि-पिसियपुकखलाओ कमवट्टुलाओ 'एणीजंघासोहाहारिणीओ । सामिस्स जाणुइं मंसपूराइं वट्टुलाइं, उरुणो य मउआ निद्धा अणुपुव्वेण पीवरा पोढ-कयली-थंभ-विब्भमा, 'मुक्खा य गूढा समट्ठिण्णो, पुरिसचिन्हं च जच्चतुरंगस्स इव अइगूढं । सामिणो कडी आयया मंसला थूला विसाला कट्ठिणा, मज्झभागे य तणुत्तणेण 'कुलिसोदरसरिसो, नाभी गंभीरा सरियावत्तविलासधरा, कुच्छीओ निद्ध-मंसल-कोमल-सरल-समाओ । पहुणो वच्छत्थलं सुवण्णसिलाविसालं उण्णयं सिरिवच्छरयणपीढअंकियं सिरिलीलावेदिगासिरिं धरेइ । भगवओ खंधा दिड-पीणुण्णया वसह-कउह-सण्णिहा, कच्छाओ अप्पलोमुण्णयाओ गंधसेयमलरहियाओ, वाहाओ आजानुलंविआओ पीणाओ हत्थफणच्छत्ताओ, जगवइणो हत्था नव-अंव-पलवारुणतला 'निकम्मकक्कसा सेय-च्छिदरहिया उण्हा तह य दंड-चक्क-धणुह-मच्छ-सिरिवच्छ-वइर-अंकुस-झय-कमल-चामर-छत्त-संख-कलस-समुद्द-मंदर-मगर-रिसह-सीह-तुरंग-रह-सत्थिय-दिसिगय-पासाय-तोरण-दीवप्पमुहसुहलक्खणेहिं पाया इव सोहिरा । 'सोणपाणिजाया अंगुट्ठो अंगुलीओ य रत्ता सरला य सोहेइरे । सामिणो अंगुट्ठपव्वेसु जवा जस-वरतुरंगस्स पुट्ठिविसेसहेपवो फुडं सोहंति । पहुणो अंगुलिमुट्ठेसु दाहिणावत्ता सव्वसंपत्तिसंनिणो दाहिणावत्तसंखसोहं धरंति । करकमलमूलम्मि तिण्णि रेहाओ लोगत्तयं उद्धरिउं संखालेहा इव रायंते । विहुणो कंठो वत्तुलो अणइदीहो रेहा-तयपवित्तिओ गहीरञ्जणी संखविडंवंणं करेइ । पहुणो वयणं विमलं वत्तुलं कंतितरंगियं लंछणवज्जिओ अवरो चंदोव्व विरायइ । सामिस्स 'मसिणा मंसला निद्धा क्वोला सहाऽऽवा-सियलच्छीसरस्सईणं सुवण्णमइया 'आयंसा इव संति, कण्णा अब्भंतरावत्तसुहगा खंधाव-लंविणो, ओट्ठा विंवफलोवसा, वत्तीसं दंता कुंदपुप्फसरिसा, नासा कमओ वित्थिण्णा कामेणुत्तंगवंसा य । पहुणो चिवुअं 'अहस्सदीहं मंसलं वत्तुलं मउयं, 'मंसुं च सामलं बहलं निद्धं कोमलं सिया । विहुस्स जीहा पच्चग्ग-कप्पतरु-पवालारुण-कोमला अण-इथूला दुवालसंगपवयण-अत्थ-पयंसणी । सामिणो नयणा मज्झभागे किण्ह-धवला,

१ पाणिः-पगनी पानी । २ वर्तुलायता । ३ 'मुकुलम्-अर्धविकसितम् । ४ जङ्घ-पादपिण्डके । ५ 'हरिणी' । ६ मुष्कौ । ७ वज्रमध्यभागसदृशः । ८ निष्कर्मकर्मशौ । ९ शोणपाणिजाताः-रक्तहस्तोत्पन्नाः । १० मसृणौ-स्निग्धौ । ११ आदशौ-दर्पणौ । १२ अहस्वदीर्घम् । १३ इमश्चु ।

अन्तभागे रत्ना, अत्रो नीलमणि-फलिहरयण-सोणमणि-त्रिभ्रासमड्या इत्येते सोहिरे, तद्  
 रूपे जाय 'त्रिसंता रुज्जलसामपम्हा ते लोयणा प्रियसियतामरसे निव्रीणालिकुलमिव  
 रायंते । जगनाहस्स सामलाओ कुडिल्याओ भुमयाओ दिट्ठिपुत्सरणीतीरसमुत्थिण्ण-  
 लयासिंरि व्हेडेरे । भुणपणो विसालं मंसलं उत्तुलं कडिणं मसिणं समं भाल अट्टमी-  
 मयंग-सोहं धरेइ । भुणसामिस्स अणुरुमेण समुण्णयं सिंरं अहोमुढीभूयलत्तवरसारि-  
 क्खमिव । तित्थयरस्स पारमेसरत्तणस्यगमत्थए वत्तुलं उत्तुगं उण्हीहं कलससिंरि पावेइ,  
 मुद्धम्मि य भसलसामा कुंचिया कोमला निद्धा कैसा जेउणाए तरंगा इव रेहंते । पहुणो  
 देहम्मि तथा गोरोयणगम्भगउरा निद्धनिम्मला सुण्णदवविलित्ता इत्ये विभाड । पहुसरी-  
 रम्मि मउ-मांडं भमरसामांडं लोमांडं मुणालंतुव्व तण्णुंडं उज्जिरे, एव अणण्णाऽसाहारणवि-  
 विहलक्खणेहिं लभिसुओ पट्ट रयणेहिं रयणागरुव्व कास सेवणिज्जो न होज्जा ? ।

### पट्टणो देवकयसगीयपेक्खणं—

महिं देण दिण्णहत्यो जक्खेहिं उक्खित्तचामरो धरणिं देण कयदुवारपालत्तणो  
 वरुणेण धरियत्ततो जीव जीव त्ति वोळिरेहिं देवगणेहिं समतओ परिवरियो गत्तर-  
 हिओ जगगुरु जदासुह विहरेइ । वलिद-ऊसगठविअचरणो चमरिंदसंग-पलिअक-  
 विन्नसिअउत्तरदेहो देवणीयासणानिसण्णो हत्यसाडयपाणीहिं अउरारहिं उभयपासओ  
 उपासिज्जमाणो आसत्तिरहिओ दिव्व संगीय पेस्सेइ । अण्णया गालभावाणुरूपकीलाए  
 मिहो कीयंतं किंचि नि मिट्टणं तालरुक्खस्स हिट्ठमि गय, तथा चिय दइव्वदुज्जो-  
 गाओ मिट्टणगस्स नरमुद्धमि महंतं तालफळ एरंटे जिज्जुदंडो इव पडेइ, कागतालीयनाएण  
 मुद्धमि पद्दओ सो मिट्टणगदारगो पट्टमेण अकालमच्चुणा विण्णो समाणो मंदरुसाय-  
 त्तणाओ मगं गओ । पुरा हि मच्चुपत्तिमुट्टणगसराराइ महापक्खिणो उप्पाडिऊण सज्जो  
 समुद्धम्मि पक्खित्थिया, ओसपिणोए हि द्वीयमाणमहावाओ तयणिं तं कलेवरं तद्  
 च्चिय थिअं । अहं सहजाया गीआ वालिगा सहावओ मुद्धा अपसिट्ठा सा तरलियनयणा  
 यिआ । तीए जगगमिट्टणं त वालिग पेत्तूण पाळेइ, पुणो तीए नाम 'मुणंद'त्ति  
 विणिम्मियं । रुमि कालमि गए तीए मायपियरा ति मरिऊण सम्म पायिया ।  
 किंकायव्वमूढा सा ति वालिगा चंचललोयणा जूहमट्टा हरिणीय एगागिणी वणंमि  
 ममेइ, सा सव्वाययसमुद्धगा पुण्णायण्णामयसरिया वणमज्जमि एगागिणी सचरंती  
 यण्णदेवीय विराएइ । एगया मिट्टणगाऽ त एगागिणिं मुद्ध दट्टण किंकायव्वविमूढाइ

ताई सिरिनाभिकुलगरस्स पुरओ उवाणिति । नाभिकुलगरो एसा रिसहनाहस्स धम्म-  
पत्ती होउत्ति वियारित्ता नयणकइरवकोसुइं तं गिण्हेइ ।

सक्ककयविवाहपत्थावो —

एत्थंतरे इंदो ओहिनाणेण सामिणो विवाहसमयं नच्चा तत्थ समागच्छेइ, पहुस्स  
पायंपंकयाइं पणमिऊण सेवगो इव अग्गओ ठाऊण सक्को कयंजली एवं विण्णवेइ-जो  
अन्नानी नाणसागरं नाहं साऽभिप्पाएण बुद्धीए य कज्जेसु पयट्टाविउं इच्छेज्जा सो हि  
उवहासपयं पावेइ, सामिणा महापसाएण सया पेक्खिया ते च्चिय भिच्चा कयाइ वि किंचण  
सच्छंदं पि जप्पंति, पहुस्स अभिप्पायं जाणिऊण जे वयंति ते च्चिय सेवगा कहिज्जंति ।  
हे नाह ! अहं तु अभिप्पायं अणच्चा जं ववेमि, तत्थ अपसायं मा कुणसु । अहं  
मण्णेमि-भयवं गवभवासाओ पारब्भ वि वीयरागो अन्नपुरिसत्थाणं अणवेक्खाए चउ-  
त्थमोक्खपुरिसत्थाय तप्परो होज्जा । तह वि हे नाह ! लोणाणं ववहारमग्गो वि  
तुमए च्चिय मोक्खमग्गो इव सम्मं पयडाविस्सए । तम्हा लोगववहाराय तुमए विहि-  
ज्जमाणं पाणिग्गहणमहूसवं इच्छामि, सामि ! पसीअसु । हे विहु ! भुवणभूसणाओ  
नियाणुरूवाओ रूववईओ सुसंगल-सुणंदाओ देवीओ तुं विवाहिउं अरिहेसि । सामी  
वि ओहिणा पुव्वलक्खाणं तेसीइं जाव निकाइयं भोगफलं नियकम्मं अम्हाणं भोत्तव्वं  
अत्थि त्ति जाणेइ, इमं कम्मं अवस्सं भोत्तव्वं ति मत्थयं कंपमाणो सामी तथा सायं-  
तणे सरोयमिव हिट्टमुहो चिट्ठइ । अह पुरंदरो पहुणो अभिप्पायं उवलक्खित्ता विवाह-  
कम्मारंभाय सिग्घं आभियोगियदेवे सदावेइ ।

आभियोगियदेवकयमंडववण्णणं —

अह ते आभियोगियदेवा इंदस्स सासणाओ सुहम्मसहाए अणुयंपिव  
मंडवं रयंति । तत्थ सुवण्ण-माणिक-रययथंभा मेरु-रोहण-वेयड्ढ-चूलिगा इव  
पयासेइरे । उज्जोयगरा सुवण्णकुंभा तत्थ चक्कवट्टिणो कागिणीरयणमंडलाई  
इव छज्जिरे, अण्णतेय-असहाओ सुवण्णवेइगाओ आइच्चपयासं पराभवंतीओ  
विरायंति, अब्भंतरे पविसंता मणिसिलाभित्तीसुं पडिर्विविया के के परि-  
वारत्तणं न जंति ? । रयणथंभावत्थियाओ सालभंजियाओ संगीयकरणपरिसंतनत्त-  
गीओ इव भासेइरे, सव्वदिसासुं कप्परुक्खपल्लवेहिं कयतोरणाइं कामदेवेण सज्जि-  
याइं धणुहाइं इव सोहंते, फलिहमयदुवारसाहासु नीलमणितोरणाइं सरयमेहपंतिमज्झ-

थिअमुग-सेणिसंनिहाई भासेडरे । सो मंडवो कृत्यड फलिहन्नद्धपुढवीनिरंतरकिरणेहिं  
 कीलापेऊससरसीभमं, कृत्य वि पोम्मरागमणिकिरणनिचएहिं दिव्वकोमुंभअमुग-  
 संसय, कृत्यड नीलमणिरस्तिपजाहेहिं वैत्रियमंगलियजघ-अंकुरसोहं, कृत्यड मरगाय-  
 मणिरस्तिदंडेहिं अह-उवनीयमंगलियवंससंकं जणेइ । सेय-दिव्व-अंमुग-उल्लोय-  
 च्छलेण सो मंडवो गणणठियाए गंगाए समस्सिओ इव होत्या । उल्लोयमि लग्मा-  
 णाओ मोत्तियमालाओ अट्टहं दिसाणं हरिसहसियाइ विप छज्जंते । तत्थ देवीहिं  
 परिट्टवियाओ अब्भंलिहग्गभागाओ चउरो रयणकलससेणीओ रईए निहाणाइ इव विरा-  
 यंति । कुंभाउट्टंभदाइणो अहवंसा विस्साउवट्टंभदायग-सामिंसवुद्धिदस्यगा इव सोहंते ।  
 तह य विवाहोइयकम्मंमि हे रंभे ! मालाओ आरंभसु, हे उव्वसि ! दुरुव्वाओ  
 सज्जेसु, हे घयाइ ! वरस्स अग्वदाणहं घयदहिआइ समाहराहि, हे मंजुघोसे !  
 मंजुघोसेण धवलमंगलाइ गायसु, हे सुगघे ! सुगंधीइं वत्थुड पगुणीकुणसु, हे तिलो-  
 त्तमे ! दुवारदेसमि उच्चमे सत्थिए रपसु, हे मेणे ! विवाहसमय-समागयजणे सम्मा-  
 णेसु, हे सुकेसि ! वट्टनराण रूप केसाभरणं धरेहि, हे सहजणणे ! जण्णजत्तागय-  
 नराणं ठाणं पयसेहि, हे चित्तलेहे ! माइघरंमि विचित्तं चित्तं आलिहसु, हे पुण्णिणि !  
 पुण्णपत्ताइं पगुणीकुणसु, हे पुंडरीए ! पुंडरीएहिं पुण्णकलसे विभूसाहि, हे अंवि-  
 लोए ! वरमंचियं जहट्टाणं ठवेहि, हे हंसपाइ ! वट्टनराण पाउगे मुंचसु,  
 हे पुंजिगायले ! वेडगायलिं छगणेहिं सिग्घ लिंपसु, हे रामे ! अण्णहिं किं  
 रमसे ? हे हेमे ! किं हेमं पेससि ? हे कउत्थे ! पमत्ता इव किं विसंयुला असि ?  
 हे मारीइ ! किं चित्तेसि, हे सुमुहि ! किं उम्मुही होसि, हे गंधव्वि ! अग्गओ  
 किं न चिट्ठसि ? हे दिव्वे ! मुहा किं दिवसि ? नणु लग्गवेला आसण्णा वट्टड,  
 तओ सव्वप्पणा निय-निय-करणिज्जमि तुवरेह त्ति नामग्गहणपुव्वयं मुहं मुहु  
 आपंसं दितीण देवीणं परप्परं संभमाओ महत्तो कोलाहलो संजाओ ।

अच्छराहिं सुमगला-सुणटाण पउणीकरणं—

तओ काओ अच्छराओ मंगलमज्जणनिमित्तं सुमगलं सुणद च आसणमिनिमी-  
 आरिंति । अह सुट्टरधव्वमंगले गिज्जमाणे सुगधिणा तेल्लेण ताणं सव्वगे अब्भंग  
 कुणति । तओ उव्वट्टणिज्जवणयसुद्धुमसुण्णेहिं ताणं उव्वट्टण कुणेडरे । ताणं पाएसुं

१ पुक्कप्रेणि-वीरपविन । २ उमानत्तमयन । ३ पृत्ताचि ।-देव्यभिषानम् । ४ त्रन्दयाप्रागतन  
 राणाम्-जानेयानां भावेन माणयो । ५ नम्भोत्ते । ६ दृगगादि । । ७ पाउका । ८ मत्तुस्ये । ९ धीचसि ।

जाणुसुं हत्थेसुं खंधेसुं भालंमि य नव लुहाकुंडे इव तिलगे करंति । पुण ताओ देवीओ 'तक्कु-द्विअ-कोसुंभ-सुत्तेहिं समचउरंससंटाणं पेक्खिउं पिव ताणं वाम-दाहिण-पासेसुं अंगं फासेइरे, सोहणगत्ताओ ताओ कण्णाओ 'वण्णंगंमि ठवियाओ, तओ ताओ हरिसुम्मत्ताओ तेण चिय विहिणा उव्वण्णयंपि समायरंति, पुणो अण्णंमि य आसणे निवेसिऊण नियकुलदेवया इव सुवण्णकळसजलेहिं ताओ ण्हावित्ति । तओ भंध-कासायवत्थेणं ताणं अंगं लुहंति । अमलेण य वत्थेणं केसे चेढेइरे, तओ य ताओ आसणंतरम्मि ठवित्ता खोमवत्थाइं च परिहाविऊण केसेहितो जलं निकासित्ता इसिं 'अल्लकुंतले दिव्वधूवेण धूवेज्जा । ताणं चलणे अलत्तरसेण मंडेइरे, अंगं चारुणा अंगरागेण विलिंपन्ति । गीवाए हत्थ-अग्गभागे थणेसुं कपोलदेसेसुं च मयणस्स पसत्थीओ इव पत्तवल्लीओ लिहंति, 'णिलाडंमि चंदणेण चारुतिलगं नेत्तेसुं च अंजणं कुणंति, वियसिअपुप्फमालाहिं धम्मिल्लं वंधेइरे, लंवमाणदसिगा-सेणि-रेहिराइं विवाह-जोग्गवत्थाइं पहिरावित्ति, ताणं मत्थयोवरिं विवाहमणिभासुरे मउडे ठवेइरे, कण्णेसु मणिमयकण्णाहरणाइं निवेसेइरे, कण्णलयासुं दिव्वाइं सोत्तिअकुंडलाइं समारोवित्ति, कंठे कंठाभूसणं, थणतडे हारं, भुयासु रयणमंडिए केऊरे हत्थमूलेसुं च मुत्तामइयकं-कणाइं पहिरावित्ति, कडिभागंमि कणंतकिंकिणीसेणिविराइयाओ मणिमयकंचीओ ठवित्ति, पाएसुं झणझणारावं कुणंताइं रयणनेउराइं समारोवेइरे, एवं ताओ कन्नाओ सज्जिऊण देवीगणेण उप्पाडिऊण साइधरस्स अब्भंतरम्मि नेऊण सुवण्णासणे उववे-सावित्ति । इंदेण विवाहसज्जीभवणाय अईव निव्वंधा विण्णविज्जमाणो दसहलंछणो पहू 'लोगम्मि ववहारठिई दंसणिज्जा, मम य भोत्तव्वं भोग्गकम्मं अत्थि' त्ति चिंति-ऊण इंदवयणं अणुमण्णेइ ।

सज्जिथस्स साधिणो विवाहभंडवे आगमणं, देवीहिं कयविवाह-उवयारो—

अह सक्केण सामी ण्हविऊण विलिंपित्ता य जहाविहिणा भूसणाइणा भूसिओ, दुवारपालेण विव इंदेण सोहिज्जमाण-अग्ग-मग्गो, अच्छरागणेहिं उभयपासेसुं उत्ता-रिज्जमाणलवणो, इंदाणीहिं गिज्जमाणधवलमंगलो, सामाणियाइदेवीहिं 'किज्जमाणो-यारणविही, गंधव्वुंदेहिं हरिसेण वाइज्जमाण-आउज्जो सामी दिव्वेण वाहणेण मंडवदुवारदेसंमि समागओ । अह सामी तिदसनाहेण दिण्णहत्थो जाणाओ उत्तरिऊण मंडवदुवारभूमीए संठिओ । मंडवठियदेवीओ दुवारे तडतडत्तिकुणंत-लवणाऽनलग-

१ तर्कुस्थितं । २ पीठीचोळवानुं स्थान । ३ उद्वर्णकम्-पीठी चोळवी । ४ आर्द्रकुन्तलान्-आर्द्रकेशान् ।

५ ललाटे । ६ क्रियमाणावतारणविधिः ।

त्रिमयं मरासपुडं सुयति । काचि दुव्वाइ-मगलियद्वलंठियं रूपगयाल अग्गे धारेइ,  
 काचि कोमंभवसणा अग्रदाणहं पच्चकसं मगलमिव पचसाहेण वडसाह उरखेवित्ता अग्गे  
 संठिया । हे अग्रदाइणि ! अग्योउयवराय अग्रं देसु, सणं मकरणं उरखेसु, थालाओ  
 दहि उहं वरेसु, । सुन्दरि ! नंदणणाऽऽणायचंदणदव उण्णेसु, भइसालगणपुढवीए  
 आहरियं समट्टियं दुरं च उद्धराहि, णणु मिलंतलो गनयणसेणीहि जायजंगमतोरणो  
 एसो जगत्तयउत्तमो उत्तरीअच्छाइयाऽससेदेहो गद्दातरंगंतरिअ-रायहससरिसो वरो तोर-  
 णदुवारमि उदं चिट्ठइ । पयणेण अस्स पुप्फाइ पडंति, चदणं च सुस्सइ, तम्हा हे सुदरि !  
 चिरं कुणेहि, दारंमि वरं मा धरसु मा धरसु । अह सा सुंदरी देवनारीहि उच्चएहि  
 गिज्जमाणेभुं धणलमगलेभुं तिजग-पूयणिज्जस्स ररस्स अग्रं देइ । एगा सुन्दरी कणंतभु-  
 यकंरुणेहि सह मयाणेण तिखुत्तो तिजगपरणो भालं चुंवेइ ।

पहुणो चिवाहमहसवो—

अह पहू सपाउगेण वामेण पाएण हिमसप्परलीलाए सवन्दि सरावसंपुडं दळेइ ।  
 तओ तीए अग्रदाइणीए कंठम्मि पविसत्तकोसुंभन्नत्वेण आरुइद्वज्जमाणो पहू माइहरं  
 जाइ । तत्थ मयणफलेण उरसाहियं हत्थसुत्तं वहूराराणं हत्थेसु वंधेइ । अह मेरुसिलाए  
 केसरी इव माउदेरीणं पुरओ उच्चए सुयण्णासणे सामी अच्छेट्ठे । तओ देवीओ समी-  
 आसत्थ-छल्लीओ पिसिऊण कण्णाण हत्थेसुं हत्थालेवं कुणति । तओ अयाउलो पहू  
 सुहलगोदयंमि ताणं कण्णाण हत्थालेवजुए हत्थे हत्थेहि गिण्हेइ । तथा हत्थसपुडमज्झ-  
 त्थहत्थालेवस्स अब्भतरे इंदो तत्थ मुद्धिय निरखेवेइ । तथा उभयहत्थगहियाहिं ताहिं  
 कण्णाहिं सह त्रिहू साहादुग-लगाहिं लयाहिं पायवो इव त्रिराएइ । तारामेलगपव्वंमि  
 वहवरदिट्ठीओ सागर-सरियाणं जलाइं इय अण्णुण अहिमुइं निवडंति । तथाणि च  
 ताण वाउरहियजल पिय निच्चला दिट्ठी दिट्ठीए सह, मणो य मणसा सह जुजित्था ।  
 तथा अण्णोऽण्ण नयणत्तारासु पडिनिरिया ते अणुरागओ हियएसु अण्णुणं पविसता  
 इय उज्जिरे । इओ य सामाणियाडणो देवा अणुवरा भविऊण पहुणो पासेसु चिट्ठंति ।  
 उपहासम्ममि कुसराओ वहूण पामचराओ उट्ठीओ कोउग-प्रउमगगड गाउं  
 एय आरभन्ति-जरपीळिओ सागरजंत्तं सोसिउं इय इमो अणुवरगो लद्धए साउउं  
 केण मगसा नणु सडाइ जानो ?, 'कटोइयस्स कुवकुरो इय इमो अणुवरगो मडगेसु  
 थिरदिट्ठीओ केण मगसा नणु अभिउसिओ ?, रकुराओ इय आजम्मगाऽदिट्ठपुव्वो  
 एम अणुवरो वटगाइ साउउ केण मगसा नणु सडइ ?, जराणं रपीओ इय

१ पयणो-हत्तं, वेसाग-मन्थाऽऽम । २ अयोचितपराय । ३ उन्नय-रूप मय । ४ माण्यहम् ।  
 ५ विवाहप्रगे परम अयुक्ता अयुक्ता ति वट्टियति । ६ वदविरस्य । ७ पामव ।



धणाणं जायगो इव अयं अणुवरो केण मणेण नणु पूगाणं सद्धात्तु ? , तिणाणं  
 'तण्णागो इव इमो अणुवरो तंवूलवल्लीपत्ताणं केण मणसा नणु सद्धावंतो ? , मक्खण-  
 पिंडे लंपडविडालो व्व अयं अणुवरो चुण्णंमि केण मणसा नणु सद्धात्तु अत्थि ? , केआर-  
 कदमस्स महिसो विव अयं अणुवरो विलेवणस्स सद्धं केण मणेणं नणु कुणेइ ? , निम्मल्लेसु  
 उम्मत्तो इव अयं अणुवरो पुप्फमालासुं लोललयणो केण मणसा नणु सिणिज्जइ ? ,  
 कोउग-उक्कणियाऽऽणणा कोउअधवलमंगलाइं सुणमाणा देवा आलेक्खलिहिया इव  
 तत्थ संजाया । तथा 'लोगेसुं अयं ववहारो दंसणीओ' त्ति प्हू विवाएसुं मज्झत्थो इव तं  
 उविकखेइ । दुण्हं नावाणं अंचले महापवहणस्स इव दुण्हं देवीणं अंचलेहिं सह प्हूणो  
 अंचलं इंदो वंधेइ । तओ आभियोगियदेवो इव सुराहिवई प्हुं कडितडंमि समारोहिज्जण  
 वेइयाघरं पइ चलेइ, तथा दोहिं इंदाणीहिं सिग्घं दुण्णि कण्णाओ कडितडंमि आरोहि-  
 ज्जण अवियोइयहत्थग्गं सामिणा सद्धिं चालिआओ । तेल्लुक्कसिरोरयणेहिं तेहिं  
 वहूवरेहिं सह ते सव्वे पुव्वदुवारेण वेदिगागेहस्स मज्झभागंमि पविसेइरे । अहं को  
 वि तायतीसगामरो पुढवी मज्झाओ उट्ठियमिव वेइकुंडे सिग्घं वन्हि पाउंकुणेइ । तत्थ  
 अग्गिम्मि समिहाकट्टनिकखेवणेण उट्ठिअधूमलेहाओ खेयरइत्थीणं कण्णावयंसत्तणं  
 पावंतीओ जयणंगणे वित्थरंति । देवीहिं गिज्जमाणधवलमंगलो सामी सुमंगला-  
 सुणंदाहिं सह पुण्णं अट्टमंगलं जाव तं वन्हि समंतओ परिभमेइ । वासवो गिज्ज-  
 माणेहिं आसीवयणेहिं पाणिमोक्खेण सह च्चिय ताणं अंचलमोक्खणं कारेइ ।  
 इंदाणीहिं सहिओ पुरंदरो सामिलग्गमहूसवजायहरिसेण हत्थाऽभिणय-लीलाए  
 नच्चेइ, तं अणुकरंता अवरे वि देवा सुइया समाणा नच्चेइरे । चारणेहिं पिव जय-  
 जयाराव-करणपरेहिं केहिं देवेहिं, भरहेहिं पिव विविहनच्चकरणसीलेहिं केहिं सुरेहिं,  
 गंधव्वेहिं पिव गायमाणेहिं अवरेहिं अमरेहिं, आउज्जाइं इव अच्चंतफुडं मुहाणि वायं-  
 तेहिं अण्णेहिं सुरेहिं, पवंगेहिं इव संभमाओ पवमाणेहिं केहिं, विदूसगेहिं इव सव्वं  
 अण्णं हासमाणेहिं अण्णेहिं, पडिहारेहिं इव अण्णं अवसारंतेहिं, अवरेहिं हरिसुम्मत्तसुरेहिं  
 च दंसिज्जमाणनियभत्तिओ विहू सुमंगला-सुणंदाहिं विभूसिय-उभय-पासओ दिव्व-  
 जाणमोरोहिज्जण नियट्ठाणं गच्छेइ । एवं समत्तसंगीओ रंगायरिओ विव इंदो निव-  
 त्तिअ-विवाहो प्हुं नमिज्जण सट्ठाणं समागओ । तओ आरब्भ सामिपयंसिआ विवाह-  
 विही लोगंमि पयट्ठिआ, महंताणं हि पउत्तीओ परट्ठं चिय सिया ॥

इअ देवकयविवाहमहूसवो समत्तो ॥

तओ सामी अणासत्तो चि दोहिं भज्जाहिं सह भोगाईं भुंजमाणो चिरं विहरेइ ।  
सायावेयणिज्जं पि हि कम्मं अभुत्तं न झिज्जइ ।

जिणस्स भरहाइपुत्ताणं उप्पत्ती—

अह विवाहाणंतंरं ताहिं सह पचिंदियविसयसुहाईं भुजंतस्स पहुणो किंचि ऊणेसु  
छपुव्वलखेसु गएसु सव्वट्टसिद्धविमाणाओ चाहुजीय-पीढजीवा चचिऊण सुमगलादे-  
वीए कुच्छीए जुगलत्तणेण समुत्तणा, तह य सुवाहु-महापीढजीवा सव्वट्टसिद्धाओ चचित्ता  
सुणंदादेवीए कुच्छीए ओइण्णा । तथा सुमंगला गव्वप्पहावसंसिणो चउहस म्हासुमिणे  
भरुदेवी इय पासेइ । अह सा सुमंगलादेवी नियसामिस्स पुरओ तं सुविणसख्व रुहेइ, पह  
वि तुम्ह चक्कवट्ठी नंदणो भविस्सइ चि वएइ । अह समये सुहदिवसे सुमंगला सामिणी  
पुव्वदिसा आइच्च-संज्ञाओ इव नियपहापयासियदिसासुहं भरह-वंभीख्वं अवच्चजुगलं  
पसवेइ, तह सुणंदादेवी पाउसो चारिय-पिज्जूओ इव सुंदरागिइजुयं चाहुवलि-सुंदरीख्वं  
अवच्चजुगलं जणेइ । अह कमेण सुमंगलादेवी एगुणपण्णासं पुत्तजुगलाइ पसवेइ । तओ  
एए महातेयंसिणो म्हासाहा विंझगिरिम्मि कट्ठा इव रममाणा कमेण वदिहसु । उस-  
हपहू समंताओ तेहिं अरच्चेहिं परिउरिओ भूरीहिं साहाहिं म्हाखखो इय सोढइ ।  
तथा हि पच्चूसकालम्मि पदीवाणं तेओ इव ओसप्पिणीदोसाओ कप्पतरुणं पहावो  
झिज्जइ, तेण मिहुणगनराणं कोहाइणो कसाया सणियं पाउव्वंति । अह ते मिहुणग-  
नरा इक्कार-मक्कार-धक्कारखाओ तिण्णि दंडनीईओ अइक्कमेत्ति, तओ ते सं-  
मिलिऊण उसहनाहस्स समीवं उतागच्छिऊण तं च जायमाणं असमंजसं विण्णवेइरे ।  
नाणत्तयविभूसिओ जाइस्सरो भयय एवं वएइ-जे उ मज्जायं उल्लंघंते ताणं सास-  
गो राया होइ, पडम हि उच्चए आसणे उअवेसाचित्ता अहिसित्तो चउरंगल उवे-  
ओ अखंडियसासणो सो सिया । ते कहिति-अम्हाण तुम्हे चिय राया होसु, न  
उनिउत्तसु, अम्हाणं मज्झम्मि तुम्हसरिसो अउरो को पि न सिया । तथा नाभिनंदणो  
भासेइ कुत्तरोत्तम नाभिं अभिगंनूण अब्भत्येह, सो तुम्हाणं रायाणं दाहिइ । तेहिं  
मिहुणगनरेहिं नाभिकुत्तरो रायाणं पत्थिओ सो 'भयताणं उसहो राया होउ' चि  
ताण रुहेइ । अह ते मिहुणगा पमुइया भेसुवेइत्ता नाभिणा अम्हाणं तुमं चिय राया  
अप्पिओ असि चि पट्टु कहिति । तओ ते जुगलियनरा सामिणो अभिसेगकरणत्थ  
जत्तणयणाय गया ।

सुरवइकओ जिणस्स रज्जाभिसेगो—

तया सुरवइणो सिंघासणं च कंपियं, सो ओहिणाणेण पहुणो रज्जाभिसेगसमयं विण्णाय तत्थ आगच्छेइ, आगच्छिऊण कंचणमइयवेइगं निम्मविऊण तत्थ सीहासणं ठवेइ । तत्थ पहुंचं ठविऊण सुराणीयतित्थजलेहिं सोहम्मकप्पाहिवई पुरोहिओ व्व उसहसा-मिणो रज्जाभिसेगं विहेइ । अह वासवो निम्मलगुणेण चंदजोण्हामयाइं दिव्ववत्थाइं सामिणा परिहावेइ, जग-ललामस्स पहुणो अंगम्मि जहट्टाणं विरीडाइणो रयणालंकारे निवेसेइ । एयम्मि समये मिहुणगनरा वि कमलदलेहिं जलं वेत्तूणं आगया, सव्वालंकारेहिं च विभूसियं पहुंचं पासमाणा अग्धं दाउं इव पुरओ ते चिट्ठंति । दिव्व-नेवत्थ-वत्थाभूसालं-करियस्स पहुणो सिरंमि निक्खिविउं न जुत्तं ति वियारिऊण पाएसुं जलं निक्खिवंति ।

विणीया नयरी निम्माणं—

एए साहु विणयगुणसंपण्णा, तओ पुरंदरो पहुणो विणीयाभिकखं नयरिं निम्माणं कुबेरदेवस्स आदेसं दाऊणं देवलोगं गओ । सो कुबेरो दुवालसजोयणा-यामं नवजोयणवित्थिणं अउज्झत्ति अवरनामं विणीयं पुरिं रएइ । सो जक्खराओ तं निम्मविऊण अक्खयवत्थनेवत्थ-धण-धणोहिं पूरेइ । तहिं नयरीए भित्तिं विणा वि गयणंमि वइर-इंदनील-वेरुलिय-मणिमइयपासाय-कव्वुर-रैस्सीहिं चित्तकम्मं विर-इज्जइ । तत्थ उच्चेहिं सुवण्णमयपासाएहिं झयच्छलाओ मेरुपव्वयसिहराइं अधिपैत्त-दंसणलीलव्व वित्थरिज्जइ । तीए नयरीए वप्पम्मि उदित्त-माणिक-कविस्सीस-परंप-राओ खेयर-इत्थीणं जत्तेणं विणा आयंसत्तणं पावंति । तत्थ हइग-पासाएसु समु-स्सियरयणरासिणो दट्टूणं अयं रोहिणायलो तस्स पुरओ अवयरकूडो ति तक्किज्जइ । तत्थ घरवावीओ जलकीलारयललणाणं तुट्टियहार-मोत्तिगेहिं तंबपणीसरियासोहं वित-णेइरे । तत्थ सेट्ठिणो तारिसा संति, जाणं कास वि इक्कयमस्स सो वणियपुत्तो ववहरिउं समागओ किंहुं एसो कुबेशो ति मण्णेमि, तत्थ रत्तीए चंदकंतमणि-निम्मिय-भित्ति-पासायझंरतवारीहिं सवओ पसंतरयाओ रत्थाओ किज्जंति । सा नयरी सुहासरिसजलेहिं वावी-कूव-सरोवरलक्खेहिं नवसुहाकुंडं नागलोगं परिभवेइ । जम्माओ पुव्वलक्खाणं वीसाए गयाए तीए नयरीए पयाओ पालिउं सामी नरिंदो होत्था । मंताणं उँकारो इव निवाणं पढमो निवो सो नियं संतइमिव पयाओ पालेइ ।

सो पद्म अमाहुसासणे साहुपालणे य कुसळे मंत्तिणो नियाडं अगाड पिब निउंजेइ,

जिणस्स रज्जंगसगहो—

तह उसहलंठणो सो चोरिक्काडरक्सणे ढक्खे आरक्सणे वि द्दो लोगपाले उव विहेइ । देहस्स उत्तमंग इव सेणाए उक्किट्टमगमिअ रज्जट्टिडेहं इत्थिणो सो गिण्हेइ । स उसहज्जभो आडच्चतुरग फद्धाए इव उद्वुररुधरे वधुरे तुरगे धरेट । नामि-  
नंदणो मुसिल्लिट्ठकट्टपडिए रहे भूमित्थिआइं विमाणाडं इव निम्मवेइ । स नाभिसुण्णु  
निगचक्कवट्ठिभवे अ सुपरिक्खिअत्रिरियाण पादक्काणं च परिग्गहं कुणेइ, तह  
तत्थ नत्रिअमहारज्जपासायस्स यमे इव महावलवंते सेणाहिक्खणो ठवेइ, तदुवओ-  
गकुसट्ठो जगवई गावी-असह-रुह महिस-आसयअ-पमुहं संगिण्हेइ । तथा कप्पतरुमु  
समुत्थिउण्णेमु जणा रुंढमूलफलाडं भुंजंति । तह य तिणव्व सयं चिय समुप्पण्णाओ  
सालि-गोट्टम-चणग-मुगपमुहाओ ओसहीओ अपक्काओ सायति । तंमि आहारे  
'अनीरमाणे तेहिं जुगलियनरेहिं विण्णविओ विहू वएइ-‘इत्थेहि ताओ महिउण तयं  
च अणीअ अहुणासाएइ’ तं च सोच्चा जगपट्टणो उअएसाणुसारओ तहा भुजमाणानं  
पि ओसहीणं कट्ठिणभावो सो वि आहारो न जीरइ । पुणोपि तेहिं विण्णत्तो सामी  
कहेइ-ताओ इत्थेहिं संघसिउण जलेहिं तिमिउण पत्तपुडमि धरिउण साएइ । ते तह  
कुणति, तहवि अजिण्णाहारवेयणा तारिसा होइ, तओ तेहिं विण्णत्तो जगणाहो एवं  
आदिसेइ-‘पुच्चकहियनिहिं किच्चा तओ ओसहीओ सुट्टीए आयनंमि क्वरसामु य  
सिपित्ता तहा मुह भक्खेह’ ।

अग्निगणो उत्पत्ती—

तत्थ वि अजिण्णाहारेण पील्लिएसु जणेसु, अह मिहो साहायसणाओ तरुसंडम्मि  
अग्गी उट्ठिओ । तिणट्टाडं डहत तं दट्टणं दिप्पमाणरयणभमेण ते मिहूणगनरा  
धापित्ता इत्थेहिं वेत्तु पारभेइरे । तेण अग्निगणा डज्जमाणे ते भीया समाणा पद्दं  
उपेच्चा ‘किं पि नूयणं अन्वच्चभूयं भूय समुप्पणं’ ति निवेयंति । सामी वएइ-‘निद्ध-  
रुत्तरुत्तरुजोगेण अग्गी पयडिओ अत्थि, एगंतस्सस्साले एगंतनिद्धरुत्तले य अग्गी  
न होइ’ । अस्स अग्निगणो पासमि टाउण पज्जंतट्ठिअ-तिणाउणो अअमारणेण तओ तं  
गिगहेइ, तओ पुच्चत्तविहिणा इमाओ ओसहीओ सोहिउण जलणमि पस्सिउण,  
पट्टण य साएइ । मुट्ठा ते तह कुणंति, चन्दिणा तानो ओसहीओ ददाओ, पुणापि

सामिणो पासंमि समागंतूण कहेंति—हे सामि ! 'बुहुक्खिओ एसो अम्हाणं किंचि वि न देइ उयरंभरीव एगो खित्ताओ सव्वाओ ओसहीओ भक्खेइ । तयारिं प्हू वि गय-खंधाधिरूढो होत्था, स तेहिं अल्लगं मट्टियापिंडं आणावेइ । सिंधुरकुम्भथलंमि मट्टियापिंडं ठविऊण हत्थेण वित्थारित्ता भायणं निम्मवेइ । एवं सिप्पाणं पढमं कुंभगार-सिप्पं प्हुणा ताणं पयंसियं । सामी वएइ—'एवं अवराइं पि भायणाइं निम्मविऊण, अग्गिणो उवरिं ताइं विण्णसिऊण, तहिं ओसहीओ पयावेह, तओ पच्छा खाएह' । ते वि सामिसासणाणुसारेण तहेव कुणंति । तयाइओ कुम्भगारा पढमसिप्पिणो संजाया ।

### जगवइणो सिप्पकलाइपयंसणं—

जगप्पहू गेहाइनिम्मवणत्थं वड्ढइ—अयगारे निम्मवेइ, महापुरिसाणं 'सिद्धीओ हि विस्सस्स सुहसंपायणट्ठं चिय सिया । लोगाणं त्रिविहचित्तकम्मकीलाविणोयट्ठं गिहाइचित्तकम्मकरणाय स प्हू चित्तगरे निम्मवेइ । लोगाणं वत्थनिम्मवणट्ठं कुविंदे कप्पेइ, तथा हि सव्वकप्पदुसथाणे प्हू च्चिय कप्पदुमो । लोमाणं नहाणं च बुद्धीए अच्चंतं वाहिज्जमाणे लोगे जगपिया 'ण्हाविए कप्पेइ । एवं एयाइं पंच वि सिप्पाइं पत्तेगं वीसइभेयओ भिण्णाइं सिप्पाणं सयं लोगम्मि सरियाणं पवाहा इव पसरिअं, तह य तिणहार—कट्टहार—किसि—वाणिज्जाइं पि कम्माइं लोगाणं आजीविगानिमित्तं दंसियाइं । जगवत्थानयरी—चउपह—सरिसं साम—दाण—भेय—दंडनीइचउक्कं कप्पेइ । सो प्हू वावत्तरिकलाओ भरहं सिक्खावेइ, सोवि भरहो नियभायरे पुत्ते अन्ने य वि सम्मं 'अज्झयावेइ, सुपत्तम्मि हि दिण्णा विज्जा सयसाहा होइ । नाभिनंदणो बाहुवलिं हत्थि—तुरग—इत्थि—पुरिसाणं बहुसो भिज्जमाणाइं लक्खणाइं च विण्णवेइ, बंभीए अट्टारस लिवीओ दाहिणहत्थेण, सुंदरीए पुणो 'सव्वेण पाणिणा गणियं दंसेइ । सयलवत्थुगय—माणु—म्माण—अवमाण—पडिमाणाइं, तह य मणिपमुहाणं पोयणविहिं च पयट्ठावेइ । वाइ—पइवाईणं सामिणा आइट्ठो ववहारो राय—पहाण—कुलगुरुसक्खीहिं सह संजायइ । नागाईणं अच्चणं धणुहवेयकला चिगिच्छासत्थं जुद्धकला अत्थुवायसत्थं बंध—वह—घाय—गोट्टीओ य तओ होत्था । तओ आरंभिऊण जणाणं इयं मे माया, अयं मम पिया भाया य, इमी मह भज्जा, इमं च मे घरं धणं ति ममया समुप्पण्णा । विवाहपसंगे प्हुं वत्थेण पसाहियं अलंकारेहिं अलंक्रियं च दट्टूणं लोगो वि

१ बुभुक्षितः । २ वर्द्धक्ययस्कारान्—तक्ष—लोहकारान् ३ सृष्टयः—उत्पत्तयः । ४ नापितान् । ५ अध्यापयति । ६ सव्येन—वामेन ।

तओ परं अप्पाणं पसाहेइ अलंकरेइ य, तथा पहरुयं पढम पाणिग्गहणं ददहृणं लोगो वि अज्ज वि तह विवाहविहिं कुणेइ, 'महापुरिसेहिं पवट्टिओ मग्गो धुवो भवइ' । पट्टुविवाहाओ अणंतरंदिण्ण कण्णाए परिणयणं सजायं । 'चूलो-वणयण-विज्जा-आपुच्छाओ वि तओ पवट्टिया, एयं अप्पणो कायव्वं ति जाणमाणो सामी एयं सव्वं सावज्जं पि लोगाणुकंपाए पयट्टावेइ । पट्टुणो उवएसपरंपराओ अज्जाऽवि जयम्मि सव्वं कलाइयं इमं विउसेहिं सत्थरूवेण निवद्धं पयट्टइ । सामिणो सिक्खाए समग्गो वि लोगो दक्खो होत्था, 'उवएसगं विणा नरा वि पमुव्व आयरंति ।'

### जगवहृणो रज्ज-ववत्था—

जगट्टिनाडगसुत्तहारो सामी तथा उग्ग-भोग-रायण-रुत्तियभेएहिं चउच्चिहे जणे ठवेइ, तत्थ उग्गदंडाहिगारिणो आरक्खगपुरिसा उग्गा, इदस्स तायत्तीसगा इप पट्टस्स मत्तिपमुहा भोगा, पट्टुणो समाणाउसा जे ते 'रायणा संजाया, अवसेसा पुरिसा रुत्तिय ति होत्थो । एव नवीणं च व्वहारववत्तं निम्मविच्चा विह नवं रज्ज-सिरिं भुंजइ । वाहिचिइ-उग्गो वाहिजुत्तजणेसु जहा ओसदं देइ तह पट्टु दडणिज्ज-लोगेसुं जहावराहं दंडं पउजेइ, तओ दंडमीया लोगा चोरिकाडग नहि कुणंति, जओ एगा चिय दंडनीडे सव्वाऽणीइसप्पससीकरणं गुल्लिमंतसरिसा सिया । सुसिक्खिओ लोगो पट्टुणो जाणमिव कासड खेत्तु-ज्जाण-गेहाईण कोवि मज्जाय न अइक्कमेइ । जलदरो गज्जच्छलाओ जगप्पहृणो नायधम्मं थुणमाणो सस्सनिप्फसिरुए षाले वरिसेइ । तथा सस्सखेत्तेहिं इवखुमाडेहिं गोकुलेहिं च परिपुण्णा जणा नियरिद्धीए पट्टुणो महिट्ठिपयसगा विरायंति । हेय-गेज्ज-विवेगनाणकुसलीरुएहिं लोगेहिं पट्टु पाएण विदेहखेत्तमंनिह भरइसित्तं कुणेइ । रज्जाभित्तेगाओ पारंभिऊण पुढवीं पाळमाणो तिमट्टिं पुव्वलससां नाभिनदणो अडवाहेइ ।

### उसहृप्पहृणो वसन्तसवनिरिक्खण —

एगया पट्टु मयणक्यात्तासे वसंतमासे समागए समाणे परिवाराणुरोहाओउज्जाणम्मि गच्छित्था । तत्थ पुप्फाहरणभूसिओ जगप्पहृ पुप्फवासगेहे देहधारी 'पुप्फमामो

इव उवविट्टो आसि । तथा वसंतलच्छी गुंजमाणेहिं फुल्लमायंद-मयरंडुम्मत्तममरेहिं  
जगवइणो सागयं कुणमाणो इव राएइ । मलयाऽणिल्लेसगो पंचमसरभणिरकोइलेहिं  
आरव्वमाणपुव्वरंगे इव लयानिच्चं दंसेइ । मिगनयणाओ कामुकाणं इव कुरुवगाऽ-  
सोग-वडलाणं <sup>१</sup>आसिलेस-पायघाय-<sup>२</sup>मुहासवे दिंति । पवलाऽऽमोय-पमोइयमहुगरो  
तिलगतरु जुवाणभालथलिविव वणत्थलिं सोहावेइ । बहुणा पीण-थणभारेण कित्तोय-  
रिव्व <sup>३</sup>लवली-लया पुप्फगुच्छभारेण नमेइ । मलयाऽणिलो दक्खो कामुगो इव मंदं-  
मंदं सहयारलयं मुदं बहुमिव आसिलिसेइ । जंवूग-कयंव-मायंद-चंपगा-ऽसोगलट्टीहिं  
पज्जुणो लट्ठिधरो इव पावासुए हंतुं समत्थो होइ । पच्चग-<sup>४</sup>पाडला-पुप्फसंपेक्केण  
सुरहीकओ मलयमारुओ जलमिव कस्स हरिसं न देइ । सहुरसेहिं अब्भंतरसारो  
महुगतरु उवसपंतमहुगरेहिं महुपत्तमिव कलकलाउलो किज्जइ । कुमुमसरेण गोलिगा-  
धणुहअब्भासं काउं कलंवकुसुमच्छलाओ गोलिगाओ सज्जियाओ इव मण्णेमि । वावी-  
कूव-पवा-पिण्ण वसंतेण <sup>५</sup>भसलपहियाणं वासंतीलया मयरंदपवा इव पक्कप्पिया । अच्चंत-  
कुसुमामोयसंपण्ण सिंदुवारेण <sup>६</sup>घाणविसेण इव <sup>७</sup>पावासूणं महामोहो किज्जइ । वसंतु-  
ज्जाणपालेण चंपगेसु नियोइआ महुगरा आरव्वखागा इव निस्संकं भंमंति । जोव्वणं  
इत्थि-पुरिसाणं इव वसंतो उत्तमाऽणुत्तमतरु-लयाणं सिरिं देइ । मिगनयणाओ महा-  
तिहिणो वसंतस्स अग्वं दाउं ऊसुगा इव तत्थ उज्जाणे कुसुमाणं अवचयाय आरंभन्ति ।  
कुसुमसरस्स अम्हासुं आउहभूयासुं किं अण्णेहिं आउहेहिं इअ बुद्धीए कामिणीओ कुसु-  
माइं अवचिणेइरे । उच्चिणिण्णसुं पुप्फेसुं तच्चिओग-पीला-पीलिआ वासंती मंजुगुंज-  
तमहुगरेण रुवेइ इव । काई इत्थी मल्लिगं उच्चिणिण्ण गच्छंती तल्लग्गवसणा 'अण्णहिं  
मा गच्छाहि' त्ति तीए निसिज्जमाणा इव तत्थ चिट्ठइ । काई इत्थी चंपगं चिण-  
माणा <sup>८</sup>नियाऽऽसयभंगेण कोहेण इव उड्डेतेण भमरजुवगेण डसिज्जइ । कावि इत्थी  
उक्खित्तवाहुलया बाहुमूलनिरिक्खणपराणं जुवगाणं मणेण सद्धिं अच्चुच्चाइं पुप्फां  
हरेइ । नूयणपुप्फगुच्छहत्था पुप्फगाहिगाओ जंगमा वल्लीओ इव रायंति । पुप्फुच्चय  
कोऊहल्लाओ रुक्खस्स पडिसाहं विल्लगाहिं इत्थीहिं <sup>९</sup>साहिणो संजायइत्थियफला  
इव सोहंति । कोवि पुरिसो सयं उच्चिणिण्णहिं <sup>१०</sup>मल्लिगाकोरगेहिं मुत्तादानविडंबगं  
सव्वंगिगाभरणं कामणीए कुणेइ । कोवि जुवाणो नियहत्थेण वियसियकुसुमेहिं  
पियाए धम्मेल्लं पुप्फसरस्स तूणीरमिव पूरेइ । कोवि पुरिसो पंचवणकुसुमेहिं सयं

१ °लासकः-दृत्यकारः । २ आश्लेषः° । ३ मुखमदिरा । ४ वृक्षविशेषस्य लता । ५ पाटलापुष्पं-  
पाटलावृक्षस्य पुष्पविशेषः । ६ भ्रमरपथिकानाम् । ७ प्राणविषेणैव । ८ प्रवासिनाम् । ९ निजाश्रयभङ्गेन-  
स्वस्थानविनाशेन । १० शाखिन-तरवः । ११ मल्लिकाकलिकाभिः ।

विडंविद्य-उंदधणुं मालं गंठिऊण दाऊण य पियं परितोसेइ । को पि पियाए सलीलं पक्खित्तं पुप्फणेहुअं किंरु पसायं पिव हत्येहिं पडिच्छड । काओ मिगलोयणाओ दोलाअंदोलणेण गमणागमणाडं कुणंतीओ सावराहे पणो इव पाएहिं पायव-अग्गे हणेइरे । कावि दोलारूढा नयोढा पियनामं पुच्छंतीणं सहीजणाणं लज्जियाणणा लयायाए सहेइ । को पि संसुहत्थिय-कायरनयणाए सद्धिं दोलारूढो तीए गाढालिंग-णिच्छाए दोलं गाढं अंदोलेइ । के वि जुणाणा उज्जाणरुक्खेसुं पडिसाढं लंममाण-दोला-अंदोलणलीलाए पंगंठा इव रेहिरे ।

उसहृत्पहुणो वेरगं—

अह तत्थ उज्जाणे एवं खेलिज्जमाणेसुं पउरजणेसुं सामी ज्ञाएइ—अन्नहिं क्तप पि एरिमा कीला दिट्ठा किं ? । अह सामी ओहिनाणेण-सयं च भुत्तपुव्वं उत्तरुत्तर अणुत्तरदेवयोगसुहृपज्जतं सग्गसुढं परिजाणेइ । भुज्जो वि विगलतमोहवंधणो सामी विंतेइ-विमययामूढो एतो जणो अप्पणो द्वियं न जाणेइ, तस्स धिरत्थु । अहो ! एयंमि संसाररूपमि जीवा रुम्मेहिं अरहट्टपडीनाएणं गमणागमणकिरियं कुणंति । धि द्धी ताणं मोहंयमणाणं पाणीणं, जाणं इम जम्मं सुत्ताणं रयणीव सव्वहा वि सुहच्चिय गच्छेइ । एए रागदोसमोहा जीवाणं उदयंतं धम्म मूसगा प्रायवं व मूलाओ केत्तेति । अहो ! मूढेहिं कोहो नग्गोहरुक्खो इव वद्धिज्जइ, किंतु सो नियवुद्धिपावग पि मूलाओ भक्खेइ । गयारूढा हत्थियगा इय माणारूढा मज्जायालंयिणो इमे माणया किंचि वि न गणेति । रुवियच्छुभीय-कोसिमिउ उरतापकारिणिं मायं दुरासया इमे सरीरिणो निच्च न चयंति । । सारोदगेण दुद्धं-इव, अजणेण सियउसणमिउ एगेणं लोहेणं निम्बलो वि गुणग्गामो दूसिज्जइ । जओ उत्तं—

रत्तिंधा य दियंधा, जायंधा माय-माण-कोववा ।

कामधा लोहंधा, कमेण एए विसेसंधा ॥

भव-कारागारंमि चउरो रुसाया जामिगा इव नेया । जान पासत्थिआ ते जागरति तान नराण रुत्तो मोक्खो ? , भूयगदिया इव अगणाऽऽल्लिगणत्राउला देहिणो समंतओ झिज्जमाणं पि आउस न जाणेइरे । ओसदेहिं सिंहारुगं पिय तेहिं तेहिं त्रिभिहेहिं आहारेहिं अप्पणा अप्पणो अणट्टरुए उम्माओ कुणिज्जइ । इमं सुगंधिं किं अग्राएमि, इमं सुगंधिं किं अग्राएमि ति ? सुगयमूढो लोगो भसओ च्च भमंतो



जाउ रइं न लहइ । कीलणगेहिं वालं इव लोगो आवायरमणिज्जेहिं मुंदरीपमुहव-  
 त्थूहिं अप्पाणं पयारेइ । सत्थाणुचित्ताओ निदालू इव वेणु-वीणाइ-सद्देशु निरंतरं  
 दिण्णकण्णो नियलाहाओ भंसेइ । वाय-पित्त-सिलिम्हेहिं पिव जुगवं पवलवंतेहिं  
 विसएहिं देहीणं चेयणा लुंपिज्जइ, धिरत्थु ताणं, एवं असारसंसारवेरग्गचित्ता-  
 तंतूहिं १निस्सिविय-माणसो परमेसरो जाव होत्था, ताव वंमलोगंत-वासिणो सार-  
 स्सयपमुहा नव लोगतियदेवा जगपहुणो पायाणं अंतिए समागच्छंति ते इमे—

लोगंतियदेवाणं धम्मतित्थपवट्टणट्ठं विण्णत्ती—

सारस्सय-माइच्चा, वन्ही वरुणा य गहतोया य ।

तुसिया अव्वावाहा, मरुआ तह चेव रिट्ठा य ॥

मत्थए पउम-कोससरिसेहिं निवद्धंजलीहिं अवरकयाभूसणा इव ते लोगंतिय  
 देवा एवं विण्णविति ।

सक्क-चूडामणिपहा-जलमग्गपयंवुय ! ।

भरहखेत्तनिण्णट्ठ-मोक्खमग्गपदीवग ! ॥१॥

लोगववत्था पढमा, जहा नाह ! पवट्टिया ।

पवत्तेसु तहा धम्म-तित्थं किच्चं नियं सर ॥२॥

एवं ते लोगंतियदेवा पहुं विण्णविज्जण देवलोगम्मि नियवंमलोगट्टाणे गया ।  
 पव्वज्जगहणाहिलासी सामी वि नंदणुज्जाणमज्झाओ सज्जो नियं पासायं समागओ ।

जम्म-ववहार-रज्ज-ट्टिइ-वेरग्गाइ-दंसणसरूवो ।

एवं पहुणो पुण्णो, एसो वीओ वि उद्देशो ॥

इअ सिरित्वागच्छाहिवइ—सिरिकयंबप्पमुहाणेगतित्थोद्वारग-सासणप्पहावग-आवाल-

वंभयारि-सूरीससेहर-आयरिय-विजयनेमिसूरीसर-पट्टालंकार-समयण्णु-संतमुत्ति-

वच्छलवारिहि-आइरिअ-विजयविण्णाणसूरीसर-पट्टधरे-सिद्धंत-

महोदहि-पाइअभासाविसारय विजयकत्थूरसूरिविरइए

महापुरिसचरिए पढमवग्गे सिरिउसहपहुजम्म-

ववहार-रज्ज-ट्टिइ-वेरग्गाइसरूवो

विइओ उद्देशो समत्तो ॥

## तइओ उहेसो

उसहपट्टणा भरहस्स रज्जदाणं—

अह नाभिनदणो पह समंतओ भरहं चाहुवलिपमुहत्तणए इयरे वि सामंताइणो य आहणेइ । पह भरहं भासेइ—‘हे वच्छ ! तु इम रज्जं गिण्हसु, अम्हे संजमसामज्जं अहुणा गिण्हस्सामो’ एव पहुणो वयण सोच्चा तेण वयसा खणं द्विद्वसुहो ठाऊण कयजली भरहो नमिऊण सगगरं एवं वएइ—हे नाह ! भंतताणं पायपउमपीढ-पुरओ लोटंतस्स मम जहा सुहं होइ, न तद्वा खणसिंहासणम्मि समासीणस्स । हे विहु ! तुम्हाणं अग्गओ पाएहिं धांतस्स मम जं सुहं होज्जा, न तं सलीलहत्थिय-खंयाधिरुद्धस्स । हे सामि ! तुम्ह चरणरुमलच्छायानिलीणस्स जं सुहं जायइ तं सिय-च्छच्छायच्छाइयदेहस्स नो मम होइ । तुमए विरहियस्स मम किं सामज्जसंप-याए ? तुम्हकेरसेयासुहखीरसमुद्दस्स मम रज्जसुहं हि पिंदुव्व पिभाइ । सामी वएइ—अम्हेहिं रज्जं उज्जिय, नरिंदाभावे पुढवीए मच्छसरिसो नाओ पयट्टेज्जा । हे वच्छ ! तओ इमं पुढविं जहजोगं परिपालेहि, तुं आपसकारगो असि, अम्हाणं अयं चिय आपसो अत्थि । सो भरहो पट्टणो सिद्धाएस लघिउं असमत्थो ‘आमं’ ति वोत्तूणं सामिणो आण अगीकुणेइ, गुरुसु य एसच्चिय विणयथिई । तओ विणयनमिरो भरहो मत्थएण पट्ट पणमिच्चा पिउणो उण्णयं वंसमिव सीहासण अठकरेइ । अह पट्ट-निदेसाओ अमच्च—सामंत—सेणावइपमुहेहिं भरहस्स अभिसेगो देवेहिं पहुणो इव फओ । तथा भरहसुद्धंमि पुण्णिमाचंदसरिसं छत्त सामिणो अरंतंडसासणमिव सोहइ । तस्स य उभयपासंमि वीदज्जमाणा चामरा भरहद्धदुगाओ समागच्छिस्स-माणीण सिरीणं आगया दोण्णि द्वा इव सोहंते । स वसहनदणो वत्थेहिं मुत्तालं-कारेहिं पि अचंतनिम्मलनियगुणेहिं पिव छज्जेइ । महामहिमभायणं स नओ नरिंदो रायप्रगेण अप्पकल्लाणंछाए चंदुव्व नमंसिओ । अह पट्ट अणोसिं पि य चाहुव-लिप्पमुहपुत्ताण जहोत्थ देसे विभइत्ता देइ । तओ पट्ट रूपपट्टमो इय नराणं नियमण-पत्थणाणुरुवं सवच्छरिय दाणं देइ ।

संवच्छरिअदाण—

‘जो जस्स अत्थी सो तं गिण्हेउ’ इन्वेव उगोसण पट्ट चउप्पह—चच्चर—पओली-पमुहठाणेषु करावेइ । वासवनिद्विद्व-कुपेर—पेरिआ जभगदेवा चिरभट्टाईं नट्टाइ पहीण-

सामिगाईं अइपणट्टसेऊईं गिरिकुंजगयाईं मसाणट्टाणगूढाईं धरंतरंमि य गुत्ताईं रयय-  
सुवण्ण-रयणाइधणाईं सव्वओ समाहरिऊण दितस्स भत्तो मेहो जलाईं इव पूरिति ।  
नाभिनंदणो दिणे दिणे आइच्चोदयाओ भोयणखणं जाव सुवण्णस्स अट्टलवखसहियं  
एगकोडिं देइ, संवच्छरेण उ हिरण्णस्स अट्टासीइकोडिजुयं कोडिसयतिगं असीइलक्खं  
च दाणं अप्पेइ । जओ उत्तं—

तिन्नेव य कोडिसया, अट्टासीईं य हुंति कोडीओ ।  
असिइं च सयसहस्सं, एयं संवच्छरे दिन्नं ॥

सामिस्स पव्वज्जागहणसवणेण जायसंसारवेरग्गा जणा सेसामेत्तं गिण्हेइरे,  
इच्छादाणे वि न अहिगं गिण्हंति । अह संवच्छरियदाणंते चलियासणो इंदो भत्तीए  
अवरो भरहो इव भगवओ समीवंमि उवागच्छइ । सो जलकलसहत्थेहिं सुरवरेहिं संम  
जगवइणो रज्जाभिसेगुव्व दिक्खामहूसवामिसेणं कुणेइ ।

उसहपहुणो दिक्खामहूसवो —

तओ इंदेण सिग्घं उवणीयं दिव्वत्थालंकाराईं जगविहू परिहाइ । इंदो पहुस्स  
कएणं अणुत्तरविमाणाणं विमाणं इव खुदंसणं नाम सिविगं निम्मवेइ, महिंदेण दिण्ण-  
हत्थो पहू लोयग्गपासायस्स पढमसोवाणमिव तं सिविगमारोहेइ । सा सिविगा पढमं  
रोमंवंचियदेहेहिं मच्चेहिं पच्छा य अमच्चेहिं अप्पणो सक्खं पुण्णभारो इव उद्धरिया ।  
तया सुरासुरेहिं वाइज्जमाणाईं उत्तममंगलाऽऽओज्जाईं नाएहिं पुक्खलावट्टयमेहा इव  
दिसाओ पुरिति, जिणवइणो उभयपासंमि चामरदुगं परलोग-इहलोगाणं मुत्तरुवं निम्म-  
लत्तणमिव विराएइ, वंदिणवंदेहिं पिव बुंदाएगवुन्देहिं नराणं षीणिअ-सवणो जयजया-  
रवो सामिणो किज्जइ, सिविगारूढो पंहमि गच्छंतो नाहो वि देवविमाणसंठिय-  
साभय-पडिमसंनिहो राएइ, तथाविहं आगच्छमाणं भयवंतं दट्टणं सव्वे वि पउरजणा  
संभमाओ चालगा पियरमिव अणुधावंति, मऊरा जीमूयं इव दूरओ पहुं दट्टुं केइ नरा  
उच्चयतरुसाइासु आरोहंति, के विय पहुं दट्टुं मग्गपासाएसुं आरूढा पचंडं आइ-  
च्चायावं चंशयवमिव मन्नेइरे, केवि कालक्खेवाऽसहिरा आसे न आरोहंति किंतु सयं  
विय पंहमि तुरियं आसा इव पैंवमाणा गच्छंति, के वि जलेसु मच्छा इव लोगाणं

अभंतरंमि पविसित्ता सामिणो दंसणिञ्जाए पुरओ पाउव्वमंति, काओ मि अंगणाओ वेगेण ज्ञांतीओ तुट्टियडारेण लायंजलिं पिय तिहुणणाडीसं पड मुंचेउरे, पहुदमणुसुगा रुडिथिअमाळा काओ वि लउणाओ आगच्छत्तस्स भत्तुस्स अगंमि आरुद्धानरा लयाओ इव चिट्ठिन्ति, यगकुंभभरालसा काओ वि अंगणाओ उभयपासमिमंठियाणं दण्ड सहीणं हत्ये ज्वलत्रिऊण पैखे काऊण एव पहुदंसणाय आगच्छंति, काओ वि मिग-नयणाओ सामिपेअरणमहसअंअए गइभगकरे भारभूयनियनियंवे निदेउरे, काओ रायमग्गवात्तायकुअगणाओ सुहकोसुभवसणाओ इहु-सझासरिममोह वरंतीओ पुण्ण-पत्ताइं वरंति, काओ वि चवळ्ळोयणाओ पहुम्स आळोयणमि चामराउं एव पाणिप उमेहिं अंचळे चालिंति । काओ मि नारीओ निव्वर अप्पणो पुण्णवीयाइं वरंतीओ इव नाभिनंदण अभि लाए निक्खिअवंति, काओ वि पहुकुलमुवासिणीओ एव उच्चएहिं 'चिर जीव चिरं नद'त्ति आसीवयणाइं दिंति, काओ वि पुरळलणाओ चचलच्छीओ मि निच्चलच्छीओ भंदगाओ मि सिग्गमणसीलाओ समाणाओ पहु पासंतीओ अणु-गच्छतीओ हवति ।

अह नहंमि महाप्रिमाणेहिं महीयउं एगच्छत्तं कुणमाणा चउच्चिहा देवा अपि समा-गच्छंति, ताणं केइं देवा मयजअवरिसेहिं कुंजरेहिं आगच्छंता गयण मेहमउं इव निर-यंति, केउ देवा अइप्रितियण-गयण-प्रारिहिणो तरुडसरिसुत्तमतुरंगमेहिं रुसा नावा-दंडमहिया सामि पेक्खिअउं आवडंति, केवि देवा साइसयवेगेण मुत्तित्तेहिं पवणेहिं पिय रहेहिं नाभिनंदण उतागच्छति । केवि सुरा परुप्पर चाहण-कीला-पउण्णाय-पणा इव मित्तपि न पइअन्ते, अय सामी अय सामी एव मिहो रुहिता सुरा पत्तनयरा पडिगा इव चाहणाड विरीकुणति, तथा विमाणपासाएहिं गएहिं तुरगेहिं सेंदणेहिंपि नहंमि वीया विगीया नथरी होत्था, चदाउंचेहिं माणुसुत्तरगिरीय पगिट्ट-सुर-माणवेहिं जय-नाहो परिवरिज्जइ, उसहनाहो उभयपासेसु भरह-वाहुलीहिं उअसेविओ रोहेहिं जठरी इव सोहेइ, इयरेहिं अट्टाणउडेए विणीएहिं तणएहिंपि जगसामी गएहिं जहनाहो एव जशुसरिज्जइ, माया भज्जाओ पुत्तीओ य अण्णाओ वि अंमुउओ उट्थीओ 'ओसा-यअणुया पउमिणीओ इव पहु अणुगच्छंति । एव तिलोगनाहो पुअभवसस सब्वट्टसि-द्धप्रिमाण पिय नामेग सिद्धइअुज्जाग उतागच्छेइ, उतागच्छिऊण तत्थ असोगतरुणो तंमि भवाओ इव सिपिगारयगाओ नाभिनदणो उत्तरेइ, उत्तरिऊण सब्वओ रुमाए इव

१ लाजाअलिमिव-अंअंतणुलाअलिमिव । २ पउाव । ३ लाजाव-आइतण्डुलाव । ४ स्यन्दने-रथे । ५ रोषेअ्याम्-तटीअ्याम् । ६ अयदयायकयुता ।

ताइं वत्थाइं पुप्फमल्लाइं भूसणाइं च सिग्धं उज्जेइ । देवराओ पहुणो खंधदेभंमि चंदकिर-  
णेहिं वूयंपिव कोमलं धवलं सुहुमं देवदूसं ठवेइ । अह चइत्तचहुलदुमीए उत्तरासाढान-  
कखत्ते चंदजोगमुत्ताए दिवसस्स पच्छिमे भागे संजायमाणजयजयारावकोलाहलच्छलाओ  
हरिसं उगिरंतेहिं पिव नरामरेहिं पेक्खिज्जमाणो पहु चउत्तं दिसासुं सेसं दाउं इच्छंतो  
इव चउहिं मुट्ठीहिं सिरस्स केसे लुंवेइ । सोहम्महिं वत्थंचलंमि वणंतंरतंतुमंडणकारि-  
णो पहुणो ते कुंतले पडिच्छेइ । अह नाहो पंचमेण मुट्ठिणा अवसेसे केए लुंचंतो इंदेण  
एवं पत्थिओ—हे सामि ! तुम्हाणं सुवणणप्पहखंधेसुं वायाऽऽणीया एसा केसवल्लरी  
मरुणयसंनिहा विराएइ, तओ एयाए लुंचणेण अलं, 'एसा तहेव चिट्ठ' ति इंदनिवंध-  
वसाओ पहु तं केसवल्लरिं तहेव धारेइ, सामिणो हि एगंतभत्ताणं पत्थणं न खंडेइ ।  
सोहम्मवई ते केसे खीरसमुदंमि पक्खिज्जण उवेच य मुट्ठिसन्नाए रंगायरिओ इव  
तुमुलं रक्खेइ ।

अह नाभिनंदणो कयल्लदुतवो सिद्धाणं नमो काऊण देवासुरमणूसाणं समकवं  
'सव्वं सावज्जजाणं पच्चकखामि' ति उदीरंतो ओक्खपहस्स रहमिव चारित्तं पडिज्जइ ।  
सामिद्विक्खागहणसमयंमि नारगाणं पि सरयाऽऽयवत्तज्जजाणं अब्भच्छाहीए इव खणं  
सुहं संजायं, तथा सामिस्स पवज्जागहणसंकेयं पिव मणूसखेत्त—वट्ठि—संणि—पंचिंदिय  
पाणिमणोद्ववपयासगं मणपज्जवनाणं समुप्पज्जेइ ।

कच्छ-महाकच्छपमुहाणं दिक्खा—

मित्तवग्गेहिं वारिज्जमाणा, वंधूहिं रंधिज्जमाणा भरहनरिंदेण वि सुहं सुहं  
निसिहिज्जमाणा कच्छ-महाकच्छपमुहा चत्तारि सहस्सा निवा सामिणो अइसयवंतं पुव्व-  
पसायं सुमरंता, छप्पया इव पहुपायपोम्मविरहाऽऽसहा पुत्तकलत्ताइं रज्जं च तिण-  
मिव चिच्चा 'जा पहुस्स गई सच्चिय अम्हाणं' ति निच्चयं काऊणं हरिसेण दिक्खं  
गिण्हंति, सेवगाणं हि एसो कमो उइओ । अह इंदप्पमुहा देवा आइणाहं पण-  
मित्ता विरइयंजलिणो एवं थुइं कुणेइरे—'हे नाह ! तुम्ह जहत्थियगुणे वोत्तुं अम्हे  
असमत्था, तहवि अम्हे थुणिमो, तुम्हाणं हि पुण्णपहावाओ अम्हाणं पण्णा अइसयवई  
संजायइ, हे सामि ! तस-थावर-जंतूणं हिसापरिहाराओ सव्वजीवाऽऽभयदाणिक—सत्तागा-  
रस्स भवओ नमो, सव्वहा मूसावायवज्जणेण हिय—सच्च—पिय—वयण—सुहारस—साग-

रस्त तुम्ह नमो, हे भयव ! अदिण्णाऽऽदाण-पञ्चवरत्ताणरूपगुद्धपहमि पढमपद्दिगस्त  
 तुम्हं नमो, हे जगत् ! वम्मह-ऽपयारमहणस्त अरुडिय-सुद्ध-वम्महचेर-तेयभाणुस्त  
 तुम्हं नमो, हे नाह ! एगपए पुढवीपमुह-सच्चपरिग्गहं पयाळव्य चत्तंतस्स निल्लोह-  
 सरुवस्स तुब्भ नमो, हे पट्टु ! पंचमहव्ययभारवहणवसहस्स संसार-सागर-तरणपेत्त-  
 द्वस्स महप्पणो तुम्ह नमो, हे आटणाह ! पंचण्ह महव्वयाणं पिव पंच वि सोयराओ  
 समिडंओ वरितस्स तुम्हं नमो, अप्पाऽऽरामिच्चित्तस्स वयणजोग-संवरणरेहिरस्स  
 सच्चकायवेढानियट्टस्स तिगुत्तिगुत्तस्म तुम्ह नमो' इअ आडणाहं सद्युणित्ता देवा जम्मा-  
 भिसेगुव्व नदीसरदीवे गंतूण अट्टाहियामहूसज किञ्चा जहट्टाणं गया, तह य भरह-  
 वाहुत्तल्लिआट्टणो वि नाहं पणमिचा अमरा इव रुहंवि नियनियट्टाणं गच्छित्था ।  
 पट्टु वि मउणवयधरो अणुपव्वट्टएहिं कच्छ-महाकच्छानररेहिं अणुसरिओ पुढविं विह-  
 रिउ पउत्तो ।

उसहपट्टणो अण्णमुणीणं च आहारस्स असंपत्ती—

भयं पारणादिवहे कत्थट्ठ भिक्खु न पावेत्, तथा हि एगतरिज्जु-लोगो भिक्खुदाणा-  
 पिहिं न अभिजाणेत्, ते हि लोगा नाह पुव्वमिव राय चिय मण्णेउरे, तओ भिक्खुत्तं समाग-  
 यस्स भगवओ के वि वैगपराभूयाऽऽडन्नाऽऽसे तुरगमे, अउरे परक्कम-निज्जिय-दिसागए  
 नागकुंजरे, के वि रुव्वलायण-त्रिणिज्जिय-देवंगणाओ उण्णागाओ, केड विज्जु-विब्भमक-  
 राइ आहरणादं, केयण संअब्भाणि इय नाणावण्णवसणादं, के वि य मंडारदामकंढाका-  
 रणादं मल्लदामाडं, केड मेरु-सिहर-सहोयरं सुयण्णरासिं च, अह अन्ने रोहणायल्लूया-  
 सनिह रयणकुंडं दिंति । सामी भिक्खु अल्लहमाणो वि अदीणमणो जंगमं तित्थं पिय  
 सद विहरमाणो पिच्छं पविचेत्, सत्तयाउरहियदेहो इव मुत्थिओ भयव दुहा-  
 पिवासाइणो परिसहे जहिसहेड, सयं टिक्खिज्जा ते रायाणो पोया पवणं पिव सारिं  
 अणुगच्छता तहेव विहरंति । अह तत्तनाणत्रिवज्जिया तवसिणो दुहापिवासाईहिं किला-  
 मिया ते राट्टणो नियुद्धि-अणुसारेण विथारंति ।

कच्छमहाकच्छार्हेणं चिंता—

एसो नामी किपागफलाड मिअ महुराड पि फलाट न स्यायंति, खारजलाणि  
 इव साऊडपि पर्यादं न पियति, परिक्रम्माऽणपिक्खो न ण्हाट न य त्रिल्लिपड, भारुव्व

१ प्रासाधस्य-अतिबुद्धालस्य । २ एकान्तकतुल्ये । ३ वैगपराभूताऽऽत्याचान् । ४ 'मदा' । ५ पृथ्वीम् ।

वत्थालंकार-मल्लाई च न गिण्हेइ, सेलो इव पवणुद्धुयपह-धूलीहिं आलिंजिज्जइ, तह य मुद्धंमि तिब्बं भाणुस्स आयवं सहेइ, सयणाऽऽसणाइविहीणो वि परिस्समं नाणुगच्छेइ, गिरिणो वरगयंदो विव सीय-उण्हेहिं न परिक्किलिसिज्जइ न हि बुहुक्खं गणेइ, पिवासं पि न जाणेइ, वइरजुत्तखत्तिओ इव निदं पि न सेवेइ, अणुचरीभूए अम्हे कयावराहे इव दिट्ठीए वि न पीणेइ, संलावस्स उ का क्हा ?, अवि य पुत्त कलत्ताइ-परिग्गहपरंमुहो पहू जं किंपि माणसंमि चित्तेइ, तं अम्हे न जाणेमो । अह ते एवं चित्ति-ऊण भत्तुणो सया आसणसेवगा नियवुंदपुरोगमा ते कच्छमहाकच्छा इअ वुत्ता-हे अज्जा ! लुहाविजयपरो एसो स्वामी कत्थ ? अम्हे य अण्णक्रीडगा कत्थ ? । विजियपिवासो वा अयं कत्थ ? जलदहुरा अम्हे कहिं ?, एसो य आयावविजई कत्थ ? अम्हे छायामंक्कुणा कत्थ ?, सीएण अपरिभूओ अयं कत्थ ?, सीअकविणो अम्हे कत्थ ? । निद्वारहिओ य अयं कत्थ ! निदाए पराभूया अम्हे कत्थ ?, निच्चं अणासीणो अयं कत्थ ? आसणे पंगुसरिसा अम्हे कत्थ ?, गरुलस्स समुह्लंघणविहिग्गिम कागेहिं पिव अम्हेहिं सामिस्स वयगह-पांमि अणुगमणं एयं पारद्धं । आजीविगानिमित्तं कि नियाइं चिय रज्जाइं गिण्णामो ?, अहवा ताणि भरहेण गहियाणि, अओ कत्थ गच्छिज्जइ ? अदुवा जीवणनिमित्तं भरहं चिय किं वच्चामो !, पहुं चइत्ता तत्थ गयाणं अम्हाणं तम्हा चिय भयं सिया, तत्तो हे अज्जा ! पुरा वि तुम्हे पहुणो निच्चं आसणवट्ठिणो भावजाणगा होत्था, तत्तो कज्जविमूढाणं अम्हाणं किं कायव्वं ? तं अज्ज वएह । ते वि एवं भासंते-जइ मयंभूर-मणसमुहस्स थाहो आसाइज्जइ तथा सामिस्स भावो वि नज्जइ । अग्गे वि सामिणा आदिट्ठं चिय कज्जं निच्चं अकरिंसु, अहुणा उ विहियमउणव्वओ एसो किचण न आदि-सेइ । जह तुम्हे नेव जाणेह, तहेव हि अम्हे वि न जाणेमो, सव्वेसिं समाणा गई, तुम्हे ववेह-अम्हे किं कुणेमो ? । अह सव्वे वि ते संभूअ आलोइऊण गंगा-तीर-वणाइं गया, तत्थ सइरं कंदमूलफलाइं भुंजिउं पउत्ता । तओ कालाओ आरंभिऊण वणवासिणो जडाधारिणो कंदमूलफलाहारिणो इह पुढवीए तावसा संजाया ।

नन्दिबिणसीणं आगमणं—

अह कच्छ-महाकच्छतणया विणयजुआ नमि-विणमिनामाणो पहुदिक्खागहण-कालाओ पुव्वं सामिणो आणाए दूरदेसंतराई गया, तओ पच्छा आगया ते निय-पियरे वणमज्झंमि पासेइरे, पासिऊण एवं वियारंति-वसहणाहे वि नाहे समाणे अणाहा इव अम्हाणं एए पियरा किं एरिसं अवत्थं पता ?, कत्थ तं चीणंसुगं ?

कथ इमं 'चिलायारिहं ववकळं ! । कथ देहमि सो अंगरागो !, कथ पसुणो जोगं भूमिरयं ? । कथ पुष्फमालागच्छिओ धम्मेल्लो ?, कथ वडरुक्खस्स इव जटा ? । कथ गयंदारोहणं ? कथ एसो पाइक्कोव्व पायचारो ?, एवं चिंतमाणा ते पिउणो पणमि-  
ऊण सव्वं पुच्छेइरे । ते कच्छमहाकच्छा एव ववंति-जगनाहो भगवं उसहनाहो रज्ज चइऊण, पुढविं विभइऊण भरहपसुहाणं दाऊण वयं गहित्था, तथा अम्हेहिं पि सव्वेहिं सामिणा सद्धि इरियणा इक्खुभवत्तणमिव पुक्खावर-वियार अक्काऊण सहसा वय अंगीकयं, किंतु सुवा-पिवासा-सी-उण्हाइक्खिलेस-पीलिएहि अम्हेहिं तं वय विमुत्तं, जइवि सामिणो इव अम्हे आयारधम्म पालिउ न सक्केमो, तह वि गिहवास मोत्तूण एत्य तवोवणंमि वसामो ।

पहुपासग्गि नमि-विणमीणं रज्जमग्गण धरणिंदागमण च—

एवं सोच्चा ते—'अम्हे वि सामिणो समीवंमि पुढविभागं पत्येसु' ति वोत्तूण ते नमि-विनमिणो सामिपायाण समीवं उवागच्छंति, तत्थ गच्चा 'एसो पहु नीसगो' ति अयाणमाणा ते उभे वि पडिमाए थिय पहु नच्चा एवं त्रिण्णविति—'हे पद्दो ! अम्हे दूरदेसंतरं पेसिऊण तुमए भरहाइपुत्ताणं विभाग काऊणं पुढवी दिण्णा, अम्हाण गोप्प-यमेत्तावि पुढवी तुमए किं न दिण्णा ?, तओ एण्हि पि हे वीसणाह ! पसाय काऊण देसु, अहवा देवदेवेण अम्हासु किं दोसो पेविस्सओ ?, जं अन्न दायव्वं तं दूरे अत्थु, किंतु उत्तरं पि न देसि' एतं वयताणं ताणं पहु न किंचि वएइ, 'निम्ममा महप्पाणो हि कास वि एहिगचिंताए न लिपिज्जिरे' । जइ वि सामी न वयेइ, तह वि अम्हाणं एसो न्चिय गइ ति निच्चयं काऊण ते पहु उपसेविउ पउत्ता । सामिस्स समीवमि रयपसमणनिमित्तं कमलिणी दळेहिं जलमयाओ जल आपेऊण वरिसिंति, पच्चसे धम्मचवत्तट्ठिणो पुरओ सुगय-मत्त महुगर-बुद्द सेविनं पुष्फ-पयरं ते मुचति, अहोमिस मेरुगिरिं चद-सुरा इव आकड्ढिइयाऽसिणो उभयपाससठिया सामिं सेवेइरे, तिसंभं च कयंजलिणो पणमित्ता एवं पत्येइरे—'हे सामि ! अम्हाणं अपरो न सामी, तुमं रज्जपदायगो होसु' । एगया सामिपायाण वंदण उच्छतो सद्धानंतो नागकुमारदेवाणं अहीसरो धरणिंदो तत्थ उवागच्छेइ, सो नागराओ चालगे इव सरले सामिणो सइ सेनापरे सिरिं च मग्गमाणे ते नमिप्रिणमिणो अच्छे-रणेण सह पेक्खइ, पेक्खत्ता सो पेक्खसदिरसरिसगिराए वएइ—'के तुम्हे ? दिइं विरडय-निच्चया किं च मग्गेह ?, जगसामी सवच्छर जाय किं इच्छिअ महादाण



दासी तयाणि तुम्हे कर्हि गया होत्था, संपइ खासो निम्ममो निप्परिगहो रोस-  
तोस-विरहिओ देहे वि निराळखो वट्टइ' । एयं सोच्चा ते नमिचिणमिणो 'एसो वि  
कोइ सामिणो सेवगो' ति नच्चा सगउरवं तं नागरायं धरणं कर्हिति-अम्हे सामिणो  
मिच्चा, एसो अम्हाणं खासो, तथा दिक्खागहणाओ पुवं कज्जनिमित्तं अम्हे देसं-  
तरगमणट्टं आइत्ता, सयं सव्वेसिं नियपुत्ताणं विभइज्जण रज्जं दाही । दिण्णसव्वधणो  
विअयं अम्हाणं रज्जं दाही, 'अत्थि नत्थि ति का चिंता ?' सेवगेहिं सेवा चिय कायव्वा ।  
गंतूण भरहं मग्गेह, सामिण्व सामिपुत्तो वि तुम्हाणं दास्सइ ति धरणिं देण  
बुत्ता ते कर्हिति- 'अमुं जगसासिं पाविज्जण अण्णं सामिं नहि कुणेमो, कप्पतरं  
पावित्ता को करीरं निसेवइ, अम्हे परयेसरं विहाय अन्नं न पत्थेमो. पयोधरं विमो-  
त्तण 'वप्पीहो किं अण्णं जाएइ ? सत्थि अत्थु भरहाईणं, एयाए चिंताए किं ?, एयाओ  
सामित्तो जं होइ, तं होउ, किं अवरेण' ! । अह ताण वयजुत्तीए पमुइओ नागराओ इमं वयणं  
अव्ववी-अस्सेव खासिस्स किं करो पायाल-पई एसो अहं अम्हि, हे महाभागा ! मह-  
सत्तसालिणो ! 'अयं चिय खासो, न अवरो सेवणिज्जो' ति दिहा पइण्णा तुम्हाणं,  
साहु साहु तुम्हाणं । तिभुवणसामिणो अस्स सेवाए रज्जसंपयाओ पासेण आकड्ढि-  
आओ इव दुअं लोगाजं उवसपंपंति, पलं वमाणफलं व इह नराणं इमस्स य सेवाए  
वेयइत्तगिरिस्मि विज्जाहरिंदत्तणं अच्चंतसुलहं चिय । पायहिद्विथिअनिहाणमिव अमुणो  
सेवामेत्तेण भवणाहिवइसिरीओ जत्तेण विणा हुंति । इमं च पहुं सेवमाणं पुरि-  
साणं कम्मणवसाओ इव अच्चंतवसंवया वंतरिंदसिरी उवणमेइ, इमस्स पहुणो सेवगं  
सयंवरवहू सुहगं पिव जोइसियलच्छी अवि सयमेव सिग्घं वरेइ, अस्स खासिस्स सेवाओ  
पुरंदरस्स संपयाओ वसंताओ विचित्ताओ कुसुम-रिद्धीओ इव जायंते, अस्स च्चिअ  
सेवणाओ मुत्तीए कणीयसिं वहिणिं पिव दुल्लहं पि अहमिंदसिरीं लोगा लहंते, अमु-  
मेव जगनाहं सेवमाणो अण्वजीवो अपुणरावित्तिं सयाणंदमइयं पयं पावेइ, अस्स चिय  
सामिणो सेवाए एसो इव देही इह तिहुवणाहीसो परलोगंमि य सिद्धरूवो होज्जा ।  
अमुस्स खासिस्स अहं दासो, तुम्हे वि सेवगा,

नागराएण नमिचिणभीणं विज्जाहरेस्सरियदाणं —

अओ एयस्स सेवाए फलं विज्जाहरेस्सरियं तुम्हाणं देसि, एयं सामिसेवालद्धं  
जाणेह, न अण्णहा संकेत्था, जओ भूमिमि अरुणजाओ वि उज्जोओ आइच्चजम्मो  
च्चिय होइ एवं संबोहिज्जण गउरी-पण्णत्ति-पमुहअडयालीससहस्सविज्जाओ पढणमेत्त-

सिद्धिदाइणीओ देइ, आदिसेइ अ वेयड्डगिरिमि गंतूण सेण्णिदुगंमि नयराणि परिट्ट-  
विऊण अत्तसं रज्जं तुम्हे कुणेह । पट्टु पणमिऊण ते नमिन्निमिणो पुप्फण-  
विमाणं विउच्चिऊण आरोहिता नागराएण समं चळिया । पुवं तु ते नियपियराण  
कच्छ-प्रहाकच्छाणं समीपंमि गंतूणं सामिसेवातरुफलभूय-नवसंपयासपत्तिं जाणावे-  
ऊण तओ ते अउज्झापणो भरहस्स नियरिद्धिं दंसेडरे, माणिपुरिसाणं हि ठाणदंमिआ  
माणसिद्धी सहला होइ । पच्छा ते नियसयण सव्वपरिजणं च विमाणवर आरोहिऊण  
वेयड्डगिरिं पइ निग्गया ।

वेयड्डगिरी —

कमेण गच्छता—ते एरिस वेयड्डगिरि—‘पज्जंतभागे लवण-समुद्-तरग-नियर-  
चुंविंयं, पुव्वावरदिसाण माणदंडमिअ ठिअ, भरहस्स दाहिणोत्तरभागणं सीमारुवं,  
पण्णासजोयणाइ दाहिणुत्तरदिसाए वित्थिण्णं, स-कोसउजोयणाइ महितळंमि ओगाढ,  
पणवीसजोयणुस्सेहं, दूराओ द्विपत्तगिरिणा पसारियाहिं गहाहिं पिव गंगा-सिंभु-  
नईहिं समंतओ आसिल्लिट्ठं, भरहड्डसिरीए लीलावीसामगेहाओ इव खडपयाया-तमि-  
स्साऽभिनत्तगुहाओ वरंतं, चूलाए मुमेरुगिरिमिअ सासयपडिमासहियसिद्धायणकूडेण  
अच्चवभूयसोहिरं, देवाणं नवगेवेज्जाइ पिव नाणारयणमयाइं अच्चुच्च-लीलाठाणभूयाइ  
नय कूडाइं वरमाणं, गीसजोयणस्सुवरीं दाहिणुत्तरपासेमुं निवसणाइ पिय दुण्णि वंतरा-  
वाससेढीओ धरत्त, मूलाओ चूलिगं जाअ निम्मल्यरस्सुअण्णसिलामइय पुढवीए चपिय  
देवलोगरस्स एअं पायकूडगं पिय, पणकपियमहातरुसाहा-इत्येहिं दूराओ आहवतमिअ’  
ते पासति, पमुअयमणा य तत्तय पावेडरे । भूमितळओ ढसजोयणाओ अरिं नमी  
नरिंदो तहिं वेयड्डगिरिमि दाहिणसेणीए पण्णासं नगराइं कुणेडरे, एएत्तिं पुराणं  
मज्झथिय-नयस्सत्तमे रहनेऊरचत्तकालपुरमि सो अहिवसेट, तहेव य उत्तरसेढीए  
विणमी नागरायस्स सासणाओ सिअ सट्ठिं नयराइ निम्मवेट, एएमुं नयरेमु पहा-  
णभूयगयणवत्तलहपुरंमि सो सअं अहिचिट्ठेइ । ताओ य दोण्णि विज्जाहरसेणीओ  
महड्डिआओ द्विट्ठपडिंविअिओ उवरत्थिअंतंरसेढीओ इअ सोहित्था । ते दोण्णि  
अण्णे पि अणेगे गामे साहानयराट जहट्टाणं च जणपए पि ठपति । जम्हा जम्हा  
जणययाओ नेऊण तहिं मणुसा ठविया, तत्यापि तीए तीए सण्णाए तेहिं जणवया  
रुया । तेसु तेसुं नयरेसु ते नमि-विणमिणो हियए इव सहामज्जमि नाभिनदणं  
पट्टुं ठविये । ‘विज्जाहिं उम्मता विज्जाहरा दुण्णय मा कुणेज्जा’ तओ अरिंदो तेसिं  
मज्जायं आदिसेइ —

विण्णवेइ-हे सामि ! मज्झ गेहे समुवविसिउण दुज्जलाइं पवित्तेमु । कोई एवं ववेइ-  
 देव ! अम्हाणं देवंगणोवमं कण्णं गिण्हेसु, हे पहु ! तुम्हाणं समागमाओ अम्हे  
 धण्ण म्हा । कोवि चएइ-हे रायकुंजर ! कीलाए वि कएण पायचारेण किं ?, इमं  
 सेलसरिसं कुंजरं आरोहेसु । को वि जंपेइ-हे विहु ! आइच्चहयसरिसं मम तुरंगमे  
 गिण्हसु, 'आइत्थाऽगहणाओ अम्हे अजोग्गे किं विहेसि ? । कोवि वोल्लेइ-हे नाह ।  
 जच्चतुरंगमेहिं सहिए रहे गिण्हाहि, पायचारिम्मि पहुम्मि इमेहिं णणु किं कायव्वं ? ।  
 को वि विण्णवेइ-अम्हाणं अमूइं पक्काइं सहयारफलाइं गहाहि, पणइज्जणं मा अव-  
 मण्णाहि । को वि भासेइ-इमाइं तंवल्लवल्लीपत्ताइं 'कमुगाइं च गिण्हेसु, एणंतवच्छल !  
 पसीएसु । कोइ एवं भासेइ-हे सामि ! मए किं तु अवरद्धं, जं असुणंतो इव उत्तरं न  
 पयच्छसि ? इअ पत्थिज्जमाणो अकप्पणिज्जत्तणेण किंपि अगिण्हंतो पहु चंदो 'रिक्खं रिक्खं  
 पिव गेहं गेहं उवेइ । तथा पच्चूसकाले नियमंदिरसंठिओ सेज्जंसो पक्खीणं पिव पउ-  
 राणं कोलाहलं सुणेइ । 'किं एयं' ति पुट्ठो वेत्तियपहाणो पुरोहोउण कयंजली इअ  
 विण्णवेइ-जो नरिंदेहिं पिव मउडफासियभूयलं पायपीढपुरओ लुहंतेहिं दिढभत्तिमंतेहिं  
 इंदेहिं सेविज्जइ, जेण भाणुणा पयत्था इव लोगेसु इक्काणुकंपाए आजीविगोवाय-कम्माइं  
 दंसिआइं, तथा पव्वज्जं गिण्हिउं इच्छमाणेण जेण नियसेसा इव इमा भूमी विभइत्ताणं  
 भरहाइणं तुम्हाणं च दिण्णा, जो सयं सव्वसावज्ज-परिहारओ कम्मट्ठग-महापंक-सोसण-  
 गिम्हाऽऽयवसरिसं तवं गिण्हित्था, वयाओ आरंभिउण अयं नाहो नीलंगो मय्यारहिओ निरा-  
 हारो चलणेहिं महिं पावितो विहरेइ । सारायवाओ नो उव्विएइ, छायं नाणुमोएइ, अयं  
 स्वामी गिरिव्व उभयत्थ वि तुल्लो चिय अत्थि । अयं सीयाओ न विरज्जइ, असीए य  
 न रज्जइ, वज्जदेहो इव स्वामी जहिं तहिं च अवचिट्ठइ । जुगमेत्तं निहियदिट्ठी कीडि-  
 यंपि अमदंतो संसारकरिकेसरी पायचारं एसो कुणेइ । पच्चक्खं निहेसणिज्जो  
 तिजगदेवो अयं तुम्ह पपियामहो सोहग्गवसाओ इह आगओ अत्थि । अणुगोवालं गावीणं  
 पिव अमुं सामिं अणुधावंताणं सयलपउराणं एसो अहुणा महुरो कल-कलसदो सुणि-  
 ज्जइ । आगच्छंतं पहुं दट्ठणं जुवराओ वितंमि खणंमि 'पाइक्के वि अइलंघमाणो पाय-  
 चारेण धावेइ, 'छत्तोवाणहं परिचइता जुवराए धावमाणे छत्तोवाणहरहिया 'परिसा  
 तस्स छाया इव अणुधावेइरे । संभमाओ उल्ललंत-चवलकुंडलो सो युवराओ सामिणो  
 अग्गे पुणो बाललीलं कुणंतो इव सोहेइ, गिहंगणसमागय-सामिणो पायपंकए  
 लुट्ठिउण सो सिज्जंसकुमारो भसल-भमकारीहिं केसेहिं पमज्जेइ, तओ सो उट्टाय

१ आत्थिया । २ क्रमुकाणि-पूगीफलानि । ३ ऋक्षम्-नक्षत्रम् । ४ वैत्रिकं-द्वारपाल । ५ उद्विजते ।

६ पदातीन् । ७ छत्रोपानहम् । ८ पर्वद् ।

जगसामिस्त पयाद्विणतिगं विहेऊण हरिम-जंमुजलेहिं चलणे पकराळितो इव नमेइ,  
 तजो सो पुरओ उट्टाय 'चओरो पुण्णिमाचंदमिउ हरिसेण सामिणो मुहपकयं पेस्खेइ,  
 पेस्खेऊण 'मए एरिसं लिगं कत्थ वि दिट्ठ' ति चित्तमाणो सो विवेगतस्स वीथ जाइ-  
 स्सरणं पावेद, एणं च णायं जं पुब्बविदेहंमि अयं वडरनाहो भयव चक्कवट्ठी होत्था  
 तथा अह इमस्स सारही संजाओ, तमि भवमि सामिणो वडरसेणो नाम पिया एरिसं  
 तित्थयरळिगं ररितो मए दिट्ठो, तस्म उडरसेणस्स पायपउमंते सो चडरणाओ पन्वज्जं  
 गिण्हित्या, अहंपि इमस्स पिट्ठओ दिक्खं गहियवतो । वडरसेणस्स अरिदत्तस्स मुहाओ अहं  
 इय मुणित्या एमो चडरणाहो भरहखेत्तंमि पदमतित्थयरो होहिइ' । तओ अमुणा  
 सामिणा मह सयंपहाउणो भवे अहं भमिओ । अहुणा एसो सामी मज्झ पपियामहो  
 वट्ठइ । समत्तजगपाणीणं मं च अणुगट्ठिं पन्चकलं मोखो इव समागओ एस सामी  
 अज्ज मए पुण्णोदएण दिट्ठो । एतंतरमि वेणइ पुरिसेण नव-उत्तपुरससपुण्णा  
 पटा हरिमेण कुमारस्स पाहुडंमि दिण्णा । तजो जाईसरेण पिण्णायमुद्धभिरसादानविही  
 मो स्निज्जंस-कुमारो पहु वएड-‘भयं ! कप्पणिज्जो अयं रसो गिण्हिज्जउ । पहु  
 वि अंजलिं काऊण पाणिपत्तं धरेद, सो वि सिज्जंसकुमारो इत्तपुरसकुंभे उक्खिउत्ता  
 उक्खिउत्ता भगवत्तस्स करपत्तंमि रसं निस्खेवेद, भगवओ पाणिपत्तमि भूइट्ठो वि रसो  
 माइ, परतु सिज्जमस्स हियए हरिसो न मायइ । तथा सामिणो अंजलिं गयणंमि  
 लग्गसिहो इत्तपुरसो 'थिण्णीभूओ वंमिओ होत्था, 'पट्ठो खलु अचित्तणिज्जपहावा  
 हुंति' । तओ तेण भगवया तेण रसेण पुणो सुरासुरनराणं नयणेहिं भगवत्तस्स दंस-  
 णाऽमियरसेहिं च पारणं कय । तथा सिज्जंससेयाणं पसिद्धिक्का 'वेयालिआ इय  
 गयणे पडिणायपुद्धिपत्ताओ दुंदुहीओ नदति । आणंद-संभूय-जण-नेत्त-अमुवुट्ठीहिं  
 समं देवकयरयणपुट्ठीओ मिज्जंममंदिरमि मंजायति । मामिचरणपचित्थियं पुट्ठं  
 पूइउं पिव आगासाओ देवा पंचयणपुष्फपुट्ठिं पितणेउरे । तथा सुरा सयक्कप्परु-  
 क्तइत्तुम-णीमदिरंहिं पिव मंचिएहिं गपवूहिं पुट्ठिं कुणति । सुरवरेहिं पयामतत्रिचित्त-  
 अन्धमइय पिव गयण कुणतो चामरमरिसो चेत्तुरखेपो किज्जइ । एव वट्ठमाहसुक्क  
 तइयाए तं दाणं अस्सय आसि, तओ 'अस्सयतइय' ति पन्व अज्जापि पवट्ठइ । इमाए  
 ओसपिणीण भरहरेत्तंमि अमेमवहारनयमग्गो अह उमहसामित्तो पउत्तो तह अ-  
 णीए दाणधम्मो स्निज्जंसकुमाराओ पयडीभूओ । अह सामिणो पारणाओ देवाणं च  
 'सपायाओ त्रिभिया रायाणो जन्ने य पउरा स्निज्जंसमंदिरं समागया । ते य कच्छ-महा-

१ चओर-पविक्किणो । २ एवाणीमउ-कट्ठिभूत । ३ थियमा । ४ वेयालिआ-अनुपिपाठम ।

५, मत्पाण-आगमनाए ।

कच्छाङ्गो खत्तियतावसा सामिपारणवत्तासवणेण अच्चंतहरिसा तत्थ आगच्छंति । रायाणो नागरा य अण्णे जणा जाणवया यावि पुल्लुप्फुल्लदेहा सिज्जंसकुमारं इमं ववेइरे भो-भो कुमार ! धण्णो सि, नराणं सिरोमणी असि, जं तुमए सामिणा इक्खुरसो गाहिओ । अम्हेहिं सव्वस्सं पि दिज्जमाणं न गहियवंतो, तिणसमं पि न मण्णियं, अम्हासु प्हू न पसण्णो । संवच्छरं गामाऽऽगरनयराऽऽ वीओ अडंतो सामी कास वि आतित्थं न गिण्हित्था, भत्तिवहुमाणीणं अम्हाणं धिरत्थु, वत्थुगहणं दूरे अत्थु, 'पासाएसु विस्सामो दूरे सिया, अज्ज जाव वायाए वि सामी अम्हे न संभावित्था । पुत्तु व्व अणेगसो पुव्वलक्खाइं अम्हाणं जो प्हू पालगो होऊण एण्हि अपरिचिओ इव अम्हासु वट्टइ । तथा सेज्जंसो ताणं एवं वएइ- किं एवं वुच्चइ ?, जो सामी पुव्वमिव परिग्गहपरो नरिंदो न, इयाणिं सामी भवाऽऽव- ट्ठाओ निवट्टिउं कयनिस्सेस-सावज्ज-वावार-विरई मुणी वट्टइ । जो भोगेच्छू सो सिणाण-अंगराग-नेवत्थ-वत्थाणि अंगीकरेइ, तओ विरत्तस्स सामिस्स हि तेहिं किं ? । जो कामविवसो जणो सो हि कण्णगाओ गिण्हेइ, जियमयणस्स प्हुणो कामि- णीओ कामं पाहाणसरिसाओ संति । जो महीरज्जं इच्छइ सो हत्थितुरंगाङ्गो गिण्हेइ, संजम-<sup>१</sup>सामज्जसालिणो भत्तुणो तं <sup>२</sup>दइढवत्थं पिव । जो हि हिंसगो सो सचित्तं फलाइयं गिण्हेइ, अयं सामी उ अहिलजंतूणं अभयपदायगो अत्थि । एसो जगवई एस- णिज्जं कप्पणिज्जं पासुगं च अन्नाइं गिण्हेइ, परंतु मुद्धा भवंतो तं न हि जाणेइरे । तओ ते युवरायं वयंति-युवराय ! पुरा सामिणा जं किंचि वि सिप्पाइअं जाणाविअं तं चिय जणा जाणेइरे, इमं भत्तुणा न जाणावियं, तओ अम्हे न जाणामो, तुमए पुणो जं कहियं, तं कुओ भवया जाणियं ति अम्हाणं संसिउं अरिहेसि । तओ कुमारो वाहरेइ-लोगा ! गंथदंसणाओ बुद्धी इव भगवंतदंसणाओ मम जाईसरणं सप्पुप्पणं, अमुणा सामिणा सद्धिं किंकरो गामंतराइं इव अहं देवलोगमच्चभवेसुं अट्ट जम्भंतराणि परिअट्टित्था, इओ भवाओ अइकंततइयभवमि प्हुणो पिया महाविदेह- भूमीए वइरसेणो तित्थयरो होत्था । तस्स अंतियंमि एसो सामी पच्छा पुणो अहं पि पव्वइओ, तं एयं सयलं जाइस्सरणाओ मए णायं । तह मज्झ तायपायाणं खुबुद्धिसेट्ठिणो वि य तिण्हं पि सुमिणाणं फलं अहुणा पच्चक्खं संजायं,—मए सुमि- णंमि जं सामो मेरु दिट्ठो खालिओ य, तेण सो हि तवक्खीणो सामी इक्खुरस-

१ प्रासादेषु—गेहेषु । २ प्रसन्नोः भूत्वा आनन्दं न समपादयेत् । ३ 'साम्राज्यं' । ४ दग्धवत्त्वत् ।

पारणाओ विराडो । तह रणा अरीहिं सह जुज्जमाणो जो सुहडो सुमिणमि दिट्ठो तेण सो सामी मए कारियपारणगसहेज्जाओ परीसहे जिणित्था । तहा सुउ-द्विसेट्ठिणा आइच्चमंडलाओ किरणसहस्सं चुयं जं च दिट्ठं, मए तं तत्थच्चिय ठवियं, तओ सो अक्को अहिग भासियवतो । एत्थ एसो भगंत्तो आइच्चो, किरणमहस्सं तु केवलनाण, भट्टं तं अज्ज मए पारणेण जोइयं, तेण एसो सामी दिचिमंतो संजाओ' एयं सोच्चा ते सव्वे सिज्जंसं साहु साहु त्ति भासमाणा पमुदया निय-नियठाणं गया । कयपारणगो सामी सिज्जसमंदिराओ निगंतूण तओ अणत्थ विहरेड, छउमत्थत्तित्थयो हि एगत्य ठाणमि न चिट्ठेज्जा । भगंतपारणट्ठाणं न को वि अइक्कमेज्ज त्ति चित्तिऊण तत्थ थाणंमि सिज्जंसकुमारो रयणमडज पीढं रयावेइ । भत्तिभरनमिरो सिज्जंसकुमारो सक्खं पहुणो पाए इव त रयणपीढं तिसंज्ञं पि पूएइ । लोणेण किं एयं ति पुट्ठो सोमप्पहतणओ 'डम आइगरमंडलं' ति तं जणाणं संसेइ । तओ जत्थ जत्थ पहु भिक्खं गिणहेइ तहिं तहिं च लोगो पीढं कुणेइ, तं च कमेण 'आइच्चमंडलं' ति पसिद्धं जायं ।

उसहप्पहूणो वहलीदेसे गमण बाहुवलिणो वदण्ट आगमणं च—

एगया सामी विहरमाणो कुंजरो निउंजं पिव वहलीदेसे बाहुवलिणो तमससिलापुरीए समीयं समागओ ।

तीए नयरीए वाहिरुज्जाणे पहु पडिमाए सठिओ । तथा उज्जाणपालगो गंतूण बाहुवलिस्स त वुत्तत निवेपइ, अह तक्खणे वाहुवलिनरिंदो पुरारक्खग आदिसेड-नयरमज्जमि विचित्तं हट्ठसेणिओहाडं कुणिज्जउ त्ति । तथा नयरमि पए पए लंब-माण-महालुंवि-चुनिय-पहिय-मउत्थिया कयली-यंभ-तोरणमालाओ सोहते, भगवत-दसण समागय-सुराणं विमाणाणि इव पड-मग्ग रयणभायणभासुरा मचा ठविया सति, तह नयरी पत्रण-अंदोलिय-उदामपढाया-सेणिमिसाओ सहस्सहत्थेहिं नच्चेइ इण, अभिओ नच्चकुकुंमपाणीयच्छट्ठहिं सज्जो रइयमंगलिय-अंगगगा इण पुट्ठवी रेहइ । भयंतंदंसणुक्कठाससिसगमाओ तयारिणं तं नयरं कुमुयवणत्सहुव्व नियसिण होइ । पभार्यमि सामिदंसणाओ अप्पाणं लोग च पत्रिचइस्सामि त्ति इच्छंतस्स वाहुवलि-स्स सा रयणी मासोवमा संजायइ । जगप्पहु तीए ईसिं त्रिभायाए रयणीए पडिम पारि-चाण पत्रणो न कत्थइ अणत्थ गओ । पभाए पहुदसणाय निग्गच्छतो वाहुवलिनिरिंदो

भूइद्वेहिं भक्खरेहिं इव निवद्धमउडेहिं महंतेहिं मंडलेसरेहिं परिओ परिवारिओ, उवा-  
याणं गेहेहिं पिव सरीरधारि-अत्थसत्थेहिं पिव अमुरगुरुपमुहसरिसेहिं वहहिं वरि-  
द्वेहिं मंतीहिं वरिओ, गूढपक्खेहिं पक्खिराएहिं पिव जग-लंघण-जंघानुएहि लक्ख-  
संख-तुरंगमेहिं वीसुं विराइओ, सनिज्जरेहिं गिरीहिं पिव झरंत-मय-जलासार-समिअ-  
पुढविरेणुहिं उचुंगेहि गयराएहिं सोहिओ, असुरदंसणिगाहिं पायाल-कण्णगाहिं पिव  
सहस्ससो वसंतसिरिपमुह-अंतेउरीहिं संवरिओ, रायहंस-सहियाहिं गंगाजउणाहिं पैया-  
गुव्व सचामराहिं वारंगणाहिं सेविय-पासओ, पुण्णिमारयणिचंदेण सिहरीव अइमणोहारि-  
उवरित्थिय-धवलच्छत्तेण सोहिओ, पडिहारदेवेण देविंदो इव सुवण्णदंडहत्थेण  
पडिहारेण अग्गओ सोहिज्जमाणपहो, सिरिदेवीए तणएहिं व रयणाभरणभूसिएहिं  
तुरंगारूढेहिं असंखेज्जेहिं पउरेहिं इवभेहिं अणुसरिज्जमाणो, जोव्वणवंतसीहो  
पव्वयसिलापिट्ठं पिव सुरिंदसरिसो सो भद्दगयरायखंधमारूढो, चूलाए मंदरो  
इव तरंगीभूयकिरणेण रयणमयमउडेण सिरंमि विरायमाणो, वयणस्स सिरिए  
जिया जंबूदीवस्स दोण्णि चंदा सेवणत्थं समागया इव मुत्तामइयकुंडलाइं धरमाणो,  
लच्छीए मंदिंमि वप्पसरिसं थूलमुत्तामणिमइयं हारलट्ठिं हिययंमि धरंतो, भुय-  
तरुणो उच्चएण दिढं नवलयावेढणं पिव चाहूमूलेसुं जच्चजंबूणयकेऊरे धरंतो,  
लायणसरियाए तीरवट्ठिफेण-च्छडासंनिहे मणिवंधेसुं मुत्तामणिमइए कंकणे धरमाणो,  
फणि-फणसरिसपाणीणं दुण्णि महंतमणिणो इव कंतिपल्लवियगयणे दोण्णि अंगु-  
लीयगे धरंतो, देहे सिरिचंदणविलेवणाओ अदंसणिज्ज सरीरवंसणभेएण अंग-  
लग्गसुहुमसेय-वत्थेण सोहिओ, पुण्णिमामयंको चंदिमं पिव गंगातरंग-निगर-फद्धं  
कुणंतं पडं धरंतो, नाणा-धाउ-मइअ-भूमीए निसेविओ अयलुव्व विचित्त-वण्ण-रूद्रेण  
अंतरिज्जेण रोइओ, सिरिणं आकरिसणे कीलासत्थमिव महावाहू सो पाणीहिं अंकुसं  
वट्ठारिवित्तो, वंदि-बुंदजयजयाराव-पूरिय-दिसासुहो सो सामिपायपवित्तस्स उववणस्स  
अंतियं उवागओ । अंबराओ गरुलो व्व सो बाहुवलिनरिंदो करिखंधाओ ओरोहित्ता  
छत्ताइं चइऊण तं उज्जाणं पविसेइ, पविसिऊण तं उज्जाणं चंदरहियं वोममिव सुहा-  
रहियं च सुहाकुंडमिव सामिरहियं पासेइ, तओ पहुमुहचंददंसणाऽऽउरो नयणाणंददाइणो  
पूयणिज्जपाया भगवंतो कत्थ संति त्ति सव्वे उज्जाणवालगे पुच्छेइ । ते वयंति-जामिंणी  
इव विहू अग्गे कत्थवि गओ त्ति जाव कहिउं अम्हे आगच्छामो ताव देवो समागओ ।

२ पक्षिराजैः-गरुडैः । ३ जङ्घालैः-वेगवद्भिः । ४ विश्वक् । ५ प्रयागवत् । ६ वसनभेदेन-वस्त्रभेदेन ।  
६ अन्तरीयेण-अभ्यन्तरवस्त्रेण रोचितः । ७ वर्तयन्-भ्रमयन् ।

सामिणो अदंसणे वाहुवलिणो पच्छायावो—

एय सोच्चा तम्मंतो तक्खसिल्लवर्द्धं हत्थंणिण्णसियचिपुओ वाहंचियलोयणो इमं चिंतेट्—परिजणेहि समं पट्टं पृट्स्तामि त्ति मम मणोरहो हिययमि ऊसरे वीयं व सुहा जाओ । लोमाणुग्गहकरणिच्चाए चिर कयप्रिलंस्स मम धिरत्थु, निय—अत्य-भंसेण इय मुक्खया जाया । सामिपाय—पउमाजलोयणे अंतरायकारिणी इयं वडरिणी रची, त प्रिरत्थु, समए य एरिसी मई समुवण्णा तं पि प्रिरत्थु । जओ सामि न पासामि तओ विभायंपि अग्गिभायं, स माणु पि अभाणू, नेत्ता चि अनेत्ता चिय । एत्थ उज्जाणे तिष्ठवणेसरो पटिमाए संठिओ, अयं पुणो वाहुवली उ निल्लजो पासायमि सुवइ । अहं चिंता—संताण—सकुलं वाहुवलिं दट्ठण मती सोग—सल्लद्धरणसमत्थवायाए वएइ—इह आगयं सामि न पासीअ त्ति किं सोएसि ?, जओ तुम्ह हिययमि सो पट्टं निच्चं वसिओ एव, तट्ट इह कुलिसडुकुस—चक्क—कमल—ज्जय—मच्छाडलंछिएहिं सामि—पाय—विन्नासेहिं दिट्ठेहिं भायओ सामी दिट्ठो चिय इअ मत्तिजयण सोच्चा अतेउरपरिवारसहिओ सुणंदातणओ सामिणो ताइं पाय—पडिपिंयाइं भत्तीए वंदेइ, एयाइं पयाइ मा कोवि अइक्कमेउ त्ति विचारिऊण बुद्धीए तत्थ वाहुवली रयणमउयं धम्मचक्कं विहेइ, त च अट्टजोयणप्रित्थारं एगं जोयणं उच्चयं सहस्साउरं सहस्सकिरणस्स अवरं पिं पिव भाइ । वाहुवलिणा कयं तं धम्मचक्कं अइसयसालिणो तिजगपहुणो पहावाओ देवाणंपि दुक्करं जणेण दिट्ठं, सो वाहुवली नरिंदो त धम्मचक्कं सच्चओ आणीएहिं पुप्फेहिं तट्ट पूएइ, जह पउरेहिं पुप्फाण गिरी इय संलक्खिज्जट, तत्थ पउरसंगीयनाडयप्पमुहेहिं उच्चमडं अट्टाहियामहसय नदीसरे सक्को त्तिव सो कुणेइ, तत्थ आरक्खणे पूअणकारणे य स वाहुवलीनरिंदो आउसिऊण उच्चमचक्कं नमसिऊण य निय नयरिं गच्छेइ ।

उसहसामिणो केवल्लणाणुप्पत्ती—

भयंतो त्ति पवणो इय अपडिवद्धो अक्खत्ततो नाणाविहतपनिरओ त्रिपिहा-भिग्गट्ठोज्जओ मउणययपरो जग्गणा—उडय—उल्लाडमिलेच्छडेसेमु अणज्ज—पाणिणो दंसणेणापि कल्लणं कुणंतो उवसग्गेहि अफासिज्जमाणो परीसहे य सहमाणो परि-साण एग सहस्सं दिवसलीलाए पुट्ठीए विहरेइ । विहारकमेण सो उसहज्जओ भय-वतो अउज्जामहापुरीणं पुरिमतालाभिरुत्त उच्चं साहानयर समागच्छेइ, तस्स उत्तरदि-साए तीयं नदणं न भयडमुह उज्जाणं सो पट्टं पविसेइ, तत्थ नग्गोहतत्तणो हिट्ठमि



कय-अट्टमतवो पडिमासंठिओ अपमत्ताभिहाणगुणट्टाणं पविसेइ, तओ य अपुव्वकरण-  
मारूढो पढमं पुहुत्त-वियक्कजुयं सवियारं सुक्कज्झाणं पडिवज्जेइ, तओ अनियट्टि-  
गुणट्टाणे वायरकसाए खयं नितो तत्तो अ सुहुमसंपरायगुणट्टाणे सुहुमलोहं खयंतो  
खणेण जगगुरू खीणकसायत्तणं पावेइ, खीणमोहगुणट्टाणस्स चरिमसमए वीयं एगत्त-  
वियक्कजुयं अवियारं सुक्कज्झाणं खणाओ आसासेइ तेण ज्ञाणप्पहावेण पंच नाणावर-  
णाइं दंसणावरणचउक्कं पंच अंतराए य त्ति सेसघाइकम्मं विणासेइ, अह वयाओ  
वरिससहस्से गए फग्गुण-क्किणह-एगारसीए उत्तरासाढानक्खत्तेण सद्धिं चंदे जोगमु-  
वागए पभायकालंमि असेसं भुवणत्तयं करत्थियमिव पयासमाणं तिकालविसयं केवल-  
नाणं पहुस्स समुप्पज्जेइ । एयंमि समए—

दिसा पसण्णमावण्णा, वायवो सुहदाइणो ।  
नारमाणमवि तथा, खणं संजायए सुहं ॥

अह सामिकेवलनाणमहूसवकम्मकरणट्टं ताणं पेरिउं पिव असेसाणं इंदाणं  
आसणाइं कंपेइरे, तओ नियनियविमाणवासिदेवाहवणट्टं दूईओ विव इंदलोगेसुं  
सज्जो महुर-सदाओ महा-घंटाओ नदंति । सामिपायपउमगमणेच्छुसकस्स  
पुरओ एरावणो देवो चिंतामेत्तेण उवचिट्ठेइ, तथा सो सामिणो मुहचंद-  
दंसणट्टं जंगमत्तणं पत्तो मेरू इव लक्खजोयणपमाणदेहेण विरायंतो, हिमधवलार्हि  
अंगप्पहारिं समंतओ चंदणचच्चियमिव दिसं विलिंपंतो, अइसुगंधीहिं गंडत्थल-  
गलंत-मय-जलेहिं सगं-ऽगणभूमिं कत्थुरीगुच्छ-चिन्हियं समायरंतो, तालविंटेहि  
पिव लोल-कण्ण-तालेहिं कवोल-तल-समावडंतगंधंऽधीभूय-भसलपंतिं निवारिंतो,  
कुंभत्थल-तेय-पराभूय-वाल-मायण्ड-मंडलो, आणुपुव्वी-पीण-वट्ट-सौंडाऽणुकय-नाग-  
राओ, महूसरिसनेत्त-दसणो तंवपत्तनिह-तालुओ भंभानिह-वट्ट-मुह-गीवो विसाल-  
सरीर-अंतरालभागो आरूढधणुहसरिस-पिट्ठिवंसो चंदमंडल-संनिह-नैह-मंडल-  
मंडिओ, सुगंधि-दीहर-नीसासो चल-दिग्घसुंडग्ग-भागो दीह-ओट्टपल्लव-मेहण-  
पुच्छो, चंदाऽऽइच्चेहिं मेरू इव दोसुं पासेसुं घंटाहिं अंकिओ, देवतरुकुसुम-वेढिअं  
कच्छानाडिं धरिंतो । तस्स य सुवण्णपट्टंचियभालाइं अट्टमुहाइं अट्टदिसासिरीणं विला-  
सभूमीओ इव छज्जंते । मुहे मुहे तिरिच्छा-ऽऽयओन्नया दिढा दंता महगिरिणो  
दंतगा इव पयासिरे, दंते दंते वासहरे वासहरे दहो इव साउ-निम्मलजला पुक्ख-

१ तालवृत्तैः । २ भ्रमरपङ्क्तिम् । ३ 'नखमण्डल' । ४ दीर्घनिःश्वासः । ५ मेहनम्-पुरुषलिङ्गम् ।  
६ तिरश्चीनायतोन्नताः ।

रिणी अत्वि, पुत्रस्वरिणीए पुत्रस्वरिणीए अदठ कमलाटं जलदेवीहिं जलाओ वाहिरं कयाड मुहाइ पिव रेहते, कमले कमले अदठ विउलाइं दलाइ कीलंतदेवंगणा-वीसाम-अंतरदीवाटं पिय रायते, दलंमि दलमि 'पिहं पिह चउच्चिहाभिणएहिं सधियाटं अदठ नाडगाइं 'अग्घेंति, पइनाडय च मुसाउ-रसकल्लोल-संपत्तिजुआ 'ओज्जरा इव वत्तीस 'पत्ताइं सति । तओ एयारिस त गयवरं कुंभ-उग्ग-उत्तण-नाभिओ सपरीवारो सक्को अग्गासणे समारोहेइ । आसीणपरिवारसधिययासो सो चारणादिवो सयल-सोहम्मरूपो विव तओ चलेइ, सो पालगो एव क्रमेण नियदेह सखिवतो उसह-सामिपधिच्चिय त उज्जाणं खणेण पावेइ, अन्ने वि अच्चुयाटणो इवा देवजुदेहिं सम अहमहमिगाए सिग्ग तत्थ आगच्छेइरे ।

### समोसरणं—

इओ समोसरणस्स एगजोयणपमाणभूमिं अहिमाणरहिया चायुक्कारदेवा सयं पमज्जंति, मेहकुमारदेवा गंधंउ-जुट्टीहिं पुढीवि सिंचति, तदया समागमिस्समाणस्स पहुणो 'सुगंधिवाहेहिं धुव-अग्रदाणाय उज्जया इव भूमी अग्घेइ । चंतरदेवा उग्गय-अंघ्रहिं सुवण्ण-माणिक रयणपाहाणेहिं भत्तीए अप्पाण पिय तं वसुहायलं वंधंति, तत्थ ते देवा भूमितलाओ उग्गयाइं व हिट्टमुह-पिट्टाड पंचवण्णाइं सुगधीइं पुप्फाइ विक्किरति, तह दिसाणं कंठाभरणभूयकंठिगा एव चऊसुं दिसासु रयण-माणिक-हिरण्णेहिं तोरणाड विउव्वंति । तत्थ यिआओ रयणमडअसालभंजिगाओ अण्णुण-देह-संकंतप-डिंविहेहिं सहीहिं आलिगियाओ इव भासेइरे, तेसु निद्ध-इदणीलमणिघडिया मगरा 'पणासंत-मयरकेउ-चत्त-निय-चिन्ह-भम-पयायगा छज्जंते, तहिं च सेयच्छत्ताणि भगंत-केवल-नाणुभवहरिसेण दिसाण हासा इय अग्घेइरे, तत्थ झया अटपमोयाओ सय नट्टिउं इच्छतीए भूमिदेवीए उत्तंभियाओ भुयाओ एव विरारयंति, तेसि तोरणाणं हिट्टमि वलिपट्टेसु इव उच्चएहिं सत्थियगपमुहाइंणि अट्टमंगलस्स चिन्हाणि भासेइरे । तत्थ समनसरणे चेमाणियदेवा रयणगिरित्तो आणीय मेहलं पिय उवरियणपढम वणं रयणमइअ निम्मंति, तत्थ नाणामणिमयाट क्विसीसगाइ अंघ्रहिं गयणं चितवण्णअसुक्कं कुणताइ पिव सोहेइरे । जोइसियदेवा तत्थ मज्झभागमि पिंडीभूय-निय-देह-तेएहिं पिव सुवण्णेहिं वीयं पायार कुणंति, तत्थ य सुरासुरवहुसुहदसणट्टं रयणट्टण्णा इव रयणेहिं क्विसीसगाइं रएइरे । गहिरभागमि भवणवडदेवेहिं भत्तीए रूपमडओ तडओ पागारो मडलीभूओ वेयट्टहगिरी एव गिरइओ, तस्स उवरिं विसालाइं क्विसीसगाइं

देववावीजले सुवण्णमइआइं पंकयाइं इव रेहंति । वप्पत्तयमई सा समोसरणभूमी भव-  
णाहिचइ-जोइसिय-वेमाणिय-देवसिरीणं एकिककुंडलसरिसा विभाइ । तत्थ पडागावुं-  
दविराइआ माणिक्तोरणा किरणजालेहिं विरइयाऽवरपडागा इव संति । पइवप्पं च  
चत्तारि गोपुराईं चउव्विहधम्मस्स कीला-वायायणा इव पर्यासिंति, दुवारे दुवारे  
वंतरामरेहिं इंदनीलमणिंथंभाइय-धूम-लयाउ मुंचंतीओ धूववडीओ मुक्काओ, तह  
तेहिं पइदुवारं दुवारचउक्कधरो समोसरणपागारो इव चउदारवई सुवण्णपंकया वावी  
विउव्विया, विइयपागारमज्झंमि उत्तरपुरच्छिमदिसाए सामित्रीसामनिमित्तं ते देवा  
देवच्छंदं विउव्विरे । तत्थ पढमवप्परस पुव्वदुवारंमि उभयपासेगुं दुण्णि सुवण्णवण्णा  
वेमाणियदेवा दुवारपाला चिटंति, तस्स च्चिय दाहिणदार-उभयपासेगुं दोण्णि सेयवण्णा  
वंतरदेवा अण्णुणपडिर्विविया इव दुवारपालगा चिट्ठेइरे, तस्स य पच्छिमदारे उभयपासाओ दुवे  
रत्तवण्णा जोइसियदेवा संज्ञाए ससि-रविणो इव दुवारपाला संचिटंति, तस्स य उत्तर-  
दुवारपासेगुं दुण्णि किण्हवण्णा भवणाहिचइदेवा समुण्णया मेहा इव पडिहारा चिट्ठे-  
इरे । वीयपागारे पुव्वकमेण चऊसु वि दुवारेमु उभय-पास-अंकुस-मुग्गरहत्थाओ  
कमेण य चंदकंत-सोणमणि-सुवण्ण-नीलमणिप्पहाओ जया विजया अजिया अवराइया  
य देवीओ चिटंति, अंतिमपायारे पइदुवारं तुंजुरु खइंगधरो नर-सिर-मालाधरो  
जडा-मउडमंडिओ इअ चउरो देवा पडिहारा चिट्ठेइरे । समोसरणस्स मज्झभागंमि  
वंतरदेवा रयणतिगोदयं उदिसंतं पिव कोसत्तिगुच्चयं च्छेइयतरं विउव्वंति, तस्स य  
हिट्ठंमि विविहरयणेहिं पीढं विहेइरे, तस्स य पीढस्स उवरिं अपडिम-मणिमइयं  
छंदं कुणंति, तस्स य मज्झभागंमि पायपीढिगासहियं सव्वसिरीणं सारं इव रयण-  
सिंहासणं रएइरे, तस्स य सिंघासणस्स उवरिं सामिणो तिजग-पहुत्तण-सूयगचिन्ह  
मिव निम्मलं छत्तत्तयं ते विउव्वंति, तत्थ य सीहासणस्स दोसु पासेसु दुण्णि जक्खा  
हियए अमायंते वाहिरभूए सामिभत्तिभरे इव दोण्णि चामरे धरेइरे । तओ समोस-  
रणदुवारंभि अच्चब्भुयपहाभासियं सुवण्णपंकयसंठियं धम्मचक्कं विउव्वंति, तत्थ अन्नं  
पि जं तं सव्वं वंतरदेवा विहेइरे, जओ साहारणसमवसरणंमि ते देवा अहिगारिणो ।

अह पभायकाले चउव्विहदेवाणं कोडीहिं परिवरिओ भयवं समोसरिउं चलेइ,  
तया सुरा सहस्सपत्ताइं सुवण्णमइयाइं नवकमलाइं रयंति रइत्ता सामिणो य पुरओ  
ठवेइरे, पहू ताणं दोसुं दोसुं सुवण्ण-पंकएसुं पयन्नासं विहेइ, देवा य सेसाइं कमलाइं  
आसु आसु पुरओ संचारिंति, एवं संचरंतो सामी पुव्वदुवारेण समोसरणं पविसेइ, तओ

जगणाहो चेइयरुखस्स पयाहिणं कुणेइ 'नमो तित्थस्स' चि वोचूण जग-मोहंधयार-  
 पिच्छेदणत्थं सरो पुव्वायलमिण पुव्वमुहो पद्द सिंघासणं आरोहेइ, तक्खणमि अण्णासु  
 वि तीसु दिसासुं वंतरदेवा रयणसीहासणत्थाइं तिणिण भगवतपडिर्विवाइ करिंति, ते देवा  
 पद्दस्स अंगुट्टस्सावि सरिसरुं निम्मिउं न समत्था, पुणो ताणि पडिर्विवाइं सामिपहा-  
 वओ पद्दुरससिच्छाईं जायंते । तथा पद्दुणो सिरपच्छाभागे पगासमइयं  
 भामंडलं पयडीहोइ, जस्स पुरओ सूरमंडलं रज्जोयपालो इव सिया । गयणे  
 पइसदेहिं चउरो वि दिमाओ भिसं मुहरंतो मेहुव्व गडीरो दुंदुही नएइ । 'धम्ममि अय  
 भगवं एवओ चिय सामी' इअ उइदीकयथुओ रयणमइओ क्षओ पद्दुणो अगम्मि  
 विराएइ ।

अह वेमाणियदेवीओ समोसरणम्मि पुव्वदुवारेण पविसित्ता पयाहिणतिगं काऊणं  
 तित्थनाह तित्थं च नमिऊण पढमपागारंमि साहूणं साहूणीणं च ठाणं पमोचूणं तय-  
 तरम्मि 'पुव्वदाहिणदिसाए उइदत्थिआ चिट्ठति, भवणवइ-जोडसिय-वंतर-देवंगणाओ  
 दाहिणद्वारेण पविसिऊण तेण विहिणा कमेण 'दाहिण-पच्छिमदिसिभागे चिट्ठिरे,  
 भवणवइ-जोडसिय-उतरसुरा पच्छिमदुवारेण पविसिय पुव्वविहिणा वायव्वदिसाए  
 सचिट्ठेइरे, वेमाणियदेवा नरा नारीओ य उत्तरदिसादारेण पविसिउआण तेण चिय  
 विहिणा 'उत्तरपुरत्थिमे अचिट्ठेइरे । तत्थ समोसरणमि पढम समागओ अप्पडिइओ  
 सो महडिइअं समागच्छत नमेइ, सोवि महडिइओ पुव्व समागय अप्पडिइअ साह-  
 म्मियत्तणेण नमतो चिय गच्छेइ । तत्थ समवसरणमि कास वि 'निअंतण न सिया,  
 विरुहा न, विरोहीणं पि परुप्परं मच्छरियं न, भय च न होज्जा । विडयपागारऽ-  
 व्भतरे तिरिअंचा चिट्ठंति, तइयपागारमऽङ्गम्मि वाहणाइं सति । तीयपागारवाहिरभा-  
 गम्मि तिरिय-नर-देवा के पि पविसिता केपि य निग्गच्छता हुंति ।

इंदकयउसहजिणथुई—

अह सोहम्मकप्पिदो, नमसित्ता कयजली ।

रोमंचिओ जगन्नाह, इअ थोउ पयडुइ ॥

सामि ! बुद्धिहीणो अह कत्थ ? कत्थ य तुमं गुणगिरी ?, तह वि भक्तीए मुहरी-  
 कओ अहं तुमं गुणिस्सामि । अणंतदसण-नाण वीरिया-ऽऽणंदेहिं रयणेहिं रयणागरो

१ आमिकोणके । २ नैर्ऋतकोणके । ३ उत्तरपौरस्त्ये-ईशानकोणके । ४ नियन्त्रण-यन्वनम् ।

विव जगवइ ! तुमं इह एगोच्चिय विरायसि । देव ! इह भरहखित्तंमि चिरं सव्वहा नट्टस्स धम्मस्स परोहणट्ठं तरुस्स एगवीयमिव तुमं असि । तत्थ देवलोगथिआणं अणुत्तरसुराणं इह ठिओ तुमं संदेहं छिंदेसि, तुम्हाणं पहावस्स 'ओही न । महिड्ढि-<sup>१</sup>जुइ-भासमाणाणं सव्वेसिं सुराणं देवलोगभूमिमुं जं निवासो, तं तुम्हेच्चयभत्तिलेसस्स एव फलं । देव ! तुम्हकेरभत्तिविहीणाणं महंताइं पि <sup>२</sup>तवाइं मुरुक्खाणं गंध-अज्झयण-मिव केवलं दुक्खाय एव । जो तुमं थुणेइ, जो य तुमं <sup>३</sup>विदिसेइ, तेमुं उभेसुं तुमं समो एव, किंतु ताणं जं भिण्णं सुहमसुहं च फलं तं हि अम्हाणं अच्छेरं जणेइ । सग्गसिरीए वि मम न आणंदो, तओ नाह ! तुमं इमं पत्थेमि—'हे भयवं ! तुमम्मि मम अक्खया <sup>४</sup>'भूइट्ठा भत्ती होज्जा' इअ संथुणिऊण नमंसित्ताणं च कयंजली इंदो नारी-नर-नरवइ-देवाणं अग्गओ निसीएइ ।

मरुदेवाए विलावो—

इओ य विणीयानयरीए विणीओ भरहेसरो नरिंदो पभायकालम्मि मरुदेवा-मायरं नमंसिउं आगच्छेइ । पुत्त-विरहुवभूयाऽविरलअंसुवारीहिं संजायनीलिगाए विलुत्त-नेत्त-पंकयं पियामहिं<sup>५</sup> देवि ! एसो तुम्हाणं जेट्ठो <sup>६</sup>पोत्तो तुम्ह पायंबुयाइं सयं नमइ<sup>७</sup> एवं विण्णवंतो भरहो नमेइ । मरुदेवा सामिणी वि भरहस्स आसीसं देइ, तओ हियए अमायंतं सोगमिव इअ गिरं <sup>८</sup>उग्गिलेइ—हे पोत्त ! भरह ! तया मे पुत्तो वसहो मं तुमं महिं <sup>९</sup>पयं लच्छिं च तिणमिव चइत्ताणं एगागी गओ, अहो ! दुम्मरा मरुदेवा न मरेइ । मज्झ पुत्तस्स मुद्धम्मि चंदायवच्छायं आयवत्तं कत्थ ? सव्वंगिय-संतावकरो तवणाऽऽतवो कत्थ ?, सलीलगइ-हत्थि-पमुह-<sup>१०</sup>जाणेहिं तं गमणं कत्थ ? एण्हि वच्छस्स <sup>११</sup>पैहिगोइयं पायचारित्तणं कत्थ ? । मज्झ स्रणुस्स वारंगणुक्खित्त-चारुचामरवीयणं कत्थ ? अहुणा उंस-मसगाईहिं उवइवो कत्थ ? । मे तणयस्स तं देव-समाणीय-दिव्वऽऽहाखवजीवणं कत्थ ? संपइ तस्स भिक्खाभोयणं वाऽवि कत्थ ?, मज्झ महिड्ढिणो अंगजायस्स रयणसिंघासणुच्छंगे तं आसणं कत्थ ? अहुणा खग्गि-पसुणो विव निरासणया कत्थ ?, आरक्खगेहिं अप्परक्खगेहिं च रक्खिए पुरे नंद-णस्स थिई कत्थ ? संपयं <sup>१२</sup>सीहाइ-दुस्सावयगणभीसणगे वणे वासो कत्थ ?, मे स्रणुस्स कण्णमायरसायणं तं दिव्वंगणासंगीयं कत्थ ? कण्णसूइसरिच्छा उम्मत्त-सियाल-फेकारा कत्थ ? ।

१ अवधिः—मर्यादा । २ वृत्ति । ३ तपांसि । ४ विद्वेष्टि । ५ भूयिष्ठा । ६ नीलिका-छारिका=अक्षिरोग-विशेषः । ७ पौत्रः । ८ उद्गिरति । ९ प्रजाम् । १० यानैः—वाहनैः । ११ पथिकोचितम् । १२ सिहादिडुः-श्वायदगणभीषणके ।

अहो ! कट्टं अहो कट्टं, ज मे पुत्तो 'तवच्चए ।

पोम्मखड्डं व्व मउओ, सहाण जल्लुचइवं ॥

सीयाले हिम-सपाय-किलेस-त्रिवसं दस ।

अरण्णे मालई-थनो, इव जाड निरंतरं ॥

उण्हयाले पयंडेहिं, किरणेहिं च भाणुणो ।

संताप चाणुह्वड, <sup>१</sup>यवेरमो इयाहिग ॥

ता गयं सच्चकालेसु, वणेवासी निरासओ ।

तुच्छजणो व्व एगागी, चच्छो मे दुक्खभायणं ॥

एयं तय-तय-दुक्खाउलं वच्छे नेत्ताण पुरओ इय पासती तुम्ह अग्गओ वि एवं वयंती हा ! तुमं पि अहं <sup>२</sup>देमि इअ वयति दुक्खाउलं मरुदेविं देविं भरहो करयंजली सुहासरिच्छवायाए वएड—हे देवि ! 'धिरिमगिरिस्म वडरसारस्स महासत्तसिरो-मणिस्स तायस्स जणणी होऊण एयं किं तम्मोसि ?, ताओ सहसा संसारसमुदं तरिउ समुज्जओ कंठमद्धसिन्धुसरिसे अम्हे इह थाणंमि पद् चइत्था । वणंमि विहरंतस्स भजुणो पहाणाओ सावयगणा अवि पाहाणप्रडिया इय उवदवं काउं न अलं । सुहा-पिपासाऽऽयवाइणो दूसहा जे परिसहा, ते पि कम्मवेरिणिणासणे तायस्स खल्लु सहेज्ज-कारिणो च्चिय । मम वायाए न वीसमेसि, तद् वि हि तायस्स <sup>३</sup>अइरा सजाय-केवलनाणमहूसवरुहाए वीससिस्ससि ।

भरहनरिंदस्म पुरओ सामिणाणुप्पत्तीए चक्ररयणुप्पत्तीए य जुगव निवेअण—

एत्थंतरम्मि 'वेत्तिएण जाणावित्रा नामेण जमग-ममगा दुष्णि पुरिमा मही-वडस्स पुरओ समागच्छेडरे, तत्थ जमगो पणमिऊण भरहनरिंद निवेएड—'देव ! पुरिमताणनयरे मयडाणणंमि उज्जाणे मिरिजुगाडपहुपायाण केवलनाणं समुवणं ति एयाए कट्टाणरुहाए पज्ज पुण्णोदएण उदइसु' । ममगोवि नमसिऊण उच्चसरेण विण्ण-वेड—हे देव ! एण्हि आउइमाथाए चक्ररयणं उप्पण, एयं सोच्चा नरिंदो 'इओ सजाय-केवलो ताओ, इओ य चक्ररयणं उप्पण, पढमं कास पूअणं करोमि' ति एण स्त्रियाड, तनो 'सयलजीवामयदायगो तानो कत्थ ?, कत्थ जीवयायम वयं ति विमंसित्ता सामिपू-अणनिमित्तं मो नियजणे आदिसेड ।

१ वषाव्यये-वषाकट्टे । २ धातकट्टे । ३ मम्बेगम-हस्ती । ४ तत्तदु मासुम् । ५ इतोमि दु रिउ कमेनि । ६ स्पंयगिरे । ७ अविगाए । ८ धंयिन्ध-द्वारपात्रेण ।

मरुदेवाए सह भरहसस सामिवंदणहं आगमणं—

अह भरहो ताणं जहोइयं पुक्खलं पारितोसियं दाऊण ते विसज्जिऊण मरु-  
देविं वएइ—हे देवि ! तुं सव्वया वि करुणक्खरं इमं कहित्था 'जं मज्झ पुत्तो एगगो  
भिकखाहारो दुक्खमायणं सिया' अहुणा तेत्तुक्क-सामित्तण-भाइणो तस्स नियपुत्तस्स  
समिद्धि पासाहि' त्ति वोत्तूणं तं मरुदेविं गयवरं समारोहेइ, तओ भुत्तिमंतसिरिमएहिं  
सुवण्ण-वज्ज-साणिककभूसण-भूसिएहिं तुरगेहिं गयवरेहिं पाइक्केहिं रहेहिं च स  
चलेइ, भूसण-पहा-पुंज-कय-जंगम-तोरणेहिं सेण्णेहिं समं चलमाणो भरहनरवई  
दूराओ वि रयणमइअं-झयं पुरओ पासेइ । अह भरहो मरुदेवं वएइ-देवि ! देवेहिं  
विनिम्मियं इमं समोसरणं अगगओ पासेसु, तायपायकमलसेवामहसव-हेउ-समागयाणं  
देवाणं अयं जयजयारावतुमुलो सुणिज्जइ, हे मायरे ! पट्टणो 'वेयालिओ इव गहीरमहुरं  
शुणिं कुणंती इमा दिव्वा दुंदुही हिययाणंदं जणेइ, सामिपायपंकय-वंदारु-गुंदारग-  
विमाणुप्पणो महंतो किंकिणीनाओ कण्णगोयरो होइ, पहु-दंसण-पट्टिट्ट-देवगणाणं  
जलहराणं थणियं पिव सिंघनाओ गयणंमि सुणिज्जइ, गंधव्वाणं गाम-रामपवित्तिया  
इयं गीई सामिदेसणाए किंकरी पिव अम्हाणं हरिसं अज्ज पोसेइ ।

मरुदेवीए मोक्खो—

तओ एयं सुणमाणीए मरुदेवीए हरिसंसु-जल पवाहेहिं नयणाणं पंकुव्व नीलिगा  
विलीणा, सा नंदणरस अइसय-समन्नियं तित्थयरलच्छिं पासेइ, पासिऊण तदंसण-  
संजायाणंदाओ सा तम्मइयत्तणं संपत्ता, तदखणंमि अपुव्वकरणक्रमेण खवगसेणिं समा-  
रोहिऊण खीणट्टकम्मा जुगवं केवलनाणं पावेइ, गयवर-खंधारूढा चिय सामिणी  
मरुदेवा अंतगडकेवलित्तणेण सिवं अयलं अरुयं अणंतं अक्खयं अक्खायाहं सिद्धिगइ-  
नामधेयं ठाणं पावेइ, एयाए ओसप्पिणीए एसा मरुदेवा पढमा सिद्धा, तओ देवा  
तीए देहं सक्कारित्ता खीरसमुद्धम्मि निहेइ । तओ पभिइं लोगम्मि मयगपूअणं पव-  
ट्टिअं, 'महंता हि जं कुणंति तं आयरणांय पक्कपइ' । तओ तीए मोक्खसंपत्तिं विया-  
णित्ता भरहनरिंदो अब्भच्छाय-सूरतावेहिं सरयकालुव्व हरिस-सोगेहिं समं भरिज्जइ,  
तओ सो सपरिच्छओ पाइक्को होऊण रायचिन्हाइं संचइत्ता उत्तरदुवारेण समोसरणं  
पविसेइ, तथा भरहनरिंदेण चऊहिं देवनिकाएहिं परिवरिओ नेत्त-चओरचंदो स्वामी  
दिट्ठो, तिउणपयाहिणं काऊणं भगवंतं पणमित्ता मत्थयंमि निवडंजली भरहचक्की  
इअ थुणिउं पक्कम्मेइ—

भरहनरिंदकयजिणयुई—

जयाहिलजगन्नाह !, जय चिस्साऽभयप्पय ! ।

जय पढमत्तित्थेस !, जय संसारतारण ! ॥

अज्ज ओसप्पिणी—लोग—पउमागारदिवागर ! हे पह ! तुमग्गि दिट्ठम्मि पणढ-  
मोहस्स मज्झ पभाय संजाय, कारुण-खीर—सागर ! हे नाह ! जे तुम्ह सासणमहारहं  
समारोहंति, तेसिं लोगगपयं दूरम्मि न । देव ! जत्थ निक्कारणजगवंधू तुम  
पच्चक्ख दीसइ, तओ लोअग्ग—व्याणाओ वि संसार पहाणं मण्णेमो । नाह !  
'भव्वजतु—चित्त—जल—निम्मल—कारण—कैयग—जुण्ण—सरिमा तुम्हाणं वाणी जयउ',  
सामि ! मयत्तदसणमहाणद—रस—नीसंदिर—ओयणेहिं लोगेहिं संसारे वि मोक्ख-  
सुंहाऽऽसाओ अणुभविज्जइ । पह ! रागदोस—कसायप्पमुहवेरीहिं संरुद्धं इम जगं  
अभयदाणदाणसालिणा तुमए च्चिय उँव्वेदिज्जइ, नाह ! नाणाऽऽरररद—सगाम—हय—गाम—  
भूमिणो इमे राइणो मिच्चत्तण पाविज्जण इह तुम्ह परिसाए चिट्ठेइरे, तुह परिसाए  
आगओ अयं करडी करेण केसरिकर करिसित्ता करंडथलिं मुहुं कंडुएइ, इओ य अय  
महिसो महिस मिउ मुहु मुहु नेहाओ जीहाए हेसत ईयं पमज्जइ, इओ य इमो  
इरिणो लीला—लोलियणंगूलो उररुण्णु—अमियाणणो प्राणेण वग्गवचण जिचेइ, अय  
तरुणमजारो पासेसु अग्गओ पच्छा लळंतं मूसगं निययालुव्व समासिलिसेइ, अयं च  
निव्वभओ धुज्जगमो देहं कुडलीकाउ नउल्लम्म समीपे यथसो विउ निसीएइ, देव !  
अण्णे वि जे के वि जाइवेरिणो जीवा वेररहिआ इहयं चिट्ठति, एयं हि तुम्हाणं  
असमो पहाओ इअ जगनाहं पुणिउण अउसरिउण अणुक्कमेण भरहनरिंदो सुरइणो  
पिट्ठओ निमीएइ । एयमि जोयणमेत्ते वि सित्तमि पाणीण कोडाकोडीओ तित्थनाह-  
प्पहावाओ निरागाहं मायंति । उअहणाहो सव्वभानाफरिसिणीए जोयणगामिणीए गिराए  
पणत्तीसाइसयजुयं देसण विहेइ ।

उम्महजिणस्स देसणा, संसारसरुच च—

आदि—वादि—जरा—मच्चु—जाला—मय—ममाउलो ।

पल्लितागाररुण्णोऽय मन्मारो मन्वदेत्तिणो ॥

तओ एत्थ मगयंपि विउमाण पमाओ न जुज्जट, रत्तीए उल्लंत्तणीए मरुत्थ-  
न्मि गालो वि को एत्थ पमज्जेज्जा ? इह अणेग—जोणि—भीमणा—ऽऽपट्टाउल-

१ कडावा - निर्मगलत्तम् । २ सुगाम्वाद । ३ उद्वेष्टने—अन्वयनाद् विरुद्धे ।  
४ कडी—हली । ५ करडयन्तम्—गण्ड रूपम् । ६ हयम्—अश्वम् । ७ पाण्ड ।



संसारमहोयहिंमि भमंताणं जणाणं महारयणं पिव उत्तमं माणुसं जम्मं अच्चंतं दुल्लहं,  
'दोहलेण पायवो इव देहीणं मणुअत्तणं पि परलोगसाहणेणं धुवं सहलीहोइ ।

आवाय-मेत्त-महुरा, परिणामेऽइदारुणा ।

'सहवाया इवाऽच्चंतं, विसया 'वीस-वंचगा ॥

संसारभंतरवट्टिसमग्गपयत्थाणं संजोगा 'ऊसया पडणंता इव विप्पओग-पजंता  
संति, एयंमि संसारे पाणीणं आउं जोव्वणं च परुप्परं फद्धाए चिय सिग्घं 'गमिराइं  
चिय, अस्स संसारस्स चउसु वि गईसु मरुम्मि जलमिव कयाइं सुहलेसो वि नत्थि  
च्चिअ, तहाहि-खेत्तदोसेणं परमाहम्मिएहिं पि मिहो य संकिलेसिज्जमाणं नेर-  
इयाणं कुओ सुहं ?, सीय-वाया-ऽऽयव-जलेहिं वह-बंध-खुहाईहिं च विविहं वाहि-  
ज्जमाणं तिरियाणं पि किं सुहं ?, गव्भवास-जम्मण-वाहि-जरा दालिद-मच्चु-  
जायदुक्खेहिं आलिंगियाणं मणूसाणं कुओ सुहं ?, अणुण्णमच्चराऽमरिस-कलह-चव-  
णुप्पण्णदुहेहिं देवाणं पि कयाइं सुहलेसो वि णेव अत्थि, तह वि नीयाभिमुहगामि-  
जलं व अन्नाणाओ पाणिणो भुज्जो भुज्जो संसार-संमुहं परिसप्पंति, तम्हा  
सचेयणा भव्वा ! अप्पणो अणेण जम्मणेण दुद्वेण भुजंगमं पिव मा पोसेह, तओ हे  
विवेगवंता ! जणा ! संसारनिवासुब्भवं अणेगविहं दुहं विआरिज्जण सव्वप्पणावि  
मोक्खाय जएह, निरयदुहसंनिहं गव्भवाससंजायं दुक्खं संसारे विव जीवाणं मोक्खे नत्थि,  
घडीमज्झाऽऽकडिद्वज्जमाण-नारग-पीला-सरिसा इह पसवजायवेयणा वि कयावि परम-  
पए न सिया, अर्ब्भतर-वाहिर-परिक्खत्त-सल्ल-सरिच्छाओ वाहानिवंधणं न 'आहीओ  
न वि वाहीओ तत्थ हुंति, कयंतस्स अग्गदूई सव्वतेयहरणी पराहीणजणणी जरा तत्थ  
सव्वहा न, नेरइय-तिरिच्छ-नर-देवाणं पिव भव्भमणकारणं भुज्जो मरणं तत्थ न संजा-  
यइ, किंतु तत्थ महणंदं सुहं, अवीयं अव्वयं रूवं, सासयं केवलाऽऽलोग-भक्खरं नाणं  
अत्थि, निम्मलं नाण-दंसण-चारित्तरयणतिगं निरंतरं पालिता भव्वजीवा तं च  
मोक्खं पावंति । तत्थ जीवाजीवाइनव-तत्ताणं संखेवओ वित्थरओ वि जहट्टा-  
वत्रोहो जो तं सम्मन्नाणं वुच्चइ, अवंतरभेएहिं मइसुओ-हि-मणपज्जवेहिं केवल-  
नाणेण य तं नाणं पंचविहं संमयं, अवग्गहाइभेएहिं वहु-पमुहेहिं इयरेहिं पि भेएहिं  
भिन्नं इंदियाऽणिंदियसंभवं मइनाणं पणत्तं १ । पुव्वसुएहिं अंगुवंगेहिं पइन्नगेहिं  
पि बहुप्पयारेण वित्थडं, 'सियासदलंछियं सुयंणाणं अणेगहा विण्णेयं २ । देव-

१ दोहदेन । २ शठवाचा । ३ विश्ववञ्चकाः । ४. उच्छ्रयाः-बुद्धयः । ५ गत्तराणि । ६ मत्सरः-  
ईर्ष्या । अमर्षः-असहिष्णुता । ७ आधयः-मानसिकपीडाः । ८ स्याद्-शब्दलाञ्छितम् ।

नेरइयाणं भवसंभयं, सेसाण च मणुअ-तिरिआणं खुउ-वसम-लसण छव्विहं ओहिनाणं  
सिया ३ । 'रिउ-विउलभेएहिं मणपज्जवनाणं दुहा अत्थि, तत्थ विमुद्धि-अपडिवा-  
एहिं विउलमइमणपज्जवनाणस्सं त्रिसेसो जाणियव्वो ४ । असेस-द्व-पज्जा-  
यविसयं वीसलोयणं अणतं इअकं इदियाईअं केवलनाणं बुच्चइ ५ । आगम-बुत्त-तत्तेसु ईई  
तं सम्मइसण णेयं, तं च निसग्गेण गुरुणो अहिगमाओ वा जायइ ।

सम्मइंसणलाहो—

आगमरुहिए तत्ते, रई तं सम्मइंसण णेयं ।

तं च निसग्गाहिगमा, गुरुणो भवियाण जापइ ॥

तहा हि अणाइ-अणत-भवाऽऽवट्ट-वट्टीसुं पाणीसुं नाणाअरणीय-इंसणाअरणीय-  
-वेयणिज्जंऽ-तरायाभिहरुम्माणं तीसं सागरोअमकोडाकोडीओ उअरुद्धा ठिई, नाम-  
गोत्तरुम्माणं वीसं, मोहणीयस्स सत्तरी कोडाकोडीओ परा ठिई अत्थि । तओ  
गिरिसरिय-पत्थर-त्रोलणानाएण फलाणुभावाओ झिज्जमाणण सत्तणं कम्माण कमेण  
एगूणतीस एगूणवीस-एऊणसत्तरीओ सागरोअमाणं कोडाकोडीओ ठिई उम्मुलित्ता  
पल्लुअमासखिज्जभागूणिअरुसागरोअमकोडाकोडीसेसे समाणे पाणिणो अहापवट्टिकर-  
णेण गंठिदेस समागच्छंति । राग-देसपरिणामो दुब्भेओ दुरुच्छेओ कट्ठाइणो इव  
दिदयरो गठी बुच्चइ । बुत्तं च—

मोहे कोडाकोडी, सत्तारि वीस च नामगोयाणं ।

तीसायराणि चउण्ह, तित्तीस-अयराई आउस्स ॥१॥

अंतिमकोडाकोडी, सव्वं कम्माण आउवज्जाण ।

पलियाऽसखिज्जइमे, भागे खीणे ह्वइ गंठी ॥२॥ [वि आ ११९४]

गठि त्ति सुदुब्भेओ, कअरुद्ध-घण-रुद्ध-गूह-गठिच्च ।

जीवस्स रुम्मजणिओ, घण-राग-द्वोअपरिणामो ॥३॥ [वि, आ ११९६]

तओ पुणो केवि जीवा रागाअपरिआ तीरसमीवाओ वायसमाहया महापोया इव  
गठिपपसाओ अअरुद्धेरे, अन्ने थल्लखलियगमणाई नईण जल्लइ पिच तारिसपरिणाम-

विसेसेण तत्थच्चिय गंठिपएसंमि 'अच्छंति, अवरे पुणो जे भव्वा भाविभद्दा देहिणो  
ते अपुव्वकरणेण उविकट्टं वीरियं पयडीकाऊण दुरइक्कमणिज्जं तं गंठिं अइक्कंतमहा-  
पहा पहिगा भयठाणं पिव सहसा अइक्कमेइरे, अह अनियट्टिकरणेण अंतरकरणे  
कए मिच्छत्तं विरलीकाऊणं केवि चउग्गइजंतुणो 'अंतोमुहुत्तियं सम्मदंसणं जं पावंति,  
तं इमं निसग्गहेउयं सम्मं सद्धानं वुच्चए, गुरुणं उवएसमालंविऊण भव्वजीवाणं इह  
जं सम्मं सदहणं तं अहिगमुव्वभवं होज्जा । जओ उत्तं—

जा गंठी ता पहमं, गंठिं 'समइच्छओ भवे वीयं ।

अनियट्टीकरणं पुण, सम्मत्त पुरवखडे जीवो ॥४॥ [वि. आ. १२०३]

पावंति खवेऊणं, कम्माइं अहापवित्तिकरणेण ।

उवलनायेण कहमवि, अभिन्नपुव्वि तओ गंठिं ॥५॥

तं गिरिवरं व 'भेत्तुं, अपुव्वकरणुग्गवज्जधाराए ।

अंतोमुहुत्तकालं, 'गंतुमनियट्टिकरणंमि ॥६॥

पइसमयं सुज्झंतो, 'खविउ' कम्माइं तत्थ बहुआइं ।

मिच्छत्तंमि उइणणे खीणेऽणुइयंमि उवसंते ॥७॥

संसार-गिम्ह-तविओ, तत्तो गोलीसचंदणरसोव्व ।

अइपरमनिव्वुइकरं, तस्संऽते लहइ सम्मत्तं ॥८॥

ऊसरदेसं दंडिहललयं च, विज्झाइ वणद्वो पप्प ।

इय मिच्छस्स अणुदए, उवसमसम्मं लहइ जीवो ॥९॥ [वि. आ. २७३४]

उवसामगसेहिगयस्स होइ उवसाभिअं तु सम्मत्तं ।

जो वा अकयतिपुंजो, अखवियमिच्छो लहइ सम्मत्तं ॥१०॥ [वि. आ. ५३०]

खीणम्मि उइणणम्मि य, अणुदिज्जंते सेसमिच्छत्ते ।

अंतोमुहुत्तमेत्तं, उवसमस्समं लहइ जीवो ॥११॥ [वि. आ. ५३०]

१ आसते । २ अन्तर्मुहूर्तप्रमाणम् । ३ समतिक्रामतः । ४ भित्त्वा । ५ गत्वा । ६ क्षपयित्वा ।

तं च सम्मदंसण ओउसमिय-सासायण-राओउसमिय-वेयग-राइगभेयाओ पचविहं होज्जा, तत्थ भिण्णकम्मगंठिणो देहिणो पढमे समत्तलाहे अतमुहुत्तमाणं ओवसमियं सम्मदंसणं जायए, तह उवसमसेणिसमारोहेण उवसतमोहस्स मोहोवसमजायं ओवसमियं तु वीअं पेय १ । तह चत्तसम्मत्तभावस्स मिच्छत्ताभिमुहस्स उदिष्णाणंताणु-वधिगस्स देहिणो उक्कोसेण छावल्लिओ जहण्णेण य इक्कसमयमाणो जो समत्तपरिणामो तं सासायण उदीरिय २ ।

उवसमसमत्ताओ, चयओ मिच्छ अपावमाणस्स ।

सासायण सम्मत्तं, तयंतरालंमि छावल्लिय ॥१२॥ [वि. आ ५३१]

मिच्छत्तमोहणिज्ज-खओवसम-समुच्चवं सम्मत्तमोहणीय-पुग्गलोदयपरिणामवंत-जीवस्स तइअं खाओवसमिय भवे ३ । खवगसेढिसमारूढस्स अणताणुअधिकसायाणं मिच्छ-त्तमोहणीयस्स मीसमोहणीयस्स य सव्वहा खए जाए खाइगसम्मत्तसंमुहीकयस्स सम्म-त्तमोहणिज्जपुग्गलचरमऽसोदयरंतस्स भव्वनीयस्स चउत्थ वेयगसम्मत्तं सिया ४ । पढी-णसत्तगस्स मुहभायस्स खाइगसम्मत्तं ५ नाम पचमं पुणो होइ, जओ उच्चं—

मिच्छत्तं जमुहणं, नं खीण अणुडय च उवसत ।

मीसीभावपरिणय, वेडज्जतं खओवसम ॥१३॥ [वि आ ५३२]

वेयगसम्मत्तं पुण, सव्वोडयचरमपुग्गलावत्थ ।

खीणे दंसणमोहे, त्तिचिह्मि वि खाइयं होइ ॥१४॥ [वि आ. ५३३]

सम्मदंसण ण्यं, गुणओ त्तिचिह् भवे ।

रोयग दीवग चैव, कारग च त्ति नामओ ॥१५॥

तत्थ मुअउत्तत्तेसुं हेउ-दिद्वतेहिं णिणा जा दिदा पच्चउ-प्पत्ती तं रोयगं सम्मत्त उदीरियं, जं अण्णेसिं पि धम्मकहाहिं सम्मत्तं दीवेड त दीवगसम्मत्त, ज तु संजम-तपप्पमुहाणुट्ठाण मारवेड तं मारगम्मत्त ।

१ उपशमगम्यक्तान् पत्त । २ प्रयवोपत्ति ।

जओ उत्तं सम्मत्तत्थवे—

तिविहं कारग-रोअग-दीवग-भेएहिं तुहमयविऊहिं ।

खाओवसमो-वसमिय-खाइयभेएहि वा कहियं ॥१६॥

जं जह् भणियं तुमए, तं तह करणमि कारगो होइ ।

रोअग सम्मत्तं पुण, रुहमित्ताकरं तु तुह धम्मे ॥१७॥

सयमिह मिच्छदिट्ठी, धम्मकहाईहिं दीवइ परस्स ।

दीवगसम्मत्तमिणं, भणति तुह समयमइणो ॥१८॥

विहियाणुट्ठाणं पुण, कारगमिह रोयगं तु सदहणं ।

मिच्छदिट्ठी दीवइ, जं तत्ते दीवगं तं तु ॥१९॥

सम्मदंसणलक्खणाइं—

साम-संवेग-निव्वेया-अणुकंपअत्थिवकलक्खणेहिं पंचहिं लक्खणेहिं तं सम्मत्तं सम्मं तु लक्खिज्जइ । तत्थ अणंताणुबंधिकसायाणं अणुदयाओ स समो होइ, अहवा कसायाणं विवाग-दंसणेण सहावओ समो जायइ १ । कम्मविवागं संसारासारत्तणं पि य वियारंतस्स इंदियविसएहिं जं वेरगं सिया, सो संवेगो त्ति विण्णेओ २ । संसारवासो कारागारो चिय, बंधवो बंधणाइं चिय त्ति ससंवेगप्पणो जा चिंता सो निव्वेओ बुच्चइ ३ । भवसमुदंसि निमज्जमाणं एगिंदियाईणं सव्वपाणीणं दुक्खं पासमाणस्स 'हिययअदया, ताणं च दुहेहिं दुक्खित्तणं, तेसिं च दुक्खपडियारहेऊसुं जहसत्तिं पवट्ठणं ति अणुकंपा कहिज्जइ ४ । अण्णदंसणमयत्तणं सवणे वि अरिहंत-परुविएसुं तत्तेसुं 'निराकंखा पडिवत्ती तं 'अत्थिवकं उईरिअं ५ ।

देहिणो खणमेत्तेणावि सम्मदंसणसंपत्तीए जं पुरा मइअन्नाणं तं तु मइनाणत्तणं, सुयअण्णाणं च सुयनाणयं, विभंगनाणं च ओहिनाणभावं पावेइ । सव्वसावज्ज-जोगाणं चाओ तं चारित्तं बुच्चइ, तं अहिंसाइ-वयभेएण पंचहा किट्ठियं, एए अहिंसा-सच्चाअचोरिय-बंधवेरा-अपरिग्गहा पंचहिं पंचहिं भावणाहिं संजुत्ता परमपयसंपत्तीए कारणं सिया । पमायपच्चएण तसाणं थावराणं च पाणाणं जं न व्वरोवणं तं अहिंसावयं १, पियं हियं तच्चं जं वयणं तं सच्चवयं, जं च अप्पियं अहियं सच्चं पि नो तं सच्चं २ । अइण्णस्स 'अणादाणं तं अचोरियवयं उदीरियं, नराणं अत्थो बाहिरा पाणा

१ हृदयार्द्रता । २ निराकाङ्क्षा । ३ आस्तिक्यम् । ४ व्यपरोपणम्-प्राणापह-णम् । ५ तथ्यम्-वास्तविकम् । ६ अनादानम्-अग्रहणम् ।

तं अत्यं हरतेण ते त्रि पाणा हया चिय ३ । कयाऽणुमयकारिर्हि द्विव्योयारियकामाणं  
मण-वय-कार्हि जं चाओ तं वभचरियवयं अट्टारहविहं पणत्तं ४ । सव्वभावेसुं मुञ्छाप  
चाओ सो अपरिग्गहो सिया, असतेसु पि भावेसु मुञ्छाप सक्किळिहं चित्तं  
होज्जा ५ ।

सव्वप्पणा मुणिंदाण-मेय चारित्तमीरिय ।

मुणिधम्माणुरत्ताण, गिहीण देसओ सिया ॥

बुद्धिमतो पगु-कुट्टि-कुणिअत्तणाइं हिंसाए फल ददूण निरवराहितसजंतूणं  
हिंसं संकप्पओ चएज्जा १ । मम्मत्तण-काहलत्तण-मूगत्तण-मुहरोगित्तणाड मोसावाय-  
फलं पेक्सिऊण कन्नाऽलीगप्पमुहाइ असच्च चएज्जा । कण्णा-गो-भूमि-अलीगाइं  
नासानहरणं कूडसन्नित्तणं च डअ पंच धूलासच्चाइं संचएज्जा २ । दुम्मगत्तणं पेसत्तणं  
दासत्तणं अंगच्छेदं दालिहं च अदिण्णादाणफलं नच्चा धूलचोरियं त्रिवज्जए ३ ।  
संढत्तणं इंदियच्छेदं च अवंबफठ पेक्सित्ता मेहावी सदारमंतुट्टो होज्जा, परदारट वा  
विवज्जेज्जा ४ । असतोस-मयीसासं आरंभं दुक्खकारणं मुञ्छाप फलं णच्चा परिग्गह-  
नियंतणं कुज्जा ५ । दससु दिसासु कया मज्जाया जत्य न लंघिज्जइ, सा दिसावि-  
रइ त्ति पढमं गुणव्वयं तं विण्णेयं ६ । जत्य भोगुवभोगाणं संसापरिमाणं जहसत्तिं  
विहिज्जइ, तं भोगुवभोगमाण धीयं गुणव्वयं, ७ । अट्ट-रोइरूपापसत्थज्जाणं पावरु-  
म्मोवएसो हिंसोवगरणप्याणं पमायाऽऽयरणं च जो देहाडअत्यदंडस्स पडिपक्खत्तेण  
ठिओ सो अणत्थदडो, तस्स परिच्चायरुव तइय गुणव्वयं विण्णेयं ५ ।

वत्त-ट्ट-रोइज्जाणस्स, चत्तसावज्जकम्मणो ।

मुट्टत्तं समया जा तं, मूम समाइयं वयं ॥

अट्ट-रउइज्जाणरहियस्स चत्तसावज्जकम्मस्स भव्वजीवस्स मुट्टत्तपमाणं जं सम-  
भावेण वट्टणं तं पढमं सांमाडयसिक्खावय णेयं ९ । दिसिच्चएसु ज परिमाणं कयं  
तस्स पुणो दिणंमि राईए य संखेण त देसावगासिय धीयसिक्खावय उच्चए १० ।  
चउपच्चत्तिहीए चउत्थाइतवकरणं गिहवावारनिमेहण वंमव्वयपालण सिणाणाइसक्का-  
रन्चाओ एय पोसहाभिहाणं तइयं सिक्खावय विण्णेयं ११ । अत्तिहीणं मुणीण चउ-  
च्चिहाऽऽहार-पत्त-वत्थ-वसट्ठिप्पमुहवत्थूणं जं दाण तं अत्तिहिसविभागनाम चउत्थं

१ कुणित्वादि-हस्तविकल्पत्वादि । २ मन्मन्तवम्-अव्यचरचनत्वम्, काहलत्व कतरत्वम्, क्षयवा  
काहलोऽस्फुटवचन । ३ प्रेय्यम्-कर्मफलत्वम् । ४ चतुधादितप-उपनामादितप ।

सिक्खावयं जाणियव्वं १२ । इमं दंसण-नाण-चरित्तख्वं रयणत्तिगं जईहिं सावगेहिं  
च निव्वाणपय-संपत्तिनिमित्तं सम्मं सययं आसेवणिज्जं । एवं एरिसिं देसणं आय-  
णिऊण भरहनरिंदस्स पुत्तो उसहसेणो अवरनामेण पुंडरीओ उट्टाय उसहजिणीसरं  
पणमिऊण विण्णवेइ-

उसहसेणाईणं दिक्खा—

सामि ! इह कसायदवदारुणे भवारणंमि नव्व-जलहराव्व अणुत्तरं<sup>१</sup> तत्ताऽमयं  
वरिसित्था । हे जगवइ ! जलहिंमि मज्जमाणेहिं पाणीहिं पव्वहणमिव, पिवासिएहिं  
पैवा पिव, सीयपीलिएहिं वन्हीव, आयावदुक्खिएहिं पायवो व्व, अंधयार-मग्गेहिं दीवो  
इव, निद्धणेहिं निहिव्व, विसऽदिएहिं सुहा मिव, रोगगसिएहिं भेसयमिव, विक्कंताऽ-  
रिगणपराभूएहिं दुग्गं व भवभीएहिं अम्हेहिं तुमं पत्तो सि, दयानिहि ! अम्हे रक्ख  
रक्खसु, भवभमण-हेऽहिं पियरेहिं भायरेहिं भाउपुत्तेहिं अण्णेहिं च वंधूहिं दुज्जणेहिं  
पिव पैज्जत्तं, जगसरण ! संसारसमुद्दतारग ! तुमं चिय सरणं अहं पव्वणो सि, पसी-  
एसु मम दिक्खं देसु त्ति वोत्तूण भरहनिवस्स पुत्ताणं एगूणपंचसएहिं पुत्तेहिं सत्त-  
सयपोत्तेहिं च सह सो पव्वएइ । भरहतणओ मरीई वि सुरासुरेहिं किज्जमाणं  
सामिस्स केवलनाणमहिंमं पासित्ता वयं गिण्हेइ ।

चउव्विहसंघस्स गणहराणं च ठवणा—

भरहराएण अणुण्णाया वंधी वि पव्वज्जं गिण्हेइ, पाएण लहुकम्माणं गुरुवएसो  
निमित्तमेत्तमेव सिया । बाहुवलिणा दिण्णाणुण्णा वयग्गहणलालसा भरहेण निसिद्धा सुंदरी  
वि पढमा साविगा होत्था । भरहराया पहुपायपंकयंमि सावगत्तणं अंगीकरेइ, जओ भोगफलंमि  
-कम्मंभि अभुत्ते वयं न संभवइ । नरतिरियसुराणं केई तयारिणं वयं गिण्हंति, अन्ने उ सावगवयं,  
अवरे पुणो सम्मत्तं गहिति । कच्छ-महाकच्छं वज्जिऊण अण्णे ते रायतावसा सामिणो  
पासंमि समागंतूण सहरिसं दिक्खं गिण्हेइरो पुंडरीयप्पुहा साहवो, वंधीपमुहाओ साहुणीओ,  
भरहाइणो सावगा, सुंदरीपमुहाओ साविगाओ त्ति चउव्विहसंघस्स इयं ववत्था तथा तत्थ  
संजाया, धम्मस्स परमपासायसरूवा सा इमा ववत्था अज्जावि जाव वट्टइ । तयारिणं गण  
हरनामकम्मवंताणं धीमंतउसहसेणप्पमुहमुणिवराणं चैउरासीए सव्वपवयणमायरं 'उप्पाओ  
विगमो धुवं' ति पवित्तं तिवइं जगन्नाहो उद्विसेइ । तओ ते तत्तिपदी-अणुसारेण कमेण

चउदसपुव्वसहिय-दुग्राउसंमिं प्रिरयंति, अह देवेहिं परिउरिओ पुरदरो दिव्वज्जुण्णपुण्णं  
 रयणमउयं यालं गहिउण तित्थयरपायसमीयंमिं समुवचिउट्टेउ । अह उसहपहू उट्टाय  
 गणहराण मत्थएसुं जहक्कम वासअखेवं कुणमाणो 'सुत्तेणं अट्टेण तदुभएणं दव्वगुणप-  
 ज्जवेहिं नएहिं पि' सयं अणुओगाणुण्ण गणाणुण्णं पि देइ । तओ सुरा नरा नारीओ  
 य दुदुहिनायपुव्वयं तेसिं गणहराण उअरिं सव्वओ वासअखेवं कुणेइरे । ते पि गणहरा  
 रउयजलिसंपुडा तरुणो मेहजलं पिव सामिवयणं पडिउता चिट्ठंति । सामी पुणो  
 सिंरासण समारुहिय पुव्वमिउ पुव्वदिसिमुहो अणुसासणमउयं देसण विहेइ । तथा  
 सामिसमुइसजाय-देसणोदामवेलासरिउसीमाए पडिरुवा पढमा पोरिसी परिपुण्णा  
 जाया । एत्थतरंमि य अउड-'नित्तुमु-ज्जल-कलमसालीहिं विनिग्मिओ चउपत्थप-  
 माणो यालसंठिओ देवनिहिउयगवेहिं दुगुणीअयसोरहो पहाणपुरिसेहिं उविरत्तो भरहे-  
 सरनरिंदकारिओ देवदुदुहि-निणाय-पडिसइ-पोसियदिसिमुहो मंगलगीय-गाणपर-  
 ललणाजणेहिं अणुसरिउज्जमाणो पउरेहिं पट्टप्पहावुत्थपुण्णारासिउव आवरिओ वली  
 पुव्वदुवारेण समवमरणमि पउिसेइ, पहुं पदन्निउण्णिउण कल्लाण-सेससाणं अणुत्तमं वीयं  
 वउिउमिउ पहुणो पुरणो वलिं पविरवेइ । गयणाओ निउडतस्स तस्स अद्धभागो अत-  
 राळे चायणेहिं मेहपाणियमिउ अमरेहिं गिण्हिउज्जइ, भूमिगयस्स तस्स वलिस्स अद्धभागं  
 भरहनरेसो गिण्हेइ, सेस तु गोत्तिणो इव जणा विभइउण गिण्हेइरे । इमस्स वलिस्स  
 माहए—

पुव्वुप्पण्णा पणासत्ति, रोगा सव्वे नवा पुणो ।

छम्मास नेव जायते, वलिणोऽस्स प्पहावओ ॥

अह पहू उट्टाय भसलेहिं पउमखंडो इव देविदेहिं अणुसारज्जमाणो समोसरणस्स  
 उत्तरदुवारमग्गेण निग्गच्छेइ, निग्गच्छिउण रयममइय-सुवण्णमइयवप्पाण अतट्टिए  
 ईसाणदिसिथिअ-देअउदए भगउंतो वीसमेइ । तयारिं गणहरमुहमडण जेट्टो उसह-  
 सेणगणहरो भगवत-पायपीढमि उअरिसिचाण वम्मदेसण विहेइ । 'सामिणो खेय-  
 विणोओ, सीसाण गुणढीवण, उभयओ पन्चओ अ' ति गणहरदेसणाए गुणा । तंमि  
 गणहरंमि धम्मदेसणाप्रिए समाणे सव्वे पाणिणो पट्टु नमसिउण नियनियट्टाण गया ।  
 पट्टुणो जअम्बजनिउणीओ, विहारो, अहसया य—

तत्थ तित्थमि गोमुहो नाम जअखो समुप्पण्णो, सो दाहिणपासओ वरय-उअर-  
 मान्तारेहिरेहिं दोहिं इत्येहिं, वामओ य माउलिंग-पासधरेहिं दोहिं इत्येहिं सोहिरो



हेमवण्णो गयवाहणो पहुणो पासत्थो सासणजक्खो संजाओ । तह नामओ अपडि-  
चक्का खुवणवण्णा गरुलाऽऽसणा वरय-वाण-चक्क-पासधरेहिं चउहिं दाहिण-  
भुएहिं चउहिं धणुह-वज्ज-चक्कंकुसधरवामहत्येहिं सोहिरी सामितित्थुप्पणा  
पहुस्स पासम्मि सासणदेवया होइ । तओ नक्खत्तेहिं चंदो इव महरिसीहिं परिवरि-  
ओ पहू वि अण्णत्थ विहरिउं वच्चेइ । गच्छंतस्स पहुस्स तरवो भत्तीए चिय नमिरा  
हुंति, कंटगा अहोसुहा, पक्खिणो पयाहिणा, इंदियविसयाणुकूलो उँऊ, पवणो वि  
अणुकूलो, भत्तुणो समीवंमि जहण्णओ देवाणं कोडी सँएव चिट्ठेइ, भवंतरुभूयकम्म-  
विणासावलोयणभयाओ इव तिजगपहुणो केसा मँसू नहा य न वड्ढंते । सामी जत्थ  
विहरेइ तत्थ वइर-मारि-ईइ-अवुट्ठि-दुब्बिक्खाऽइवुट्ठि-सचक्क-परचक्कभयं न सिया  
इअ जगविम्हयंगराऽइसयगणेहिं संजुत्तो भवभमणजगजंतूवयारिक्कवुद्धी नाहिनंदणो  
उसहपहू पुढविं वाउव्व अपडिवद्धो विहरेइ ।

इअ वय-विहार-केवल-,नाण-समोसरणरूवओ तइओ ।

उद्देसो इह पुण्णो, जाओ सिरिउसहचरियस्स ॥१॥

इअ सिरितवागच्छाहिवइ—सिरिकयंबप्पमुहाणेगतित्थोद्वारग—सासणप्पहावग—आवाल-  
बंभयारि-सूरीससेहरआयरियविजयनेमिसूरीसरपट्टालंकार-समयण्णु-संतमुत्ति-वच्छल्ल-  
वारिहि-आइरियविजयविन्नाणसूरीसर-पट्टधर-सिद्धंतमहोदहि-पाइअ-  
भासाविसारय-विजयकत्थूरसूरि-विरइए महापुरिसचरिए पढम-  
वगम्मि सिरिउसहपहुणो दिक्खा-छउमत्थविहार-केवलनाण-  
समोसरणवण्णणरूवो तइओ उद्देसो समत्तो ॥

१ पार्श्वस्थः—निकटस्थः । २ ऋतुः । ३ सदैव । १ इमश्रु ।



## चउत्थो उद्देशो

चक्रपूअणं—

इओ य भरहचक्रपट्टी अतिहिणो इव चक्रस्स उरुंठिओ चिणीयानयरी-  
मज्झमगेण आउहसालं गच्छेइ । चक्रस्सावलोगणमेत्ते वि महीवई पणमेइ, 'एत्थिया  
हि सत्थं पच्चकसं अहिटेवयमिअ मण्णेइ' । भरहनिवो लोमहत्थयं गिण्हिता तं  
पमज्जेइ, 'भत्ताणं हि एसो पक्कमो, तारिसमि रयणे रेयं न सिया' । तओ महीवई  
पविचजलेहिं त पुच्चसमुद्दो उदितं दिणयरमिअ ण्वेइ, तओ राया गोसीसचंदणेहिं  
गयरायस्स पिट्ठे इव पूयणिज्जभावससिणो थ्रासगे तत्थ चक्रंमि ठवेइ, तो नरिंदो  
सक्खं जयसिरिं पिअ पुप्फ-गंग-चुण्णवास-चत्थ-भूसणेहिं तं पूएइ, सो नरिंदो तस्स  
चक्रस्स पुरओ समागमिस्संतउट्टदिसिसिरीणं मंगलाय च्चिय रूपगनिप्पणतंदुलेहिं  
'पिहं पिह अट्टमगल ल्लिहेइ, तस्स अग्गओ पंचवण्णेहिं कुमुमेहिं पिचित्तचित्तभूमिं कुणं-  
त उवहार कुणेइ, अइ निओ चक्रस्स अग्गंमि दिव्वचदण-कप्परमइय उत्तमं ध्रुवं अरि-  
जसं पिअ जत्तेण डहेइ, तओ चक्ररुधरो चक्रं तिअखुत्तो पयाहिणेइ, तओ गुरणो इव  
अरगहाओ सत्त-ट्ट-पयाइं अरसरेइ, तह य वामं जाणुं समाहुंचिऊण दाहिण च  
जाणुं भूमीए ठविऊण राया नेहालुजणो तंमिव चक्रं नमंसेइ, तत्थेव  
कयनिासो भूमिवई मुत्तिमतो पमोओ इव चक्रस्स अट्टाहियामहसव कुणेइ, मह-  
दुद्धीहिं पउरेहिंपि चक्रपूआमहूचउओ किज्जइ, 'पूइएहिं पूइज्जिमाणो हि  
केण केण न पूइज्जइ' । तस्म चक्ररयणस्स उअओगेण दिसाविजयं काउं  
इच्छंतो भरहराया मगउसिणाणनिमित्त सिणाणागार जाइ, विमुत्ताभरणउंदो मुह-  
सिणाणोउयसणधरो नरिंदो सिणाणमीहासणंमि पुच्चसुद्दो तत्थ निसीएइ । मद्दिण-  
ज्जाउमद्दिणज्जटाणविउसा कंगविण्णुणो नंराडभानरा कप्परररुपुप्फ-निज्जासमइए-  
हिं पिअ सुगंधिमहम्मप्पमुहतेल्लेहिं भूइइ <sup>३</sup>भूमिंमि, मस-ट्टि-तया-गोममुहहेऊहिं  
चउट्ठिहमआण्णहिं मउय-मज्झ-दिदेहिं तिदिहेहिं करलाहउप्पपयारेहिं नरिंदं संवा-  
हिति । तओ ते आयसमिअ अमिगणरुतिभायणं भूअल मुद्दम-दिव्वचुण्णेण आसु

१ एउ । २ एपागघउ-दत्ताघाताभूपाविसेपात् । ३ एयह एयइ । ४ इमिअ । ५ अत्थविहा ।

६ अरउउपनिर्वाणमने । ७ अन्वत्तित । ८ आदर्भिमि ।

उव्वइति । तओ काई हत्थुद्धरिअसुवण्णजलकुंभाओ सुंदरीओ, कीओ विय रययमइय-  
पयकलसे धरंतीओ अंगणाओ, अन्नाओ य नीलुपपलब्भमकारि—इंदनीलपयकुंभे चारुपा-  
णीसुं धरंतीओ इत्थीओ, अवरा य नह—रयण—पहाजाल—वड्ढमाणाहिगसोहिरे कुंभे  
धरंतीओ ललणाओ सुगंधिपवित्तंस्वुधारहिं पुढवीपइं देवया जिणिंदमिव कमेण ण्वेइरे ।

भरहस्स दिसिजयट्टं पयाणं—

अह कयसिणाणो भूवालो कयदिव्वविलेवणो सेयवसणेहिं सोहिओ, णेलाडपट्टे  
जसदुमस्स परोहंताहिणवंस्कुंरं पिव चंदणतिलगं धरंतो, नियजसपुंजनिम्मलयर—मुत्ता-  
मइयालंकारे महंततारागणे गयणं पिव उव्वहंतो, कलसेण पासाओ विव किरणजालवी-  
लिय—उण्हंसुणा किरिडेण विहूसिओ, चारंगणाकरकमलेहिं मुहुं उविखविज्जमाणेहिं क-  
ण्णुत्तंसायमाणेहिं चामरेहिं विराइओ, सिरिगेहपोम्मधरपउमइहेण हिमवंतो गिरीव  
सुवण्णकुंभधर—सेय—च्छत्तेण उवस्सोहिओ, पतिहारेहिं पिव सव्वया सव्वओ संणिहिय—भत्त-  
सोलसजक्खसहस्सेहिं परिशरिओ, उत्तुंगकुंभसिहर—थगिय—दिसाणणं हत्थिरयणं वास-  
वो एरावणं पिव आरोहेइ । तक्खणंसि उज्जिथं गज्जंतो सो गयराओ उद्दाम—मय धाराहिं  
अवरो धाराधरो इव होत्था । पाणिणो उक्खेविज्जण गयणं पल्लवियं कुणंतेहिं वंदि-  
वुंदेहिं जुगवं जयजयारवो कुणिज्जइ । अह ताडिज्जमाणदुंदुही उच्चअं नदंतो पहाणगा-  
यगो गाइगाओ इव दिसाओ वि नदावेइ । नीसेस—सेणिगाऽऽहवणकज्जमि दूईभूयाइं  
अवराइं पि मंगलियवर—तुरियाइं पणदंति । धाउसहियगिरीहिं पिव सिंदूरधरकुंभेहिं  
गएहिं, अणेगरुवधररेवंताऽऽसभमकरेहिं तुरंगेहिं, नियमणोरहेहिं पिव विसालमहा-  
रहेहिं, सीहेहिं पिव वंसवयमहापरकमपाइक्केहिं च सह महीवालो सइण्णुत्थपंसुहिं दिसं  
पच्छायणवत्थमिव कुणंतो पुवं पुव्वदिसं चलेइ ।

चक्कीणं रयणाइं—

तंमि समए जक्खसहस्साऽऽहिट्ठियं चक्करयणं भाणुविंवमिव नहंमि चलंतं सेणाए  
पुरओ चलेइ, तओ दंडेरयणधरो नामेणं सुसेणो सेणाणीरयणं आसरयणं आरोहिय  
चक्कमिव चलेइ, नीसेस—संतिय—विहिम्मि सुत्तिमंतो संतिमंतुव्व पुरोहरयणं भरह-  
नरिंदेण समं चलेइ, सेणंसि पइनिवासं दिव्वभोयणसंपायणक्खमं गिहवइरयणं जंगमा  
दाणसालेव गच्छइ, खंधावाराइक्कम्मं सत्तरं निम्माउं वीसकम्ममेव खमो वड्ढइरयणं  
नरिंदेण सह वच्चेइ, चक्कवट्ठिणो सयलखंधावारपमाण—वित्थरणसत्तिमंतं अच्चवभुयं

१. ललाटपट्टे । २. व्रीडितोष्णांशुना । ३. शान्तिकविधौ । ४. शान्तिमन्त्र इव पुरोधारेत्नम् । ५. सत्वरम् ।  
६. विश्वकर्मैव—देवशिल्पीव ।

चर्मरयणं छत्तरयण च निज्जाड, अंधयार-विद्धसणकरमाई पहाईं सर-ससिणो इव  
दुष्णि मंणि-कागिणीरयणाईं भूवङ्गा सह पचलेइरे, सुरासुरवरसत्थाणं सारपुग्गलेहिं निम्मियं  
पिच मासुरं स्वगैरयणं नरिदेण सह जायइ । तओ चमूचक्केण परिवरिओ चक्कधरो भरहे-  
सरो पडीहाराणुगो इव चक्काणुगो पहमि गच्छेइ । तथा जोइसिएहिं व अणुकूलेण पत्रणेण  
अणुकूलेहिं सउणेहिं पि तस्स सव्वओ दिसिविजओ म्मओ । करिसगो इलेण पुढविं व  
सेणस्स पुरओ वचंतो सुमेणसेणाणी दंडरयणेण विसमं मगं समीकुणेइ, सेणुवभ-  
रय-ऊय-दुदिणं अंवरं रह-गय-पडागाहिं बलागाहिं पित्र सोहेइ, अपासिज्जमाण-  
पज्जंता चक्कवट्टिणो सो सेणा सव्वत्थ वि असलंतगई वीया गंगेव लत्रिसज्जइ । दिसावि-  
जयमहूसवकम्मट्टं संदणा चिक्कारसहेहिं, तुरगमा हेसिएहिं, गया गज्जिएहिं अणुण्णं तुव-  
रिति इव । सेणुकरयवृलीए वि साईणं कुता रयच्छाडयभाणुकिरणे हसंता इव  
पयासंति, भत्तिमंतेहिं आवद्धमउडनरवईहिं परिवरिओ रायकुंजरो गच्छंतो भरहनरी-  
सरो सामाणियदेवेहिं इंदोव्व विराएइ । तं च चक्रं जोयणपज्जंते गतूण अवचिद्धइ,  
तओ य तप्पयाणाणुमाणाओ जोयणमाण समुप्पण्णं । तओ जोयणपमाणपयाणेण  
वचंतो भरहनरिं ऊवयदिणेहिं गंगाए दाहिणकूल पावेइ, तत्थ भरहनिओ निर-  
तर-त्रिविह-निय-सेणनिवासेहिं गंगायड-विउलभूमिं संकडीकुणतो वीसामं विहेइ ।  
तथा भंदाइणीनईए तडमेइणी झरंतगय-मयजलेहिं पाउसकालु व्व पंफिला होइ, गगा-  
नईए निम्मलप्पवाहे करिवरा वारिहिम्मि वारिधरुव्व सेच्छाए वारीडं गिण्हेइरे, मुहुं  
मुहुं अइवेणेण उप्पवमाणा तुरंगमा तरगममदाइणो तत्थ सिणायंति, परिस्समाओ  
अळभंतरसंपविट्ट-गयाऽऽस महिस-वसहेहिं वीमुं सा सरिया जायनूयण-मगरा इव कीरइ,  
तडत्थियअनरिदं सिग्धं अणुकूल होउं इच्छंतीव गगा तरंगसंजायसीयरेहिं सेणाए परि-  
स्सम हरेइ, महीभुयस्स तीए महईए सेणाए सेविज्जमाणा गंगा वि अरीणं जसो इव  
सज्जो किसी होइ, भागीरहीतीरुप्पण-देवदारुक्करा तस्स सेण्णगयरायाण जत्तेणं  
विणा आणाल्थंभयं जंति, तक्कएणे हत्थारोहा हत्थीणं ऋए आसत्थ-सल्लगी-कण्णि-  
आह-उरपछेने परद्धहिं जिदंति, सेणीभूया सहस्ससो निचद्धा वाटणो उण्णयकण्ण-  
पट्टेहिं तोरणाईं कुणमाणा इव विरायति, आमपालगा वंयूणं व आसाण पुरओ जवेण  
मउट्ट-मुग्ग-चणग-जपप्पमुहाणि णिहित्ति, त्रिणीयानयरीए इव तत्थ सिविरंभि तथा  
चच्चराड तिगाडं च दट्टाण च पतीओ दवंति, चारुपडत्रिणिम्मिय-गुठ-मह-यूल-

१ श्रेयस्सणाम् । २ अम्बरम्-मगनम् । ३ सादिना-अचवाराणाम् । ४ मन्दाविर्नानया-मगानया ।

५ परिधना । ६ आनालम्भनाम् । ७ अचय-मल्लना-वर्णिकारो-दुम्बरपञ्चानम् । ८ मउट्ट-मठ ।

'पडउडीहिं सुसंठिआ सव्वसेणिगा पुव्वनियपासाए न सरंति, सइण्णाणं कंटगसोहणकज्जं  
दिसंता इव उट्टा समी—कक्कंधु—बब्बूल—सरिस—कंटकिल्लतरुणो लिहेइरे, \*सिगयाम-  
इयभागीरहीतीरतलंमि वेसरा सामिणो अग्गे भिच्चा इव लुट्ठंति । केई जणा कट्ठाईं  
आहरंति, केयण सरियाजलाईं, केइ दुव्वाइभारे, केइ सागफलाईं, केई चुल्लिगाओ खणंति,  
केवि तंडुले खंडेइरे, केई अग्गिं जालेइ, केई ओयणं पएइ, केवि तत्थ-नियघरंमिब्व  
निम्मलजलेहिं एगत्थ सिणाइरे, सिणाया केवि अप्पाणं सुगंधिधूवेहिं धूवेज्जा, पुरओ  
भुंजमाणपत्तिणो केवि 'सइरं भुंजंति, केयण इत्थीहिं सह विलेवणेहिं अंगं विलिंपंति,  
क्रीलामेत्तेण लहणिज्जसव्वट्ठे चक्कवट्ठिस्स सिविरंमि कोवि अप्पाणं मणयं पि कंडगायायं  
न मण्णंते ।

दिस्सिजत्ताए मागहत्तित्थाहिगारो—

तंमि अहोरत्ते वइक्कंते पभायकाले पुणो वि चक्करयणं चक्कवट्ठी वि एगं  
जोयणं गच्छेइ, एवं दिणे दिणे जोयणपमाणप्पयाणेण गच्छंतो चक्काणुगो चक्की  
मागहं तित्थं समासाएइ । पुव्वसमुदतडंमि भरहनरिंदो नवजोयणवित्थरं दुवालसजोय-  
णायामं खंधावारं निवेसेइ, तत्थ वड्ढइरयणं सव्वसइण्णाणं आवासे विहेइ, तह य  
धम्मिककहत्थिणो सालमिव एगं पोसहसालं निम्मवेइ । राया पोसहसालाए अपुट्ठाणवि-  
हाणट्ठं पव्वयाओ केसरीव गयखंधाओ उत्तरेइ, पोसहसालाए गंतूण तत्थ भरहराया  
संजम—सामज्ज—लच्छी—सीहासणुवमं नवं दब्भसंथारयं संथरेइ, मागहत्तित्थकुमारदेवं  
च मणंसि काऊणं सो अत्थसिद्धीए पढमदुवारं अट्टमं भत्तं पवज्जइ, स धवलवत्थधरो  
चत्तनेवत्थ—मालाविलेवणो चत्तसत्थो पुण्णपोसोसहं पोसहव्वयं गिणहेइ, तंमि दब्भ-  
संथारए सो पोसहं जागरमाणो अव्वयपए सिद्धो इव निच्चलो नरिंदो चिट्ठइ, अट्टम-  
तवंते पुण्णपोसहो नरिंदो पोसहसालाए सरयब्भाओ आइच्चुव्व अहिगज्जुई निज्जाइ,  
तओ सिणाणं काऊण सव्वत्थसंपायणकुसलो राया जहविहिं वलिबिहिं विहेइ, 'विहि-  
ण्णुणो हि विहिं नहि वीसरंति' । जंगमं पासायमिव उड्ढपडागाअयथंभं, सत्थागारमिव  
अणेगसत्थ—सेणि—विहूसिअं, चउदिसात्रिजयसिरीणं आहवणत्थं पिव उच्चएहिं टण-  
क्कारकरचारुचउघंटाओ धरंतं, पत्रणेहिं पिव वेगवंतेहिं, पंचाणणेहिं पिव धीरेहिं तुरंग-  
मेहिं संजुत्तं रहं रहिंपुंगवो भरहनरिंदो उवविसेइ । इंदस्स मायलिसारहिब्व र्णणो  
भात्रिसेसणू सारही रस्सि—चालणमेत्तेण तुरंगमे नोएइ । महागयगिरि—संघो महा-

१ पट्ठकटी—तंडु, रावटी । २ स्सरन्ति । ३ कर्कंधु—बदरी । ४ सिकतामयं—वालुकामयः । ५ स्वैरम् ।  
६ कंटकायातं—सैन्यागतम् । ७ 'साम्राज्यलक्ष्मी' । ८ रश्मिं—रज्जुः ।

सयह-भगवकेरो चरल-हय-कलत्रोलो विविह सत्थाऽहि-भीसणो उच्छलंतभूमिरय-  
 वेलो रहनिग्नोसगज्जिओ भरहनरिंदो वीओ समुदो इव समुद पड गच्छेइ । तओ  
 तसियमगरसमूहाऽऽरावेहिं सव्हिद्वयजलनिग्नोसो सो रहेण समुदस्स नाहिपमाण जलं  
 अवगाहेइ । तओ एगं हत्यं धणुहमज्झमि वीअ तु जीआरोवणट्टाणमि ठविज्जण सो  
 पचमीमयंरुविडंगं णुं जीआरुं विहेइ । भरहेसरो हत्येण धणुहजीअं किंचि आय-  
 द्विद्वज्जण धणुव्वेओकारमि उच्चएणं टंकारं कारवेइ, तओ निवो पायालदारनिग-  
 च्छंतनागरायाणुहारं निधनामकियं वाणं तूणीराओ आरुद्वेइ, सिंहंशुलिसरिसमुद्रीए  
 पुरगमागंमि धरिज्जण अरीण वडरदंडमि वाण सिंजिणीए निहेइ, सोवण्णरुणाभूसणस्स  
 पउमनालसोहाधरं त सोवण्णं सरं कण्णंतं जाण सो आरुद्वेइ, महीभत्तुणो पसरंतनह-  
 रयणमरीईहिं सोयरैहिं पिव वेदिओ स सायगो सोहेइ, आकदिद्वयधणुमज्झत्थिओ  
 दिप्पमाणो स सरो पसारिय-जमाऽऽणणचलंतजीहा-लीलं धरेइ, धणुहमंडलमज्झत्यो  
 सो मज्झमो पुदवीवई मडलचंभतरपट्टिद्वस्स दारुणो विराएइ, तथा भ थाणाओ  
 चालिस्सइ, अहमा मं निग्गहिस्सइ' त्ति चिंताउरो इव लवणंवुही सुहिओ संजाओ । अह  
 नररिंदो नागकुमाराऽऽसुरकुमार-सुवण्णकुमाराऽदेवेहिं वाहिं मज्जे मुहे पुंसमि य  
 सच्चया अहिद्वियं मिक्खाटाणभयकरं औणागरं दूयं पिव महावाणं मागहृत्तियेसं अहि  
 विसज्जेइ, उद्धामपत्त-सुक्कार-रव-वायालिय-नहगणो सो सरो गरुळोच्च तक्खणं  
 निज्जाइ, तथा नरिंदकोदडाओ निग्गच्छंतो सो सायगो जलहराओ विज्जुदडो इव  
 गयणाओ उदग्गी व वन्दिणो फुलिंगो मित्र तावसाओ तेउलेसेव छरकंतमणित्तो अग्गी  
 सकहत्याओ वडर पिव सोहेइ । सो सायगो खणेण दुवालसजोयणाइ अइकमित्ता  
 मागहृत्तणो सहाइ हियए सलं व पडेइ । तथा अरुम्हा तेण रुडपडणेण मागहृत्ति-  
 त्यराओ दंडाभिषाएण पन्नगो इय भिस कुप्पइ । दारुण कोदण्डं पिव भमुहाणं  
 जुगं वरु कुणतो, पलीत्तपण्हिरुणे इय तत्रां लोयणाइ धरतो, गत्तापुडाइ इव  
 नासिगापुटाइ उप्फुलराइ कुणतो, तस्सगसप्परायम्म जणुजाय इय नहरदल फोरतो,  
 नहयत्रमि केउणो च्च णिटालंमि लेहाओ प्रइंतो सो मागहृत्तियई गारुळिओ  
 सप्पमिन् दाहिणहृत्त्येण सर गिण्ढमाणो तामहृत्त्येण सत्तुकुपोल्लव्य आसणं तात्तित्तो विस  
 जालामरिसिं वायं वएइ । जरे अपत्थिय-पत्तओ वीरमाणी अत्रियारिय-कज्जकारी  
 दुहुदुद्धी को अम्हाण पट्टए महाए सर पक्खित्तिया, पराणदत्ते डिदिज्जण ताडकं

१ मकरोर । २ ज्यारोगएयाने । ३ ज्याणम् । ४ धनुर्वेद-ओसारणिय । ५ दिगिन्त्या पनुजो ।  
 ६ शोणकम् । ७ उच्छापीव । ८ सुत्तिइ इय । ९ धुनोयुग यम् । १० भत्रापु । ११ उरु-छे-विकमिते ।  
 १२ रनेरान् । १३ पणुवे । १४ तादृशान्-कान्-नृपणिकोयान् ।

काउं को इच्छेज्जा ?, गरुलस्स पक्खेहिं सिरिभूसणं विहेउं को इच्छइ ?, नागरायस्स सिरमणिमालं वेत्तुं को चित्तेइ ?, भाणुणो तुरंगमे हरिउं को वा वियारेइ ?, पक्खिराओ सप्पस्स गच्चं मिव तस्स दप्पं अहं हरिस्सं एवं ववंतो मागहाहिवो वेगेण उट्टेइ, विलाओ उरणं पिव सो कोसाओ खग्गदंडं करिसेइ, करिसिज्जण गयणंमि धूमकेउब्भमप्पयं तं कंपावेइ । तक्खणंमि सागरवेलेव दुच्चारो अस्स सयलोऽपि परिवारो जुगवं सकोवाडंवरं उट्टेइ । तथा केई खग्गेहिं आगासं किण्ह—विज्जुमइयमिव कुणेइरे, केवि य निम्मल—वसुनंदएहिं अणेगमयंकमइयं गयणं कुणंति, केई अंतलिवखंमि कयंतदंतसेणीहिं निम्मिए इव अच्चंतनिसिए कुंते उल्लालंति, केई वन्दिजीहासरिसपरगुणो भभाडंति, केवि राहुसरिसभयंकरपज्जंतभागे मोग्गरे गिण्हेइरे, अण्णे वइर—कोडि—पयंडसूलसत्थाइं करंमि धरंति, अवरे जम—दंड—चंडे दंडे उक्खिवंते, केवि वेरि—विप्फोडण—कारणं करप्फोडणं कुणेइरे, केइ उज्जियं मेहनायं व सीहनायं विहेइरे, केवि हण हणत्ति, केइ गिण्ह गिण्ह त्ति, केइ य चिट्ठसु चिट्ठसु, केयण जाहि जाहि त्ति ववंति । इअ जाव तस्स परिवारो चित्त—सरंभचेट्टो होत्था ताव अमच्चो तं वाणं सम्मं निरिक्खेइ, सो तत्थ सरंमि दिव्वमंतक्खराणी व महासाराइं उदाराइं अक्खराइं अवलोएइ, जहा—

रज्जेण जइ भे कज्जं, जीवियव्वेण वा जइ ।

कुणेह णो तओ सेवं, नियसव्वस्स दाणओ ॥

इअ सुरासुरनरिंदसमच्चिय—सिरिउसहसामिणो नंदणो अयं भरहचक्कवट्ठी तुम्हाणं पच्चक्खं समादिसेइ । एवं मंती अक्खराइं दट्ठूण ओहिणाणेण य तं नच्चा सामिणो वाणं दंसितो उच्चएणं एवं ववेइ—भो भो सव्वे रायलोगा ! अवियारियकज्जकारीणं अत्थबुद्धीए य सामिणो अणत्थदीर्घं भत्तमाणीणं तुम्हाणं धिरत्थु, इह भरहखेत्तंमि पढमत्तित्थयरुसहसामिणो हि इमो भरहो पढमचक्कवट्ठी अत्थि, स एसो दंडं मग्गेइ, इंदुव्व चंडसासणो य सो तुम्हाणं नियं सासणं धराविउं इच्छइ, कयाई समुदो सोसिज्जेज्जा, मेरुगिरी वि उद्धरिज्जेज्जा, कयंतो वि निहणिज्जेज्जा, दंभोली वि दलीएज्जा, वउवानलो वि विज्झाविज्जेज्जा तह वि कहंचण महीयलंमि चक्कवट्ठी न जिणिज्जइ । तओ विउसवर ! देव ! मंदबुद्धी इमो लोगो वारिज्जउ, दंडो पउणीकीरउ, चक्क-

१ उत्तमखड्गविशेषैः । २ उन्नमयन्ति । ३ कोटिः—अग्रभागः । ४ चित्रसंरम्भचेष्टः । ५ युष्माकम् । ६ नः—अस्माकम् । ७ अर्थबुद्ध्या—हितबुद्ध्या ।

वद्विस्स य पणमिरो भराहि । तथा सो मागहाहिरो तं मंत्तिणो वाय सोच्चा ताणि य  
 अरुत्तराद् दट्टूण गग्गहत्थिणो गग्ग अग्वाडऊण अण्णरुरी इव उपसमेड । तओ सो उवहारं  
 त च सरं गिण्हिऊण भरहनरिंद उवेच्च पणमिता य एवं विण्णवेड-हे सामि ! कुमुय-  
 णस्स पेच्चससकुच्च राय ! मज्झ अहुणा दडव्वजोगेण दिट्ठिपहंमि पाविओ सि, जह  
 पढमतित्थयरो भयवतो उसहसामी विजयड, तह तुमपि पढमो चक्कट्टी विजयसु । एरा  
 वणसरिसो अण्णो को वि हत्थी नत्थि, वाउसरिन्डो अण्णो को उली नत्थि,  
 आगासाओ परं पइमाणं न सिया तह तुम्हाणं सरिक्खो जगंमि अण्णो को वि पइ-  
 मल्लो न । आरुणाऽऽयद्धियकोदंडाओ निग्गयं तुम्ह सायगं सक्खस्स वज्जमिय सहिउं  
 को समत्थो ? पमत्तस्स मज्झोवरिं पसायं कुणंतेण तुमए कायव्वविण्णवण्ह वेत्तिअ-  
 पुरिसो व्व एसो सरो पेसिओ, हे नाह ! महीनाहसिरोमणि ! अओ परं अहं  
 तुम्हाणं आणं सिरमि सिरोमणिं मिय धारिस्सं, सामि ! उमंसि मागहतित्थंमि तुमए  
 ठविओ तुम्हाण पुच्चदिमाए विजयत्थभो इव निदंभमत्तिभरो अह ठास्सामि, एए  
 अम्हे इम च रज्ज एसो सव्वो परिच्छओ अण्णं पि जं तं तुम्हेच्चयं चेय, नियपाइवक्ख  
 अम्हे पसासाहि इअ वोत्तूणं सो देवो चक्कट्टिणो तं सरं त च मागहतित्थजलं  
 किरोड कुंडळे नि अप्पेड । भरहनरिंदो तं च पटिच्छेड, मागहाहिचइं च सक्खरेड,  
 महंतपुरिसा हि सेवोवणययच्छला ह्रुति' । अह पत्थिवो रहं बालिऊण तेणच्चिय  
 पहेण नियउधावारं इंदो अमरावडमिय आगच्छेड । रहाओ अवरोहिऊण अग च प-  
 वत्ताण्णिऊण सपरिवारो भरहनरिंदो अट्टमभत्तस्स पारणं कुणेड, तओ वसुहाधवो  
 चक्कम्मेव उवणयम्स मागहणाहस्स महिड्डीए अट्टाहियामहसं निहेड । अट्टाहिया  
 महंमि समत्ते आडच्चरहनिग्गयमिय तेएहिं उच्चवण चक्खरयणं गयणमि चलेड ।

दिसिजत्ताण वरदामतित्याहिगारो—

तओ चक्क दाहिणदिमाए वरदामतित्थ पड उच्चेड, चक्कट्टी य पांड-उपसग्गा  
 पाउगणं पिय त चक्क अणुगच्छेड । राया पइदिण जोयणमेत्तपयाणेहिं गच्छतो माणसं  
 रायहमुच्च दाहिणयुनिहिं पावेड, एरा-उत्तंग-अवरी-ऊरकोउ रहले दाहिण-  
 सागरतटंमि मेण्णाड आरासेड, तन्थ इट्ठगी पुच्चमिय चक्कट्टिम्य सासणाओ सयल-  
 मेण्णम्म आरामे पोमग्गाड च रणइ । भरहनरिंदो वरदामदेयं चित्तंमि धाउण  
 अट्टमत्तं कुणेड, पोमटागारमि पोमहव्वय च गिग्गेड, पुण्णंमि पोमटंमि नरिंदो पोम-

१ अरुत्तराद् २ उवेच्च-पणमिता ३ अणुयण ४ सव्वो-परिच्छओ ५ चक्कट्टी-वज्जमिय ।



हसालाओ बाहिरं निगंतूण धणुहधरणं वरो सो कालपुट्टं धणुं उवादेइ, सव्वओ सुवण्ण-  
 रइयं रयणकोडीहिं खइयं जयसिरीए वासागारं रहं सो आरोहेइ, देवेण पासाओ  
 इव स महारहो उरालागारधारिणा नरदेवेण अईव सोहेइ, अणुकूलपवणलोलपडा-  
 गामंडियंऽवरो सो संदणवरो अभोनिहिंमि जाणपत्तमिव पविसेइ । तत्थ रंहंगनाहि  
 प्पमाणं जलनिहिणो जलं गंतूण रहग्गत्थिअ-सारहिखलियहएहिं रहो चिट्ठइ । तओ  
 सो आइरियो सीसमिव पुढवीवई धणुहं आणमिऊण गुणारूढं विहेइ, संगाम-नाड-  
 यारंभनंदिनिग्घोससमं कालस्स य आहवणमंतमिव जीयाटंकारं सो कुणेइ, संरहिणो  
 भालंतरालरइयंतिलगसिरिसोहाहरं वाणं आकरिसित्ता निवो सरासणंमि निहेइ, वंकी-  
 कयधणुहस्स मज्झंमि धुरा-भमगरं सरं महीनाहो कण्णपज्जंतं उवाणेइ, कण्णंतसमा-  
 गयं 'हं किं कुणेमि' त्ति विण्णत्तितल्लिच्छं तं वाणं राया वरदामाहिवइं पइ विसज्जेइ ।  
 सेल्लेहिं पडंतवइरभमेण, पण्णगेहिं गरुलभमेण, समुद्देण अवरवडवग्गिभमेण य समयं  
 पेक्खिओ सो सायगो गयणं पयासितो दुवालसजोयणं गंतूणं वरदामपइणो परिसाए  
 उक्केव सो पडिओ । तथा सो वरदामवई विहेसि-पेसियघायकारगनरमिव पुरओ  
 पडियं तं वाणं पेक्खिऊण कुप्पइ, उच्छलंतसागरुव्व उब्भमिय-भसुह-तरंगिओ वरदा-  
 मेसो उद्दामं वायं वएइ-केण अज्ज सुत्तो सिंघो पाएण फासिऊण पवोहिओ !, मच्चुणा  
 अज्ज कास पत्तं वाइउं उक्खेविअं !, अहवा कुट्ठिअ जीवियव्वाओ उप्पणवेरग्गो को रहसा  
 मम परिसाए सरं पक्खिवित्था ? तं अणेणच्चिय वाणेण हणेमि त्ति वरदामराओ उट्ठाय  
 सकोवं हत्थेण तं वाणं गिण्हेइ, तओ सागहाहीसरो इव सो वरदामेसरो चक्किस्स सरंमि  
 ताइं अक्खराइं पेक्खेइ, अही नागदमणिमिव ताइं अक्खराइं पेक्खिऊण वरदामपई वि  
 सज्जो उवसमेइ, इइ य ववेइ-किण्हसप्पस्स चैवल्लं दाउं उज्जओ मंडूगो पिव, दंतिणो  
 सिंगेहिं पहरिउं इच्छंतो उरव्वो इव, दंतेहिं गिरिं पाडिउं इच्छमाणो हत्थिअ मंदबुद्धी  
 अहं भरहेण चक्कवट्ठिणा सद्धिं जुज्झिउं इच्छामि, होउ, अज्जावि नो किंचि विणहं ति  
 सो ववंतो दिव्वाइं पाहुडाइं उवाणेउं निए नरे समादिसेइ ।

तओ तं सरं अब्भुयाइं च पाहुडाइं गिण्हिऊण सो इंदो सिरिउसहज्जयं व भरह-  
 नरिंदं अभिगच्छेइ, सो नमिऊण तं एवं वएइ-हे पुढवीवइ! तुम्ह दूएणेव सरेण समाहओ  
 हे इह समागच्छित्था, इहागयं तुमं भूमिस ! जओ सयं न समागओ, तओ अन्नाणिणो

१ खचित्तं-व्याप्तम् । २ उदाराकारधारिणा । ३ रथाङ्गम्-चक्रम् । ४ ज्यो° । ५ शरधेः-तूणीरस्य ।  
 ६ उत्केव । ७ विद्वेषि-शत्रुः । ८ उद्भ्रान्तश्रुतरङ्गितः । ९ चपेटाम् ।

मञ्ज दोसं सहसु, 'ज अग्गाणया टोसं निन्दवेड', परिस्सतेण आसमो इव, तिसाउरेण पुण्णसरोर व हे सामि ! सामिरहिण्ण मए सपड तुम सामी पत्तो असि, हे भूनाह ! अज्ज पमिड तुमए ठविओ जह इह उदहिणो गिरिच्च भवंतस्स मज्जायाधरो चिद्धि-सामित्ति वोत्तूण भत्तिभरनिब्भरो इमो भरहनरिंदस्स अग्गओ 'नासीकयमिअ तवाण समप्पेट, तह य माणुपहाहि गुंफियमिअ पहा-पहासियदिसामुह रयणमइअरूढीसुत्तं सो भरहरायस्स देड तह य भरहनरिंदस्स पुरओ चिरसच्चियनियजसरासिमिअ उज्जल-सुत्तारासि 'दृक्केट, तह महीवडणो निम्मलुज्जयजुडं रयणागरस्स सच्चस्समिअ रयणुकर च उअदेइ । राया तं सच्चं गिण्हेड, वरदाममड च अणुगिण्हिज्जण तं नियं कित्तिकारगं विअ तत्थच्चिय ठवेड, तओ वरदामपडं सपसायं आभासिज्जण विमज्जित्ता य विजयंतो पुढवीनाहो निय सिपिरं समागच्छेड, रहाओ अउरोहिज्जण सिणाणं च क्किच्चा सो रायमयको अट्टमभत्तस्स अ ते परिज्जणेहिं समं पारण कुणेड, तओ सो वरदामप-डस्स अट्टाहियामहसव विहेड, 'महता हि लोगंमि महत्तणदाणट्ट अप्पकेर जण समार्णित्ति' ।

तओ परकमेण अण्णो इंडुव्व चक्कवड्डी चक्काणुसारी पच्छिमदिसाए पहा-साभिमुह चळेड, 'नीरधेहि सडण्णरेणुहिं सग्ग-पुढवीओ पूरितो कडपयपयाणेहिं सो पच्छिमसमुह पावेइ, पूगी-तजूली-नालीएरीवणाउलमि उदहिणो पच्छिमतडंमि सधावारं विणिहेड, तत्थ राया पहासनाह उदिसिय अट्टममत्तं विहेड, पुड्व व पोसहागारमि पोसह गिण्हेड, पोसहवयपुण्णमि मेडणीवई रह समाहडिज्जण अउरो वरुणदेगुव्व जल-निहिं पविसेड, चक्कनाहपमाण जंठ अट्टकमिज्जण सदणं ठविज्जण धणुह जीआरूड विहेड, जयमिरिकीण्णवीणासरिसअणुहस्स तत्तिमिअ 'सिंजिणि हत्येण उअएहिं वाएइ, नीरनिहिणो वेत्तदडं व'णाणपत्ताओ सर रूडवेड, आसणे अत्तिहिमिअ त नरिंदो वाणा सणमि निवेसेड तओ नरवट्ट आडच्चरिंवाओ 'आगिट्ट एगं किरणमिअ तं 'सिल्लीमुहं पहामाहिमुह खिवेड, किरणेहि गयण पयासितो स सरो गउव्व वेगेण समुइस्स दुवालमजोयणं उउविज्जण पहासेमरस सहाए पडेड । सर पेक्सिज्जण सोवि कुद्धो, तत्थ य अउसराड देविअज्जण पयडीकय-रसतरो नडुव्व मज्जो सो उअसमेड, त मायग अण्णपि उवाहार च सय घेत्तूण सो पहासवई भरहनरिंदं उअगच्छेड, नमिज्जण य एअ विण्णवेड-अज्ज देव ! तुमए मामिणा भासिओ ह पहाओ अम्भि, 'रविणो

१-न्यामीट्तमिअ । २ शोक्ते । ३ नीरुपे-निरिउडे । ४ सिजिनीम्-धुज्जीवाम् । ५ वाणयाधा-त्तरणे । ६ वारुट्टम् । ७ शिल्लीमुयम्=माणम् ।

करेहिं हि कमलाइं पहासियाइं हुंति' । पद्म ! अहं पच्छिमदिसाए तुम्ह सामंतराया इव ठाइस्सामि, अवणिसासण ! सव्वया य तुह सासणं मत्थएण धरिस्सामित्ति वोनूण भरहनरिंदस्स पढमं पेसिअं तं सरं पाइक्को इव पद्म भूवई अप्पेइ, तओ मुत्तस-रूवनियतेयं व कडगाइं कडीमुत्तं चूडामणिं उरोमणिं दीणाराइं च रण्णो अप्पेइ, पुढवीवई तस्स आसासणकरं तं सव्वं गिण्हेइ, 'पढमं पाहुडगहणं तं हि पद्मो पसाय-चिन्हं—', आलवालंमि पायवमिन्न तत्थच्चियं तं ठविउआण वेरिनिवारणो भरहनरिंदो पुणो खंधावारं समागच्छेइ, तइआ सो तक्कालं वाप्परुक्खेणेव गिहिरयणेण उवणी-यदिव्वभोयणेहिं अट्टमतवपारणं विहेइ । तओ नरिंदो पद्दासदेवस्स अट्टाहियामहसवं कुणेइ, पुव्वं हि सामंतमेत्तस्सावि पडिव्वत्तीओ उइयाओ । तओ भूवई पयासो अणु-दीवमिन्न अणुचक्कं गच्छंतो समुदस्स दाट्टिणदिसाए सिंधुमहानईए तडं पावेइ, तेणच्चियं नईरोहमग्गेण पुव्वाभिमुहं गंतूण पुढवीसो सिंधुदेवीसयणसमीवंमि खंधावारं निवेसेइ । सो सिंधुदेविं मणंसि काऊणं अट्टमं तवं विहेइ, तओ वायाहयतरंगुव्व सिंधुदेवीए आसणं चलेइ, तओ सा ओहिनाणेण समागयं चक्कवट्ठिं जाणिऊण दिव्वेहिं पभूएहिं पाहुडेहिं तं अच्चिउं उवागच्छेइ, तओ गयणत्थिआ सा जय जयन्ति आसीसापुव्वयं वएइ—तुम्हाणं किं करी होऊण इह अहं चिट्ठामि, आदिसमु, किं तुव कुणेसु ? ति वोनूण सा सिरिदेवीए सव्वस्समिन्न निहीणं संतइमिन्न अट्टत्तरं रयणभरियकुंभसहस्सं, तह कित्ति—जयसिरीणं सह उव्वहिउं जोग्गाइं दुग्णि रयण भद्दासणाइं च, नागरायसिरोरयणाइं उद्धरिऊण विणिम्मिए दिप्पंतरयणमइए वाहुरक्ख-गे य, मज्झभागंसि उक्किऊण—सूरविंवसोहे कडगे, मउयमुट्टिगेज्झाइं दिव्ववसणाइं च नरिंदस्स देइ । सिंधुराओ इव स नरिंदो सिंधुदेवीए तं सव्वं पडिगिण्हिऊण तं च पसायालावेण पमोइत्ता विसज्जेइ । अह सो भूवईणं वरो अहिणव—पुग्णिमा—चंद-सोयर—सुवण्णभायणे अट्टमभत्तस्स पारणं करेइ । तओ सो नरदेवो सिंधुदेवीए अट्टाहिआमहं विहेऊण अग्गामिणेव चक्केण दंसिज्जमाण पद्मो पुरओ चलेइ । भर-हेसरो उत्तरपुरच्छिमदिसाए कमेण वच्चंतो भरहखेतड्ढदुगसीमाधरं वेयड्ढपव्वयं पावेइ, तस्स य दक्खिणिल्लनियंभभागे वित्थारायामसोहियं निवसणमिन्न खंधावारं निवेसेइ । तत्थ य पुढवीवई अट्टमभत्तं कुणेइ, तेण य वेयड्ढगिरिकुमारस्स आसणं परि-कंपेइ, सो वेयड्ढदिकुमारो ओहिनाणेण 'भरहखित्तंमि अयं पढमो चक्कवट्ठी समु-वण्णो ति जाणेइ । अह सो तत्थ समागंतूण आगासथिओ समाणो इमं ववेइ—'पद्म !

जयसु जयसु एसो अह तुव सेवगो अम्हि, मं पसाससु' चि वोचूणं सो कोसाहिवो च महग्गां रयणाड रयणालंकरणं च देवदूसां च तह पयावसंपयाए कीलागेहसरिसाईं नहुआईं भदाद् भदासणां अप्पेड । महीवई तस्स तं च सव्वं पडिगिण्हेड, 'भिच्चाणु-ग्गहहेउणा अल्लुद्धा वि सामिणो उवहार गिण्हेडरे' । अह निवो तं संभासिऊण सेगा रज विसज्जेड, 'महता हि समस्सिय साहारणजणं पि नामण्णेडरे', तओ पुढवीवई अट्ट-मभत्तस्स पारणं तह य वेयइहगिरिदेवस्स अट्टाहियामहूसवं कुणेइ । तओ चक्करयणं तमिस्सगुहं उदिसिऊण चलेड, राया वि पयण्णेसंगस्सेव तस्स पिट्टओ गच्छेड, रुमेण तमिरसगुहासमीवे गंतूण नरिंदो गिरिणो हित्ठमि ओइण्णाइ विजाहरपुराणीव सेण्णाइं आवासेट ।

कयमालदेवाहिगारो—

अह भूवालो कयमालदेवं मणंसि काऊणं अट्टमं तव समायरेड, तस्स य देव-स्स आसणं चलेड, सो अरहिनाणाओ समागयं चक्कवट्ठिं नच्चा चिरेणागय गुरुमिव तं च अतिहिं अन्चिउ आगच्छेड, 'हे सामि ! एयंमि तमिस्सादुवारंमि तुम्ह दुवारपालुव्व अह अम्हि' चि ववंतो महीभत्तुस्स स सेवं पडिवज्जिच्चा उत्थीरयणोइयं अणुत्तमं तिलग-चउट्टस दिव्वाभरणसंभारं सो वियरेड, तह य पुव्वं तयट्टमिव धारियाइं तस्स जोग्गाइ मल्लाइं, दिव्वाइं च प्रसणाइं आयेण देइ । राया त सव्व गिण्हेइ, 'कयत्या वि नरिंदा दिसि विजयसिरीए चिन्हरूवदिसादंडं न चयति', अइमहतेण पसाएण भरहनिओ त सभासिय अज्जयणपज्जंते उज्ज्जाओ सीसमिव तिसज्जेड । 'पिहव्वभूएहिं नियंसेहिं इव भूमिठयियमायणेहिं भुंजमाणेहिं रायकुंजरेहिं समं सो पारणं कुणेड, तओ सो कयमाल-देवस्स अट्टाहियामहोच्छवं कुणेड, 'पणिवाएण गहिया पहो किं न कुणति' ।

सिंनुनईण परतत्तियअमिलिच्छाण विजओ ।

अण्णया उलावई सुसेणनाम सेणावड आहविऊण हरिणेगमेसिदेवं उदोव्व आदि-सेइ, -सुम चम्मरयणेण सिंधुनद उचरिऊण सिंधु-सागर-वेयइहसीमाधर दाहिगिल्ह-सिंधु-<sup>१</sup>निरसुडं माहेसु, तत्थ मिलिच्छे <sup>२</sup>वोरीवणव्व आयुइलट्टीहिं तालिऊणं चित्तचम्म-रयणस्स मंयस्सफ <sup>३</sup>आहरेटि । तओ स सेणाहिरई तत्थुप्पन्नो इव जलत्थयलजायनि-

१ मनोरथम्=सागरम् । २ पदान्वेषकस्येव । ३ पृथग्भूतैर्निजांशैरिव । ४ निरसुट्टम्-पर्वतविशेषम् ।  
५ बदरीवनवत् । ६ सर्वस्वपत्नम् ।

भ्रुणयभागाणं अणोसिं च दुग्ग-थलाणं मग्गविऊ, परक्कमेण सिंहो, तेएण सरो,  
 धिसणागुणेहिं विहप्पई, संपुण्णलक्खणो सव्वमिलेच्छभासाविसारओ सामिणो सासणं  
 पसायमिव सिरसा अंगीकरेइ । भरहनरक्कं पणमित्ता नियावासे गंतूणं अप्पणो पडि-  
 विंबरूवे इव सामंताइणो पयाणट्टं निदिसेइ । अह सो सिणाणं काऊण कयवलिकम्मो  
 महामुल्ल-थेवभूखणो संवम्मिओ कयपायच्छित्त-कोउय-भंगलो, जयसिरीए आलिं-  
 गाय पक्खित्तबाहुलयं व दिव्व-रयण-गेवेज्जयं कंठे धरंतो, पट्टहत्थिव्व चिन्हपट्टेण  
 सोहमाणो, उच्चएहिं गहियसत्थो, कडीभागे मुत्तसरूवसत्तिमिव छुरियं धरंतो, जुद्धं  
 काउं पिट्टओ विउच्चिए वाहुदंडे इव अतुच्छ-सरलागिइ-सुवण्णमइए दुण्णि सर-  
 हिणो धरंतो, गणनायग-दंडनायग-सेट्ठि-सत्थवाह-संधिवाल-चरप्पमुहेहिं जुवराओ  
 इव परिवरिओ सो सेणाहिवई निच्चलऽग्गासणो तेण आसणेण सहुप्पण्णो इव नंगु-  
 णयं गयरयणं आरोहेइ । सेयच्छत्तचामरेहिं सोहिरो अमरोवमो सो चरणंगुट्टसण्णाए  
 वारणं पेरेइ, भरहनरिंदस्स अइहसेण्णेण सह सिंधुनईतडंमि गंतूण उद्धूय-धूलीए  
 सेउबंधमिव कुणंतो सो तत्थ चिट्ठं । जं फासियं समाणं दुवालस जोयणाइं वड्ढइ,  
 जत्थ य पभायसमयंमि उत्ताइं धण्णाइं दिणच्चए निप्फज्जंति, जं च नइ-द्रह-समुद्द-  
 जलेसुं तारणक्खमं, तं चम्मरयणं सेणावई हत्थेण संफासेइ । तं चम्मरयणं सलिलो-  
 वरिं पक्खित्तं तेल्लमिव नेसग्गियपहावेण तीरदुगं पसरेइ । तओ सो चमूनाहो तेण  
 चम्मरयणेण सेणाए सह मग्गेणेव उत्तरिऊण नईए परं तीरं पावेइ, सिंधुनईए तं  
 सव्वं दाहिणनिक्खुडं साहिउं इच्छमाणो सो सेणावई तत्थ कप्पंतकालसमुद्धो व्व पस-  
 रेइ, तओ धणुनिग्घोसबुंकार-दारुणो रणूसुगो सिंघो व्व स लीलामेत्तेण च्चिय सिंह-  
 लजणे पराजिणेइ, बव्वरलोगे मुल्लगहिए क्किंकरे इव वसीकुणेइ, टंऊणनरे तुरंगमे  
 इव रायचिन्हेण अंकेइ, जलरहियरयणागरमिव रयणमाणिक्कभरियं जवणदीवं स नर-  
 सिंहो लीलाए जएइ । तेण कालमुद्दा मिलेच्छा तहा जिणिज्जंति, जहा अशुंजमाणा  
 अवि ते मुहंमि पंचगुलीदलाइं पक्खिवंति । तस्स पसरंतस्स समाणस्स जोणगनामा  
 मिलेच्छा पवणाओ पायवपल्लवा इव परंमुद्दा हुंति । अवरओ अवि वेयइहगिरिसमा-  
 सण्णसंठिआओ मिलेच्छजाईओ सो गारुलिओ अहीणं जाईओ इव जिणेइ । पोढपयावप-  
 सरो अणिवारियं पसरंतो सो सेणाणी सरो आगासमिव सव्वं कच्छदेसभूमिं अक्कमेइ, एवं  
 सीहो वणमिव सव्वं निक्खुडं अक्कमित्ता कच्छदेसमग्गभूमीए सो सेणावई सत्थो होऊण  
 चिट्ठइ । तत्थ मिलेच्छभूवइणो विचित्तोवायणेहिं सद्धिं भत्तीए इत्थीओ पियमिव सेणा-

वटं समापडति, केटं सुवण्णगिरिसिहरसरिने रयणमुवण्णुकरे, केवि य चलियविंश-  
पचयमरिच्छे गए द्विति, केटं अट्टकतभाणुतुरंगमे तुरंगमे, केड अंजणनिष्पण्णे देय-  
रुवमे र्हे, अणं पि जं तत्थ सारभूय तं सच्च तस्स वियग्गति, 'गिरित्तो वि सरियाए  
आकट्टिद्वयं रयणं रयणागरंमि गच्छेज्जा' । तओ ते सव्वे सेणावटं वयति—अम्हे  
अओ परं तुम्ह नियोगिणो इव निदेसगरा नियनियप्पिसएसु ठाटस्तामो त्ति । तओ  
सो सेणावटं जहरिहं ते सव्वे राटणो सक्कारिज्जणं पिसज्जेद, पुच्च व सिद्धुनडं सुहेण  
उत्तरिज्जणं कित्तिपल्लीणं दोहलमिअ मिलेच्छेद्वित्तो ओहड सच्च त दडं दडनायगो  
चक्कट्टिस्स पुरओ हुक्केट । अह चक्कट्टिणा पसाएणं सो चमूवटं सक्कारिओ विस-  
ज्जिओ य समाणो पहिट्ठो नियायास समागच्छेड । भरहनरिंदो अउज्जाए व्व तत्थ  
चिट्ठे, 'सिंहो हि जत्थ वि पयाइ तस्म तं चिय निय ठाणं' ।

तमिस्सगुहाए इवारुग्घाडण—

एगया भूई चमूवटं पोल्हाविज्जण आदिसेड—'तमिस्सगुहाए क्काडदुग उग्घा-  
डेसु' एय सोच्चा सेणावटं नरउणो आण मालमिअ मत्थएण वेत्तुणं तमिस्सागुहाए अवि  
दूर गंतुणं चिट्ठड । अह तत्थ कयमालदेवं मणसि किच्चा सो सेणावटं अट्टमतवं कुणेड,  
'सच्चाओ हि सिद्धिओ तत्रमूत्रओ हृति' । अट्टमतवमि पुण्णे मो सेणावटं मिणाण काज्जण  
सेयउसणपउधरो सिणाणउराओ सरोवराओ रायहमुच्च निज्जाइ, तओ लीलासुवण्णार-  
विद्वय सुवण्णनिम्मियं धुवदहण पाणिणा वेत्तुणं तमिस्सगुहादुवारं समासादेइ, तत्थ क्का-  
डदुग अउठोउज्जण सो पणमेइ, 'सत्तिमता वि महंतपुरिसा पढम सामनीड पउंजति' । तत्थ  
मो वेयइह—संचरत—विज्जाहर—वी—यभणोसइं अट्टाहियामहसय महिद्वीए विहेइ । तओ  
सो सेणाणी मतवाइ मंडलमिअ असंडतंदुलेहिं मगलकारण अट्टमंगलं आलिहेड, जालिहि-  
ज्जण उदम्म उज्जमिअ उदरिविणासण चक्कट्टिणो दहरयणं नियहत्थेण उवाटेड । क्काड-  
दुगं पहरिउ उउंते सो सत्तदुपयाइ ओसरइ, 'गयदो वि हि पहरिस्समाणो मणयं अउसरड  
च्चिय', ओमरिज्जण आओज्जमिअ त उंदरं उच्चएहिं गज्जावित्तो सेणाणी तिसरुत्तो तेण  
दहेण क्काट्टय नाडेड । तथा वेयददगिरिणो पाह निमिहियलोयणा उउ उज्जनिम्मिया  
ते दृग्गि क्काड उग्रउति । तओ दडताडणाओ ते क्काडा उग्रउता तट—तडत्ति कुणता  
उच्चएण उदतीव । सेणानाओ उत्तरभरहरउटाणं जयपत्थाणमगलरूपं त क्कादुग्घाडणस-  
मायार चक्कट्टिणो पिण्णवेड । अह भरहनरिंदो चंदुच्च पट्टपोदविउमो हृथिरयणं  
ममान्ठो तमिस्सगुहाए आगच्छेड ।

## मणिरयण-कागिणीरयणाणं वण्णणं—

सिहावंधणेणव्व सिरसंठिएण जेण कयावि हि तिरियनराऽमरुवभवा उवसग्गा न जायंते, जेण अंधयारं पिव असेसं दुहं पणासेइ, जेण य सत्थघाया विव रोगा न पभवंति, तं जक्खसहस्सेण अहिट्टियं चउरंगुलपमाणं भक्खरुव्व उज्जोयगं मणिरयणं भरहनरिंदो उवादेइ । हत्थिणो दाहिणे कुंभत्थलंमि पुण्णकलसे सुवण्णपिहाणं व्व तं निहेऊण सत्तुनिसूअणो चउरंगचमूचक्कजुत्तो चक्काणुसारी केसरीव नरकेसरी गुहादुवारं पविसंतो सो नरिंदो अट्टसुवण्णपमाणं छेदलागारं दुवालसंसियं समयलं माणुम्माणपमाणसंजुयं जक्खसहस्सेण सव्वया अहिट्टियं अट्टकणियाजुयं दुवालस-जोयणभूमिपज्जंतंऽधयारविणासकारणं अहिगरणीसंठाणसरिसं सूर-ससि-अनल-सरिसप्पहं चउरंगुलपमाणं कागिणीरयणं गिण्हेइ । तेण कागिणीरयणेण सो गोमुत्तिगा-कमेण दोसुं गुहा-पासेसुं जोणयंते जोयणंते इक्कक्कजोयणुज्जोयकारगाइं मंडलाइं आलिहंतो वच्चइ । ताइं सव्वाइं मंडलाइं तत्थ धणुहंपंचसयाऽऽयामाइं एगुणपणासं जायाइं । कल्लाणकारगो चक्कवट्ठी महीयलंमि जाव जीवइ ताव य सा गुहा उग्वाडियाणणा ताइं च मंडलाइं थैईं चिट्ठंति । चक्करयणाणुसारिचक्कवट्ठिस्स पिट्ठाणुगामिणी सा सेणा मंडलाणं तेण पयासेण अक्खलिया सुहं संचरेइ । तया चक्कवट्ठिणो संचरंतीहिं चमूहिं सा गुहा असुराइवलेहिं रयणप्पहामज्झभागं पिव आभासेइ, संयणदंडेण संयंणिआ इव अवंतरसंचरंतचमूचक्केण सा गुहा उदामनिग्घोसा जाया, तया संचाररहिओ वि गुहापहो रहेहिं सीमंतिओ, सज्जो य तुरंगमखुरेहिं खुण्णक्ककरो नयरीपहो इव जाओ । अंतग्गएण तेण सेणालोएण १तिरिच्छत्तणमावण्णा सा कंदरा लोगनालीव होत्था ।

उम्मग्ग-निसग्गनईओ ।

अह अणुक्कमेण गच्छमाणो भरहनरिंदो तमिस्सागुहाए मज्झभागंमि हिट्ठवसणोव-रित्थिय-कडीमेहलाओ विव उम्मग्गा-निमग्गानामाओ नईओ पावेइ । दाहिणुत्तरभरहखे-त्तद्धभागाओ आगच्छमाणं नराणं नदीमिसेण वेयइहगिरिणा आणालेहाओ कयाओ इव ताओ नईओ संति । तासु उम्मग्गानईए सिला वि हि तुंवीफलं पिव उम्मज्जेइ तरेइ अ, तह निमग्गानईए सिला इव तुवीफलंपि उ निमज्जइ । तमिस्सागुहाए पुव्वभित्तीओ विनिग्गयाओ ताओ नईओ पच्छिमभित्तीए मज्झेण गंतूणं सिंधुनईए संगमं पावेइरे ।

१ षड्-दलाकारं-षट्पत्रस्येव शोभावत् । २ द्वादशाश्रिकं द्वादशकोणकम् । ३ लोहकारोपकरणविशेषः । ४ स्थायीनि(स्थितिमन्ति) । ५ मन्थनकलशः । ६ सीमन्तितः-खण्डितः छिन्नश्च । ७ तिरश्चीनत्वम् ।

तासु नईसु वड्डडरयण वेयड्डगिरिकुमारस्स एगतसेज्जमिन् अणउज्ज आयामं पेज्ज निरंवेड, सा पज्जा सुणेण होड, चक्रुवट्टिस्स उदडडणो खल्लु गेहागाररुप्पतरुत्तो हि गेहाड-निम्मउणे कालवखेवो न होज्जा । सुसिलिट्ठस्स गीहिं वड्डहिं पि पाहाणेहिं कया सा पज्जा ताउत-पमाणिकक-पासाणघट्टिआ विव विराएड, पाणिच्च समयला, वज्जमिव दिहयमा सा पज्जा गुहादुवारकवाडेहिं निम्मिया उव लक्खिउज्जइ । सेणासहियचक्कवट्टी सुहेण च्चिय दुहतराओ वि ताओ नईओ उचरेट । कमेण मेडणीवई चमूए सह गच्छंतो उत्तरदिसामुहो-वम गुहाए उत्तरं दुजार आसादेइ । तीए गुहाए कवाडा दाहिनदुवारकजाडाणं आयाय-निग्गोसं आयण्णिऊण मीया विव सुणेण मयमेव उग्घटेरे । तथा विवडमाणा ते कवाडा सरसरत्ति सदेण चक्किसेण्णस्स गमणपेरणं कुणंति इव नज्जंति । गुहाए पासभिच्चीहिं सह ते कजाडा तह संसिलिसिय सठिया जह तत्थ अभूयपुञ्जा विव कवाडा लक्खिउज्जति ।

### गुहाओ वाहिर निग्गमण—

अह पढमं अब्भमज्झाओ आइच्चो इव चक्रुवट्टिणो पुरोग चक्क गुहामज्झाओ निस्मरेड, तओ पायालविवरेण वल्लिंदो इव महतेण तेण गुहादुवारेण महीनाओ निज्जाइ, तओ विज्जगिरिगंभराओ इव तीए गुहाए नीसंरुलीत्तागमणसोहिरा दत्तिणो निगच्छति, अंभोहिमज्झनिग्गच्छंत-खरवाड-विडंविणो धौट्ठो वैग्गु वग्गता गुहाओ निज्जंति, सिरिमंतगेहगव्वाओ इव वेयड्डकदराओ अवसया संदणा अवि नियनिणाएहिं गयण नादयंता नीसरंति, कुंटियवम्मीअवयणाओ पन्नगा इव गुहामुहाओ मँहोयसिणो पाडवा पि सज्जो विणिवडंति । एव भरहनरिंदो वेयड्डगिरिणो पण्णामजोयणायाम त कदरं अडवमिय उत्तरभरहवखेतं विजेउ परिसेड । तत्थ जायाया नाम च्चिंया भूमिथिआ दाणवा विव दुम्मया उदडा महोयसिणो दित्ता निउरंति । ते अपिन्निउण्ण-महापासायसणामणत्राहणा उणप्पमुवण्णरयया कुपेरस्स गोत्तिणो विव सति, वट्ट-जीउणणा उट्टासपरिवारा देउज्जाणहमा इव पाएण अजायपरिभवा, अणेगजुद्धेसु 'निच्छुट्टउत्सत्तिणो ते सड महासयडभारंसु वसहवरा उव । तन्थ कयनुच्च पमज्ज भरहनरिंदमि पमप्पंतमि ताण अणिट्टमंसिणो भउगरा उपाया संजाया । तथा चउत भरहराउण्णपंचमारभारेहिं पीत्थिया परंपियउरोज्जाणा उग्गभरा परुपेट च-

१ पणाम-मार्गम । २ गहराव । ३ वाति । ४ वत्तु=उदग्गम् । ५ विदारीय-भाउमुगात् । ६ महीउरिया । ७ हिरावा । ८ निच्चूट्ट=पारपत्त । ९ प्रग्गमार=उदग्ग ।



वद्विणो दिगंतगामि-पोढपयावेहिं इव द्रावाणलसोयरा दिसागुं दाहा संजायंते, खरं-  
 तेण रणेण सव्वाओ दिसाओ रयस्सल्लओ इत्थीओ इव अच्चंतं अणालोमणभायणं  
 हवंति । जलहिंमि दुस्सैव-कूरनिग्घोसा परुप्परं अप्फान्ता गाहा इव दुव्वाया धियं-  
 भेइरे, उम्मुआइं पिव समत्तमिलेच्छवग्गाणं खोमणस्स निबंधणं गयणाओ सव्वओ  
 उक्का निवडंति, कुद्धुद्वियकयंतस्स भूमीए हत्थदिण्णपहारा इव महानिग्घोसभीसणा  
 वज्जनिग्घोसा हुंति, समुवसपंपतीए कयंतसिरीए छत्ताइं पिव नहयलंमि थाणे थाणे  
 काग चिल्लंणं मंडलाइं भवंति । अह सुवण्णसण्णाह-परमु-कुंतरस्सीहिं गयणंमि धियं  
 सहस्सरस्सिं क्रोडिरस्सिमिव कुणंतं, पयंड दंड-क्रोदंड-मोग्गरेहिं आगासं दंतुरं कुण-  
 माणं, झयथिय वग्घ-सिंघ-सप्प-तसिय-खेयरीगणं, महागय-घडा-जलहरेहिं अंधगारियदि-  
 साणणं, जमाणण परिफद्धि-रहग्गथियमगराणणं, तुरंगाणं खुवायाएहिं भूमिं फाडंत-  
 मिव, घोरजयतुरियरवेहिं अवरं फोडंतमिव, अग्गगामिणा मंगलगहणेण आइच्चमिव  
 चक्केण भीसणं आगच्छंतं भरहं दददूणं ते चिलाया अइव कुप्पंति ।

उत्तरभरहम्मि किरायाणं विजओ ।

ते चिलाया कूरगहमेत्तिविडंविणो मिहो संमिलिऊण अवणिं संहरिउं इच्छ-  
 माणा इव सक्कोहं ववेइरे-मुखख-पुरिसो विव सिरी-हिरी-धिइ-कित्ति विवज्जिओ,  
 वालुव्व मंदवुद्धी, अपत्थियपत्थगो इमो को अत्थि ?, परिकखीणपुण्णचउइसीओ  
 हीणलक्खणो हरिणो सीहगुहं इव अम्हाणं विसयं आगच्छेइ, तओ महावाया  
 जलहरं पिव उद्धयागारं पसरंतमवि एयं दिसोदिसिं खणेणं पक्खिवामोत्ति  
 उच्चएहिं वव्रमाणा संभूय सैरहा पइमेहं पिव जुद्धाय भरहं पइ उट्टंति । अह ते  
 किराडवइणो कुम्म पिट्ठि-हँडु-खंडेहिं निम्मियसन्नाहे धरेइरे । मत्थयधरियउड्ढकेसेहिं  
 निसायर-सिर-सोहं दिसंताइं, रिच्छाइकेसच्छण्णाइं सिरत्ताणाइं ते धरंति । ताणं रणु-  
 वकंठया अहो ! जेणं महूसाहेण ऊससंतदेहत्तणाओ सण्णाहजालिया पुणरुत्तं तुट्टे-  
 इरे, 'अम्हाणं कि अवरो रक्खगो' त्ति अमरिसवसाओ इव ताणं उड्ढकेससिरेसु सिरिं-  
 वकाइं न चिट्ठंति, केइ किराडा कुविय-कीणास-भिउडि-कुडिलाइं सिंग-घडियाइं धणु  
 काइं जीवारूढाइं लीलाए धरंति, के वि जयसिरिलीलासेज्जासरिच्छे संगामदुव्वारे  
 भयंकरे खग्गे कोसाओ आकरिसंति, केइ जमस्स अणुबंधवो विव दंडे धरेइरे, केवि

१ रजसा=धूल्या । २ दु.श्ववः । ३ उल्लुकाणि=उंवाडीयुं । ४ उल्ला=ज्वालारहिततेजःसमूहः ।

५ चिल्ल.=समळी । ६ शरभाः=अष्टापदाः । ७ अस्थि । ८ शिरस्त्राणानि । ९ वारंवारम् । १० शिरस्कानि ।

नहयले केउणो विअ कुंते नट्टयंति, केवि रणूसवे आमंतियजमरायस्स पीडसपाय  
णद सत्तुणं स्याए आरोपिउं पिव स्याइ धरेइरे, केई अरि-चडग-चक्रपाणहरे सेण-  
पक्खिणो इव लोहसल्ले करंमि निहेइरे, अवरे नहयलाओ तारागणं पाडिउं इच्छता  
इव उंद्धुरेहिं हत्येहिं भोग्गरे सज्जो गिण्हेइरे, अण्णे वि संगामकरणिच्छाए विप्रिहाड  
सत्थाटं धरति, तिसं त्रिणा उरगुच्च तत्थ सत्थं विणा कोवि न होज्जा । अह  
एणेण समएण एगप्पाणो इअ रणरसलालसा ते सब्बे भरहसेणं समुदिसित्ता  
अहिआपति । ते मिलेच्छा उप्पायमेहा करगे इव सत्थाइं वरिसमाणा वेगेणं भर-  
हस्स अगसेणेण सह जुञ्जंति । तथा भूमिमज्झाओ इअ दिसामुहेहितो इव आगा  
साओ इअ मिलेच्छेहितो सब्बओ सत्थाइं पडंति । तथा चिलायाण वाणेहिं दुज्ज-  
णयणेहिं इव भरहनरिदसेणाए जं न भिण्णं त न आसि, मिलेच्छसेणेण पलो-  
ट्टिआ भरहेसपुरोगसाडणो वारिदिवेलाए नईमुहुम्मीओ वअ वलंति, मिलेच्छसीहेसुं  
तिक्ख सिलीमुहनहेहिं ढणमाणेसुं समाणेसुं निरससरं रसता चअट्टिणो इत्यिणो तसे-  
इरे, मिलेच्छसुहडेहिं चंडदडाउहेहिं पुणरुत्तं ताडिया चक्खिणो पाइवका गेंदुगा इव पलो-  
ट्टमाणा पडंति, मिलेच्छसेणेण नरिदसेणारहा गयाघाएहिं वदराएहिं गिरिणोच्च  
सच्छदं विभट्टज्जति, तमि समरसागरमि<sup>१</sup> तिर्मिगलेहिं पिव मिलिच्छेहिं नरिदचमूनवरु  
चवरु गसिय-तसिय संजायं । अह अणाहमिव पराजिय त सेण पासमाणो सुसेणसेणा-  
नाहो रणो आणाए वव कोवेण णोद्विओ स रणेण अरणनयणो तवयणो नरह-  
वेण अग्गी पिव सय दुरिक्खणिज्जो होत्या । रअसराओ विअ असेसे परसेणिगे  
गसिउ सुसेणसेणावई सय संणद्धो जाओ । तथा ऊसाहूससतदेहत्तणेण अडगाढत्तण सपत्त  
सेणावइणो त सुवणमडय वचयं तंयंतरमिव सोहद । सो चमूवई उच्चत्तणंमि असीड-अगुल,  
वित्थारमि एगुणसयंगुलं दीहत्तणमि पुणो अट्टुत्तरसयगुल, वत्तीसगुलस्सेह-निरंत्तरुण  
यमत्थयं चउरगुलरूण पीसगुल-त्राहुग, मोलसगुलजंघ चउरगुलजाणुअं, चउरगुलच्चसुरं,  
वट्टं, वलियमज्ज, तिसाल-सगय-नय-पसण-पिटिसोदिर, दुज्जलतंतूहिं पिव मउयलोमेहिं  
सजुय, पसत्थदुवालसावट्ट, सुद्ध-लसण-लक्खिय, सुजाय-जोव्वणपत्त सुगपिच्छ-हरि-  
यच्छविं, रुमानिनायरहिय, सामिचित्ताणुगमग, रयण-सुवण-अंग्गामिसाओ सिरीए वाहाहिं  
आसिलिट्टमिअ, महुरसरं कणत-रुचणमय-सिंसिणीजालेहिं अब्भतरझणझणतमहुगर-

१ इहे = उच्चकेथ । २ पर्यस्ता । ३ महामत्स्यविशेष । ४ त्वगन्तरमिव । ५ ग्राहकम् = अप्रापादम् ।  
६ यन्गामिपाद् ।

पंकयमालेहिं पिव अच्चियं, पंचवणमणि-सिन्धु मृदवणान्दंकारहिरणेहिं अण्वमस्वपडागंकि-  
यमिव सोहियाणणं, भोग्गणंकियं अंवरमिव कंचणकमन्तिल्लमं, चोमन्तंसगिसाओ अण्णे  
कण्णे भरंतं पिव, चक्कवट्टिस्स पुण्णेण आकट्टिहयं उंदरुग वाहणं पिव, लाल्लणाओ इव  
पडंत-वंक-चलणे मुंचमाणं, अण्णखवेण गरुळं पिव, मुत्तिभंतपवणमिव खणेण जोयण-  
सय-उल्लंघणे दिट्टिविहयं, कदम जल-पाहाण रावकरा-गंडडाइ-विस्स पणसाओ  
महाथली-गिरि-दंरी-दुग्गाइ-थल्लओ य उच्चारणकवमं, ईसिं भूमिल्लगापायनणेण  
गयणंमि संचरंतं पिव, धीयंतं विणीयं पंचधानाजियरसमं कय्यामोयनीसासं तवसं  
जयं पिव नामेणं कम्मंयावीलं तुरंगरायं आरोहेइ । तओ सो सेणावई दिग्बत्तणे  
पण्णासंगुलं वित्थारंमि सोल्लसंगुलं वाहल्लंमि अइहंमुल्लं, मृदवणरयणमइयंच्छं विमुत्ति-  
म्मोअ-पण्णमिव कोसाओ निग्गयं, तिण्ठधारं, वीयवज्जं पिव अइदिहं, विचित्त-  
पुक्खर-पंति-फुडवणविनाइयं कयंतो पत्तं पिव सत्तूणं खयवरं खग्गरयणं गिण्हेइ ।  
तेण खग्गरयणेण सो सेणाणी जायपवखो नागराओ इव, सण्णद्धो केसरीव संजाओ ।  
तत्तो चमूपई गयणंमि त्रिज्जुदंडमिव चवलं असिं भमाडंतो रणकुसलं तुरंगवरं पेरेइ,  
जलकंतमणी जलं पिव सत्तूणं वलं फाडित्तो तेण वाइणा सह समरंगणं पडिसेइ ।  
तया सुसेणसेणावइणा हणिज्जमाणा केवि अरिणो हरिणा इव तमेइरे, के वि ससगा  
विव पडिऊण नेत्ताइं निमीलिऊण चिट्ठंति, अवरं खेयमावण्णा रोहियवच्छा इव उड्ढं  
चिट्ठेइरे, अण्णे केविणो न्व विस्समहाणं आरोहंति । केविपि तरुणं पत्ताइं विव सत्थाइं,  
कासइ समंतओ कित्तीओ इव आयपत्ताइं पडेइरे, काणं पि मंतयंभिया उरगा इव तुरगा  
चिट्ठंति, कास वि मड्डियामइया विव संदणा भंजिज्जंति, केयण नियं पि अपरिचियमिव  
न पइक्खंति, नियनियपाणाइं वेत्तूणं सव्वे मिलेच्छा उ दिसोदिसं पलायंति, एवं  
जलपूरेण तरुणो विव सुसेणसेणावइणा पलोट्टिया तेयरहिया ते बहूइं जोयणाइं दूरं  
ववगच्छंति । ते वायसा इव एगत्थ संमिलिऊण खणं आलोइत्ताणं आउरा मायरं व  
सिंधुमहानइं गच्छंति, तीए नईए धुलीमइयतडंमि मयग-सिणाणुज्जया इव ते संमिलि-  
ऊण सिकैयाउक्केरेहिं संथरे किच्चा उवविसंति । ते नगिणगा उच्चाणगा समाणा निय-  
कुलदेवे मेहमुहप्पमुहनागकुमारे चित्ते काऊणं अट्टमतवं विहेइरे । अट्टमतवपज्जंते चक्क-  
वट्टिस्स तेयभयाओ विव नागकुमाराणं आसणाइं कंपेइरे, ते ओहिनाणेण तहट्टिए दुक्खिए  
मिलिच्छे दट्टूणं ताण दुक्खेण पिउव्व अदिया तत्थ अभिगंतूणं तप्पुरओ पाउव्वभवंति,  
‘भो ! तुम्हाणं चित्तंमि अहुणा इच्छिओ को अट्टो ? ववेह’ एवं अंतरिक्खथिआ ते देवा

१ चामरोत्तंसमिषात् । २ गर्तादि- । ३ गुहा । ४ कमलापीडं । ५ त्सरु=खड्गमुष्टिः । ६ निर्मोकः=सर्प-  
ञ्चुककः । ७ कपयः । ८ पर्यस्ताः । ९ सिकतोत्करैः ।

चिलाए भासेडरे । गयणसंठिअमेहमुहनागकुमारदेवे दट्टृणं अचंततिसिआ विअ भाल्लप-  
 ट्ठेमुं निअद्धंजळिणो ते वयति-पुव्वं अणस्कते अम्हाणं देसे अहुणा कोवि आगओ अत्थि,  
 जह सो गच्छेज्जा तह कुणेह त्ति । ते मेहमुहदेवा एवं कर्हिंति-मर्हिंदो विअ देवामुरन-  
 रिंदाणमपि अजयणिज्जो अय भरहचक्रवट्ठी अत्थि, 'टंकाण गिरिपासाणो व्व मही-  
 यलमि चक्रवट्ठी' मंत-तत-विस-सत्थ-वन्दि-विज्जाइण अगोयरो होइ, तह वि हि  
 तुम्हाण अणुरोहेण अम्हे इमस्स उपसगं करिस्सामु त्ति घोचूण ते तिरोहिया । तक्ख-  
 णाओ कज्जल्लसामण्णा जलहरा भूमियलाओ उइहेज्जण अंभोहिणो इअ नहयलं भरंता  
 सजायंते, ते विज्जुरुत्तजणीए चक्रवट्ठिस्स सेणं तज्जतीअ, उज्जियगज्जियरवेहिं असइं  
 अक्कोसत्तीअ नज्जंति, तक्खणंमि ते मेहा नरिंदरंधावारस्स चुण्णकरणं तप्पमाणुज्जय-  
 षडरसिलोअमा अपरिं चिटंति, ते लोहग्गेहिं इअ नाराएहिं विअ दडेहिं पिअ जलधाराहिं  
 वरिंसिउ तत्थ पणट्ठति, सव्वओ वि मेहजलेण भूयले पूरिज्जमाणे तत्थ रहा नावा विअ,  
 गयाइणो मगरा इअ दीसति, काल्लचित्त्व फुरंतेण तेण मेहधयारेण आडच्चो कत्थ गओ इअ,  
 पद्धवापणट्ठा विअ आसि । तयाणिं महीयलंमि एगंधयारत्तणं च इक्कजलभावो य त्ति जुगयं  
 दुग्णि अम्मा मजाया । चक्रवट्ठी वि अणिट्ठ-दाइणिं उक्किट्ठुट्ठिं पेक्खिअण नियहत्थेण पिय-  
 भिच्चं पिअ चम्मरयणं फासेइ, चक्रवट्ठिकरफुडं तं चम्मरयण उत्तरदिसिपत्रणेण वारिधरो  
 पिअ तुवालसजोयणाट्ठ वड्ढित्थां, समुद्धमज्जस्स भूयले विअ जलोवरिथिए तंमि चम्मरयणे  
 समाह्विय ससेणिओ नरिंदो चिट्ठेइ । तह त्रिहुमेहिं खीरसमुद्धमिव अइचारुहिं नवनअ-  
 सहस्सेहिं सुवण्णसलागाहिं मडिय, नालेण पकयमिव वण-गंधिविहीणेण सरलत्तण-  
 रेहिरेण सुण्णदंडेण सोहियं, जलाऽऽतव-आउ रेणुरक्खणक्खणं उच्च पुट्ठीवर्दं पाणिणा  
 फुरिसेइ, त च चम्मरयणं अ वड्ढेइ । नरिंदो अंपयारविणासणट्ठ उच्चदडस्स उपरिं  
 तेएण अद्रकृतमाणु मणिरयणं ठवेइ । तया उच्चचम्मरयणाण त सपुड तरतं अडं पिअ  
 विराएइ, तओ पहुंति लोममि 'वम्हंड' त्ति रूप्पणा होत्था । गिहिरयणप्पहावओ  
 सुक्खेत्तंमि विअ चम्मरयणंमि पच्चूसे वविआड घण्णाइं सायं निष्फेज्जंति, तह पभाए  
 उत्ता कोहड-पाठेक्का-मूलाउणो दिणते जायते, दिणमुहंमि वविआ चूय-कयली-  
 पमुहफळट्ठमा महापुरिसाणं पारंगा विअ दिवसपज्जते फलेडरे, तत्थ यिआ पमुइयजणा  
 एयाइं घण्ण-साग-फअड भुजति । उज्जाणकेलियमपण्णमा इअ सेण-परिस्सम न  
 जाणेडरे, एअं भरहनरवई सपरिवारो नियपासायत्थिओ पिअ तत्थ चम्मरयणच्छत्त-  
 रयणमज्जंमि सत्थो अत्रचिट्ठेइ । तया तत्थ रूप्तकाल्लव्व अत्रियवरिममाणेण ताण

१ पापाणनेदनमात्राणाम् । २ अतत्तर । ३ निणयत्ते । ४ पाल्क्या-शाकविशेष ।

नागकुमारदेवाणं सत्त अहोरत्ताइं होत्था । 'के एए पावा मम एरिसमुवसगं काउं समुज्जय'  
 त्ति भरहनरिंदस्स भावं वियाणिय अह ते महोयंसिणो सया संनिहिया सोत्तससहस्साइं  
 जक्खा सण्णद्धा वद्धनूणीरा'जियारूढधणुक्का कोहानलेण सव्वओ सव्वे डहिउं इच्छंता  
 आगच्छिज्जण मेहमुहनागकुमारे एवं ववेइरे—'अरे वराया ! जडा विव तुम्हे महीनाहं चक्क-  
 वट्ठि भरहेसरं किं न जाणेह ? वीसस्स वि अजयणीए अमुंमि नरिंदमि अयं आरंभो  
 दंतीणं महासिलुच्चए दंतपहारो इव तुम्हाणं चिय विपत्तीए सिया, एवं समाणे वि मंकुणा  
 विव सिग्घं अत्रगच्छेह, अण्णह तुम्हाणं वाहं अदिट्ठपुण्यो अवमच्चू होही' इअ ताणं  
 जक्खाणं वयणं समाकण्णिज्जण अच्चंतवाउला ते मेहमुहा देवा इंदजालिया इंदजालं  
 पिव खणेण तं मेहवलं संहरेइरे, तओ य ते मेहमुहदेवा चिलाए उवगंतूण कट्ठिति—  
 'तुम्हे गंतूणं भरहनरिंदं सरणं अंगीकुणेह' त्ति । तओ ताणं वयणसवणेण हयासा  
 ते मिलेच्छा अण्णणसरणा सरणं भरहेसरं सरणट्ठं गंतूण अहीणं फणामणिणो  
 विव एगओ पुंजीकयमणिणो, मेरूणो य अंतसारं पिव चारूचामीकरुक्केरं, आसरयण-  
 पडिर्विवाइं इव आसाणं लक्खाइं पाहुडमि अर्पिति, नमिज्जण य मत्थए निवद्धंज-  
 लिणो ते वंदीणं सहोयरा इव चाडुगन्धिभयवायाए उच्चएहिं भरहचक्कवट्ठिणो वएइरे—

विजएसु जगन्नाह !, पयंडाखंडविक्कम ! ।  
 आखंडलो इवासि तुं, छक्खंडखोणिमंडले ॥

नरवइ ! अम्हाणं भूमीए वप्पसरिसवेयइठपव्वयस्स गुहापंओलिं तुमं विणा उग्घा-  
 डिउं को समत्थो ?, आगासंमि जोइसचक्कं पिव जलोवरिं खंधावारं धरिउं तुमं अंतरेण  
 अण्णो को खमो ?, एवं अच्चव्भुयसत्तीए हे सामि ! सुरासुराणंपि अजेओ त्ति विण्णा-  
 ओ सि, अम्हाणं अण्णाणजायावराहं सहसु, अहुणा अम्हाणं पिट्ठीए नवजीवाउं हत्थं देसु,  
 इओ परं नाह ! तुम्हं आणावसवट्ठिणो अम्हे इह ठाहिमो । किच्चविज्ज भरहनरिंदो वि  
 ते मिलिच्छे साहीणं किच्चं सक्कारिज्जण य विसज्जेइ, 'उत्तमाणं हि पणामंतो कोहो  
 होइ' । अह सुसेणसेणावई नरिंदाणाए गिरिसागरमज्जायं सिंधुनईए उत्तरनिक्खुंडं  
 साहिज्जण समागच्छेइ । महीवई नियाऽऽरियजणसंगमेण अणज्जे वि आरियत्तणं काउं  
 इच्छंतो विव भोगे उवभुंजमाणो चिरं तत्थ चिट्ठइ । अण्णया दिसाणं विजए पंडिभू कंति-  
 सोहिरं चक्करयणं आउहसालाओ निस्सरेइ, चुल्लहिमवंतगिरिं पइ पुव्वदिसामग्गेण  
 गच्छंतस्स चक्करयणस्स पहेण कुंलाए पवाहो विव राया गच्छेइ, कईहिं पयाणेहिं

लीलाए गयंदो इय वच्चमाणो भूई चुल्लहिमवतगिरिणो दाहिणिल्लं नियवभाग पावेइ, नरिंदो भुज्ज-तगर-देवदारु-वणाउलंमि तंमि ठाणंमि मरिंदो पंडगवणंमि विव सिगिरिं निहेइ, तत्थ य उसहनंदणो चुल्लहिमवतगिरिकुमारं उदिसिज्जण अट्टमं तव कुणेइ, 'कज्जसिद्धीए तवो हि पढम हवइ मंगलं,' तओ य अट्टमभत्तंते पच्चूसकाले आइच्चो इव महातेयंसी नरिंदो रहारूढो सिविर-समुदाओ निगच्छेइ, महीवडणं पढमो सो वेणेण गंत्तण हिमवतगिरिं रहग्गभागेण तिसखुत्तो ताडेइ, अह वेइसाह-ट्टाणत्थिओ भूनाहो हिमवतगिरिकुमारस्सोवरिं नियनामंक्रियं सरं विसज्जेइ ।

हिमवतगिरिकुमारदेवविजओ, उसहकुडम्मि नामलिहण—

सो चाणो विहंगुव्व गयणेण वावत्तरिं जोयणाइ गंतूण हिमवतगिरिकुमारस्स पुरओ पडेइ । सो देवो गओ अंकुस पिय तं सरं पेक्खिज्जण तक्कालं कोवेण लोहियौ-इयओयणो जाओ, स करेण तं सरं वेत्तूणं तत्थ य नामक्खराः दट्टूणं पैण्णगदंसणाओ दीवो विव समं पावेइ, तओ स पहाणपुरिसेणव्व रण्णो तेण इसुणा सह उवायणाइं गहिज्जण भरहनरवडं अभिगच्छेइ । अह सो अंतरिक्खट्ठिओ जय जयत्ति वोत्तूणं पढम भरहनरिंदस्स त कडं कंडगारो इव समप्पेइ, तओ सो कप्पतरुपुष्फमालं गोसीसचदणं सन्वोसहीओ तह य सव्वओ सारं पोम्मदहजल च भरहरायस्स देइ, पुणो सो पाहुड-मिसेण दडंमि कडगे बाहुरक्खे देवदूसवसणाइं च पयच्छेइ, तओ हे सामि ! उत्तरदि-सापज्जते तुम्ह भिच्चो विव अहं चिट्ठिस्स ति वोत्तूण विरमतो सो रण्णा सक्कारिज्जण विसज्जिओ नियट्टाण गच्छेइ । भरहनरिंदो तस्स गिरिणो सिहरं पिय सत्तूणं मणोरहं पिय रह पन्ना वाळेइ, तओ उसहसामिनदणो उसहकूडगिरिं गतूण रहसीसेण तिवसुत्तो त गिरिं गयंदो दत्तेणेव पहरेइ, तत्थ पुहवीरई रह ठमिज्जणं हत्थेण कागिणीरयणं गिण्हेइ, तस्स गिरिस्स पुव्वकंडगम्मि कागिणीरयणेण 'इमीए ओमप्पिणीए तडयार-पज्जंतंमि अह भरहो चक्काट्ठी अम्हि' ति वण्णे लिहेइ, तओ निअट्ठिज्जण सयायारो सो निय संधानार आगच्छेइ, अट्टमतवस्स य पारण कुणेइ, तओ नरीसरो चुल्लहिमवतगिरिकुमारदेवस्स चक्काट्ठिसंपयाणुरूप अट्टाहियामहूसव कुणेइ । गगासिंयुमदानईण अतरालमहीयले अमा-यंतेहिं पिय गयणमि 'उप्पन्माणेहिं तुरगमेहिं, सइण्णभारपरिक्खिताऽऽणिं सिंचिउकामेहिं पिय मपजलपनाह भरतेहिं गर्धसिंपुरेहिं, उऽमनेमिरेहाहिं पुढमिं सीमंतेहिं अलंक्रियमिव

१ वीणावत्त=संग्रामकाले सम्मानविशेष । २ लोहितायित=रक्तलोचन । ३ मर्षदशनाद् दोगो निर्वा-  
णमेति-इति लोफान्वयता । ४ वाण्डकार इव । ५ कटव-गिरिमध्यभाग । ६ उत्पन्नमाने ।

कुणमाणेहिं उत्तमरहेहिं, महीयले पसरंतेहिं अवीयपरक्कमेहिं मणूसमइयं दंसंतेहिं कोडि-  
संखपाइक्केहिं, आसवाराणुगामी जच्चमयंगओ इव चवकरयणाणुगामी चक्कवट्टी वच्चंतो  
वेयड्ढगिरिं पावेइ ।

नमि-विणमिविज्जाहराणं विज्जओ--

तओ नमि-विणमि-विज्जाहरपइणो पइ पुढवीवई 'दंडमग्गणं मग्गणं पेसेइ ।  
ते विज्जाहर-वर-वइणो तं च मग्गणं आलोइऊणं कोवाडोवसमाविट्ठा परुपरं इअ  
वियारंति-इमस्स जंबूदीवदीवस्स एत्थ भरहखेत्तंमि अहुणा इमो भरहो पढमो चक्कवट्टी  
उप्पन्नो, अयं वसहकूडगिरिंमि तायं चंदविंयं पिव नियं नामं लिद्धिऊण तओ वलिओ  
एत्थ समागओ, गयस्स आरोहगो इव अस्स वेयड्ढपच्चवयस्स पासंमि कयट्ठाणो वाहुवल-  
गव्विओ एसो अत्थि, तम्हा एसो ज्याभिमानी समाणो अम्हाहितो वि दंडं वेत्तुं इच्छंतो  
एयं पयडं सायगं अम्हाणमुवरिं निक्खिवित्थ त्ति मण्णेमि एवं ते अन्ननुन्नं वोत्तूणं  
उट्ठाय संगामकरणं न्णियवलेहिं गिरिसिहरं ढक्कंता नोसरंति । अह सोहम्मेषाणनाहाणं  
देवसेण्णाइं पिव ताणं नमि-विणमीणं आणाए विज्जाहराऽणीगाइं उवागच्छंति, ताणं उच्च-  
एहिं किलकिलारावेहिं वेयड्ढगिगी समंतआं हसेइ इव गज्जेइव्व फुट्टेइ विव विभाइ, विज्जा-  
हरिंदसेवगा वेयड्ढस्स कंदरे इव सुवण्णमइयविसालदुंदुहिणो वाएइरे, उत्तर-दक्खिण-  
सेढीणं भूमि-गाम-नयराहिवा विचित्तरयणाभरणा रयणागर-सुया विव अक्खलंतगइणो  
गयणे गरुला इव नमि-विणमीहिं सद्धिं ताणं अररा मुत्तीओ इव चलंति । केवि माणिवक-  
पहा-पहासियदिसिमुहेहिं विमाणेहिं वेमाणियदेवेहिं असंलक्खणिज्जभेया वच्चेइरे, अण्णे  
सीअराऽऽसारवरिसीहिं पुक्खरावट्टमेहसरिसेहिं गज्जंतेहिं गंधसिंधुरेहिं गच्छंति, केइ  
इंदु-भाणुपमुहजोइसियाणं अच्चिण्णेहिं पिव सुवण्णरयणरइयरहेहिं चलेइरे, के वि गय-  
णंमि वैग्गुं वग्गंतेहिं वेगाऽइसयसालीहिं वाउकुमारेहिं पिव 'वाईहिं निग्गच्छेइरे, केइ सत्थ-  
समूहवाउलहत्था वज्जसंनाहधारिणो पत्रंगव्व पवमाणा पाइक्का जंति । अह ते नमि-  
विणमिणो विज्जाहरसेणापरिवरिआ सण्णद्धा जुज्झिउं इच्छंता वेयड्ढगिरित्तो उत्तरिऊण  
भरहनरवई उव्वगच्छेइरे । मणिमइयविमाणेहिं गयणं बहुसूरमइयं पिव, पजलंतेहिं पहर-  
णेहिं विज्जुमालामइयं पिव, पयंडदुंदुहिसदेहिं मेहघोसमयमिव कुणंतं विज्जाहरसेणं  
आगासंमि भरहो पासेइ । तओ 'अरे दंडंत्थि ! अम्हेहितो तुयं दंडं वेत्तुं इच्छसि !'  
त्ति वयंता विज्जुम्मत्ता ते दुण्णि भरहनरिंदं संगामाय आहवंति । अह सो भरहनरिंदो

१ दंडमार्गणम्-दंडयाचकम् । २ शीकरः=जलकणः । ३ आच्छिन्नैः=बलात्कारगृहीतैः । ४ वल्लु=  
सुन्दरम् । ५ वाजिभिः तुरगैः । ६ दण्डार्थिन् । ।

ससेण्णेहिं तंहेहिं - सह पच्चेअ जुगवं च विविहजुद्धेहिं जुज्जेइ, 'जं जयसिरीओ हि जुद्धेण लहणीआउ' ति । एवं दुवालसवाससंगामकरणेण जिया ते विज्जाहरवङ्गो- कयंज-  
ल्लिणो पणिवइय भरहनरवइं वयंति —

आहच्चोवरिं को तेओ ? चाउस्मोवरिं को जवी ? ।

मोअखस्सोवरिं किं सोक्ख ?, को य सूर्ओ तुमोवरिं ? ॥

हे उसहनंदण ! तुम्ह दंसणेण सकरं अज्ज उसहभयवंतो द्विट्ठो, अन्नाणाओ अम्हेहिं तुम जं जुज्जविओ त सामि ! खमसु, पुरा उसहसामिणो अम्हे भिच्चा आसिमो, अट्टणा तुम्ह पि सेजगच्चिय, 'सेशापउत्ती सामिव्व सामिनंदणे न लज्जाए सिया,' दाहिणुत्तरभरहड्डमज्झाद्विवेयड्डगिरिणो उभयपासेसु तुव सासणेण इहं दुग्ग-  
पालव्व अम्हे ठाइस्सामो ति वोत्तूण विणमी नरिंदो उवहारं दाउं इच्छमाणो वि मग्गिउं इच्छंतो विव अंजलिं विहेऊण अच्छराहिं सिरिं पिव आवगाहिं गंग पिव सहस्ससंखाहिं सव्वओ त्रयसाहिं परिवरियं नामेण म्मुभइं उत्थिरयण विरीभूयसिरिमिउ नियं दुहिय हरणो पदेउ ।

इत्थीरयण—

तं उत्थिरयणं केरिसं जहा—मुत्तं दाउणं निम्मिय पिव समचउरसागार, तेलुक्क-  
मज्झवट्ठि माणिवरुतेयपुंजमइयमिव, कयण्णुहिं सेवगेहिं पिय सया जोव्वणेण सिरिमतेहिं नहेहिं केसेहिं च अच्चंत विरायमाणं, वलपदायग—दिव्वोसहिं उ सव्वामयोउसमगं, दिव्व-  
वारिच्च जहिच्छ-सी-उण्हसफरिस, केसाउंसु तीसु ठाणेसुंसाम, देहाइंसु तीसु सेयं, करयगईंसुं  
तेव, यणाईंसु उण्णयं, नाहि—आउंसु गहीर, निउंजाउंसु त्रित्थिणं लोयणाउंसु डीह, उयराउ-  
तींसुं किमं, केसपामेण मऊराण कलावे जयंत, भालेण अट्टमीचउ पराभवत, रइ—पीउंसं  
'कीया—दिग्गिआओ इव नयणाउ धरत, भाल—लायण्ण—जलधारमिव दिग्गनामिय, नउसु-  
वण्णाऽऽयमेहिं पिय गल्लेहिं मोहियं, अंगलगाकरणेहिं 'डोलाहिं पिव रेहिर, सहजायविउ-  
फउ—विउंविणो अहरे धरत, उज्ज—खंड—मेणि—मरिममोहिर—उंतेहि उज्जिर, टयर पिव  
तिरेहामोहियउं, नत्तिणीनाउसरलाओ विसकोमलाओ वागओ धरमाणं, मयणम्म सल्ला-  
णअल्लंसे पिय यणे धरंत, नाहि—वावी—तीर—दुरुव्वाउत्तिमिउ रोमाउं वडमाण, कामस  
मेउजाए उउ विसाउनियउभागेण तह य डोलासुउण्णयंमेहिं पिय उरुहिं विराउयं, जंयाहिं  
हरिणीजयाओ अहरीउणत, पीणीहिं पिय पाणहिं परायाउ परामवतं, पाणिपाउगुल्लिउत्तेहिं

१ 'यमम् । २ 'मो'दापिरे=क.दापावी । ३ आत्ताभ्याम् । ४ दोताभ्याम् । ५ वज्रायता =दांगवत्ता ।



पल्लवियवलिमिव, पयसासत-नदस्यणेहि रयणावत्तर्हिगव, गिरिवसहस्रनाह्वयमवमेहि  
चलंत-मउय पवभ-जायलहरीहि नः पिव मोहमार्ग, निम्नस्यपहानरंगमसजोभमावयवेहि  
रयणसुवण्णमयाडं भूमणाडं पिव भूमयंतं, गिहृषो छाहोण विव हन-भान्दिणी तह य हेमेहि  
पउमिणि पिव भंयरंतनामगेहि निमेगियं, पयारिसं इन्धिरसदं विण्णेय-वं ।

तह नमिविज्जाहरीदो वि महामुन्याडं भुणाडं भनहचक्रवट्टिणो समयेड. 'गिरिवसा  
नयंमि सामिमि हि मउप्याणं अदेयं किं ।' अह भनहराण्य विमज्जिभा तं नमिविणमि-  
विज्जाहरीदा भयाभो विरज्जमाणा नियनियपूत्तं रुज्जाडं समारोविज्जण चयहमा-  
मिणो अविमुल्लमि नयं गिहृहेइं ।

गंगादेवी-नट्टमालदेवविजभो—

तथो वि चलंतचक्रवणस्म गिहृषो गच्छंतो भरहनरवई अमदतेभो 'मंदा-  
इणीतडं समागच्छेइ, वसुमईनाहो जण्ठवीगैयणस्म न अचचामण्णे नाइदुंमि मेणाडं  
आवासेइ, सुमेणमेणावई नरिदादेसेण मिधुव्व गंगं उन्नरिय गंगाए उन्नरनिकसुडं  
साहेइ । तथो सो चक्रवट्टी अट्टमभणेण गंगादेवि साहेइ, 'उवयारो रामन्धानं मज्जो  
हवइ सिद्धीए' । सा गंगादेवी भरहनरिदस्स रयणसिंघाणणदुगं अट्टचनं च रयणकुंभ-  
सहस्सं समपेइ, तत्थ स्वलायण्णकिंकीकयमयणं भरहनरवई दट्टणं गंगा वि स्याडं  
पावेइ, वयणमयंकाणुगय-तार-नारागणेहि पिव मुचामइयविभूमणेहि सव्येणे विरायमाणा,  
वत्थस्वपरिणयाडं नियपवाहज्याडं पिव कयलीगवभ-देहीसरिसाडं वन्थाडं धरंती,  
रोमंच-कंचुको<sup>१</sup>दंचिर-धण-फुट्टियकंचुया सयंवरमालं पिव धवलं दिट्ठिं खिवंती, नेह-  
गग्गरवायाए पत्थिवं गाहं पत्थिज्जणं कील्लिडं इच्छंती गंगादेवी कील्लानिकंयणं नेइ ।  
तत्थ राया गंगादेवीए सह विविह-दिव्व-भोगे भुजमाणो एगदिणं पिव वरिसाणं  
सहस्सं सो अइवाहेइ, कहंचि वि जण्हविं संवोहिज्जण अणुण्णं च वेत्तुणं सो भरइो  
पवलवलेहिं सह खंडपवायागुहं अभिचलेइ ।

अह वलेण अइमहावलो सो वि खंडपवायागुहाए दूरओ सेण्णं निवेसेइ, तत्थ  
भूवई नट्टमालदेवं मणंसि किच्चा अट्टमं तवं कुणेइ, तस्स य आसगं पकंपेइ । सो  
देवी ओहिनाणेण तत्थ आगयं भरहचक्रवट्टिं जाणिज्जण उवायणेहि आगच्छेइ, छक्खं-  
डपुहविवइणो भूरिभत्तिभरनिव्वभरो सो देवी भूसणाइं अप्पेइ, सेवं च पडिवज्जेइ ।

तओ विवेगवतो नरिंदो कयनट्ट नडं पिव नट्टमालसुरं पसायपुव्वयं विसज्जेइ, पारणं काऊण तस्स य देवस्स अट्टाडियामहूसरं विहेइ, तओ य सुसेणसेणावइ 'सडपत्ताय गुहा उग्घाडिज्जउ' ति आदिसेइ । तओ चमूनाहो नट्टमालदेवं मंतव्व मणमि किच्चा पोसहसालाए अट्टमतं ऋरिऊण पोसहं गिण्हेइ, अट्टमतवते पोसहागाराओ नीसरिऊण पडट्टाए आयरिओ विव वलिविहिं विहेइ, तओ य विदियपायच्छित्त-कोउय-मंगलो महग्ग-येत्र-नेवत्य-धरो धूत्रदहणं धरितो सडपवायगुहं पयाट, आलोगमेत्ते वि य नमिऊण तीए कनाडाइं अच्चेइ, तओ य तत्थ अट्टमगलं लिहेइ । अह सो सेणावई कथाहुग्गाडणाय सत्तट्टपयाइं अवसरिऊण ऋचणमइयकुंचिग पित्र दंडरयणं उवादेइ, तेण दंडरयणेण आहय तं ऋत्राडदुगं आडच्चरस्सि-पुट्ट-पंकयकोसव्व उग्घटेइ, दुवारुग्घाड-णममायारं चक्कट्टिस्म निवेएइ । तओ सो भरहनरिंदो इत्थिसंधमारुद्धो गयस्स दाहिणकुंभदेमंमि मणिरयणं निवेसित्ता तं गुहं पविसेइ, सेणाहिं अणुसरिज्जमाणो भरहो तिमिरविणासणट्ट पुव्वमिव कागिणीरयणेण तत्थ मडलाइ आलिहंतो वच्चड । गुहा-पच्छिमदिसाए मिचीए नीसरंतीओ पुव्वदिसाभित्तिमज्झभागेण गतूण दुण्णि सहीओ सहीए उव जण्हरीनईए मिलंतीओ उम्मग्ग-निमग्गाओ नाम ताओ नईओ भूवई पावेइ । पुव्वमिव य पज्जेए तीओ पि नईओ सेणाए सह लवेइ । तओ तीए गुहाए दक्खिणदुवारं सेण्ण-सैल्लाऽऽउरेण वेयड्ढगिरिणा पेरिअं पिव सणेण सय चिय उग्घटेइ । तओ नरीसरो तीए गुहामज्झाओ केसरिव्व निग्गच्छिऊण गंगाए पच्छिमतडंमि रंथा वारं च निहेइ ।

नवनिहिणो—

तत्थ पुडवीउई नव निहिणो उदिसिता अट्टमतं कुणेइ, 'पुव्वं हि उवज्जियल-दीणं लंभणे मग्गपयंसगो तरो सिया' । अट्टमतस्स पज्जंते पच्चेवं जययसहस्सेण सह अडिट्टिया ते सइ विम्भुआ नव निहिणो भरह अभिगच्छंति, त जहा—

नेसणो अचि पट्टअ-पिंगल-मव्वरयणामया निहिणो ।

महपोम्म-कालया गुण, महकालो माणवी सग्गो ॥

ते य मव्वे निहिणो अट्टचक्कपडट्टाणा, ऊसेट्टमि अट्टजोयणा, नवजोयणवित्थि-णा, दीहत्तणे दुवाल्लस-जोयणा, वेरल्लिय-मणिऋत्राड-थगिय-वयणा कचणमइआ रयण-मंपुण्णा चन्दाइच्चलट्टणा । ताण निहीणं नामेहिं तयहिट्टायगा पल्लुत्रमाउमा नागट्टमार-

देवा तन्निवासिणो संति । तत्थ १-नेसप्पनिहित्तो खंधावार-पुर-ग्गामाऽऽगरदोण-  
मुह-मडंब-पट्टणाणं विणिवेसणं होइ । २-पंडुअनिहीओ माणुम्माण-पमाणणं सव्व-  
गणियस्सा तह य धण्णाणं वीयाणं च संभवो सिया । ३-पिंगलाओ निहीओ  
नराणं नारीणं हत्थीणं वाईणं सव्वाभरणविही नज्जइ । ४-सव्वरयणामइए निहिम्मि  
एगिंदियाई सत्त वि रयणाई सत्त य पंचिंदियरयणाई चक्कवट्टिस्स जायंते ।  
५-महापउम-महानिहित्तो सव्वविच्छित्तिविसेसाणं सुद्धाणं वण्णजुत्ताणं च वत्थाणं समु-  
प्पत्ती संजायइ । ६-कालनिहित्तो भावि-भूयभावाणं वट्टमाणस्स य त्ति कालत्तयस्स  
नाणं किसिपमुहाई कम्माई अन्नाई पि सिप्पाई च हुंति । ७-महाकालनिहिंमि  
विहमरयय-सुवण्ण-सिला-मुत्ताहल-लोहाणं तह लोहाइआगराणं समुभवो सिया ।  
८-माणवनिहित्तो जोहाणं आउहाणं सन्नाहाणं च संपयाओ असेसा वि जुद्धनीई दंड-  
नीई य जाएइरे । ९-संखमहानिहीहित्तो चउहा कव्वनिप्फत्ती, नट्ट-नाडगाणं विही  
सव्वेसिं च तुरियाणं समुप्पत्ती भवइ । एयारिसा नव निहिणो वयंति-‘महाभाग !  
तुम्हेच्चयपुण्णुदग्गवसीकया अम्हे गंगासुहभागहतित्थनिवासिणो तुमं अभिसमागया,  
जहिच्छं निरंतरं च उवभुंजसु पदेहि य, कया वि अंबुहिंमि जलं झिज्जइ,  
अम्हे उं न झिज्जामो एवं सव्वेसु निहीसुं वसं पत्तेसुं नरिंदो अट्टमतवस्स पारणं  
ताणं च निहीणं अट्टाहियामहुच्छवं कुणेइ । सुसेणसेणावई वि नरिंदाणाए गंगा-  
दक्खिणनिक्खुडं पल्लिं पिव लीलाए सव्वं साहिउण समागच्छेइ । तत्थ पुढवीवई  
लीलाए अक्कंतपुव्वाऽवरपयोनिही वीओ वेयइइगिरिव्व बहुकालं चिट्ठइ ।

अउज्झानयरीए पवेसमहूसवो—

अण्णया भरहनरवइणो साहियाऽसेसभरहखित्तं गयणट्टियं चक्कं अउज्झासंमुहं चलेइ,  
तया भरहमहाराओ वि कयसिणाणो बलिकम्मं च विहेउण सुणेवत्थधरो कय-पायच्छित्त-  
कोउयमंगलो देवराओ इव महागयंदखंधारूढो, कप्पदुमेहिं पिव नवनिहीहिं पुट्टकोसो,  
सुमंगलाए सुमिणाणं भिण्ण-भिण्ण फ़लेहिं पिव चउदसमहारयणेहिं निरंतरं परिवरिओ,  
रायाणं कुलसिरीहिं पिव कमेण परिणीयरायकन्नाहिं वत्तीसाए सहस्सेहिं समण्णागओ,  
तह जणवयसमुप्पणावरवत्तीससहस्साऽइसुन्दरसुन्दरीहिं अच्छराहिं पिव परिसोहिओ,  
पाइक्केहिं व वत्तीसरायसहस्सेहिं चुलसीए य हय-गय-रह-सयसहस्सेहिं संजुत्तो,  
छण्णवइसुहडकोडीहिं ढक्कियभूयलो पढमपयाणदिवसाओ सट्टिवाससहस्सेसुं अइक्कं-  
तेसु समाणेसु चक्कमग्गाणुसारी चलेइ । सेण्णुद्धयधूलीपूर-फरिस-मल्लिणिए खेच-  
रे वि भूमि-लूढिए विव करंतो, सेण्णभाराओ महीभेयंसकुप्पाएण भूमिमज्झवासिणो

१ द्रोणमुखम्=जल-स्थलाभ्यां यत्र गमनं स्यात् तन्नगरम् । मडम्बम्=यत्र योजनं यावद् ग्रामो न स्यात्  
तादृक् स्थानम् । २ विच्छित्तिः-रचना । ३ मल्लितान् । ४ शङ्कोत्पादेन ।

वंतरे भुवणवर्णो विय वीहावतो, गोउलमि गोउलमि वियसंतनयणाणं गोवगणाणं मक्खणं  
 अणय अणं पिव भचीए गिण्हमाणो, वणमि वणमि चिलायाण कुंभि-कुंभत्यलुब्धयमो-  
 त्तियपमुहपाहुडाइ गिण्हतो, पच्चए पच्चए पच्चयवासिभूवेहिं पुरओ ठत्रियं रयण-सुवण-  
 खणि-सारवत्थु अणेगसो अंगीकुणंतो, गामे गामे सोकंठियगाममुद्धे वंधवे इव  
 सपसायं गहियाऽगहियपाहुडेहिं अणुगिण्हतो, खेत्तेहिंतो गावीओ इव वीसु पसरि-  
 यनियसेणिगे पयंड-नियाऽऽणालट्टीए गामेहिंतो रत्तमाणा, पवंगमे इव रुत्तसमारुड-  
 गामिल्लदारणे तणए जणो विय सहरिसं पासमाणो, सच्चया उव्वररहिय-धण-धन्न-  
 जीनपणेहिं गामाणं संपयं नियनीडलयाए फलं चिय पासंतो, नईओ पंक्किलीकुणंतो,  
 सरोजराइ परिसोसंतो, वात्री-क्खे य पायाळविनरोजमे कुणमाणो, मलयगिरिपवणुच्च  
 लोगाणं सुहं दिंतो दुब्बिणीयाऽरिसासणो नरवई सणियं सणियं गच्छतो विणीयान-  
 यरिं पावेइ । महीपई तीए नयरीए सहोयरमिन्न अतिहीभूयं रांधामार अउज्झाप समीपमि  
 निवेसेइ, तओ सो रायसिरोमणी त रायधणिं मणसि काऊण निरुत्तसगपच्चयं अट्टमं  
 ता विहेइ, अट्टमतवंते पोसहसालाओ निःमिऊण अन्ननिवेहिं सह दिव्वरसपईए पारण  
 कुणेइ । अउज्झानयरीए पए पए दिगंतराऽऽगयसिरीणं कीलादोळा इव उच्चएहिं तोर-  
 णाइं वधिज्जति, पउरजणा पइमि पइमि जिणजम्मणमइमि गधंतुवुट्टीहिं पिव कुंकुमवा-  
 रीहिं उंटण कुणेइरे, पुरओ अणेगीभूय समागयनिहीहिं विय सुवणयंभेहिं मचए विरयंति,  
 अणुणुणसंमुहसठिया ते मंचया उत्तरकुरुवियदइपचगस्त उभयपासओ दस दस कंच-  
 णगिरिणो इव रेहंति । पडिमचं रयणमइयतोरणाइं इंदधणुहसेणिसोहापराभव कुणताइ  
 सति, विमाणेसु गंपेन्नाऽणीयमिन्न मंचेसु गाइगाजणो वीणामयंगाइवायगजणेहिं सह  
 अत्रचिहेइ, मंचएसु उल्लोयाऽऽणल्लविणो भौत्तिओऊला सिरीए वासागारेसु कंति-थव-  
 इयाऽऽगासा विव पयामेइरे । पमोय-पुणपुरीदेवीए हसिएहिं पिव चामरेहिं, गयण-  
 मडणमंगीहिं इव चित्तकूपेहिं, ओऊहल्लसमागयनरत्ततेहिं विय सुवणपदपणेहिं, खय-  
 राणं हत्थपडेहिं इव अणुयवत्थेहिं, सिरीण मेहलाहिं विव विचित्तमणिमालाहिं  
 उइदीकयथंभेसु नगरजणा इट्टसोह विहेइरे । पउरजणा महुरखुणि-रयंत-सारसं  
 सरयकाल दसितीओ पक्कणतस्सिस्सिणीमालाओ पडागाओ वयेइरे, पडिहट्टं  
 पडिगेह च जक्खरुद्धमगोमएहिं लित्तंगणेसु मोत्तिअ-सत्थिए पूरिति, अग-  
 चुण्णेहिं उच्चएहिं गयणपि सुवानिडं वृविज्जमाणाओ वृत्तडीओ पए पए पूरेइरे ।  
 सुहंमि खणंमि नयरीए पयेम उच्छतो इदुव्व चक्खट्टी मेहमिन्न गज्जत  
 गयमारोहेइ । जो य कएपुरचुण्णपंडुणेण एणेणच्चिय सेयाऽऽयत्तेण मयंरुमडलेण

५ विषयक । २ गधर्तनीकम । ३ भौत्तिकवायचूला =भोतोनी सालर । ४ स्तवकित्त-सुच्छयुत्त ।

गयणं पिव परिसोहंतो, चामरदुगच्छलाओ नियदेहं संखिविय भत्तीए य उवेच्च  
 समयं गंगा-सिंधूहिं सेविज्जमाणो, फलिहगिरिसिलासारसुहुमरयकणनिम्मिएहिं  
 पिव सेय-निम्मल-सण्ह-मसिण-घण-वसणेहिं सोहंतो, रयणप्पहापुढवीए नेहेण  
 समप्पियनियसारभूयविचित्तरयणालंकारेहिं विव सव्वंगेसुं समलंकरिज्जमाणो, फणा-  
 मणिधरेहिं नागकुमारेहिं नागराओ इव आवद्धमणि-माणिकमउडेहिं निवगणेहिं परि-  
 वारिओ, गंधव्वेहिं इंदुव्व पमोयभरभरियवेयालियवंदेहिं किट्टिज्जमाणसव्वभुयगुणो, मंग-  
 लिय-तुरिय-निग्घोस-पडिसदमिसेण गयण-पुढवीहिं पि भिसं कयमंगलियइणी, तेयसा  
 सकसरिसो परक्कमस्स भंडागारं पिव नरवई जत्तेण कुंजरं .किंचि चोयंतो पयलेइ ।  
 तथा गयणंगणाओ ओइणमिव भूमिमज्झाओ य उट्टियं पिव दीहकालाओ समागयं  
 नरिंदं दट्टुं अणेगगामाहिंतो जणवग्गो समागच्छेइ, रण्णो सयला सा सेणा तत्थ य दट्टुं  
 समागओ मिलिओ सव्वलोगो तइया एगहिं समग्गो वि मच्चलोगो पिंडीभूओव्व भायइ ।  
 तथा अणीगाणं समागयलोगाणं च निरंतराऽवट्टाणेण मुत्तो तिलकणो वि हि महीय-  
 लंमि न पडेइ । वेयालिएहिं पिव हरिसुत्तालेहिं केहिं पि लोएहिं थुणिज्जमाणो,  
 चंचलचामरेहिं पिव वत्थंचलेहिं केहिं पि वीइज्जमाणो, केहिं चि अंसुंसंतो इव भाल-  
 कयंजलीहिं वंदिज्जमाणो, आरामिएहिं विव केहिं चि अप्पिज्जमाणफलपुप्फो, केहिं  
 पि सकुलदेवया इव पणमंसिज्जमाणो, गोत्तबुड्ढाजणेहिं पिव केहिंचि दिज्जमाणासी-  
 वाओ सो पुढवीवई भरहनरीसरो नाभिनंदणो समोसरणं विव पुव्वदुव्वारेण चउदुवारं  
 चिणीयानयरिं पुव्वद्वारेण पविसेइ, तांहे लग्गघडियातुरियनादा इव जुगवं पत्तेगं पि  
 मंचेसु संगीयाणि हुंति, पुरओ गच्छमाणे भूवाले रायपहाऽऽवणसंठियपसुइयपुरललणाओ  
 दिट्ठीओ इव लौए खिवंति, पउरजणपक्खित्तकुसुममालाहिं समंतओ पिहिओ भरह-  
 नरवइणो कुंजरो पुप्फरहमइओ संजाओ, पुणो सो नरिंदो उक्कंठियलोगाणं अमंदुकंठाए  
 रायपहंमि सणियं सणियं वच्चइ, नयरजणा वि गइंदभयं अगणंता भरहनरिंदस्स पासंमि  
 उवेच्च रण्णो फलाईणि समप्पिपति 'वलवंतो खलु पमोओ' । निवो कुंजरकुंभ-थल-  
 मज्झंमि अंकुसेण तालिंतो मंचाणं मंचाणं अब्भंतरंमि मयंगयं थिरीकुणेइ, तथा उभय-  
 पासेसुं मंचाणं पुरओ संठिआओ पवरपुरललणाओ जुगवं चक्कवट्टिणो कप्पुरेण आर-  
 त्तियं कुणंति, तथा भूवई दोसुं पासेसुं भमंत-जलंतारत्तिओ उभयपासथिआऽऽइच्च-मयंक  
 मेरुगिरिसिरिं धरेइ । अक्खएहिं पिव मोत्तिएहिं पुण्ण-पत्ताइं उक्खिविज्जण आवणऽग्गम्मि  
 संठिएवाणिए दिट्ठीए सो आलिंगेइ इव, मग्गासण्णपासाएसुं दुवारठिअकुलंगणाणं

१ अष्टापदपर्वतः । २ वीज्यमानः । ३ अंशुमान्-आदित्यः । ४ तदा-तस्मिन् समये । ५ मृष्टतण्डुलान् ।  
 ६ उपेत्य । ७ वाणिजान् ।

मगलाइ सो पत्थिवो नियमटणीणं विअ अंगीकरेइ, ददुट्ट इच्छमाणे परुप्परसघरिसण-  
पीलिज्जमाणे समीवट्टिए जणे उभिरत्ताऽभयपयकरो भूई वेत्तिअजणेहिं तो रक्खेइ,  
एवं गच्छतो भूमिपालो रायमंदिस्सगभूमिए उभयपासओ उच्चएहिं निअद्धमत्तगयनरेहिं  
रज्जसिरीकीलागिरीहिं पिव अट्टपुर, उंदनीलमइयगीघाभरणेणेव मणोहारिमायंद-वल  
पुण्णेण तोरणेण विभूसिअं, कत्थइ मुत्तागणेहिं कत्थइ रूपूरसुण्णेहिं कत्थइ चंदकंत-  
मणीहिं कथ-सत्थियमगं, कत्थ य चीणसुएहिं कत्थ य दुऊलसणोहिं कत्थ वि देन,  
दूसेहिं पि पडागापत्तिपरिमंडियं, अंगगमि कत्थइ रूपूरपाणीएहिं कत्थ य पुप्फ-  
रसेहिं कत्थ वि गयमयजछेहिं कपाभिसेयण, सुवण्णकलस-मिसाओ वीसत्त-  
रविमिअ सत्तभूमियच विउसंत्तिअ-महापासायं आसाएइ । तओ तस्स पासायस्स-  
अगण-ग-वेडगाए पायं निवेसितो वेत्तियदिण्णहत्थो नरिंदो गयवराओ  
उत्तरिऊणं पुव्व आयरिओ इव सोलससहस्साइं ताओ नियाऽद्विद्वायगदेवयाओ संपू-  
दऊण विसज्जेइ । तओ सो वत्तीस रायवरसहस्साइ चमूवईं पुरोहियं गिहवड वइहईं  
च विसज्जाए, पुणो सो भूई तेमट्टिअदिगत्तिसयाइं हए मयगए आणालाय विव दिट्ठीए  
नियट्टाणगमणाय आट्टिसेइ, तह महूसवसमत्तीए अतिहिणो विव सेट्ठिणो अट्टारस सेट्ठी-  
पसेट्ठीओ य दुग्गपालो य सत्थयाइे वि विसज्जइ । तओ सो भूमिपालो सक्कोःसईए  
इव सुभहाए इत्थीरयणेण-सहिओ तह रायकुलजायाण चःपवरजुअईणं वत्तीस-सहस्सेहिं  
ताअइआहिं जणवयवइरूण्णाहिं वत्तीसपत्तजुत्तवत्तीसनाडगेहिं पि परिअरिओ जवत्तराओ  
कइलासमिअ मणिरयणसिलापंतिदिण्णनयणूसवं पासाय पविसेइ । तत्थ य नरिंदो  
सीहासणमि पुच्चमूहो खणं ठाऊण काओवि संकहाओ काऊण सिणाण-निघयणं वच्चइ,  
तत्थ भरहनरीसरो सरम्मि गओ विअ सिणाणं किच्चा परिवारेहिं समं सरसाहारमो-  
यणं कुणेइ, तओ तेहिं नवरस-वरनाडएहिं मणोरमेहिं च संगीएहिं जोगेहिं जोगीव-  
कंपि काल नयड । एगया सुरनरा मत्तीए त इअ विण्णवित्ति-सकसमपरकम ! महाराय !  
तुमए निज्जाहरनरिंदसहिया एसा छएडभूमि साहिया, तओ अम्हे अणुजाणेसु अह  
तुम्ह महारज्जाभिसेयं सच्छंद कुणेमो॥

भरहस्स महारज्जाभिसेओ—

रणा तहत्ति इअ अणुणया ते देवा नयरीए चाहिरं सुहम्मसहाए खंडमिअःपुब्बु-  
चरदिसाए मडव विहेउरे, तओ ते दह-नई-समुइ-तित्थेहिं तो जलोसहि-मट्टिआओ

१ माकन्द-आम्र । २ विभ्रान्तादित्यमिव । ३ सुदान्-रसवतीकारान् । ४ श्रेणी-प्रप्रेणय =नय माला-  
कारादिजातयो नव तैलिकादिजातय इति अष्टादश ।

आहरंति । भरहमहाराया पोसहसात्वाए गंतूण अट्टमतवं कुणेइ, 'जओ तवसा पत्तं पि रज्जं तवेण च्चिय नंदइ', अट्टमतवंसि पुण्णे अंतउरेण परिवरिओ परिवारजुओ मयंगया-रूढो राया तं दिव्वमंडवं गच्छइ, अंतउरेण सहस्ससंखनाडएहिं च सह भरहो उण्णयम-भिसेयमंडवं पविसेइ, सो तत्थ सिणाणपीठं मणिमइयसीहासणं च आइच्चो मेरुगिरिमिव पयाहिणं कुणेइ, तओ पुव्वसोवाणपंतीए अच्चुच्चं सिणाणपीठं गयंदो गिरिसिहर-मिव आरोहेइ, तओ तत्थ रयणसीहासणंमि पुव्वदिसाभिमुढो भरहेसरो उवविसेइ, तथा कैइवया इव ते वत्तीससहस्साइं नरिंदा उत्तरसोवाणग्गेण सुहेण पीढमारोहेइरे, ते भूवा चक्कवट्टिणो नाइदूरपुढवीए भदासणेसुं कयंजलिपुडा तित्थयरं वंदारवो इव चिट्ठंति, तओ सेणावइ-गिहवइ-वइढइ-पुरोहिय-सेट्टिप्पमुहा वि दाहिणसोवाणमालाए पीठं आरोहि-ऊण जहकमं निय-निय-उइयासणेसु समासीणा महारायं विण्णत्तिं काउं इच्छंता इव निवद्धंजलिपुडा चिट्ठंति । तओ भरहचक्कवट्टिणो धम्मचक्कवट्टिणो उसहसामिणो इंदा विव ते आभियोगियदेवा अभिसेयनिमित्तं समागच्छंति । जलगब्भिएहिं मेहेहिं पिव, वयणणसियकमलेहिं चक्काएहिं विव, पडंतपाणियनाएण तुरियनायाणुवाईहिं साहा-विय-वेउव्विय-रयणकलसेहिं ते देवा चक्कवट्टिस्स अभिसेअं कुणंति । तओ सुहमुहुत्तम्मि ते वत्तीसरायवरसहस्सा हरिसेण नियनयणेहिं पिव निस्सरंतवहलजलकलसेहिं भर-हनरवइं अभिसिंचेइरे, तओ ते मत्थयम्मि पउमकोससहोयरनिवद्धंजलिणो चक्कवट्टि वइढावेइरे-तुमं जयसु विजयसु य । अवरे सेणावइसेट्टिप्पमुहा जलेहिं तं अभिसिंचंति जलेहिं पिव निम्मलवयणेहिं अहिथुणेइरे, अह ते उज्जल-पम्हल-सुउमारगंधकसाइय-वसणेण माणिककमिव तस्स अंगं लुहंति । पुणो ते कंति पोसगैरगेरिएहिं कंचणं पिव राइणो अंगं गोसीसचंदणरसेहिं विलिंविंति, तओ उसहसामिणो सक्कदिण्णं मउडं मुद्धा-ऽभिसित्तस्स राय-अग्गेसरस्स भरहनरिंदस्स मुद्धम्मि ते निहेइरे, मुहचंदस्स समीव-ट्टिय-चित्ता-साइणो इव रयणकुंडले रणो कण्णेसु पहिराविंति, तस्स कंठम्मि पवित्त-मोत्तियगंठिय-हारं ठविन्ति, निवस्स वच्छत्थले अलंकाररायस्स हाररस युवरायं पिव अद्धहारं ते निवेसिन्ति, अब्भंतर-अब्भयपुडमयाइं विव निम्मलकंतिरेहिराइं देवदूसाइं वसणाइं रणो ते पहिरावेइरे, निवइणो कंठकंदले सिरीए उरत्थलमंदिरकिरणमइयवप्यं पिव उद्दामं सुमणोदामं ते पक्खिविन्ति, एवं कप्पदुमो इव अणग्धवत्थमणि-माणि-काभरणभूसिओ भूवइं सग्गखंडं पिव तं मंडवं विभूसेइ, तओ सो सव्वपुरिसप्प-हाणो धीमंतो भरहनरिंदो वेत्तियपुरिसेहिं अहियारिपुरिसे वोल्लाविऊण एवं आदि-सेइ-भो ! तुम्हे गयखंधं आरोहिऊण समंतओ पइपहं च परिभमिऊण इमं विणीया-

नपरिं दुवालसवरिसपज्जंतं 'सुंरु-कर-दंड-कुदंड-रदियं अभडपवेसं निच्चपमोयं कुणेह । तओ तकरुणं चिय ते अहिगारिपुरिसा तह कुणेदरे, 'जओ रुज्जसिद्धीसुं चक्रवट्टिस्स आणा पंचदस रयणं भवइ' । अह पत्तियवो ताओ रयणसीहासणाओ उट्टेइ, तयणु तस्स पडिर्विवाइ पिय अण्णे वि नरिंदाइणो महेव हि उट्टेदरे । भरहेसरो नियागमणमग्गेण गिरिणो इव सिणाणपीढाओ उचरेइ, तह अण्णे वि नरिंदा उचरेइरे । तओ महोसाहो महीवई स पयां विय असज्जं वरहत्तिय आरोहिज्जण नियपासायं गच्छेइ, तत्थ सिणाण-घरंमि गंतूण निम्मलेहिं जलेहिं सिणाणं काज्जण धरणीधवो अट्टमभत्तस्स अते पारणं करेइ, एवं दुवालसवारिसियाभिसेयमहूसवे समत्ते सिणाओ कयवलकम्मो कयपाय-च्छिच्छकोउयमंगलो भरहनरिंदो वाहिरसहाए गंतूण ते सोलससहस्साइं अप्परवस्स गदेवे सक्कारिज्जण विसज्जेइ, तओ य पासायनारूढो पंचिंदियविसहसुह सुंजमाणो महीवई विमाणत्थिअसको इव चिट्ठेइ

चक्रवट्टिस्स सामिद्धीओ—

तस्स चक्रवट्टिणो आउहसालाए चक्र उत्तं असी दडो य एयाइं एगिंदियाइ चउरो रयणाइं सजायंते, रोहणायथे माणिककाइं पिय तस्स सिरिमंतस्स सिरिगेहंमि कागिणी-चम्म-मणिरयणाइ नक्निहिणो य हवति, नियनयरीए सेणावई गिहवई पुरो-हिओ वइइं पि चत्तारि नर-रयणाइं संजाएदरे, गयाऽऽसरयणाः वेयइहगिरिमूलंमि हवति, इत्थिरयणं तु उत्तरविज्जाइरसेदीए समुप्पणं । नयणाणंददाइणीए मुत्तीए मयंकुव्व दसहेण य पयावेण भाणुमतो विव भरइो सोहेइ, सो पुंरुवत्तणं गओ समुदो इव गभीरो, पुणो मणूससामित्तणं पत्तो वेसमणो विव, गंगासिधुपमुहचउइसमहानरंइहिं जउदीवो पिय चउइसमहारयणेहिं सो निराएइ, विहरमाणस्स उसहपट्टुणो पायाण हिट्टंमि जह सुपण्णकमलाणि हवति तह भरइभरिंदस्स नय वि निहिणो पायहिट्टधियणो वट्टेदरे, अण-प्पमुल्लकिणिय-अप्परवरुणेहिं इय सया पासत्थियसोलसदेवसहस्सेहिं परिवरिओ हवइ, नरिंदरुग्गाण पिय नरउणं वत्तीससहस्सेहिं अच्चतभत्तिभरेहिं सो निरंतरं उपासिज्जइ, नाडगाण वत्तीससहस्सेहिं पिय जणवयजायनरुग्गाण वत्तीस-सहस्सेहिं सह सो पुढवीवालो अभिरमेइ, सो पिच्छीए अनीयभूरो तिसट्टिसाहियविसयनासरेहिं वरिसुच्च तापंतयुगारेहिं विभाट, पुढवीयलंमि अट्टारस-सेदि-पसेदीहिं वरहारवम्म विरीहिं नाहिनदणो पिय पयट्टावेइ, रड-गय-इयाणं चउरासीःलक्खेहिं गाम-पाड-क्काण च उण्णपइकोडीहिं सो निराएइ, वत्तीसनयसहस्साण महीसरो, नयत्तरि



पुरवरसहस्साणं सो पहु, नवनवइसहस्सदोणमुहाणं अडयालीससहस्सपट्टणाणं च सो अहिवई, चउवीससहस्सकब्बड— मडंवाणं सामी, वीससहस्साऽऽगराणं सोलसण्हं च खेड-सहस्साणं पसासगो, चउदसण्हं संवाहसहस्साणं छप्पण्ण—अंतरदीवाणं एगूणपण्णासकुर-ज्जाणं च नायगो, एवं सो भरहखेत्तमज्झगयाणं अण्णेसिं पि वत्थूणं सासगो होत्था । विणीयानयरीए संठिओ भरहनरिंदो अखंडियमैहिपत्तं कुणंतो अभिसेगमहूसवपज्जंते नियजणे सुमरिउं पउत्तो, तओ निउत्तपुरिसा सट्टिवाससहस्साइं जाव विरहेण दंसणुक्कं-ठियनियजणे रण्णो दंसेइ—

सुंदरिं दट्टूणं भरहस्स चिंता सुंदरीए य दिक्खा—

तओ स-पुरिसेहिं नामग्गहणपुन्वयं दंसिज्जमाणं बाहुवलिणो सौयरं सुंदरिं सो गुणसुंदरो भरहो पेक्खेइ-सा केरिसी, गिम्हसमयंक्कंता नइव्व किसयरा, हिम-संपक्कवसाओ कमलिनीव मिलाणा, हेमंतकालचंदकला इव पणट्टरूवलायणा, सुक्कदल-कयलीव पंडुखामकवोला । तहाविहं परावट्टियरूवं तं संपेक्खिऊण सक्कोहं भरहचक्क-वट्टी सनिउत्तजणे वएइ-अरे ! किं अम्हकेरेवि गेहम्मि कयावि ओयणाइं न ?, लव-णंबुहिम्मि लवणाइं पि किं न विज्जंते ?, विविहरसवईविउसा सवगारा किं न संति ?, अहवा अणुणो किं निरायरा आजीविगा चोरा य ?, दक्खा—खज्जूरपमुहाइं खज्जाइंपि किं इह न सिया ?, सुवण्णगिरिम्मि सुवण्णंपि किं नहि विज्जइ ?, उज्जाणेसुं ते स्वखा फलरहिया किं संति ?, नंदणवणंमि पि हि तरवो किं न हि फलंति ?, धंडापीणाणं पि धेणूणं दुद्धाइं इह किं न वा सिया ?, कामधेणू वि सुक्कत्थणपवाहा किं णु जाया ?, अह भोज्जाइसंप्रयासु समाणासु वि सुंदरी जइ न किंचि भुंजेइ, तो एसा किं रोगपीलिआ ? । जइ कार्यंसुंदेरिमत्तक्करो इमीए को वि आमओ सिया ता किं सव्वे वि भिसयवरा खयं गया ?, जइ अम्हाणं मंदिरेसु दिव्वाओ ओसहीओ न पाविज्जंति तथा हिम-गिरी वि संपइ ओसहिविरिहो किं ? । दलिदत्तणयभिव किसयमं इमं पासंतो अहं दूमेमि, तम्हा अहो ! सत्तूहिं पिव्र तुम्हेहिं अहं वंचिओ अम्हि । ते वि निओगिणो भरहं पणमिऊण एवं वयंति—‘देविदस्सेव देवस्स गेहम्मि सव्वंपि विज्जइ, किंतु देवो जओ पभिइं दिसाविजयं काउं निग्गओ तओ पभिई एसा पाणत्ताणट्टं केवलं आयंबि-

१ संवाधः—नगरविशेषः । २ आधिपत्यम् । ३ सोदराम् । ४ ओक्रान्ता । ५ घटापीनानाम्—घडाजेवा आउवाळी गाय । ६ सौन्दर्यम् । ७ दूये ।

लाइं कुणेइ, तह जयच्चिय देवेण पव्वयती निसिद्धा तओ पभिटं एसा भावओ संजया विव हि चिदठड' । एवं सोच्चा महीणाहेण कल्लणकारिणी तुं पव्वइउ इच्छसि त्ति पुदठा सुदरी 'एव' ति वएइ । भरहनरिंदो वि साहेइ—'पमाएण अंज्जवेण वा अहं इयंतकालं इमीए वयविग्यगरो होत्या, इमा खलु अवच्चं तायपायाण अणुरूप सिया, निरंतरं विसयासत्ता रज्जाऽत्तिता अम्हे के ?, अंजुहिवारितरगुव्व आउ विणसिरं, एय जाणंता वि विसयपसत्ता जणा न जाणेइरे । दिद्वनट्टाप विज्जूए मग्गावलोयण पिव रणभगुरेण अणेण आउसेण मोकरमग्गो जइ साहिज्जइ तं सोइणयरं, मंस-मज्जा-मल-मृत्त-रुहिर-सेयाऽऽमयमइयदेहस्स पसाहणं गेहरालपकरालणसरिसं चिय, एयाए तणूए मोरूपफल वयं गिण्हिउं इच्छसि त साहु, निउणा खलु खीरसमु-दाओ वि रयणाटं चेव गिण्हेइरे' एवं पमुइएण नरिंदेण वयाय अणुण्णाया तवकिसा वि सा सुंदरी अकिसा निव ईरिखससिआ जाया ।

### सुंदरीय दिक्खा—

एयम्मि समये भयवं उहहज्जणो जंगमऊरवलाहगो विहरमाणो अट्टायगि-रम्मि समागच्छेइ, तत्थ पव्वयम्मि देवा रयण-रूचण-रूपमइय अवरं पव्वयमिव समो-सरणं रएइरे । तत्थ देसण कुणमाणं पहु जाणिऊण गिरिपालगा सिग्वं भरहचक्क-द्विस्स समीयं उवेच्च विण्णवेइरे, तथा सामिणो समागमणसमायारं समायणिऊण मेइ-णीवई छकरडभरहखेत्तविजयाओ वि अहिग पमुइयचित्तो हवइ, पत्थिवो पहुसमायार-विण्णवमाणं भिच्चाण सइदुदुवालसकोडीमुवण्णस्स पारिओसियं टेइ, 'तुम्ह मणोरह-संसिद्धीए मुत्तिव्व जगगुरू इह आगिच्छित्था' इअ मुन्दरिं रुहेइ य, तओ भरहेसरो दासी-जणेहिं पिय नियंतेउरवहुजणेहिं तीए निक्खमणाभिसेय करावेइ । अह कयसिणाणा सा सुंदरी कयपवित्तविलेवणा सदससणाइं परिहेइ, तओ जहट्टाण उचमरयणालंकारे धरेइ सीलालंकारवईए तीए वाहिरालकारा आयारपालणट्टमेव । तहट्टियाए सुदरीए पुरओ रूपसपाया इत्थीरयण सा मुभदावि चेट्ठिव्व विमाइ । तथा सा सीलमुदरी मुदरी जंगमा कप्पवल्लिव्व जो ज मग्गेइ तं तस्स अविटंमिय विपरेइ, कप्पूर-बुलि-धवत्र-वत्थेहिं उवसोहिया सा मराली कुमुडणिं पिव सिवियं आरोहेइ । इत्थिय-वग-साइ-पाइरू-रह-उण्णभूमिणा नरिंदेण मरुदेविव्व सुंदरी अणुसरिज्जइ । चामरेहिं वीइज्जमाणा, सेयउत्तेहिं निराइज्जमाणा, वेयालियगणेहिं पुणिज्जमाण निविडवयगहणसद्धा, भाउमज्जाहिं गिज्जमाणपवज्जमट्टसवमगला पए पए वरइत्थीहिं

उत्तारिज्जमाणलवणा चलंताणेगपुण्णपत्तेहिं सह सोहन्ती सा सुंदरी सामिपाय-  
पवित्तिं अट्टावयगिरिं पावेइ । स-मयंकं पुव्वायलं पिव सामिअहिद्धियं तं गिरि-  
वरं दट्टण भरह-सुंदरीओ महाहरिसं संपत्ता । तओ ते सग्गावग्गाणं सोवाण-  
मिव विसालसिलं तं अट्टावयपव्वयं समारोहिरे । तओ भवभमणभीयाणं जंतूणं  
सरणं चउदुवारं संखित्तजंवूदीवजगइं विव समोसरणं समागच्छन्ति । अह ते उत्तर-  
दुवारमग्गेण जहविहिं समोसरणं पविसेइरे, तओ ते भरहसुंदरीओ हरिसविण-  
एहिं ऊससंतसंकुचंतदेहाओ परमेसरं तिवसुत्तो पयाहिणं कुणेइरे, तओ ते रयण-  
भूयलसंकंतजगवइख्वं दट्टुं ऊसुगा इव तित्थयरं पणमंति, तओ भरहचक्कवट्टी भत्ति-  
पवित्तिचारागिराए आइमं धम्मचक्कवट्टिं थुणिउं पारंभेइ -

भरहेसरकथा थुई—

‘हे पहु ! असब्भुयगुणे जंपंतो जणो अण्णं जणं थुणेइ, किंतु अहं तुम्ह सब्भुय-  
गुणे वोत्तुंपि अक्खमो तओ कहं थुणेमि ? । तहवि हि जगणाह ! तुव थुइं काहं । जओ  
दलिदो सिरिमंताणं पि उवायणं किं न देइ ? । तुम्ह पायसरोयदंसणमेत्तेहिं अण्णजम्मण-  
कयाइं पि पावाइं चंदकिरणेहिं सेहोलीपुप्फाणीव गलेइरे । अचिइच्छणिज्जमहामोहसंनि-  
वायवंताणं पि हे सामि ! तुम्ह परमनिव्वुइकराओ सुहोसहिरससरिच्छाओ वायाओ  
जएइरे । हे नाह ! तुव दिट्ठीओ वासासु बुढीओ विव चक्कवट्टिमि दलिदे वा पीइसंप-  
याणं कारणं । कूरकम्महिमगंठिविदावणदिवागरो हे पहु ! अग्गारिसाणं पुण्णेहिं  
इमं पुढविं विहरेसि । वागरणसत्थंवावणसीलसण्णासुत्तसरिसी उप्पाय-वय-धुवमई तिवई  
तुम्ह जएइ । भयवं ! जो इह तुमं थुणेइ तस्सावि एसो चरमो भवो होइ, जो तुवं सुस्स-  
सइ ज्ञियाइ वा तस्स पुणो का कहा ?’ इअ भगवंतं भरहेसरो थुणिऊण नमिऊण य  
पुव्वुत्तरदिसाए जहारिहं ठाणं उवविसेइ । अह सुंदरी वि उसहज्जयं पहुंचं वंदिऊण  
कयंजली गग्गरक्खरगिराए एवं वएइ—‘जगवइ ! एयावंतकालं मणसा पासिज्जमाणो  
तुमं होत्था, संपइ उ वहहिं पुण्णेहिं दिट्ठीए पच्चक्खं दिट्ठो सि । मयतण्हिआसरि-  
च्छसुहे संसारमरुमंडले लोणेण पुण्णेहिं चिय पेऊसमहाद्रहो तुमं पत्तो सि । जगगुरु !  
निम्ममो वि तुमं विस्सस्सावि वच्छलो सि, अण्णहा विसमदुहोयहिणो एयं कहं उद्धरसि ? ।  
मम सामिणी वंभी कयत्था, भाउपुत्ता कयपुण्णा भाउपुत्तपुत्ता धण्णा, जे हि तुम्हाणं  
पहं अणुसरिआ । भयवं ! भरहनरिदनिव्वंधवसेण इयंतकालं जं मए वयं न गहियं,  
तओ सयंचिय अहं वंचिय म्हि । जगतारग ! ताय ! दीणं मं तारसु, तारसु, मेहुज्जोयगरो

दीपो चंडं किं न उज्जोएइ । जगरक्खणिक्कदिविउअ ! पट्टु ! पसीअहि संसार-  
समुद्धतारणजाणपत्तसरिच्छं दिक्खं मम देहि । भयपि महासत्तरोहिरे ! साहु  
साहु त्ति बुवंतो तीए सामाड्यमुत्तुच्चारणपुब्बं दिक्खं देइ । तओ पट्टु महव्वथ-  
दुमाराम-सुद्धासारणिसंनिहं अणुसासणमइअं देसणं विहेइ । तओ अप्पाणं मोक्ख-  
पत्तमिव मण्णमाणा सा महामणा साहुणीगणमज्झम्मि जिट्ठाणुत्तमेण निसीएइ ।  
सामिणो देसणं सोच्चा पायसरोयाडं च पणमिज्जण मुडयमणो भरह्नरीसरो अउ-  
ज्झानयहिं वच्चेइ । पुणो नियसयलज्जण दडुं इच्छंतस्स भरहेसरस्स अहिगारीहिं  
जे आगया ते दसिआ, जे अणागया वि ते संभारिआ । नियाभिसेयमहूसवे  
वि अणागए ते भाउणो नच्चा भरहेसरो ताण पत्तेयं दूए पेसेइ । 'जड तुम्हे  
रज्जाडं समीहेइ ता भरहं सेवेह' त्ति दूएहिं बुत्ता ते सव्वे वि जालोइज्जण इमं  
वयंति- 'पिउणा अम्हाण भरहस्स य त्तिभइज्जण रज्जं दिण्णं, संसेपिज्जमाणो भरहो  
तओ अहिग किं काहिइ, किं काळे समावडंतं कालं रुभिस्सइ ?, किं देहग्गाहिणिं  
जरारक्खसिं निग्गाहिस्सइ ?, किं वा वाढाकारिणो वाहिंवाहे हणिस्सइ ?, जं वा जहु-  
त्तरं पइहमाण तिहं किं दलिस्सइ ?, जइ भरहो एरिससेवाफलं दाउ न समत्थो,  
तो मणुसमावे सामण्णे वि को केण सेपिज्जउ । पत्तविसालरज्जो पि जड असंतोसाओ  
अम्हाणं रज्जं बलाओ गहिउ इच्छउ तो अम्हे पि तस्स तायस्स तणया, तओ हे  
दूआ ! ताय अविण्णविज्जण जेट्ठेण सोअरिययधुणा तुम्हेच्चयसामिणा जोडु अम्हे  
न ऊसाहामो' ताणं दूआणं एवं रुदिज्जण तंमि चिय समए अट्ठावयगिरिम्मि समो-  
सरणे सठिय उसइसामि उवगच्छेइरे, परमेसर पयाहिणतिग काज्जण पणमंसित्ता सिर-  
निवदंज्जणो सव्वे वि एअं गुइ विहेइरे- 'जिणेसर ! देवेहिं पि अविण्णेयगुण तुमं  
धुणिउं को पंचलो । तह पि ईस ! विलसतयालचायया धुणिस्सामो । जे सया तुम  
नममति ते तंसिज्जणेहिंतो अहिगा, जे उ तुमं सेवेइरे ते जोगिहिंतो पि सेट्ट-  
तमा । जगभावपयामणदिणेसर ! पइदिणं नमंसताणं कयपुण्णाण तुम्ह पायनदं-  
सुणो अयंसति । जगज्जतु-अमयप्पय ! तुमए कासइ 'मामेण उगओ वा न किंचि  
गिण्हिज्जइ, तहपि तुं तेलुक्कचक्कन्ही सि । पट्टु ! सत्तज्जलासयनछेसु निमागरु-  
च इक्को पि तुमं मव्वजीवाणं चित्तेअं ममं वट्टसि । देव ! तुम गुइ कचारो सव्वेहिं  
धुणिज्जउ, तुम्ह अन्चगो सव्वेहिं अच्चिज्जइ, तुव पणामियारो सव्वेहिं पण

मिज्जइ, तुमम्मि भरती महाफलदाइणी सिया । देवेस ! दुक्खदावग्गितवियाणं तुमं  
 इक्कवारिओ, मोहंधयारमूढाणं तुमं चिय एक्कदीवो असि । पढंमि छायादुमो  
 इव दीणाणं सिरिमंताणं मुख्खाणं गुणवंताणं पि य तुमं साहारणुवयारी' इअ भयवंतं  
 थुणिऊण भमरूव्व सामि-पायारविंदेमु निवेसिअनयणा अह एगीभूआ ते एवं विण्ण-  
 वेइरे-‘तयाणिं तायपाएहिं पिहं पिहं देसरज्जाइं विभइऊण जहारिहं अम्हाणं भर-  
 हस्स य दिण्णाइं । जगदीसर ! तेहिं चिय रज्जेहिं संतुट्ठा अम्हे संचिट्ठामो, सामि-  
 दंसिया मज्जाया हि विणयसंपण्णाणं अलंघणिज्जा होइ । किंतु भयवं ! भरहेसरो  
 नियरज्जेणं अवहरिएहिं च अण्णरज्जेहिं जलेहिं वडवाणलो इव न संतूसेइ । जह तेण  
 अण्णेसिं पुढविर्वईणं रज्जाइं अवहरियाइं तह सो भरहो अम्हाणं पि रज्जाइं अवह-  
 रिउं इच्छइ, एसो अवरनरिंदाणं विव अम्हाणं पि दूअपुरिसेहिं ‘सिग्घं रज्जाइं चइ-  
 जंतु सेवा वा मम किज्जउ’ त्ति आदिसेइ, अप्पवहुमाणिणो तस्स वयणमेत्तेण ताय-  
 दिण्णाइं रज्जाइं अम्हे कीवां विव कहां मुंचामो ?, अहिगरिद्धीसुं निरीहा अम्हे तस्स  
 सेवं पि कहां कुणेमो ?, असंतुट्ठा एव माणविघाइणिं सेवं कुणेइरे, रज्जं अमुंचमाणे  
 सेवाए य अकरणे सयं जुद्धं उवट्ठियं, तह वि तायपाए अणापुच्छिऊण न किंचि  
 काउं तरामो’ । तओ निम्मलकेवलनाणसंकंतासेसभुवणो क्वावंतो भयवं सिरिआइणाहो  
 ताणं एवं आदिसेइ—

भरहभाऊणं पहुणो उवएसो, तेसिं च दिक्खा—

वच्छा ! पुरिसव्वयधारिपुरिसवीरेहिं हि अच्चंत-दोहकारिणा वेरिवग्गेण  
 सह जुज्झियव्वं, पुरिसाणं जम्मंतरसएसु वि रागदेसमोहकसाय त्ति अणिट्ठदाइणो  
 सत्तवो संत्ति, रागो हि जीवाणं सुगइगमणे लोहमइयपायसंकला, दोसो य नरगावासनि-  
 वासम्मि बलवंतो पडिंभू, मोहो नराणं भवणवावट्टपक्खेवणम्मि पणसरिसो, कसाया अग्गि-  
 णो विव नियासए चिय डहेइरे, तओ दोसरहिएहिं तेहिं तेहिं उवायसत्थेहिं निरंतरं जुज्झिऊण  
 जुज्झिऊण एए वेरिणो नरेहिं विजेयव्वा, इक्कसरणभूयस्स धम्मस्स चैव सेवणं हि  
 विहेयव्वं जेण सासयाणंदमइयं तं पयं सुलहं सिया । अणेगजीवजोगिसंपायाऽणंतवाहा-  
 निबंधणं अहिमाणिककफला इमा रज्जसिरी सा वि <sup>१</sup>विणसिरी, किं च वच्छा ! पुव्व-  
 भवेसुं तुम्हाणं देवलोगसुहेहिं जा तिण्हा न छिण्णा, सा इंगालकारगस्सेव मच्चभोगेहिं-  
 कहां छिंदेज्जा ? ।

१ एकवारिदः । २ क्लीवाः=नपुंसका इव । ३ द्वेषः । ४ प्रतिभूः=प्रतिनिधिः । ५ निजाश्रयान् ।  
 ६ विनश्वरी ।

एत्थ इंगालगारस्स दिट्ठो—

को वि इंगालगारगो जलस्स दिइं आदाय निज्जलरण्णम्मि इगाले काडं गच्छित्था, सो मज्झण्हाऽऽयवपोसिय-इंगालानलसतावाओ संजायनहलतिसाए अक्कंतो दिग्गयसव्वजलं पिवित्था, तेणावि अच्छिण्णतिसो समाणो सुत्तो सो सुमिणम्मि गिहं गओ, तत्थ वि घड-रुलस-गगरीगयसयलपय पासी, तज्जलेहिं पि अच्छिण्ण-तिष्ठाए अमित्तेल्लमिन् वात्री-कूव-तलागाइं पाऊण पाऊण सोसित्था, तहच्चिय तिसिओ अह सो सरियाणं समुदस्स य जल पिक्खित्था, तहपि नारगस्स वेयणा इव न य तस्स तिसा अवगया, तओ सो मरुकूवम्मि गओ, तत्थ सो रज्जुहिं दब्भ-पूलं वंधिऊण जलट्टं कूवम्मि सिषित्था, 'दुहियो हि किं न कुणेज्ज ?' । कूवस्स दूर-जलत्तणेण मज्झे वि गलियवुय त दब्भपूलयं दमगो तेल्ल-पोथं पिन् निच्चोइऊण पिवित्था । जा तिसा समुदाईहिं न च्छिण्णा सा पूलजलेण कहं उज्जज्ज ? तहेव तुम्हाण मग्गमुहेहिं अच्छिण्णतिसा सा रज्जसिरीए विम्भु उट्ठिज्जज्ज ? । तओ वच्छा ! पिवेगवताण तुम्हाणं अमदाणदनीसदनिच्चाणपयसपत्तिकारण संजमरज्जं घेत्तुं जुज्जइ, । तओ तयाणिं समुप्पण्णसंवेगवेगा ते अट्ठणउई पुत्ता भगवंतस्स अंतियम्मि पव्वज्जं गिण्हिस्सु । तओ ते दूआ 'अहो ! वीरिमा, अहो ! सत्त, अहो ! वेरग्ग-बुद्धि' त्ति चिंतमाणा एएसिं सरुवं भरहनरिदस्स निवेएउरे । भरहचक्कण्टी वि तारां वई तारगण ओईणिव्व, दिणयरो पावगाणं तेयाणीव, वारिही सोआणं जलाइ पिन् तेसिं रज्जाइ गिण्हेइ ।

चक्कस्स लाहो विजओ दिसाए, रज्जाभिसेगो भरहस्स रण्णो ।

भाऊण दिक्खापरिकित्तण च, उहेसगे वुत्तमिहं चउत्थे ॥

इअ सिरितवागच्छाहिवइ-सिरिकयनपमुहाणेगतित्थोद्वारग-सासणप्पहावग-आवाल्लवमयारि-सूरी-

सरसेहर-आयारियविजयनेमिसूरीसरपट्टालकार-समयण्णु-सतमुत्ति-वच्छल्लवारिहि-आइ-

रिय-विजयत्रिन्नाणसूरीसरपट्टधर-सिद्धंतमहोददि-पाइअभासाविसायर-विजयकूथूर-

सूरिविइए महापुरिसचरिए पट्टमवग्गम्मि भरहचक्कण्णत्ति-दिसाविजय-

रज्जाभिसेग-भाउवयग्गहणसरुवो चउत्थो उदेसो ।

## पचमो उद्देशो

एगया सहामज्झसंठियं भरहाहीसरं नमंसिज्जण सुसेणसेणावइ भासेइ-महाराय !  
दिसाविजयं काऊणं पि तुम्ह इमं चक्करयणं अज्जावि मउम्मतो गओ आलाणथंमं  
पिव इमं नयरिं न पविसेइ । भरहराओ वि एवं वएइ-छखंडभरहरवेत्तमज्झम्मि  
अज्ज वि को णाम वीरो मम आणं न पडिच्छेइ ? । तयच्चिय सइवो कहेइ-  
'जाणामि अहं, देवेण चुल्लहिमवंतगिरिं जाव एयं भरहखित्तं निज्जियं, दिसाजत्तं  
कुणंते वि तुम्मि किं विजेयव्वो अवसिट्ठो सिया ? , भमंत-घरट्टजंते पडिया चणगा  
किमु चिट्ठंति, तहवि नाह ! नयरीए अपविसंतं एयं चक्कं अज्ज वि जेयव्वं तुम्ह  
आणालंघणुम्मत्तं कंपि सएइ ? , तुम्ह दुज्जयं जेयव्वं देवेषु वि न पासामि, अहवा  
अरे ! णायं, वीसदुज्जओ जेयव्वो एगो अत्थि । सो सामि ! उसहसामिणो तण-  
ओ तुम्ह लहुभाया वलीणंपि वलविणासगो महावलो वाहुवली अत्थि । जहा एगओ  
सव्वसत्थाइं एगओ वज्जं, तह एगओ सव्वं रायवुंदं एगओ सो वाहुवली । जह तुमं  
उसहसामिस्स नंदणो लोगुत्तरो सि तह सो वि अत्थि, तओ एयम्मि अजिए तुमए  
किं जियं ? छखंडभरहम्मि सामिणो सरिसो को वि न दिट्ठो, तस्स जए भरह-  
नरिंदस्स को नाम उक्किट्टगुणो अत्थु ! , परंतु अयं वाहुवली जगमाणणिज्जं तुम्ह  
आणं न मण्णेइ, तस्स अजयाओ लज्जियं पिव चक्कं इह नयरं न पविसेइ । वाहीव  
लहू वि सत्तू न उवेक्खियव्वो, तओ लहुणा विलंबेण अलं, वाहुवलिस्स जयं पइ  
'जएह' । अह संतिव्रयणं सोच्चा दावानलमेहवुट्ठीहिं गिरी विव सज्जो कोवुवस-  
मेहिं अल्लिद्धो भरहेसरो इमं ववेइ-एगओ लहुबंधू वि आणं न अंगीकुणेइ इअ  
लज्जागरं, एगतथ अणुयबंधुणा सह जुद्धं ति तं मम वाहेइ । जस्स सघरम्मि न  
आणा चलेइ, तस्स आणा बाहिरम्मि अवहासकरी सिया, तह य कणीयसबंधुणो  
अविणयासहणम्मि पवाओ । एगओ दरिआणं दप्पनासणं अयं रायधम्मो, इओ  
भायरम्मि सुबंधुत्तणं कायव्वं ति हा ! संकडम्मि पडिओ म्हि । अमच्चो वि एवं  
अभिहेइ-महाराय ! देवस्स जं संकडं तं भवंतस्स महत्तणेण सो चिय कणीयसो अव-

णेस्सइ, जओ 'जिट्ठेण आणा देया, ऋणीयसेण सा कायच्चा' अयं आयारोसाहारण-  
गिहवर्द्धण पि रूढो एव, तओ देवो पि लोगरूढमग्गेण संदेसहारणं दूअं पेसि-  
ऊण कणीयसस्स भाउणो आण कुणेउ, देव ! वीरमाणी तव अणुओ केसरी  
पेल्लाण पिव सव्वजगमाणणिज्ज तुम्ह आण जइ न सहिस्सए, तथा इदुच्च पव-  
लसासणो तुमं त कणीयसं भायर पसासेज्जा, एवं लोगायारस्स अणडक्कमाओ लोने  
तुम्ह वि अवयाओ न सिया । भरहनरिंदो तस्स वयण तहत्ति पडिवज्जेउ, जओ सत्थ-  
लोम-वयहाराणुसारिणी वाणी उवादेया ।

भरहस्स वाहुवलिं पइ दूअपेसणं-

तओ सो नीडकुसलं वायालं दढ सुवेगं नाम दूअं अणुसासित्ता वाहुवलिं  
पइ पेसेइ । सो सुवेगो सोहण सामिसिक्खं समायाय रंअं आरोहिऊण तस्ससिलं  
पइ चलेइ । सार-सट्ठणपरीवारो सो अउवेगंतरेहेण अउज्जानयरीए वाहिरं  
निगच्छेइ, गच्छंतस्स तस्स पढम्मि ऋज्जारंमपिहिम्मि दडुअं पडिऊल पासतमिउ  
वाम लोयण अंसइ फदेइ, वन्दिमंडलमज्झम्मि सुवण्णगारस्सेव तस्स दाहिणा नाली  
रोगामावेऽपि पुणरुचं वहेइ, खलतगिराण असजुत्तवण्णेसु वि जीहा विउ समेसु  
वि मग्गेसु तस्स रहो मुट्टु खलेइ, आसवारोहिं वारिज्जमाणो पि असडं पेसिज्जमाणो  
विउ हरिणो तस्स पुरओ दाहिणाओ वामओ जाइ, तस्स अग्गम्मि सुक्कटग-  
हुमम्मि निविट्ठो कागो उवले सत्थं पिव चंचुं घरिसंतो रुडुयं रसेइ, तस्स  
वाहणस्स रुधणेच्छाप देवणेण मज्झे छूहा अगगला इउ तस्स पुरओ पलंपिरो किण्ह-  
पण्णगो उत्तरेइ, निवारिक्क-विउसं त पन्ना पंछसंतो विउ चम्पूसु रय पत्तिउ-  
वंतो वाऊ पडिऊलो वायड, पप्फुडियं मिअंगविरससरो रासहो तस्स दाहिणओ  
होऊण विरसेइ । सुवेगो एयाइ असउणाइं जाणंतो वि अग्गओ गच्छइ । सामि-  
णो हि सुभिन्ना कंडुव्व कत्थ पि न पक्खति । सो चक्कनाओ विउ तेहिं तेहिं नय-  
रनासीहिं खण दीसमाणो बहुए गाम-नयरामर-रुडुवे लंवेइ । सामिरुज्जम्मि प-  
ट्टिओ सो वणसुडसरोवर-सिंधुनइप्पुहठाणेसु पि न वीसमेइ । एव सो पयाण  
कुणवो मन्नुणो एगंतकीला-भूमिपि महाडपि पावड, सा केरिसी ? खएसेहिं पिव  
मिअ-चम्म-वसणपरेहिं लक्खीरुयकुजरेहिं सज्जियकोटंठेहिं चित्थाएहिं आउत्ता, हरिण-

१ पयाणम्-पलाण । २ अगच्छन् । ३ वारंवारम् । ४ क्षिता । ५ पर्यस्वन्निय । ६ मृदन् ।



चित्तय-वग्घ सिंघेहिं सेरहेहिंपि जमरायस्स संगोत्तेहिं पिव क्रूरसौवएहिं निरंतरं खंड्या, जुझंताऽहिनउलवम्मीअभीसणा, रिच्छकेस-धरण-तल्लिच्छ-वाल-चिलोइया, परूपपरं महिससंगाम-भंजिज्जमाणजिण्णतरु लौहलुत्थावियमहुमक्खियागणेहिं असंचारा, अब्भंलिहतस्सगणतिरोहियदिवागरा । एरिसिं भयंकरं तं महाडविं महावेगंतरहो सुवेगो पुण्णवंतो कट्टं दिव सलीलं उल्लंघेइ । कमेण सो-‘मगंतर-तरु-वीसमिराऽणग्घ विहूसणधारीहिं सत्थ-पहियवहूजणेहिं संलक्खिज्जमाण-सुरज्जं, गोउलम्मि गोउलम्मि रुक्खतलसमासीण-पहरिसिर-गोवदारगेहिं गिज्जमाणुसहचरियं, भइसालवणाओ आहरिज्जण आरोविएहिं फलसोहिरवहलवहुतरुवरेहिं अलंक्रियाहिलगामं, पट्टणम्मि पट्टणम्मि गामम्मि गामम्मि घरम्मि घरम्मि य दाणसीलसेट्टिजणेहिं सोहिज्जमाण-सग्गणजणं, भरहनरिंदाओ तसिएहिं पिव उत्तरभरहइढाओ समागएहिं अक्खीणसामिद्धीहिं मिलिच्छेहिं पाएण अज्झासियगामं, छक्खंडभरहखेत्तेहिंतो खंडंतरं पिव संठियं भरहाणाऽणभिण्णुं, वहलीदेसं समासाएइ । मग्गम्मि वाहुवलिनरिंदं विणा रायंतरं अजाणंतेहिं जणवयवासिसुहीहिं जणेहिं सह अणेगसो आलावं कुणंतो, सुणंदानंदणाणुणाए वणेयर-गिरियर-दुम्मय-हिंसगपाणिणो वि अहिंसगभावं समावण्णे पासंतो, पयाणं अणुरागवयणेण महासमिद्धीहिं च सिरिवाहुवलि-रायस्स रज्जनीइं अच्चव्भुयं मण्णमाणो, भरहनरिंद-कणीयसवंधुणो उक्किट्टगुणसवणाओ वीसरियभरहसंदेसं मुहुं अणुसुमरंतो सो सुवेगो तक्खसिलापुरिं पावेइ ।

दूअस्स तक्खसिलापुरीए पवेसो, वाहुवलिणा सह संभासणं—

पुरीपरिसरनिवासिलोगेहिं किंचिलोयणपाएण खणं को वि पहिओ अत्थि इअ बुद्धीए पेक्खिज्जमाणो, लीलोज्जाणेसुं एगत्थमिलियाणं धणुहब्भासं कुणंतानं सुहडाणं भुयप्फालणेहिं तसंत-रह-तुरंगमो, इओ तओ पउरजणरिद्धिपेक्खणतल्लिच्छ-सारहिणा अणिसिद्धत्तणेण उप्पहगामिखलंतरहो, बाहिरुज्जाणतरुसुं समत्थ-दीव-चक्कवट्टीणं एगहिं मिलियाइं गयरयणाइं पिव वट्ठे वरगए पासंतो, जोइसियविमाणाइं चइज्जण इव समागएहिं वरतुरंगमेहिं वंधुराओ आससालाओ पेच्छमाणो, भरहाऽणुय-एस्सरिय-अच्छरिज्जाऽवलोयणजाय-सिरोवेयणाए इव सिरं धुणंतो स दूओ तं पुरिं पविसेइ । अहमिंददेवे विवि सच्छंदसीले हट्टसेणीसुं उवविट्ठे सिरिमंतवणि-

१ शरभैः=अष्टापदैः । २ सगोत्रैः=एकगोत्रीयैः । ३ श्वापदैः=हिंसकैः । ४ खचित्ता-व्याप्ता । ५ चिलाइयो-किरातिका=भीलङ्गी । ६ लाहलो=नाहलो म्लेच्छजातिविशेषः । ७ अध्यासितो-निवेशितः । ८ अनभिज्ञम् । ९ समासादयति ।

यजणे पासंतो सो रायदुवारं गच्छेइ । सहस्सकिरणस्स किरणाइ 'आयडिहज्जण इंव विणिम्मिए कुते धरतेहिं पादक्काणीएहिं कत्थ वि अहिट्टिय, इक्खुपत्तमुहाइं लोहस-  
 ल्हाइं धरमाणेहिं पल्लवियवीरयादुमेहिं पिव पाडक्केहिं कत्थइ सोहिय, पाहाणभगे  
 वि अभंजिरे लोहमोग्गरे धरंतेहिं एग-दंतधर-गएहिं पिव सुहडेहिं कत्थ वि रेहियं,  
 कत्थ य चंद-केउपरेहिं पिव फल्लासिधरेहिं पयंडसत्तिपरवीरपुरिससीहेहिं विरा-  
 इयं, नक्खत्तगणपज्जताच्चतदूरवाणपक्खेवगेहिं सद्धवेहीहिं तूणपिट्ठीहिं गणुहपाणीहिं  
 सुहडेहिं कत्थ वि अहिट्टियं, दुवारपालेहिं पिव दोसु पासेसु संठिएहिं उदामसुडा-  
 डेहिं दोहिं गइं देहिं दूराओ भयंकर एरिसं नरसीहस्स वाहुवल्लिस्स सिंघदुवारं पासतो  
 पिण्डियमाणो दुवारवालपंडिकिरयो मो सुवेगो तत्थ संठियो । नरिंदसहाए एस  
 च्चिय मज्जाया । दुवारवालो अब्भतरम्मि गंतूण वाहुवल्लिं निवेएइ- 'सुम्हाणं जेह-  
 स्स भाउणो सुवेगो नाम द्धो दुवारम्मि चिट्ठइ' । अह चाहुवल्लिस्स रण्णो अणुण्णाए  
 वेत्तिएण दसियपहो विउसाणं वरो सो सुवेगो वुहो आइच्चमडल पिव सहं  
 पविसेइ । सो सजायन्निहओ रयणसीहासणासीणं तेयंसिं वाहुवल्लि-नरिंद पेक्खेइ,  
 केरिसो सो-जो सग्गाओ भूमिं समागएहिं आइच्चेहिं विव आवद्ध-रयण-मउडेहिं तेयंसि-  
 नरवईहिं उवासियो, नागकुमारेहिं पिव दिप्पंतचूलामणीहिं विस्सस्साधि अपराभव-  
 णीएहिं रायकुमारवरेहिं जो सेत्रियो, सामि-वीसास-सर्व्वस्स-उल्ली-संताण-मंडवेहिं  
 धम्माइपरिक्खणकुसलेहिं धीमंतैहि पहाणेहिं जो परिवारियो, 'सहस्ससो निक्कोस-  
 सत्थपाणीहिं अप्परक्खगेहिं निग्गयजीहसप्पेहिं मलयगिरिच्च भीसणो, चमरीहिं  
 हिमालयपक्खओ इव जो निरंतरं वारगणाहिं अइ चारु-चामरेहिं वीइज्जमाणां, अग्गे  
 सुवण्णदंडधरेण सुउवेसेण वेत्तिएण जो विज्जुसहियवारिधरेण संरओ इव उरसो-  
 णिओ आसि । अह सो णंडालफुडभूमियलो इत्थिच्च रणंत-दिग्गयर-कंचणसिरलो  
 नरनाह नमेइ । तओ रण्णा 'भमुहसण्णाए तक्काल आणाइए पडिहारेण य दसिए  
 आसणे सो उरविसेइ । वाहुवल्लिनिओ पसायसुहासंदिरनयणेण त पासंतो वणेइ-  
 'सुवेग ! जिहस्स भरहनरिंदस्स कुसलं किं ?, सुंदर ! तायपाय-लालिय-पालिय-  
 विणीयानयरीए पया कुसल्लिणी किं ?, कामादसत्तूण पिव उण्ह भरहरुंडाण विजयं  
 भूवई निरंतरायं कासि किं ?, सद्विवाससहस्साइं पयंडसेणाए दिसानिजय काज्ज  
 सेणाइपमुहसायलपरिवारो कुसलं किं समागओ ?, सिंधूराऽरुणियकुंभत्थेहिं गयणं  
 संझाभममइय पिव कुणती रण्णो करिघडा निरामया किं ?, हिमंतगिरिं जाव महिं

१ आट्ठय । २ त्णपुट्टे । ३ । प्रतीक्षित । ४ सनेस्व० । ५ सहस्र । ६ धरद । ७ ल्लाट्टस्सट्ट० ।  
 ८ धूर्धसया ।

अक्कमित्ता समागच्छमाणानं राइणो वरतुरंगमाणं अक्किलामो वट्टइ किं ? पत्थिवेहिं सेविज्जमाणस्स सव्वत्थ अक्खलियाऽऽणस्स जेट्टस्स भाउणो सुहेण वासरा किं वइ-वच्चेइरे ?' इअ परिपुच्छिऊण तुण्हिक्के संठिए उसहणंदणे सो ऊसुगरहिओ सुवेगो कयंजली इमं वयणं ववेइ-जो सयलाए पिच्छीए सयं कुसलं कुणेइ, तस्स भरह-नरिंदस्स कुसलं सओ सिद्धं अत्थि । अउज्जापुरीए सुसेणाईणं हत्थिणो तुरंगम-स्स य अकुसलं काउं दइव्वो वि किं समत्थो ?, जाणं नायगो तव जिट्ठो भाया । भरहनरिंदाओ तुल्लो अहिगो वा किं को वि कत्थ वि अत्थि ? जो छण्हं भरहखंडाण जयम्मि विग्घयरो होज्जा । अखंडियाऽऽणो सो भरहेसरो सव्वेहिं नरीसरेहिं सेवि-ज्जइ, तह वि जाउ चित्तम्मि न पमोएइ, 'जो दल्लिओ वि कुडुंवेण सेविज्जइ स ईसरो, जो तेण न सेविज्जइ तस्स एस्सरियसुहं कत्तो' ?, सट्ठिवाससहस्सपज्जंते समाग-एण तुम्ह जिट्ठेण उक्कंठाए कणिट्ठाणं आगमणं पडिक्खियं, महारज्जाभिसेगसमए तत्थ वंधुसंबंधिजण-मित्ताइणो सव्वे आगया भरहनरिंदरस य रज्जाभिसेगमहं अकरिंमु । समागएहिं सवासवेहिं सुरेहिं पि अलाहि किंतु तुम्ह जेट्टवंधु महीणाहो पासम्मि अप्पणो कणीयसबंधुणो अपासंतो न हरिसेइ । दुवालससु वासेसु अणागयनियबंधुणो नच्चा, ताणं आहविउं नरं पेसित्था, जओ उक्कंठा वलवई सिया । ते कंचि वियारं काऊणं भरहस्स<sup>१</sup>समीवम्मि न समागच्छित्था, किंतु तायपायाणं अंतिगे गंतूण पव्वज्जं गिण्हंसु । संपइ तेसिं रागरहियाणं समणाणं न को वि अप्पकेरो न वा परो, तेहिं राइणो बंधुव-च्छल्ल-कौउगं कंह पूरिज्जइ ?, जइ तुवावि तत्थ सुबंधुत्तणसंभवसिणेहो अत्थि, ता आग-च्छसु, पुढविइणो नियबंधुस्स हियपमोअं देहि । दीहकालेण दिसाविजयं काऊण समा-गए जिट्टवंधुम्मि वि जया एवं अच्छिज्जइ, तओ तुमं कुलिसाओ वि अहिगं निट्ठुरं अहं तक्केमि । गुरुणो अवमाणाओ निव्वभएहिंतो वि निव्वभए तुम्हे मण्णेमि, 'गुरुम्मि हि सुरेहिं पि सभएहिं इव वट्ठियव्वं' । एगतथ वीसविजई अण्णहिं च गुरुम्मि विणयसंपण्णो, एत्थ को पसंसारिहो ? त्ति । अलाहि वियारेणं, पारिसज्जेहिं गुरुम्मि विणयसंपण्णो एव पसंसिज्जइ । एवं तुम्ह अविणयं पि सव्वंसहो नरिंदो सहिस्सइ, किंतु पिसु-णाणं एवं निरंकुसो अवगासो सिया । तत्थ तुम्हाणं अभत्ति-पयासिगाओ पिसुणाणं गिराओ भरहनरिंदस्स चित्तं कंजियछंटाओ खीरं पिव दूसिस्संति, अप्पणो पहुम्मि अइ-अप्पं पि अप्पणो छिद्धं तं रक्खणीअं, जओ लहुणा वि छिद्देण जलं सेउं किं न उम्मू-लेज्जा ?, इयंतकालं अहं न आगओ म्हि त्ति हिययम्मि आसंकं मा कुणसु, अहुणा

वि आगच्छसु, सु-सामी खलियं नहि गिण्हेइ । तत्थ तुमम्मि गए पिच्छणाणं मणो-  
 र्हा आइच्चोदए हिमसमूहो विव सज्जो विलयं पावंतु । पच्चदिणम्मि रयणीयरो दिवागरेण  
 विव तेण सामिणा सगमाओ तुमं तेएहिं चिर बुद्धिं लहेसु । सामित्तणं डच्छमाणा  
 अण्णे पि हि उहवो वाहुसालिणो नरररा अप्पणो सेवणीयत्तणं चिच्चा त भरहनरिदं  
 पडवासरं सेवेदरे, सुरेहिं उंदो विव निग्गहाणुग्गहसमत्थो चक्कवट्टी पुढीपाळेहिं  
 अयस्सं सेवणिज्जो हि, चक्कट्टित्तणपक्खे वि तुमए तस्स सेवा कया सा अरीयंथुत्त-  
 णवच्छल्लपक्खं उज्जोडम्सइ, मज्झ भायरु त्ति भयरहिओ समाणो जट न आगच्छेसि एयं  
 न जुत्तं, 'आणापहाणा नरिदा हि णाइभावेण न गिण्हिज्जंति' । अयकतेण अयाड  
 पिव पगिट्ठतेएण आयहिदया देव-दाणय-माणवा भरहेसरस्स समीयं आगच्छंति । जं चा-  
 सओ वि अद्धासणदाणेण मित्तव्व आयरेइ, त भरहनरिदं आगमणमेत्तेण किं नहि अणु-  
 क्कं उद्वेसि ?, जड वीरमाणित्तणेण त रायाण अयमणेसि, ता तम्मि भरहेसरन-  
 रिदम्मि ससेण्णोवि तुं समुत्तम्मि संत्तुमुट्ठिच्च जसि । तस्म जंगमा पच्चया इव सक्क-  
 गय-सण्णिहा चउरासीद्वल्लखा गयवरा अभिसप्पमाणा केण सहणीआ ?, कप्पंत-  
 काळसमुदस्स कट्ठोले विव वीसुं महिं पांयमाणे अस्स तेत्तिए आसे रहे य  
 को खल्लिस्सइ ? । छण्णवडगामकोडिसामिणो तस्स छण्णवडकोडिपाडक्का सीहा विव  
 कस्स तासाय न सिया ? । तस्स उक्को सुसेणसेणावई दंडपाणी कयंतो  
 विव समावडंतो देवासुरेहिं पि सोहुं किं सक्को ? । अमोह चक्कं धरतस्स  
 चक्कवट्टिणो भरहस्स उ खरस्स तममुंदं पिव तिलोई वि थोक्कच्चिय । तओ  
 वाहुयलि ! तेएण वएण य जेट्ठो सच्चहा सेट्ठो सो नरिदो रज्ज-जीयियकामेण  
 तुमए सेवणिज्जो अत्थि । अह ग्राहवलावसारिय-जगयलो अवरो अण्णओ इव गहीरखुणी  
 वाहुयली इव भासेइ-हे दुअ ! साह तुमं वायालाण इक्को च्चिय अग्गेसरो अत्थि,  
 जओ ममावि पुरओ एरिमं वयणं वीत्तुं तरेसि । जेट्ठो हि मम भाया तायनु-  
 ल्लो अत्थि, सो नि वंधयाणं समागम जड डच्छइ तपि अहो ! जुत्तं चिय । सुराड-  
 सुरनरिदमिरीहिं ममिद्धो सो अप्पविहरेहिं ममागएहिं अम्हेहिं लज्जिहिं त्ति नो  
 अम्हे आगया । सट्ठिवाससहस्साड पररज्जाड गिण्हंतम्म तम्म कणिट्ठंधुरज्जगद-  
 णम्मि वीउल्लया कारण, जड सुययुत्तणं तस्म कारणं मिया तथा सो नियभाजणं पुरओ  
 रज्ज-सगामकामेण पत्तंगं क्कं दए पेमित्था ? । लुद्धेणावि हि जिट्ठेण माउणा सट्ठि

१ अयस्यन्नेव-लोहसुम्भवापणेन । नयागि-लोहानि । २ सक्कुण्डिय । ३ विप्वर । ४ प्यायदत्त ।  
 ५ इमेध एव । ६ सक्कोपि । ७ व्यमता ।

को भाया जुञ्जिहिइ त्ति बुद्धीए विचारिऊण महासत्तवंता ते कणिट्टा तायं अणुग  
 च्छिंसु । ताणं च रज्जगहणेणावि छलं पेक्खमाणस्स तुम्ह सामिस्स धुवं वगचेट्ठियं  
 पयडं जायं, अहो ! एवं अम्हासु वि तारिसं नेहं दंसितो सो भरहो वाया-पवंच-  
 वियक्खणं विसिट्ठं तुमं पेसित्था । पव्वइऊण भायरेहिं रज्जदाणाओ तस्स भरहस्स  
 जो हरिसो करिओ सो तत्थ समागएण मए रज्जलुद्धस्स तस्स किं कीरिहिइ ? । वइराओ  
 वि ककसो हं, जं अप्पविहवो वि समाणो भाउतिरक्कारकायरो तस्स समिट्ठिं न  
 गिण्हामि, सो भरहो उ पुप्फाओ वि मेउओ, जो मायावी अवणवायभीरुणं कणी-  
 यसवंधुणं रज्जाइं सयं गिण्हित्था । नणु दूअ ! भाउरज्जाइं गिण्हमाणं तं  
 भरहं जं उविक्खित्था ता निव्वभएहिंतो वि निव्वभया कहं अम्हे ? । जइ गुरु गुरु-  
 गुणजुत्तो होज्जा ता तम्मि गुरुम्मि विणओ पसंसारिहो सिया, गुरुगुणेहिं हीणम्मि  
 गुरुम्मि विणओ वि लज्जाकारणमेव । अवलित्तस्स कज्जाकज्जं अजाणंतस्स उप्पह-  
 पडिवणणस्स गुरुणो वि परिच्चागो विहिज्जइ । तस्स भरहस्स तुरंगाइयं अम्हेहिं  
 अच्छिण्णं किं ?, किं वा अस्स नयराइयं भग्गं ?, जेण सव्वंसहो भरहनिवो  
 अम्हाणं अविणयं सहिस्सइ । दुज्जणपडिआरट्ठं अम्हे तत्थ पयत्तं न कुणेमो ।  
 'विचारिऊण कज्जकारिणो साहवो खलवयणेहिं किं दूसिज्जन्ति ?' । एयावंतकालं अम्हे  
 न आगया, जओ सो 'निप्पिहो कत्थ वि गओ आसि ?, जेण अज्ज भरहचक्किं  
 उवागच्छामो । सो भूयव्व छलगावेसगो सव्वत्थ वि सइ अपमत्ताणं अलुद्धाणं च  
 अम्हाणं किं खलियं गिण्हेज्जा ? । तस्स देसाइयं किंपि अगिण्हमाणानं अम्हाणं सो  
 भरहेसरो कहं नाम सामी होज्जा ? । मम तस्स य भयवं उसहसामी एव  
 एगो सामी, अम्हाणं मिहो स-सामिसंवंधो कहं घडइ ? । तेयनिमित्तं मइ तत्थ  
 गए तस्स तेओ केरिसो सिया, सूरे अब्भुदिए समाणे पावगो नहि तेयंसी सिया ।  
 सामिव्व आयरमाणा असमत्था ते उ भूमिवइणो तं भरहं निसेवेज्जा, दीणेषु  
 जेषु एसो भरहो निग्गहाऽणुग्गहक्खमो अत्थि । भाउसिणेहपक्खेण वि एयम्मि  
 मए कया सेवा सा वि चक्कवट्ठित्तणपक्खग्गि सिया, जओ अब्बदुमुहो जणो एवं  
 वइस्सइ-‘एसो चक्कवट्ठिस्स सेवगो’ त्ति । अस्स अहं निव्वभयो भाया म्हि, सो य  
 आणापहाणो जइ णाइनेहेण अलं आणंवेज्जा, 'किं 'वइरं वइरेण न विदारिज्जइ' ? ।  
 सुरासुरनरोवासणाए पीणिओ एसो अत्थु, अणेण मम किं ?, 'सुमग्गम्मि गम-  
 णक्खमो सुसज्जिओ वि रहो उप्पहम्मि भंजिज्जइ' ? जइ तायभत्तो मर्हिंदो

१ मृदुकः । २ अवलित्तस्य-गर्वितस्य । ३ प्रतिकारार्थम् । ४ निःस्पृहः । ५ आज्ञापयतु ।  
 ६ वज्रम् ।



पण्हो—को एसो नूतणो पुरिसो रायदुवाराओ निग्गओ ?,  
उत्तरं—इमो खलु भरहमहीवडणो दूओ समागओ ।

प०—इह पुढवियलम्मि अवरो कोवि राया अत्थि ?,

उ०—अउज्झाए बाहुवलिणो जेट्ठो भाया भरहेसरो निवो अत्थि ।

प०—सो भरहनरिंदो केण हेउणा एत्थ इमं दूअं पेसित्था ?,

उ०—नियभाउणो सिरिवाहुवलिभूवडणो आहवणट्ठं ।

प०—नणु अम्हकेरसामिणो भाया इत्तियकालं कत्थ गओ आसि ?,

उ०—सो छक्खंडभरहखित्तविजयाय गओ होत्था ।

प०—सो उक्कंठिओ अहुणा कणिट्ठं भायरं किं आहवेइ ?,

उ०—नणु अण्णरायगणसामण्णसेवं कारिउं ।

प०—असारे नरिंदे जिणिऊण तस्स इह माणं—खीलगे अहिरोहणं किं ?,

उ०—अखंड—चक्रवट्टित्तणाहिमाणो तत्थ कारणं ।

प०—कणिट्ठभाउणा जिओ सो नरिंदाणं पुरओ नियं मुहं कहां दंसिहिइ ?,

उ०—सव्वत्थ जयणसीलो सो भावि—निय—पराभवं न जाणेइ ।

प०— तस्स भरहभूवडणो मंतिवग्गम्मि मंतणे मूसगसरिसो वि कोवि नत्थि किं ?,

उ०—तस्स भरहनिवस्स कमागया मइमंता वहवो मंतिणो संति ।

प०—अहिणो मुहं कंडूइउं इच्छतो सो भरहो तेहिं किं न वारिओ ?,

उ०—तेहिं मंतीहिं न वारिओ किंतु पेरिओ, एरिसी भवियव्वया । एवं नयरजणाणं वयणं सुणंतो सो सुवेगो नयरीए वाहिरं निग्गओ । नयरीदुवारम्मि वच्चंतो सो देवयाहिं विव पौउकयं भरहबाहुवलीणं विग्गह—कहं पुंरावुत्तं इव सुणेइ, पहम्मि कोहेण तुरियं पि गच्छं-तस्स इमस्स फँद्धाए च्चिय सा ताणं विग्गहकहा तुरियतरं पसरित्था, तीए वत्ताए वि राया-SSएसेणेव खणेण पइगामं पइपुरं सुहडा सेणानिमित्तं सज्जेइरे, रहसालाहितो संगामिए रहे कड्ढिऊण अहिणवेहिं अक्खाईहिं जोगिणो सरीराइं पिव केइ दिठ्यरीकुणेइरे, केवि वाहि-यालीए आरोहिऊण आरोहिऊण पंचहिं धाराहिं पि आसे रणसहे कारित्ति, अवरे लोहार-घरेसु गंतूण क्किवाणाइआउहं पहुणो तेयमुत्ति विव तेयंति, अण्णे सिंगसाराइं संजोइ-ऊण अभिणवतंतीहिं च वंधिऊण जमभूमयासरिसाइं सँरंग—धणुहाइं सज्जित्ति, केइ पाण-

१ मानकीलके । २ प्राडुष्कृतम् । ३ इतिहासमिव । ४ स्पृष्ट्या । ५ बाह्याल्याम्—अश्वकीडनभूम्याम् ।  
६ अश्वगतिभिः । ७ शङ्गनिष्पन्नधनुषि ।

वंताइ तुरियाइं पिव पयाणेमुं पणाइणो कवयाइवहणाय अरणाओ उट्टे आणएइरे, केई समाण-सरहिणो ससिरक्ख-कवयाइं च नेआइआ सिद्धते इव अचंचत दिढीकुणेइरे, केवि गधच्चभयणाइं पिव महंतीओ जवणियाओ पडकुडीओ य वितणिऊण स्वणं आलयंति, बाहुवलिनरिदम्मि भत्ता सव्वे जणा जाणवया अवि मिहो फद्धाए इव संगामे सञ्जी-वति, तस्य अत्तजणेण जो रणुम्महो को वि निवारिज्जइ अणत्तस्सेव तस्स नरिदम्मि भत्ति पहाणो सो कुप्पेइ, अपुरारेणेण पाणेहिं पि रणो पिय काउं इच्छंताणं जणाण एव आरंभं पहम्मि वचंचतो सो सुवेगो पासेइ । लोगम्मि त जुद्धरुहं सोच्चा ददहूण य पव्वययासिनरिदा अवि अवीयभत्तिमाणियाए बाहुवलिरायाणं मिलंति, गोवालसहेण गावीओ इव गिरियासिनिवाणं गोसिग-नाएणं निकुंजेहिंतो सहस्ससो चिलाया वावे-इरे । केई भडा वग्घपुच्छळल्लीए, केयण मऊरपिंछेहिं, केवि लयाहिं कुन्तळे वेणेण वंचेइरे । केइ अहितयाए केयण तरुतयाए के वि गोहाळल्लीए मिगचम्ममइयपरिहाणं वंधिति । पाहाणहत्था धणुहत्था पवंगा इव उप्पवमाणा ते सामिभत्ततुरंगुव्व निय-सामिं परिवरेइरे । भरह-अस्सोहिणी-चुण्णणेण चिराओ बाहुवलिपसायावरुंय अज्ज देमो त्ति ताणं भडाण गिराओ हवंति । ताणं पि एव 'ससरंभं आरंभं पासतो विवेगवतो सुवेगो चित्तेइ-अहो ! बाहुवलिनिआऽऽहीणा देसवासिणो एए रणरुम्ममि नियपिउसंभविधेरेणेव तुपरिन्ति, बाहुवलि-सेणाए पुव्वं संगामिच्छो एए चिलाया अवि आगयं अम्हकेरवळ इतुं ऊसहेइरे, तं कं पि जण न पासेमि जो जुद्धइ न सज्जेइ, सो को वि इह न विज्जइ जो बाहुवलिम्मि रत्तो न सिया । अहो ! वहलीदेसे किंसीवला वि सारा नियसामिभत्ता य सति । तं किं देससहावो अहवा बाहुवलिनरि-दस्स गुणो ऋयाइ सामंताइणो पाइका 'वेयणकिणिआ होन्तु, किंतु इमस्स बाहुवलिणो गुणकिणिआ समग्गा वि भूमी पाइक्कीभूया अत्थि । लहूयमस्स गिरियाहुवलिसट-णस्स अग्गओ अग्गिणो तिणसमूहमिअ बहुविं पि चक्रवट्टिसेण लहूविं मण्णेमि, किं च इमस्स महावीरस्स बाहुवलिस्स पुरवो सरहस्स कळहं पिय चक्रवट्टिं पि अहो ! ऊण सक्केमि, भूमीए चक्रवट्टिं चिय, सग्गे उ सक्को एअ ओयंसी पसिद्धो अत्थि, परंतु ताण अतोवट्टी अहिगो वा बाहुवली नज्जइ । इमस्स चंचेडायायमेत्तेण वि चक्रव-ट्टिणो त चक्र पि इंदस्स य त वज्ज पि विहेंलं चिय मण्णेमि । अहो ! ज अम्हेहिं वल्लततो बाहुवली विरोहिओ कओ, तं रिच्छो किळ कण्णे गहिओ, मुट्टीए किळ महासप्पो

१ नैयायिण । २ अनात्तस्येव । ३ नादेन । लतागृहेभ्य । ४ अश्वीहिणी-महतीसेना । ५ अवक्यम-  
पदलो । ६ साटोपम् । ७ वेतनकीना । ८ शरभत्याथापदस्य पुरो कलभामिव । ९ चपेटा० । १० विपरमेव ।



धरिओ । वग्घो एगं हरिणं पिव एगं भूमिखंडं वेत्तूण संतुट्टो अयं वाहुवली मुहा अम्हेहिं तज्जिऊण खलीकओ । अणेगनरिंदसेवाहिं भरहनिवस्स किं अपुणं ? , जं वाहणाय केसरिसीहो इव सेवाकरणट्ठं अयं आहविओ ।

सुवेगदूअस्स विणीआए आगमणं —

सामिहियचित्तगाणं मंतीणं धिरत्थु, अम्हाणं पि इह धिरत्थु, सत्तूहिं पिव जेहिं एत्थ कम्मम्मि सामी उवेविखओ, 'एगेण सुवेगेण गंतूण पट्टुणो विग्गहो कारिओ' ति लोगो भणिस्सइ, गुणदूसणं दूयत्तणं धिरत्थु एवं निच्चं चित्तमाणो कइवयदिणेहिं नयनिवुणो सुवेगो विणीयानयरिं पावेइ, दुवारपालेण सभाएणीओ पणामरइयंनली सो निसीएइ, तओ चक्कवट्टी सायरं पुच्छेइ-सुवेग ! लहुबंधुणो वाहुबलिणो किं नाम कुसलं ? , जं तुं वेगेण आगओ सि, तओ अहं खुहिओ म्हि, अदुवा तेण तुं पल्लत्थो तओ तुरियं आगओ, वलवंतस्स तरस्स मज्झ भाउणो इमा वीरवित्ती जुत्ता सिया । तथा सुवेगो पि एवं वएइ—देव ! तुम्ह विव अउल्ल-परक्कमस्य तरस्स अकुसलं काउं देवो वि न पक्कलो । तुम्ह लहुभायत्ति पुव्वं विया-रिऊण अच्चंतहियकंखिणा मए विणयपुच्चयं सामिसेवट्ठं स वुत्तो, तयणंतरं च तिव्वो-सट्टेणेव परिणामुवयारिणा अवच्चवयणीएण वयणेण उत्तो सो न सामेण नावि य कक्क-सेण वयणेण देवसेवं मणइ 'संनिवाइए वियारे भेसयं किं नाम कुज्जा' ? , सो माणसारो वाहुवली तेलोक्कं पि तिणतुल्लं मण्णेइ, सिंहो इव कंचन पडिमल्लं न जाणेइ । तुव इमम्मि सुसेणसेणावइम्मि सेणम्मि य वणिणए 'किं एयं' ति दुग्गंधाओ विव नक्कं सो भंजेइ, पट्टुस्स भरहच्छक्खंडविजए वणिणए सो अणाकणियं कुणंतो नियभुयदंडे पेक्खेइ, तायदिण्णभागसंतुट्टस्स मज्झ उविकखाए भरहो भरहखित्तच्छक्खंडं गिण्हित्थ ति सो आह, अलाहि तरस्स सेवाए, उँदाहो सो निव्वयो दोहणट्ठं वग्धिं पिव अहुणा रणाय देवं आहवेइ, तुम्ह वंधू एरिसो ओयंसी माणी महावाह अत्थि, जओ गंधहत्थी व असज्झो अण्णविकमं न सहेइ, इंदस्स सामाणियदेवा इव तरस्स सभाए पयंडभुयपरक्कमा सामंतरायाणो वि एयस्स सरिसा एव, तरस्स रायकुमारा वि उच्चएहिं रायतेयाहिमाणो रणकंडूयणजुत्तवाहुदंडा तओ दसगुणा चिय संति, अस्स माणिणो मंतिणो वि तरस्स मंतं अणुमण्णेइरे, जओ जारिसो सामी होइ तरस्स परिवारो वि तारिसो हवइ । तरस्स अणुराणिणो पउरजणा वि पँइव्व-याओ इत्थीओ अवरपइणो इव अण्णं पत्थिवं नहि जाणंति, न य सहेइरे ।

तस्म जे कराडपयाडणो जणा जाणया य तेवि अणुरागेण भिच्चा विव पाणेहिं  
 पि पियं काउ इच्छेदरे, सिद्धा इव वणेअग गिरियरा जे सुहटा ते वि वसीभूया  
 तस्म माणसिद्धिं काउं इच्छेदरे, सामि ! अलाहि उहुणा ऋद्धिण, अहवा अहुणा  
 सो वीरो जोद्धु इच्छाए तुम ददुं इच्छेद, न उ दसणुकराए, अओ पर ज अप्पणो  
 रोएडं तं सामी कुणेउ, जओ दआ न भंतिणो किंतु सन्चमदेमवाटणो संति । भरह-  
 नरिंदो मुत्तधारव्व जुगव पिग्गयाऽभेरिस-रुमा-हरिसाडं तस्सण दंसिज्जण इअ ववेड-  
 भरहनरिंदस्स भंतीहिं सह विधारणा —

अह सुरासुरमणुसेसु एयस्स सरिसो अण्णो कोवि नत्थित्ति अयं अत्थो मए सिमु-  
 कीलासुं पि फुड चिय अणुभूओ, जगत्तयसाभिनंदणस्स मज्ज अणुयस्स बाहुवलिणो  
 तिणोई वि तिणमेत्तं ति, एसा न थुटं किंतु सन्चो एसो अटो, अणेण लहुंधुणा  
 अहं सव्वहा मिलाहणिज्जो एव, ज वीयवाहुमि ल्हूरम्मि एगो महंतो चाह न  
 मोहड । जइ सीहो वरण सहज्जा, सरहो वा वस वच्चेज्जा, तइया बाहुवली पसी-  
 होज्जा, तो मम किं हि ऊणयर सिया ? । तजो अम्हे तस्स दुब्बिणए सहि-  
 स्सामो, जइ लोगा मं असत्तं वइस्सन्ति, ता त वयंतु, लोमम्मि पउरिसेण एणेण  
 वा सव्व उत्थं लब्भइ, किं तु विसेसेण तारिसो उ भाया क्तथ वि न पाविज्जइ ।  
 भतिणो ! किं एव जुत्त नो वा, तुम्हे तुंण्हिं धरिज्जणं उदामीणा इव किं टिआ ?,  
 जहं जं भवे त एज्जाइ ।

अह सेणाणी सामिणो रुमाए बाहुवलिणो य अविणएण पदारेण विव दूणो  
 वएड-हे देव ! उसइसामिणो पुत्तस्स सुपहुणो भरहेसरस्स उटया रुमा, किंतु  
 सा रुग्णापत्तम्मि जणम्मि अरिहा । जो जस्स गामम्मि उमेज्जा सो तस्म आहीणो  
 नायट, सो बाहुवली देमं पि भुजमाणो वयणेणावि तुम्हाण नो वसो । पाणानं अ-  
 हारो वि तेयं वददवितो वेरी वरं, नियमाटणो तेय-वहविशायगो न उ वंधु  
 वि सेहो । रायाणो कोसेहिं सेण्णेहिं मिचोहिं तणएहिं देहेणावि य अंणपहाव रस्से-  
 इरे, ताणं पहावो निच्चय जीविय । सामिणो स-रज्जेणावि किं अपुण्ण होत्या ? जो  
 उम्हडभरहरेनविज्जो वओ. सो पहावट्टमेव पायव्वो । एगत्य वि हओ पहावो सव्वन्थ  
 दि हओ नेव, जओ हि मंडं पि भट्टमीन्थ मई सव्वया सिया असटं । गिहीण  
 पि धणेसु निच्चय सविभागो जुज्जइ, ते वि गिहिणो उपेदि गिज्जमाणं अप्पणो पहाव

मणयंपि न उविकिखरे । जं सयलभरहविजयवंतस्स पहुणो इह अविजओ तं किल समुदं उत्तिण्णस्स गोप्पयम्मि निमज्जणसरिसं । किं च इमं कत्थ वि सुयं कत्थवि दिट्ठं वा, जं पुढवीए चक्कवट्टिणो वि पौडिप्फद्धी राया रज्जं भुंजेइ ? । देव ! तत्थ अविणीयम्मि भाउसंबंधमेत्त-जाओ जो नेहो तं एयं सामिणो एगहत्थेण तालिया-वायणमिव । 'वेसाजणे विव-नेहरहिए वाहुवलिम्मि वि सामी नेहालू अत्थि' एवं वयंते अम्हे जइ देवो निसेहइ, निसे-हेउ, किंतु 'सव्वे सत्तुणो विजिणिऊण अंतो पविसिस्सामि' त्ति निच्चएण अज्जावि वाहिरं संठियं चक्कं देवो कहां निसेहिहिइ । भाउणो मिसेण एसो सत्तू नहि उवेकिखउं जुज्जइ, अमुं अत्थं अवररे वि मंतिणो पहु पुच्छउ । सुसेणसेणावइणो वयणसवणाणंतरं भरहनरिंदेण सम्मुहावलोयणेण पुट्ठो सुरगुरुसरिसो सइवडग्गणी एवं वएइ—सेणाइवणा जुत्तं वुत्तं, अण्णो को इमं व्रोत्तुं सक्को ?, विक्कमपयासभीरवो हि सामितेयं उविकिखंति, नियपहाववुइढीए पहुणा आइट्ठा निओगिणो पाएणं नियलाहट्ठं उत्तरं रएइरे वसणं वा वइढावेइरे । अयं तु सेणाहिवई देवतेयस्स पवणो पावगस्सेव केवलं बुद्धिहेयवे सिया । सामि ! चक्करयणमिव एसो वि सेणाहिवई थेंवं पि सत्तुसेसं अजिणिऊण न तूसेइ । तम्हा अलं विलंवेण, तुम्हाणं आणाए अज्जच्चिय दंडहत्थेहिं पयाणभंभा पडिपक्खो विव ताडिज्जउ । सुघोसायंटाना-एण देवा विव पसप्पंतेण भंभानिणाएण सवाहण-परिच्छदा<sup>१</sup>सेण्णा मिलंतु, तेयाभिवु-इढीए उत्तरदिसाभिमुहं आइच्चो इव तक्खसिलानयरिं पइ देवो पयाणं च विहेउ, सयं पि गंतूण सामी नियभाउणो सुबंधुत्तणं पेक्खउ, सुवेगदूयमुहसंदेसं सच्चं असच्चं वा जाणेउ, तओ भरहेसरो सइववयणं तहत्ति पडिवज्जेइ, 'विउसा हि अवरस्सावि जुत्तं वयणं मण्णेइरे' । तओ सुहदिवसे कय-पयाण-मंगलो सो भरहनरिंदो उण्णयगिरिं पिव नागं आरोहेइ । अण्णनरिंदिक्कसेणासरिसेहिं हयगयरहोरूढेहिं सहस्ससो पत्तीहिं पया-णतुरियाइं वाइज्जन्ति । अह पयाण-तुरियनिणाएहिं, समतालनिग्घोसेहिं संगीयकारिणो विव सव्वसेण्णाइं मिलेइरे । नरिंद-मंतिसामंत-सेणावईहिं परिवारिओ अणेग-मुत्ति-धरो इव भरहनरिंदो नयरीए बाहिं निज्जाइ ।

भरहनरिंदस्स संगामकरणट्ठं पयाणं—

अह भरहेसरस्स जक्खसहस्सेणाहिट्ठियं चक्करयणं सेणावई विव पुरस्सरं हवइ, सत्तूणं गुत्तचरा इव रण्णो सेणुत्थिआ पयाणसूयगा पंसुपूरा आसु दूरं पसप्पंति, तइया पयलियलक्खसंख-गयवरेहिं गंतुप्पत्तिभूमीओ गयरहिया इव लक्खिज्जन्ति । तस्स

चक्रमाणेहिं तुरंगेहिं मंदणेहिं वेसरेहिं उट्टेहिं अण्णं सव्वं महीयल वाहणरहियं जायं  
 ति मण्णेमि, जल्लहिं विक्खमाणाणं सव्वं जल्लमय पिय तस्स पाडक्कुट्टं पासमाणाण  
 नरमइय जग आभाड । मग्गे मग्गे गच्छंतस्स नरिंदस्स गामे गामे पुरे पुरे य लोमाणं  
 पवाया चिरं एरिसा जाएइरे—‘अमुणा नरउणा एग खेतं पिय सव्वं भरहस्सित्त साहियं  
 एसो निवो मुणी पुव्वाडं पिय चउइसरयणाड पाणीअ, निउत्तपुरिसा इय अस्म नव  
 निहिणो नसगा हुविरे, एवं समाणे पत्तियो किमट्टं कत्थ वा पत्तियओ? । जइ एसो  
 सिच्छाए वा नियदेसे वा पेस्सिउ गच्छड तथा सत्तुसाहणकारणं एय चक्कं किं अग्गओ  
 पयाड?, धुव दिसाणुमाणेण एसो भरहो वाहुवलिं पड गच्छेइ, अहो महताणं पि अरुंड-  
 पसरा क्रमाया हवति, सो वाहुवली देवामुरेहिं पि अइव दुज्जओ मुणिज्जइ, तं जिणिउं  
 इच्छतो एसो अंगुलीए मेरु उद्धरिउं इच्छड, ऊयाई अणेण अणुओ जिओ वा अणुणावि  
 एमो जिओ ति महतो अजसो, भरहनरिंदस्स उभयपयारेणावि एत्थ हाणी होहिइ’ ति  
 पयाए सुणंतो भरहेमरो उच्छलंतधुत्तिपूरेण वट्ठणसीलविंझगिहिं पिय सव्वओपि  
 उच्छलंतमंयारं इव वसित्तो, चउण्हं सेणंगाणं तुरग-गय-रइ सुहडाण हेसा-गज्जण-  
 विक्कार-करण्णोडणरवेहिं दिसाओ नारित्तो, गिम्हदिणयस्सुव्व मग्गसरियाओ सोसित्तो,  
 उशमो धाउव्व मग्गतारुणो पारित्तो, ‘सेणज्जअयत्तयेहिं गयणं दलागामअयं पिय कुणतो,  
 सेण-मडिय-भूमि गय मय-जलेहिं निव्वारित्तो चक्कपयाणुगामी नरवई जाइच्चो एगरा-  
 मीओ अण्णरामिं पिय दिणे दिणे गच्छतो वहलीदेसं जासाएड । भरहनरिंदो तस्स  
 देमस्स पवेसम्मि अंवरुत्त निवेसिउण समुदो मज्जायाए इय समज्जायो अवचिद्वेइ ।  
 सुणंदानंदणो वाहुवली पि रायनीड-गिह-त्थंभ-सरिसेहिं गुत्तचरेहिं तत्थ तं आगयं  
 जाणित्था ।

वाहुवलिणो चि पयाणं ।

अह वाहुवल्लिनरिंदो पयाणनिमित्त पडिनाएहिं रायण मभीकुणत पिय भंभ  
 णण्ड । कयपत्थाणमगागे वाहुवली मुत्तिमत रुट्ठाण पिय उमादमिन् भट्ठगड आरोहेइ,  
 सुरेहिं इंदो पिय निरेहिं रायकुमारेहिं मतीहिं अवरुहेहिं पि मुहडेहिं संज्जो परिवरिओ पि  
 सो वाहुवली महावलेहिं महमाइहिं एगकज्जपउत्तीहिं जभेज्जेहिं तहिं जप्पणो अंसेहिं

१ प्रसादा - ज्वनधुवाय । २ निजुक्का - नियोगिन । ३ स्वे-उवा । ४ जाणो लुक्क-उ । ५ सेन्व-  
 यत्तरे । ६ अवरुत्तम् - विपरिम् । ७ भना-नेरी । ८ मय ।

पित्र रेहेइ, अह सज्जो तच्चित्ताहिद्विया इव तस्स लक्खसो हत्थारोहा सोइणो रद्धिणो पाइक्का य निगच्छन्ति, अयलनिच्चओ सो ब्राह्मवली सत्थधरेहि ओयंसीहि नियमुहडेहि पुहवि एगवीरमइयं पिव रयंतो चळेइ । तस्स वीरपुरिसा असंविभागजय—जसकंखिणो परुप्परं 'अहं इक्कोवि सत्तुणो जिणिसुं' ति वयंति, तत्थ सेणम्मि कांढल्लवायगो वि वीरमाणी होज्जा, रोहणायल्लम्मि हि कक्करा वि सव्वे मणिसखधारिणो हुंति । भरह—बाहुवलीणं सइण्णवत्था ।

तयाणि चंद—सरिस—पंडूहि मत्तामण्डलियरायच्छत्तमण्डलेहिं गयणं पुंडरीयमइयं इव संजायइ । बाहुवली पत्तेगं पि महोयंसिणो नरवइणो पासन्तो नियवाहवे विव उच्चैहिं मण्णमाणो अग्गओ वच्चेइ । सेण्णाणं उद्दामेहिं भारेहिं पुहवि जयतुरियरवेहिं च सग्गं अप्फोडितो इव बाहुवली पहम्मि वच्चंतो दूरसंठिए वि नियदेससीमम्मि सिग्घं जाएइ, समसक्कंठिआ सुहडा खल्ल पवणाओ वि वेगवन्ता हुविरे । बाहुवली भरहेसरस्स सिविसओ नाइदूरे नच्चासण्णे गंगातडम्मि नियं खंधाचारं निवेसेइ । अह पच्चूसकालम्मि अण्णमण्णं अइद्विणो विव ते भरह—बाहुवलिणो मांगहेहिं संगामूसवाय निमंतेइरे । अह बाहुवली रत्तीए सव्वरायाणुमयं परक्कमणे सिंहं पिव नियं सिंहरहपुत्तं सेणावइं कुणेइ, पट्टहत्थिणो त्रिव अस्स मुद्धम्मि दित्तिमंतो पयावो इव सुव्वण्णमइओ रणपट्टो बाहुवलिणा सयं निवेसिज्जइ । सो रायाणं नमंसिज्जण लद्धरणसिक्खाए हरिसिओ अप्पणो आवासं गच्छेइ, बाहुवलीनिवो जुद्धट्ठं अण्णे वि राइणो आदिसित्ता विसज्जेइ, सयं रणत्थीणं ताणं सामिसासणं चिय सक्कारो एव । भरहचक्कवट्ठी वि आयरिओव्व सुसेणसेणावइणो रायकुमार—नरवइ—सामन्तरायसंमयं रणदिव्खं पयच्छेइ, सुसेणो सिद्धमन्तं पिव सामिसासणं घेत्तूण चक्कवागो विव पमायं इच्छंतो नियगेहं पयाएइ, भरहेसरो वद्धमउडे रायकुमारे इयरे वि सामन्तराए आहविज्जण समराय अणुसासेइ—'हे महोयंसिणो ? सुहडा ! मम अणुयस्स बाहुवलिरस रणम्मि अपमत्तेहिं तुम्हेहिं अयं सुसेणसेणावइं अहं पिव अणुसरियव्वो, भो भो ! भवंतेहिं महामत्तेहिं हत्थिणो इव भुयदुम्मया बहवो नरवइणो वसंवया कया, वेयड्ढगिरिं च अइक्कमित्ता देवेहिं असुरा विव दुज्जया चिलाया विक्कमेहिं बाढं अक्कन्ता, हन्त ! ते सव्वे जिणिज्जन्तु, जओ तेसुं तक्खसिलाहिवइपाइक्कमेत्तरस संणिहो न को वि होत्था, एगो वि बाहुवलिणो जेट्टो पुत्तो

१ सादिनः—अश्वारोहाः । २ वाद्यविशेषः । ३ महौजस्विनः । ४ जिज्जवाहून । ५ भतिथी इव । ६ मागधेश्वारणैः । ७ महामात्रैः—हस्तिपकैः ।

सोमजसो त्वाट पचणो इव सेण्णाइं दिसोदिसिं खेत्तु सवको, तस्स य पेण ऋणिट्ठो विक्कमेण उ गरिट्ठो महारहो स्त्रीहरहो पुत्तो सच्चुसेण्णदणानलो अत्थि, किंच बाहुमल्लिणो अवरंमु य पुत्त-पोत्ताईमु उक्किरुवको अक्खोहिणीमल्लो ऋयंतस्स नि भयसंपाडणपक्खलो अत्थि । तस्स य सामन्ताइणो सामिभचीए पत्थेण य जइ तुलिज्जाति तथा ते वि तेहिं सद्धिं दंडिमाणत्थिवा इय समाणभत्ति-पत्तता संति । अण्ण-सट्ठणम्मि जइ महापलो एगो अग्गणी जारिसो होइ तस्स सट्ठणम्मि सव्वे वि महो-यसिणो सुहडा तारिसा संति । सो महापह च्चाहुपली ताव दूरे अत्थु, जुद्धम्मि ण्यस्स एगा नि सेण्णरयणा वज्जव्व दुब्भेयणिज्जा । तओ पुव्वदिसिपवणा पौउसभव जलहर पिव तुम्हे नि संगामाय गच्छत सुसेणसेणावइं अणुगच्छेह' । निपपहुणो सुहो-यमगिराए अतोभरिया विव ते पुलएण समंतओ फारीभत्तदेहा जाया । भरहनरिंदेण विसज्जिया ते जयसिरीण पिव पद्दीराण सयं वरण कुणमाणा स-गेहं गच्छेइरे ।

### उभयह् सेण्णाणं सगामहं सज्जीभवण—

तइया दुण्ह भरह-चाहुपलीण पसाय-जल-जलहीण तरिउ इच्छमाणा वीर-धरा रणरुम्मम्मि सज्जेइरे । जह ते किणाण-चान-सरहि-गया-पमुहाइ नियाइं नियाइ सत्थाइ देवे विव अत्थिति । जसाहेण नच्चमाणचित्तस्स ताल पूरिउं पिव ते महामुहडा सत्थाणं पुरओ तुरियाट्ठेण ग्राएइरे । निम्मलनिय-जसेहिं पिव महा-भडा सुरहीहिं नचदणुव्वट्ठणेहिं अप्पणो देह मंज्जेउरे । णडालेमु आयद्धकिण्ह-पढ-वीरपट्ट-सोहाविडवणे णडालालंकारे' मिगमएण सुहडा विरयंति । उभयसेण्णे नि सत्थाण जागरणं कुणमाणाण सत्थसंप्रिसद्धानकडाओ य समायरंताण वीराण निदा भीया इव न समागया, पभाए जुद्धाभिकरणीण उभयसेण्णवीराण तिर्भामा सययामा विव कहचि नि सा गया । अह आइच्चो उमहपुत्ताण रणकीला-कोउंठल्ल पेक्खिउ पिव उदयायलमिहर आरोहेइ, तइथा उभेसुं सेण्णेसु भदरायल-ससुब्भमाण-जलहि-जल्लाणं पिव पल्लयसात्तसजाय-पुस्सलावट्टय-जलहराणं इय दंभेओलितालिज्जमाणगि रीणं पिव रणतुरियाण महतो निणाओ होइ, तथा पसप्पतेण तेण रणाऽऽभेओज्ज-निणाएण तम्मि समए उरुण्णताला दिसिगया तसिंति, जलजंतुणो भयभतचित्ता

१ ययसा । २ अग्गीहिणी-महता सेना । ३ प्रतिविम्बस्वित्थना इव । ४ प्राट्टमवत्तधरम । ५ माज-यत्ति । ६ ललाटालङ्कारवत् । ७ यगमदेव-दम्पत्या । ८ त्रियामा-रात्रि । ९ पुनहल्लम् । १० दम्भोत्ति-वज्ज । ११ आतोष-पाद्यम् ।

जायंति, जलहिणो खुब्धंति, कूराइं वि सत्ताइं सव्वओ गुहागु पविसिरे, महोरगा विवराओ वि विवरेसु निलिज्जंति, पाहाणखंडीअवंतसिहरा गिरिणो कंपेइरे, कुम्म-राओ वि संकुयंत-पायकण्ठं वीहेइ, गयणं धंसेइव्व, पुढवी विदोयइ इव जायइ । अह रायदुवारपालेजेव रण-तुरिय-नाएण पेरिआ उभगमु सेण्णेसु सेणिगा जुद्धं सज्जेइरे । केवि रणूसारहंसंतदेहत्तो तुइंतीओ कवय-नालिगाओ गुज्जो गुज्जो नवनवाओ ताओ समारएइरे, के वि नेहेण सयं चिय तुरंगमे संनाहिति, 'सुहडा हि वाहणेसु अहिगं रक्खं कुणेइरे' । के वि आसे संनाहिऊण परिकिखउं आरोहिऊण वाहिति, 'दुसिक्खिओ जडो अ आसो आसारोहग्गि सत्तुव्व आयरेइ' । संनाहगाहणम्मि हेसमाणे तुरङ्गमे केवि देवे इव अच्चेइरे, जुद्धम्मि हेसा हि जयखड्ढणी सिया । के वि सन्नाह-रहियाऽऽसे लद्धण अप्पणो-सन्नाहे चएइरे, 'समरेमुं वाहुपरकमवंताणं इमं हि पुरिसव्वयं' । समुद्धे मच्छो विव घोररणम्मि खलणारहिओ संचरंतो तुमं अप्पणो कोसलं दंसिज्जाहि त्ति के वि सारहिं पसारिति । पडिगा पौहेएहिं पिव के वि चिरं समरं पासमाणा नियरहे समंतथो सत्थेहिं पूरिति । के वि चारणे इव दूराओ अप्पजाणवण्ठं उरंतंभियनियचिन्हे ज्ञयथंभे दिठयरे विहेइरे । के वि सुसिलिद्ध-जुग-रेइर-रहेसुं परसेण-जलनिहि-जलकंतमणिनिहे 'तुरंगमे जुंजेइरे । के वि सारहीणं दिठयराइं कवयाइं अप्पिंति, 'आससहिया वि रहा सारहिं विणा निष्फला हि' । के वि निर्यंवाहाओ इव उद्दाम-लोह-वलय-सेणि-सम्पक्कक्कसे गयदन्ते पूयंति । केइ ससागच्छंतीए जयसिरीए वासघराइं पिव पडागामालारेहि-राओ सारीओ हत्थीसु आरोविति, कत्थूरीहिं पिव निग्गच्छंत-गंड-गयमएहिं सउणं ति वयंता केवि तिलए कुणंति । के वि अण्ण-गय-मयगंधवासियं पवणं पि अस-हिरे मणुव्व दुद्धरे गए आरोहेइरे । सव्वे वि हत्थारोहा सव्वेहिं सिन्धुरेहिं समर-महूसव-सिंगार-कंचुए इव सुवण्णमइयंककडे गहाविति, तह य सुंडग्गेसुं उण्णाल-नील-कमल-लीलाए लोहमुग्गरे गाहिति । तह हत्थिवगा जमस्स आहरियदन्ते विव किणइ-लोह-मइय-तिकखकोसंए दंतिदंतेसुं "विणिहेइरे ।

सत्थपुण्णा वेसरा सयडा य अणुगच्छंतु, अण्णह लहुहत्थाणं सत्थं कं पुरिस्सइ । निरंतरसंगामकम्मपराणं वीराणं जइ अग्गे धरियाइं वम्माइं तुट्टिसंति, तओ वम्म-

१ विद्रातीव । २ उच्छ्रवसद्=पुक्षकित थतुं । ३ संनाहयन्ति=संभ्रामने भाटे अण्णत्तरे वगेरेथी सण्णउरे छे । ४ हेपा-अश्वशब्दः । ५ पाथेयैरिव । ६ अवलम्बित० । ७ निजवाहनिव । ८ शारीः-गजपर्याणानि=हाथीतुं पक्षाण्य अण्णाडी वगेरे । ९ कंकटान्-कवचान् । १० कोशकान्-शस्त्रविशेषान् । ११ विनिदधति ।

पुण्णा उट्ठा सिग्ग चळंतु । रहीणं हि सत्थासणि-पायाओ नगा इव रहा भंजिहिनति,  
 तओ सञ्जिया अण्णे रहा अणुगच्छन्तु । पढमेसु आसेसु संतेसुं जुद्धम्मि विग्वा मा  
 होज्ज त्ति आसवाराणं पिट्ठओ सयसो अण्णे आसा गच्छंतु । इक्किक्कं वद्धमउड  
 नरिदं वहुओ वि इभा अणुजतु, ज तेसि एणेण डभेण जुद्ध न होइ । रणायास-गिम्ह-  
 उउतवियाणं जंगमपवाओ इव जलयाहिणो महिसा अणुसेणिगं गच्छंतु । चंदस्स  
 कोसोव्व हिमगिरिणो सारं पिव अभिणय-त्रण-रोहणो-महीओ वसहेहि उप्पा-  
 डिज्जतु । एउ संगमम्मि रायनियोगिपुरिसाणं आपससमुब्भवकोलाहलेहि रणतुरिय  
 महारवो अर्इय वद्धेइ । तथा समतओ सगुत्थियतुमुलेहि विस्म सदमइयं पिव, पेयता  
 ऽऽउहेहि च सव्वओ लोहमइयं इव होइ । दिट्ठपुब्बिणो विव पुव्वपुरिसाणं चरित्ताइ सुम-  
 रारिता, वामरिसिच्च उच्चएहि रणनिव्वाहफलं ससता, नारयरिसिच्च आयरसहिया वीराणा  
 उदीवणत्थ सुहुं सुहु उवत्थियपडिसुह्हे पसंसमाणा पव्वदिणव्व रणुत्ताला वेयलिया  
 हरिसेण तत्थ पट्ठरिथि पइरहं पइतुरंगं अणाउलं भमंति ।

### संगमपारभे जिणिदपूअण--

अह वाहुवली सिणात्ता देव अच्चिउ देवालयम्मि वच्चेइ, महता हि कत्थइ  
 कज्जम्मि न विमुञ्जेइरे, तत्थ जम्माभिसेगम्मि वासवो विव सो उसहसामिणो पडिमं  
 सुगवि-जलेण भत्तीए षड्वेइ, तओ कसायरहिओ सो परमसद्धो सद्धाए नियचित्तं  
 पिव दिव्वगध-रुसाइयवत्थेण तं पडिमं लुहेइ । तओ पडिमाए दिव्ववसणमइय-  
 चोत्त्रा रयतो विव जवररुद्धमेण प्रिलेवणं कुणेइ, तओ राया रूपतरुप्फमाला-  
 सरिस-सरस-सुग उजुत्त-प्रिचित्ताहि पुप्फमालाहि जिणपडिम समन्चेइ, सोवणिय-धूउ-  
 दहणम्मि वूमेहि नीलुप्पलमइयपूय प्रियतो उउ दिव्वपूव डहेइ, तओ रुय-उत्तरासओ  
 मयररासित्थिओ आउचो पयाउ पिव दित्त-डीवग आरत्तिग घेत्तूण आरत्तिअ उच्चा-  
 रिऊण पणमिऊण रुयजली भत्तिउहुमाणो वाहुवली आउणाहं एवं युणेइ-‘ज संस्स  
 अन्नाणय जाणिउण सव्वण्णु ! अहं तुम युणेमि त तु तुमम्मि एसो दुव्वारो  
 भत्तिउहुमाणो म सुंहेरेइ, आउमवित्थेसो ! भजारितसियपाणीणं वज्जपजरनिभाओ  
 तुम्हरेर-पाय-नइ-दित्तीओ जयति, देव ! भवत्तरण-रुमळं पेग्गिउं रायहसव्व

१ प्रेसद-वम्यमान । २-ननारय-त । ३-व्यासपियत् । ४-वेनात्तिका । ५ स्नपयति ।  
 ६ नाटि । ७ ररस्य । ८ दुवार । ९ मुवरयति ।



धण्णा चिय देहिणो पइदिणं दूराओ वि धावेइरे, भयवं ! सीयपीलिएहिं सरो विव घोर-  
 रांसारदुक्ख-वाहिएहिं विवेगवंतेहिं तुमं चेव एगो सरणीकुणीअसि, नाह ! हरिसेणं  
 निमेसरहिएहिं नेत्तेहिं जे पाणिणो तुमं पासंति ताणं परलोगम्मि वि देवत्तणं न दुल्लहं,  
 देव ! खीरेण खोदवत्थाणं कज्जलकयमालिणं पिव तुव देसणावयणजलेहिं नराणं  
 कम्ममलो अवगच्छेइ, सामि ! उसहणाह त्ति जविज्जमाणं तव नामं सव्वसिद्धिसमा-  
 करिसणमंतत्तणं अवलंवेइ, पहु ! जे तुम्हकेरभत्तिवग्गिया ताणं सरीरीणं वज्जंपि न  
 मिंदेइ, सूलंपि न च्छिंदेइ' एवं भगवतं पुलयंचिओ रायसिरोमणी सो वाहुवली थुणिऊण  
 नमिऊण य देवयागाराओ निग्गच्छेइ, तओ सो हेम-साणिकक-संडियं वज्जकवयं विजय-  
 सिरीविवाहाय कंचुगं पिव गिण्हेइ, तम्हा सो नरीसरो विउल-विदूडुम-समूहेण समुदो  
 विव भासुरेण तेण कवएण विराएइ, तओ धरणीधवो गिरि-सिहर-निविट्ट-मेह माला  
 सिरिविडंबगं सिरत्ताणं सिरम्मि निहेह, पिट्टीए महाफणिठाणाइण्ण-पायाल-विवरु-  
 वमे लोहनारायभरिए दुण्णि तूणे वंधेइ, वामभुयदंडम्मि जुगंत-समय-उइढखित्त-  
 जमदंडसहोयरं कोदंड धरेइ । इअ सण्णद्धो वाहुवली पुरोहिएहिं पुरओ 'सत्थि' त्ति  
 आसाधिज्जमाणो, सगोत्तबुड्ढाजणेहिं 'जीव जीवत्ति' बुच्चमाणो, बुड्ढ-सिट्ठ-पुरिसेहिं  
 'नंद नंद' त्ति बुच्चंतो, वंदिनरेहिं चिरं 'जय जय' त्ति वइज्जमाणो सो महाभुओ आरोह-  
 गेण दिण्णहत्थाचलंबणो देवराओ मेरुसिहरं पिव महागइंदं आरोहेइ । इओ तयारिं चेव  
 पुण्णबुद्धी सारिअरहेसरनरिंदो वि सुभसिरीए कोसागारं देवयागारं गच्छेइ, तत्थं  
 सहासणो सो दिसिविजयाणीयपउमाइतित्थजलेहिं सिरि-आइनाहपहुणो पडिमं ण्ढ-  
 वेइ, तओ सो रायसीहो देवदूसेण वत्थेण सिप्पिवरो मणिणो विव अपडिमं तं पडिमं लुहेइ,  
 लुहिऊण हिमायलकुमाराइदिण्ण-गोसीस-चंदणेहिं तं पडिमं नियजसेहिं पुढविं पिव  
 विलिपेइ, विलिपिऊण लच्छीघरसरिसपउमेहिं नयण-थंभणोसाहिरूवं पूअं रएइ,  
 रइऊण महीवई धूमवल्लीहिं कत्थूरीपत्तावलिं आलिहंतो विव पडिमाए पुरओ धूवं डहेइ ।  
 तओ सो समग्ग-कम्म-कट्टाणं उल्लणं अगिगकुडं पिव उदित्त-दीवगं आरत्तिगं  
 गिण्हेइ, तं आरत्तियं उत्तारिऊण आइणाहं च पणमिच्चा भरहभूवई मत्थयम्मि अंजलिं  
 विरइऊण इअ थुणिउं उवक्कमेइ'—जगणाह ! जडो वि जुत्तमाणी अहं तुमं थुणेमि ? जओ  
 ग्ररुणो पुरओ बालाणं लल्लावि गिराओ जुत्ता एव । देव ! गुरुकम्मोवि जीवो तुम्ह  
 सरणं अंगीकुणंतो सिज्झइ, 'सिद्धरसस्स हि फासेण लोहो वि सुवण्णीहोइ' । नाह !  
 तुमं ज्ञायसाणा थुणमाणा अच्चमाणा य धण्णा देहिणो मण-वाय-कायाणं फलं पावेइरे,

सामि ! पुढवीए विहरमाणस्स तुम्ह वि चरणरेणवो नराणं पात्रदुमुम्मूलणे  
 महागया इय आयरंति, पट्ट । सहावओ मोहेण अधिल्लगाणं सरीरीण विवेगलोयण  
 दाउ तुमं चिय एगो सक्को सि, जे तुम्हेच्चय-पाय-पउमेसु भमरायति ताणं मणस्स  
 मेरुप्पमुहं पिय लोयग न दूरे, देव ! भवत-देसाणायणेहिं पाणीणं कम्मपासा जल-  
 हरजलेहिं जंनुफलाड पिव सिग्घं गळंति, जगदीसर ! तुम सुहु सुहु पणमिच्चा उमं  
 पत्थेमि तुम्ह पसायाओ तुमम्मि भत्ती जलहिल्लमिअ अकरया होउ" इअ आइनाहं  
 थुणिऊण नससिऊण य भत्तिमंतो चक्रुअट्ठी भरहनरिंदो देवयागाराओ निग्गच्छेइ ।  
 तओ सो निवो पमाणविनिम्मियं क्वयं भुज्जो भुज्जो सिट्ठिल्लीकाऊण हरिसससिएण  
 अंगेण धरेइ, तेण अंगत्तग-टिअ-मणिमडयत्तमेण महीवई माणिकरूपूआए देवपडिमा  
 इव विराएइ । तओ सो भरहेसरो तीय मउडं पिय मज्झम्मि उच्चं उच्चत्तट्टल्ल सुवण्ण-  
 रयण--सिरत्ताणं धरेइ, नागराए विअ अच्चंत-तिक्ख--नाराय--दंतुरे टोणिण तौणीरे  
 पिट्टम्मि वधइ, तओ सो उंदो विअ उज्जुरोहियवणुह वामेण पाणिणा वेरि-पडिऊलं  
 कालपुट्टं महाअणु उपादेइ । सो सूरुो विअ अण्णतेयंसीणं तेयं गसमाणो, भइगइंदो  
 इव लीलाए यिरपायन्नासं कुणतो, मइदच्च अग्गओ पडिवीरे तिणं पिय गर्णितो,  
 पन्नगिंदो इव दुव्विसहदिट्ठीए वीहणगो, महिंदुव्व उच्चएहिं "वेदिबुंदारगेहिं थुणिऊणमाणो  
 भरहनरिंदो रणकुसलं महागय समारोहेइ । अह ते दुणिण वि भरहवाहुअल्लिनरिंदा रूप्त-  
 रुव्व वंदीण दविण रिंता, सहस्मकत्तव्व समागयनिय-सेण्णाइ पासंता, मुंणालं रायहंसव्व  
 एग चाणं धरंता, कामरुदं पिलासिपुरिसव्व रणरुदं कुणंता, महसाहा महोयसिणो ते  
 उभे नहमज्झम्मि दिणयत्तव्व निय-निय-सेण्णमज्झम्मि समागच्छन्ति । निय सइण्ण  
 अंतरसठिओ भरहो माहुअलो य जंवूदीमज्झवट्ठि-मेरुगिरि-सिरिं धरेइ । ताण दुण्ह  
 सेण्णाणं अतोअट्ठिणी भूमी निसह-नील्यत्तगिरीणं मज्झम्मि महापिडेहखेत्तभूमीव  
 लक्खिसज्जट्ट । ताण दुणिण वि सेणाओ रूप्तसमए पुच्चाअरवारिनिहिणो इव पति-  
 रुवाओ होऊण अभिर्मप्पेउरे । पतिं विष्कुट्टिऊण वाहिर गच्छता पाइक्का रायदुवार-  
 पाछेहिं सेऊहिं जलपवाहा इव निआरिज्जंति, ते सुहडा रायादेसेण ताछेण एग-  
 संगीय-अत्तिणो नट्टाया इव पम्पर समपायनास चळन्ति, निय-थाण अचइऊण गच्छतेहिं-  
 सव्वसेणिगेहिं ताण दुण्ह सेणाओ इक्क-देहाओ विव विरारयंति । ते सुहडा  
 रहाणं लोहमुहचक्केहिं पुढविं फाडता, लोहकुहाल्लरूपेहिं आसाण सुरेहिं खणता,

१ जमाथागाम् । २ त्थीरो । ३ भीपणो-भयजनक । ४ मन्दिन-स्तुतिपाठका । ५ मृगालम्-  
 पप्रनालम् । ६ यस्सपरं समुत्त गच्छन्ति ७ विस्सोटय-तोहीने ।

अद्धचंदसरिसलोहमइय-वेसर-खुरेहिं भिंदंता, पाइक्काणं वज्जपेण्हिचरणेहिं चुण्णंता,  
 खुरेहिं खुरप्पसरिसेहिं महिसवसह-खुरेहिं खंडंता, मोग्गरनिहेहिं त्थिपाएहि मेइणिं  
 चुण्णमाणा, अंधयारसहोयरेहिं रएहिं गयणं ढक्कंता, दिणयर-किरणसरिसेहिं च सैत्थ-  
 ऽत्थेहिं पयासंता, भूइट्टेण नियभारेण कुम्मपिट्ठं किलिसंता, महावराहरस समुण्णयं दाढं  
 नामंता, नागरायस्स फण्णाऽऽडोवं गाढं सिद्धिलिता, निहिले वि दिस्सिगइंदे वुज्जी-  
 कुणंता, उच्चएहिं सिंहणाएहिं वम्हंडभायणं नादंता, पयंड-कर-प्फोडणणाएहिं च  
 फोडिंता, पसिद्धेहिं झयलंछणेहिं उवळक्खित्ता उवळक्खित्ता मत्तोयंसिणो मुहडा पडिवीरे  
 नामग्गहण-पुच्चयं वयंता, अट्ठिमाण-सत्तसाळिणो मुहडा अप्पण्णं आहविंता दुण्हं  
 सेण्णाणं अग्गसइण्णमुहडा अग्गसेण्णमुहडेहिं सह मिलेइरे ।

जुद्धनिवारणं देवाणं आगमणं ।

जलजंतुणो जलजंतूणं पिव हत्थारोहा हत्थारोहाणं, तरंगा तरंगाणं पिव आस-  
 वारा आसवाराणं, वायवो वाऊणं पिव रद्धिणो रहीणं, गिरिणो गिरीणं पिव पत्तिणो  
 पत्तीणं कुंतस्स कुंतं असिणो असिं मोग्गरस्स मोग्गरं दंडरस दंडं च मेलविंता  
 अमरिसेण जाव हुक्केइरे, ताव गयणम्मि तेलुक्कविणाससंकाए संभंता देवा समा-  
 गच्छंति । नियवाहूणं पिव भरहवाहुवलीणं को अयं संघरिस्तु त्ति विमरिसमाणा  
 ते देवा दुण्हं सेणिगे एवं वयंति-‘जाव तुम्हाणं मणंसिणो सामिणो बोहावेमो ताव  
 केणइ न जुज्झियव्वं’ एत्थ उसहसामिणो आणा सिया । एवं देवाणं वयणं सोच्चा  
 तिजगभत्तुणो आणाए चित्त-लिहिया विव उभए वि सव्वे वि ते सेणिगा तहेव  
 चिट्ठंति । तहट्टिया ते सेणिगा ‘इमे देवा किं वाहुवलिणो संतिआ ? किं वा भरहस्स  
 ‘संतिआ’ ? एवं चिंतन्ति । संपइ कज्जं न विणस्सेज्ज लोगस्स य भइं होउ त्ति  
 वत्रमाणा ते गिच्चाणा पुवं भरहचक्कवट्ठिं समुवागच्छंति । जयसु जयसु त्ति आसिसं  
 दाऊण पियंवया देवा जुत्ति-जुत्तेण वयणेण संतिणो इव वयंति-‘नरदेव ! देवराएण  
 असुरा इव लक्खंडभरहखित्तम्मि तुमए सव्वओ भूवा विजिआ, राइंद ! तुम्ह परक्क-  
 मेण तेएण य तेसुं राएसुं मिगेसु सरहस्स विव पडिमल्लो न कोवि सिया, महिएहिं  
 जलकुंभेहिं मक्खणसद्धा विव तेहिं पूणं भवंतस्स रणसद्धा न हि पुण्णा जाया, तओ  
 तुमए अप्पणो वीएण भाउणा सह जुद्धं आरद्धं एयं स-हत्थेण स-हत्थस्सेव ताडणं,

१ पाणिः-पगनी पानी, । २ शस्त्राऽस्त्रैः । ३ फणाटोपम् । ४ उपस्थिता भवन्ति । ५ विमृशन्तो-  
 विचारयन्तः । ६ सत्काः-संबन्धिनः । ७ आशीर्वादम् ।

राय ! महातरुधमणम्मि इमस्स गंडकंडई इय तुव जुद्धम्मि वाहुकट्ट चेव धुवं कारण, जह मत्ताण वण-गयागं सफिट्ठो वणभंगस्स हेऊ तह तुम्हाणं भुयकीला वि विस्सस्स विणासाय चेव सिया, जह मंसभक्खिण्ण रणियसुहद्व रगकुळं विणासिज्जइ तह तुम्हेहिं क्रीडानिमित्तं प्रिस्सं संहरिउं किं आरद्ध ? । मयंकाओ अग्गिबुट्ठी विण जगर-कसगाओ किवाळ्ठो उसहपहुणो जायजम्मस्स तुव किं इम जुत्तं ? , तम्हा पुढविणइ ! संगेहिंतो संजमीय इमाओ घोराओ संगामाओ विरमाहि, नियं गेह वच्चाहि । तुमम्मि आगए तुम्ह अणुओ वाहुपत्ती वि आगओ, तुमम्मि गए एसो वि जाहिइ, कारणाओ सल्लु कज्जं हि होइ, जगस्सयपावपरिहाराओ तुम्हाण सुह होइ, दुण्हं पि सेण्णाणं च रणचायाओ भू अत्थु, तुम्हेच्चय-सेण्ण-भार-भूमिभगविरहा-ओ भूमिगम्भनिवासिणो भवणउपमुहाऽसुरिंदाऽणो सुद्विणो सत्तु, तुम्हकेर-सेण्ण-विमरणाऽभावाओ इह भूमी पव्वया जलद्विणो पयाओ सत्ताऽ च सव्वओ रोहं चयत्तु, तुम्ह समर-सभावि-जग-संहार-सकाप्रिद्विया सव्वे वि देवा सुह चिहंतु' इअ आगमणपभोयण वोत्तुणं विरएसु देपेसुं भरहेसरो मेहगज्जण गहीर-गिराए भासेइ-तुम्हेहिं विणा विरसद्वियगर इम यायं के वरिंतु, लोगो हि पाएण पर-कोउंइल्ल पेक्खिउं उदासीणो होइ । किंतु इह भगामुत्थाणकारण अण्णहा चेव, हियकस्सिरेहिं तुम्हेहिं जुत्तीए अण्णहच्चिय उद्वियं, 'रुज्जमूल अवियाणिज्जण अप्पणा किंच ऊद्विज्जण सासगस्स सुरगुरुणो वि सासण निष्फल होज्जा' । अहं वलत्तो म्हि चि न सल्लु अहं सगामकरणाभिलासी जाओ, 'भूट्टे तेवले समाणे सेलमद्वण किं विहिज्जट' ? तह य उवसंउभरद्विक्खिम्मि नरिंदे जिगंतस्स मज्झ पडिमल्लो न आमी तह अज्जावि न विज्जट, पडिमल्लो उ जयाजयनिर्गण सत्तु चेव सिया, किंतु देवजोगाओ एव वाहु-पत्तिणो मम य भेओ जाओ अत्थि । छट्ठि वासमहस्साऽ दिसिप्रिजय काऊणं समागओ समाणो अहं तं वाहुपत्तिं अण्णारिंमं पिच पेक्खेमि, एत्थं भूट्टो कालो कारण, तओ दुत्ताल्लसमु अमिसेगवासेसुं नो वाहुपत्ती मज्झ समीपे नदि आगओ, तत्थ मए तस्म पमाओ तक्किओ, तत्तो तरम आद्वरणत्थं मए दूए पेसिए वि जं सो न आगच्छि-त्था तत्थ वि मत्तीण मंतणणेनो कारण तक्किज्जइ । एअं नलोहाओ न य कोवाओ आहवमि, किंतु एगम्मि वि अगमिरे चक्क अंतो न पप्रिमेज्जा । चरकरयण नपरिं न पप्रिमेइ, एमो य मं न नमेइ नि एयाण परुप्परफट्टाए मरुडम्मि पडिओ म्हि । सो

१ गयोगो-मिथ्य च । १ ऊद्धम् । २ ऊद्विहम्-तक्किम । ३ शीर-पवत्त । ४ अय एद्वमिप

बाहुवली मणंसी वि मम भाया एगवारं आगच्छेउ, ममतो अतिही पुयं पिव अण्ण पुढविं पि गिण्हेउ, मम चक्कपवेसं विणा न अण्णं संगामकारणं, नएणोवि अणएणावि तेण अणुजम्मेण मम न माणो सिया ।

अह सुरा ववन्ति-राय ! संगामकारणं महंतं, भवारिसाणं अप्पेण कारणेण एरिसी पउत्ती न सिया, तओ अम्हे बाहुवलिं समुवेच्च वोहावेसो, जुगक्खओ विव आगच्छंतो जणक्खओ रक्खणिज्जुत्ति, भवंतो इव सो वि जइ उच्चएहिं कारणंतरं वएज्जा तह वि अहमेण जुद्धेण न जुज्झियव्वं, उत्तगेहिं दिट्ठि-वाया-बाहु-दंडाज्जुद्धेहिं जुज्झियव्वं, जह निरवराहाणं गयाईणं वहो न हि होज्जा । तहत्ति चक्कवट्ठिमि अंगी-कुणंते ते देवा विइयसेण्णम्मि बाहुवलि-नरिंदं उवागच्छेइरे, अहो ! दिह-अवंटंभण-मुत्तीए एसो अरिसणीओत्ति अंतो विम्हयवंता ते तं एवं भासिंति-जगनयणचकोराणंद-पयाणमयंक ! उसहसामिनंदण ! चिरं जयसु चिरं नंदसु, जलहीव तुमं कयावि मज्जायं न उल्लंघेसि, संगामाओ कायरुव्व अण्णवायाओ वीहेसि, नियसंपयासु अगव्विरो, परसंपयासु असच्छरी, दुव्विणीयाणं सासगो, गुरुसुं पि विणमिरो, विस्साभयदाण-परस्स पहुणो अणुरूवो तुं तणओ असि, अवरस्सावि विणासाय मणयं पि न पवट्ठित्था तथा जिट्ठम्मि भायरम्मि तुव किं अयं भयंकरो आरंभो ?, सुहाओ पंचत्तणं पिव तुवत्तो एसो न संभाविज्जइ, एत्तिए<sup>१</sup> वि गए मणयं पि कज्जं न विणट्ठं, तम्हा खलमेत्तिमिव रणारंभ-सरंभं चयसु, नरेसर ! मंतेण महोरगे विव नियाणाए संगामारंभाओ वीरसु-हडे निवारेसु, जिट्ठभरहभायरं अभिगंतूण वसंत्तओ होहि, एवं च कए 'सत्तिमंतो वि अयं विणयवंतो' इअ अच्चंतं सिलाहिज्जसि, तओ भरहज्जियं इमं छक्खंडभरहखित्तं सोव्वज्जियं पिव भुंजसु, तुम्हाणं दुण्हं किं अंतरं ? इअ वोत्तूणं वरिसिज्जण जलहरेसु विव विरएसु देवेसु बाहुवली किंचि हसिज्जण गहीरगिराए वएइ-देवा ! अम्हाणं विग्गहकारणं परसत्थेण अविण्णाय निय-निम्भलासएण एवं वएह-<sup>२</sup> 'तायभत्ता सइ तुम्हे' अम्हे वि य तायस्स तणया इअ संबंधाओ वि तुम्हेहिं एरिसं वुत्तं तं जुत्तं, पुरा हि दिक्खासमए अत्थीणं हिरणं पिव देसे विभइज्जण अम्हाणं भरहस्स य अप्पित्था, निय नियदेसेण संतुट्ठा सव्वे वि अम्हे चिट्ठामो, धणनिवित्तं हंत ! पर-दोहं को कुणेइ ?, असंतुट्ठो उ भरहो भरह-खित्तमहोदहिम्मि महामच्छो अण्णे मच्छे विव समग्ग-नरवईणं रज्जाइं गसित्था, तेहिं पि रज्जेहिं भोयणेहिं ओअरिओ विव असंतुट्ठो सो नियलहु-

१ नतेनापि । २ द्ढावलम्बनमूर्त्या । ३ असहनीयः । ४ पंचत्वम्—मरणत्वम् । ५ इयति । ६ स्वोपार्जितमिव । ७ औदरिकः—उदरपूरकः ।

बंधूणं रज्जाइं अचिंठंदित्या, जो भाऊणं पिउदिण्णाइं रज्जाइं अचिंठंदेज्जा तेण अप्पणा चेव अप्पणो गुरुत्तण निगारिअं, वय-मेत्तेण न गुरु किंतु गुरुणो विव आयरमाणो गुरु दोइ, तेण लहुवधुनिकासणाओ नणु गुरुत्तण दंसियं, एत्तियकाळं विवभमेण मए अय सुग्गणमुद्धीए पित्तलव्व मणियुद्धीए य कच्चव्व गुरुमुद्धीए दिट्ठो, पिउणा नियवंस-जाएण वा दिण्णं निरवराहिणो अण्णस्साऽवि पुढविं अप्परज्जो पि न हरेज्जा, किं पुणो भरहेसरो ? । नूण एसो कणिट्ठाण रज्जाइं हरिज्जण न लज्जिओ, जओ अहुणा जयणसीलो रज्जकएणं मं पि आहवेइ । जह पोओ अंभोनिहिं तरिज्जण समुदत्तडत्थिय-गिरिणो दंतग-भागोसु अप्फडिज्जइ तह अयं भरहो सव्वभरहसित्ते जिणिज्जण वेणेण मइ अप्फडिओ । लुद्धं मज्जायारहिंयं रत्तसं पिउ निगिण अमुं भरहं मम कणिट्ठमयो वि लज्जाए नहि सेवित्था, तस्स केण गुणेणाइं अज्ज वसंवओ हवेमि ?, अमरा ! सग्गं वि मज्झत्थ धरिज्जण ववेह । अह सो निउ-विक्कमेण मं वसोइत्तं करेइ, तं तु करेउ, सत्तियाण हि एसो आहीणो पट्ठो । एव ठिए वि हि आलोइज्जण जइ पच्छा गच्छेज्जा तथा खंमेण एसो गच्छेउ, एयारिसो ह न लुद्धो । भरहदिण्णं सव्वभरहसित्त अहं भुजेमि त्ति कयावि किं होज्जा ?, केसरिसीहो केणइ दिण्णं कयाइ किं भुजेइ ?, तस्स भरहसित्त गिण्हत्तस्स सट्ठिमास-सहस्साइं गयाइं, जइ इम अहं वेत्तु इच्छिस्सं तथा पि हि गिण्हि-स्सं, एत्तियकाळेण तस्स समुप्पणभरहविभूइ किवणस्स धणं पिउ तस्स भाया अह कइं हरामि ?, जइ जाइफलकवलेण हत्थीव सो अमुणा वेमवेण अओ जाओ तथा वि सो सुहं अचिउउ न सक्को, जओ भरहेसरस्स एय भरहखेत्तेस्सरिय मए हिंय चिअ मए अणिच्छाए उविस्सियं त्ति जाणेह, किंतु मज्झ कोस हत्थि-तुरगाइअं जस पि य अप्पिउं पडिभूहिं पिउ अप्परिसेहिं मंतीहिं एसो इह आणीओ अत्थि, तुम्हे जइ इमस्स हियाभिलासिणो तथा इम संगामाओ निसेहेह, अजुज्झमाणेण अण्णेणावि सह अहं कयाइं न जुज्झामि । ते देवा जलहरस्स गज्जियं पिउ तस्स उज्जिय वयणं सोच्चा विम्वयचित्ता भुज्जो वि एव वयति-इओ जुद्धम्मि चक्राऽपवेसणं हेउं जपतो चक्रवटी अणुत्तरीकाऊण निरोद्धुं सुरगुरुणावि असक्कणीओ, जुज्झमाणेण सह अहं जुज्झामि त्ति जपतो भवतो जुद्धाओ निरोद्धुं नियथं सक्केणावि न सक्किज्जइ । उसहसामिदिह-ससग्ग-सालीणं महामुद्धीणं विनेगवताणं जगपालाणं दयालूणं तुम्हाणं दुण्हपि त्रिस्सस्स इइव्वजोगेण जुद्धस्म उपाओ उपत्थि-ओ, तह वि पत्थियदाणरूपपायव ! वीर ! तुम पत्थिज्जसि 'उत्तमेण चिय जुद्धेण जुज्झाहि न उ अहमेण' उगमतेयंसीणं तुम्हाणं

१ आच्छिन्नत्-बलात्कारेण अट्टहणात् । २ काचपत् । ३ दन्तक-उपेतम्य इत्ता इय निगता माणा । ४ उभ्या इय माध्यक्ष्यम् । ५ यथायत्तम् । ६ हतमेव । ७ उपेक्षितम् । ८ प्रतिनिधिभिरिव ।

इव लंबमाणाओ निविडाओ संकलाओ पइसंकलाओ य वंधेइ, सहस्ससंखाहिं ताहिं  
 संखलाहिं स चक्रवट्टी अंसैहिं सहस्ससंख विव वल्लीहिं महातरु विव रेहेइ । अह सो सुहडे  
 वणइ-सवलवाहणा तुम्हे महासगंडं वसहा विव निव्भयं मं समाकरिसेह, सव्वे सव्व-  
 बलेण मं कइदिऊण इह गइडाए पाटेह, इमं मज्झ वाह्वलपरिक्खणट्टं न तुम्हाणं  
 सामि-अवण्णच्छलं । अरुहेहिं इमो हुंसुमिणो दिट्ठो तं पडिहणिज्जउ, सो हि दुसु-  
 मिणो चरियत्थकरणेण सयं चिय निप्फलो होज्जा ए भुज्जो भुज्जो चक्रवट्टिणा  
 आइट्ठा स-सेणिगा ते कंहंचि तस्स वयणं अंगीकुणेइरे, 'जओ सामिणो थाणा वली  
 यसी' । तओ ते सव्वे सेण्णसुहडा मन्दरगिरिणो मंथंणदवरिणाभूयं सप्यं पिव  
 चक्रवट्टियुरस संखलाबुंदं समाकरिसेइरे । तइया पलंविरासु चक्रवट्टियवाहुसंखवासु  
 गाढविलग्गा ते उत्तुंगतरुसाहग्गेमुं साहामिगा विव भासेइरे, चक्रवट्टी सयं  
 अप्पाणं करिसयाणे निय-सेणिगे गिरिं भिंदमाणे गए इव कोउग-  
 पेक्खणट्टं उविकखेइ । अह चक्की तेण च्चिय वाहुणा हिययम्पि अंगरागं कुणंतो  
 विव तं वाहुं हियए ठवेइ । तथा ते सुहडा मान्वावद्धवडीनाएण सव्वे सह पडन्ति,  
 तथा चक्रवट्टिणो वाहु निरंतरं लंबमाणेहिं तेहिं सेणिगेहिं खज्जरेहिं खज्जूरतरु-  
 साहा विव छज्जेइ । सामिणो विकमेण हरिसन्ता ते सेणिगा पुव्वकय-दुस्संकं  
 पिव ताओ वाहुसंकलाओ खणेण उज्जेइरे, तओ चक्रवट्टी कुंजराखुढो भुज्जो वि  
 समरंगणं आगच्छेइ, तइया उभयं सेण्णाणं मज्झम्मि विउलं भूमियलं गंगा-जंउणाणं  
 मज्झे अंतावेइदेसो इव विरायइ, तओ जगसंहार-रक्खणाओ पसुइया देवा नियो-  
 गिणो इव सणियं तत्थ पुढवीए रँयाइं हरिति । विदेगवन्ता ते समोसरणभूमिं  
 पिव गंधवुवुट्ठीए समन्तओ तं भूमिं अहिसिचेइरे, तत्थ रणाऽवणीए संतवाइणी  
 मण्डलावणीए विव ते सुरा वियसियाइं कुसुमाइं खिवंति ।

भरह-बाहुवलीणं दिट्ठिपधुहजुदं ।

अह ते उभे वि रायकुंजरा कुंजराओ ओयरिऊण कुंजरा विव गज्जंता सम-  
 रभूमिं पविसंति, उभे वि महोयंसिणो लीलाए चलंता पए पए कुम्मरायं पि पाणसं-  
 सए आरोविति । पढमं दिट्ठिजुद्धेण जुज्झियव्वं ति पइणं काऊण ते अवरे सक्की-  
 साणा इव अनिमेसनयणा संमुहा चिट्ठेइरे, 'उभयत्थ थिअ-भाणु-मयंकसंज्ञासमय-  
 गयणसोहाधरा ते अरुणनेत्ता संमुहा अण्णोणस्स सुहं पेक्खेइरे, एवं ज्ञायन्ता

१ अंशुभिः । २ दुःस्वप्नः । ३ सार्थककरणेन । ४ मन्थनरज्जुभूतम् । ५ शाखासृगाः-वानराः  
 ६ गङ्गायमुनामध्यभागः । ७ रजांसि । ८ उभयत्र ।

जोगिणो वित्र उभे निच्चललोयणा मिहो निज्जायता ते चिरकालं सचिद्वेदरे, तथा जिद्वस्स उसहसामिनंदणस्स भरहस्स नेत्ताडं आडच्चररररररनीलुप्पलुच्च निमीलेदरे । भरहउरररररररररररररररर महदंए किन्तीए चक्कवट्टिणो अवसीडं अमुयजलमिसाओ जलं दितीय । तथा गिराडं धुणता अमरा पभायम्मि पायथा इव वाहुवल्लिम्मि पुप्फ-वुट्टिं विदेदरे । वाहुवल्लिणो मोमप्यह-पमुहवीरेहिं आदच्चोदए परसीहिं पिय हरि-सकोलाहलो कुणिज्जइ, तक्कालम्मि उज्जयनट्टारंभे क्विच्छि-नट्टगीए इव वाहुव लिस्स रण्णो पलेहिं जयतुरियाटं गइज्जंति, भरहस्सावि सुहडा मुच्छिउया इव संमृत्ता इव रोगाउरा इव मंदतेआ हवंति, अन्यारपयासेहिं मेरुस्स उभे पासा विव ताडं दोणिण पलाडं विसायहरिसेहिं जुज्जति । तदया वाहुवली 'कागतालिज्जनाएण मए विज्जियं' ति मा वएसु, अहुणा वायाजुद्धेणा वि जुज्जाहिं ति चक्कवट्टिं वएड । वाहुवल्लिणो वयण सोच्चा चरणपुट्टो अहीव सामरितो चक्की वि जयणसील ! 'एवं हवेउ' ति वाहुवल्लि भासेउ । ईसाणिदस्स वसहो विव निणाय, सक्कस्स एराओ इव विहियं, वारिधरो विव थणिय उच्चएहिं भरहो सीहनायं कुणेड । तस्स सिहनाओ जुद्ध-पेसगाणं देमाण विमाणे पाडितो विव, गयणाओ गह-नक्कत्त-तारगाओ संसमाणो इव, कुत्ताउयलाण अच्चुच्चएहिं सिहराटं चाल्लितोच्च, समताओ जलहीण जल्यटं उच्चाल्लितो विव, महानदंए परजल अभिओ तीरादं पिय पररंतो सग-भूमिमुं वावेउ । तेण नाएण दुव्वुद्धिणो गुरुणो आण पिय रहजोइयतुरगा वंगं न गर्णिति, पिमुणा सुगिर पिय हसियणो अंकुसे न माणेदरे, 'सिंभरोगिणो रुडुत्तणं पिव आसा कंमं न जाणेदरे, जारपुरिसा लज्जं पिव उट्टा नासारज्जुं न गणेदरे, भूय-गसिया विव वेसरा कसावाय न वेयति, के वि तेण नाएण तमन्ता विरय न परेदरे ।

अह वाहुवली वि सिहनाय विहेउ-सो एरितो, आगच्छत-गरुठ-पक्क-निग्गो सगुडीए पायाओओ वि पायाळ पविसिउ उच्चमाणेहिं पिय उरगेहिं, जलहिमउज्जम्मि य अब्भंतरपविट्ट-मंदरायल-मयण-सद-सक्काए सच्चओ वि तसमाणेहिं जलजन्तुहिं, सुज्जो उद-विमुत्त-दमोत्ति-निणाय-भरेण प्रप्यणो विणासं जाथरुमाणेहिं कपमाणेहिं कुत्तायलेहिं, उप्पंतकाल-पुक्कत्तवट्टय-येह-मुत्त-विज्जुद्धिणिभमेण भूमिपीढम्मि लुहतेहिं मज्झन्तो ग निरामीहिं, अतामय-समागय-दट्टच्चाररुंदकोलाहल्लभमाओ य वाउलेहिं अमरगणेहिं अइदुम्मो मुणिज्जमाणो लोभानाल्लिफट्टाए अईस्त्तर वट्टदमाणो वाहुवल्लिणा अहमइरओ

१ पाथाविव । २ स्पष्ट । ३ सखयन-अरायन । ४ व्याप्नोति । ५ वरगाम्-रगाम । ६ उष्णो-गिण । ७ कश्चाम्-चायुक । ८ अथरोत्तरम्-अथ उपरि ।



अहमेण हि जुद्धेण भूइद्व-लोग-पलयाओ अकालम्मि पलथो भवे । तओ दिट्ठिजुद्धा ईहिं जं जुंज्जियच्चं तं सोहणं, तेसु हि जुद्धेसु अप्पणो माणसिद्धी लोभाणं च पलओ न सिया । आम त्ति वाहुवलिम्मि वयंते ते देवा ताणं दुण्हं जुद्धं ददुं पउरा विव नाइ-दूरे चिट्ठेहरे । अह वाहुवलिस्स आणाए गयत्थिओ ओयंसी पडिहारो गयच्च गज्जंतो नियसेणिए एवं वएइ-भो भो ! सच्चसामंतरायणो ! सुहडा ! य चिरं चित्तमाणाणं तुम्हाणं पुत्तलाहो विव अभिट्ठं सामिकज्जं उवट्ठिअं, परंतु तुम्हाणं मंदपुण्णत्तणेण देवेहिं महावाहू अयं देवो भरहेण सह दंदजुद्धनिमित्तं पत्थिओ, सयं पि दंदजुद्धाभिलासी सिया, तत्थ सुरेहिं पत्थिओ पुणो किं ? तओ इंदतुल्लविवकमो वाहुवलिन्नरिंदो तुम्हे जुद्धाओ निसेहेइ, तम्हा मज्जत्थदेवेहिं पिव तुम्हेहिं हत्थिमल्लो विव अवीयमल्लो जुज्जिज्जमाणो एसी सामी पेक्खणीओ । तओ महोयंसिणो तुम्हे रहे आसे कुंजरे य वालि-ऊण वंकीभूया गहा विव अवक्कमेह, करंडगेसु पन्नगे इव कोसेसु खग्गे खिवेह, केउणो विव उँद्वीसुहे कुंते कोसएसुं विभुंचेह, महागया करे इव उड्ढीकए मोग्गरे अवणसेह, णडालाओ भुभयं पिव धणुक्काओ जीअं उत्तारेह, अत्थं निहाणे पिव वाणं तोणीरे "निहेह, जलहरा विज्जूओ विव सल्लाइं च संवरेह । वइरनिग्घोसेणेव पडिहार-गिराए धुण्णिआ वाहुवलिणी सेणिगा चित्तम्मि एवं चित्तेइरे—"अहो भाविरणाओ वणिएहिं पिव भीएहिं, अरहेसरसेण्णेहितो उच्चएहिं लद्धलंचेहिं पिव, अम्हाणं पुव्वभववेरिहिं पिव अकम्हा आगएहिं विवुहेहिं हा ! पहुं पत्थिऊण अहुणा जुद्धसवो निरुद्धो, भोयणाय उवविट्ठाणं अग्गओ भायणं इव, लालणाय उवसप्पंताणं पैलिअंकाओ मुत्तो विव, अहो ! कूवाओ निग्गच्छमाणाणं आयइद्वणी रज्जू विव अम्हाणं आगओ वि रणूसवो दइव्वेण हरिओ । भरहतुल्लो अण्णो को पडिपक्खो होही, जेण अम्हे संगामे सामिणो रिणरहिया होहिस्सामो । "दायादेहिं पिव चोरेहिं पिव सुँवासिणी-पुत्तेहिं पिव अम्हेहिं वाहुवलिस्स धणं मुहा गहियं । नूणं अम्हाणं इमं वाहुदंडवीरिअं अरणसमुवभवक्ख्खाणं पुप्फसोरहं पिव मुहा गयं । 'क्रीवेहिं इत्थीणं पिव अम्हेहिं "अत्थाणं संगहो, तह य सुगेहिं सत्थव्भासो विव सत्थव्भासो मुहा विहिओ । तावस-दारगहिं कामसत्थपरिन्नाणं पिव अम्हेहिं इमं पाइक्कत्तणं पि निप्पलं गहियं । एए मयंगया संगामव्भासं तुरंगमा य परिस्समजयव्भासं हयवुद्धीहिं अम्हेहिं मुहेव कारिया ।

१ वक्कीभूताः । २ अपक्रामत । ३ केतूर । ४ ऊर्ध्वमुखान् । ५ भुवम्=भवां । ६ ज्याम्=धनुर्जी-वाम् । ७ निघत्त । ८ घूर्णिताः=भ्रान्ताः । ९ पर्यङ्कात्=पलंगथी । १० आकर्षणी=खेचनारी । ११ दायादैः=पैतृकसम्पत्तिभागहरैः । १२ चिरपितृगृहनिवासिन्याः पुत्रैः । १३ ह्लीवैः । १४ अस्त्राणाम् । १५ शास्त्रा-भ्यास इव शस्त्राभ्यासः ।

सरय-समृद्धभवोरिण्हिं पिव अम्हेहिं मुहा गज्जियं, रायपत्तीहिं पिव अम्हाहिं मुहा विरिडं ऋत्तियं?, सामग्गीदसणेहिं पिव अम्हेहिं मुहासंनद्ध, जुद्धमणोरहे अपुण्णे अम्हाण अहंकारधारित्तण निष्फलं चिय गय” एवं विचिंतमाणा विसायविसग-  
 विभया स-सुकारा स-फुकारा सप्पा इव ते अवसत्पंति । ताहे रत्तियमहाधणो भर-  
 हेसरो वि महण्णवो वेलं पिव नियं सेण अत्तारेइ । महोयंसिणा चक्किणा अत्तारिज्ज-  
 माणा नियसेणिगा पए पए समूहीभूय एव आलोयंति-“मंतिमिसेण ऋत्त वेरिणो  
 मंतेण अम्हाण सामिणा दुत्ताहुमेत्तेण इव दंदजुद्धं अणुमयं, सामिणा जो हि सगामो  
 अभिमओ, ता तु तक्केण भोयण पिव, तम्हा अहो ! अलाहि एएण, अओ परं  
 अम्हाण किं ऋत्त ? । उवत्तंभरहखित्तनरवईण रणकम्मसे अम्हाण किं को वि  
 अत्तकंतो ? , जेण अज्ज रणकम्माओ अम्हे निसिहिज्जामो । जइ सुद्धेसु नद्वेसु  
 विजिएसु इएसु वा सामिणो जुद्धं जुत्त, अण्ह न उ, रणे हि विचित्ता गई ।  
 जइ एग अट्टवलिं विणा अण्णो को वि पैडिवक्खो होज्जा, तथा सामिणो जुद्धमि  
 रुयाई न हि सकामहे । उदग्गत्ताहुणा चाहुवलिणा सद्धिं आहवमि पांगसासणस्ता-  
 वि विजयमि संसओ होज्जा, तथा के अण्णे ? । महानईपूरस्स उव दुस्सहवेगस्स  
 तस्स वाहुवलिणो जुद्धमि पढमं भत्तुणो ठाउ न जुज्जइ । पुव्व आसदमेहिं दमिए  
 जासे अहिरोहण पिव पुव्वं अम्हेहिं जोट्टिए तओ सामिणो रणो उट्ठो,” एव अण्णुण्ण  
 वत्तमाने सेणिगे पेत्तियत्तण इगियागारेहिं ताणं मणोगयभावजाणगो चक्कवट्ठी समा-  
 हविज्जण इअ भासेइ-

भरहस्स नियत्तपयसणं पुरओ वलपयंसण ।

जहेव तमत्तुदविणासणमि भाणुणो क्रिणा अग्गेसरा तहेव तुम्हे सत्तु  
 संमदणमि मम अग्गेसरा सुहडा हवेइ । जह अगाह-परिहाए इत्थी उप्पत्तं  
 नाभिगच्छेज्जा तह तुम्हेसु सुहडेसु समाणेसु को वि रिज्ज मं पइ न आयाइ, मम  
 जुद्धं अदिट्ठपुत्तियणो तेण तुम्हे एरिस मुहा आसंकेद, भत्ती हि अपए वि भयं पेक्खेइ ।  
 सुहडा ! सत्तु तुम्हे समिल्लिज्जण मज्झ वाहुत्तावल्लोयण कुणेइ, जेण तुम्हाण संका  
 ओसत्तेण रोगोच्च रणेण पणस्सइ, इअ वोत्तूण चक्कवट्ठी रणगपुरिसेहिं रणेणाऽवि  
 अत्तित्थियण्णगहीर एग गइड खाणेइ, दाहिणवारिहिणो तीरमि सेज्जगिरी  
 उव तस्स गइस्स तडमि भरहेसरो उवविसइ, स वामत्ताहुमि वडस्सवत्तमि जहाओ

१ वारिदे । २ विकट कटाक्षितम् । ३ तस्मिन्काले । ४ अपक्रान्त । ५ प्रतिपक्ष - शत्रु ।  
 ६ पाकशान्तस्य-इन्द्रस्य । ७ अपदे-अस्थाने । ८ सद्यगिरि ।

सिंहणाओ विहिज्जइ । भुज्जो वि महावलो भरहनरिंदो हरिणीओ इव वेमाणिआणं  
 'विलयाओ तासितं सीहणायं विहेइ, एवं कीलाए इमस्स मज्झलोगस्स भयजणगा विव  
 क्रमेण भरह—वाहुवलिणो महज्झणिं कुणेइरे, तत्थ भरेहसररस सट्ठो क्रमेण हत्थिणो  
 हत्थो इव सप्पस्स य सरीरं पिव अइसएण हीणो हवइ, वाहुवलिणो उ सिंहनाओ  
 सज्जणस्स सोहदं पिव सरियाए पत्राहो विव अहिगाऽहिगं पवइटेइ । एवं सत्थवाए  
 चाइणा पडिवाई इव वायाजुद्धे वि वीरेण बाहुवलिणा भरहेसरो विज्जिओ । अह ते  
 उभे वंधवा वाहुजुद्धं वद्धकैच्छ—गयवर—सरिसा पंरिअरं वंधेइरे । तइया वाहु-  
 वलिणो सुवण्णदंडधरो पडिहारप्पहाणो उच्छलिअवारिही विव वएइ—पुहवि ! वइर-  
 खीलगे इव गिरिणो अवलंबित्ता असेसंपि सत्तं धरिज्जण थिरीभव, नामराय ! परिओ  
 मारुयं पूरिज्जण थंभाविज्जण य गिरिव्व दिढीहोऊण पिच्छिं धराहि, महावराह !  
 वारिहिणो पंक्कम्मि पलोट्टिऊण अग्गेयणं परिस्समं विहाय पुणो नैविओ होऊण  
 पुहविं अंगीकुणसु, कुम्मसेट्ठ ! वज्जमाणि ! परिओ वि अप्पणो अंगाइं संकोइऊण  
 नियपिडिं दिहं काऊण पुहुविं वहसु, दिसिगया ! पुव्वं पिव पमायाओ अहिमाणाओ  
 वा निहं मा धरेह सव्वप्पणा सावहाणा होऊण वसुहं धरिज्जाह, जम्हा अयं वइरसारो  
 बाहुवली वइरसारेण चक्कवट्ठिणा सह मल्लजुद्धेणं जुज्जिउं अहुणा उच्चिट्ठेइ । अह  
 ते महामल्ला विज्जुदंड—ताडिय—गिरिव्वसरिसं करप्फोडणं विहिंता मिहो आहवेइरे ।  
 चंचलकुंडला धायइखंडाओ आगया दिणयर—मयंकसहिया चुल्लमेरुणो इव ते सली  
 लपयन्नासं चलंति, नयंता ते दंतिणो दंतेहिं दंते विव अप्पणुणं करेहिं करे वलेण  
 अप्फालंति, पयंडानिलपेरिआ आसण्णमहातरुणो विव ते खणेणं पि जुज्जंति, खणेण  
 य विउज्जंति, दुहिणु—स्मत्त—महासमुदतरंगव्व ते वीरा खणेणावि उप्पडंति य  
 निवडंति, अह ते उभे महावाहुणो सिणेहाओ विव अमरिसाओ धाविज्जण अंगेण  
 अंगं पीलमाणा 'सिलिसंति, कस्माहीणजीवो विव '°निउद्धविण्णाणवसेण कयाई को  
 वि खणेण हिं खणेण उइहं हवेइ, जलमज्झमच्छव्व वेगेण सुहुं विपरिअट्टमाणा ते  
 'इमो उवरिं इमो हिंमि' ति जणेहिं न नज्जन्ति, महाहिणो इव मिहो  
 ते वंधणविण्णाणं कुणंति, सज्जो वि ते चंचला वाणरा इव विउंजंति, सुहुं  
 पुहवीपलोट्टणाओ धूलिधूसरा उभे पंचधूलीमया मैयकला इव पभासिति, सप्पंतारणं सेलाणं  
 पिव ताणं भारं असहिण्हू पुहवी पायनिग्घायनिग्घोसाओ आरडइ इव, अह उदग्गवि-  
 वकमो कुद्धो बाहुवली एगेण हत्थेण चक्कवट्ठिं सैरहो कुंजरं पिव गिण्हेइ, गिण्हिऊण गओ

१ वनिताः । २ सौहदं—मित्रता । ३ शास्त्रवादे । ४ कक्षा=उरोबन्धनम् । ५ परिकरम्—कटिवन्धनम् ।

६ नव्यो भूत्वा । ७ क्षुद्रमेरु इव । ८ नदन्तौ । ९ श्लिष्यन्ति । १० नियुद्धं—बाहुयुद्धं । ११ प्राप्तधूलीमदाः ।

१२ मदकला=हस्तिनः । १३ शरभोऽष्टपदः ।

पशुं पिव गयणम्मि तं उल्लालेइ, 'वलीणं पि वलिणो उप्पत्ती अहो ! निरवही सिया' धणुक्काओ विमुक्को बाणो इव, जंताओ विमुक्को पाहाणो इव तइया सो भरहेसरो गयणपहम्मि दूरं गच्छेइ, सक्क-विमुत्त-वज्जाओ विव तओ आवडंतभरहाओ जुद्ध-पेखिणो सव्वे खेयरा पलायंति, उभेसु सेण्णेसु महंतो हाहारओ जाओ, महंताणं हि आवयागमो कास पडिक्कलं दुक्खकारणं न सिया ?, तइया वाहुवलो विचित्तेइ-मज्झ इमं उलं विरत्थु, वाहुणो विरत्थु, अप्रियारियकारणं च मं विरत्थु, एयकम्मविस्सरो रज्जदुगमंतिणो विरत्थु, अहवा विगरिहिएहिं एएहिं किं?, अज्जवि जाण मे अग्गओ पुडविपि द्दम्मि पटिऊण कणंसो न विणसेज्जा ताव गयणाओ पडिच्छामि त्ति चित्तिऊण वाहु-वली पडतस्स तस्स द्विद्वम्मि सेज्जसरिसे नियमुए धरेइ, 'उद्धवाहू संजमीव उद्ध-वाहू वाहुवली आइच्चावलयणवयधारी विव तइया उद्धदमुहो चिट्ठइ, उद्धगमणिच्छ इव पायगवलेण चिट्ठमाणो सो निउडंत भरहं गेदुंयलीलाए पडिच्छेइ । तइया दुण्णं सेण्णाणं भरहुक्खेत्रणजायं प्रिसायं तस्स रत्तणसमुप्पण्णो हरिसो उम्मसग्ग अत्राओविव सिग्गं अवसारेइ, वाहुवलिणो भाउरवरणजायविवेगेण सील्लगुणेण विज्जा विव जणेहिं वाहु-वलिणो पंडरिसं धुणिज्जइ, सुरा वाहुवलिस्स उवरिं पुप्फवुट्ठिं विहेउरे, अहवा तारिसरीव-यजुत्तस्स तस्स कियंतं इम ? । तया भरहेसरो जुगवं लज्जाओवेहिं धूमजालाहिं वन्हीव जुज्जइ । अह लज्जानमंतयणपंकओ वाहुवली जिद्धस्स भरहस्स वेल्लसु हरिउं संग-गारं एवं वएइ-जगनाह ! महावीरिअ ! महाभुय ! मा प्रिसीएसु, देवजोणेण कयाई केण वि विजई वि विजिणिज्जइ, एयावतेण तुम न जिओ सि अहं च अणेण विजई न अम्मि, घुणक्खरणाएण अज्ज वि अहं अप्पणो जय मण्णेमि । अओ भुवणेसर ! तुम चिय इक्को वीरो असी, जओ देवेहिं महिओ पि वारिही वारिही चेव, न 'दिग्गिआ, उरुद्धभरहेसर ! फाल्लुओ वग्गो विव किं चिट्ठेसि ? रणकम्मदं उच्चिट्ठसु उच्चिट्ठसु । एवसोच्चा भरहो वि एए भासेइ-अयं मे वाहुदडो मुट्ठिं पगुणतो नियदोसस्स पमज्जण करिस्सइ न्चिय, तओ चक्कवट्ठी फणीसरो फण पिण मुट्ठिं समुज्जमिऊण कोवतनयणो अवसरिऊण वाहुवलिं अभि धावेइ, भरहो तेण मुट्ठिणा वाहुवलिणो उरत्थल मयंगओ दतेण गोउरंस्स कयाइ पिच आहणेइ, चक्कवट्ठिणो वाहुवली-उरत्थलम्मि सो मुट्ठिप्पहारो कुपत्ते दाण विव पहिरे ऋणजाअव पिमुणम्मि सक्कव्व सारभूमीए जल्लुट्ठीव रणम्मि संगीयं पिव हिमम्मि उन्दिपाओ विव मुहा होत्या । अह 'अम्हाणं पि किं

१ कण्ठा -उरुद्धइ । २ कहुक्कीलया । ३ पौरुषम् । ४ वेल्लसु-लज्जाम् । ५ मगद्गदम् । ६ क्षीपिका-  
मापी । ७ धसुयम् । ८ उर स्फल्म् । ९ गोपुरस्थ-नगरद्वारस्थ ।

कुद्धो' इअ आसंकिऊण देवेहिं पेक्खिओ सुणंदानंदणो उच्चएहिं मुट्ठिं उक्खेवेइ, तेण मुट्ठिणा सो महासत्तो अंकुसेण गयं कुम्भत्थलम्मि इव चक्कवट्ठिं उरत्थलम्मि ताडेइ । तेण घाएण दंशोलिपाएण गिरिव्व भरहेसरो मुच्छाविहलो भूयलम्मि पडेइ, पडंतेण तेण सामिणा कुलंगणा इव भूमी कंपेइ, वधुणा बंधवो विव पव्वया वि वेवंति । मुच्छियं नियजिट्ठभायरं द्दुणं बाहुवली चित्तेइ—खत्तियाणं वीरवयनिव्वंधम्मि को इमो 'कुहेवागो ?, जहिं नियभायरम्मि एरिसो निग्गहंतो विग्गहो होइ, जइ जिट्ठो बंधू न जीवेज्जा ता मज्झ वि जीविण्ण अलं एवं मणंसि कुणभाणो नयणजलेहिं तं सिंचंतो बाहुवली नियं उत्तरिज्जं वीअणीकाऊण तओ भरहं वीएँइ । अह चक्कवट्ठी खणेण लद्धसण्णो सुत्तो विव उट्ठाइ, पुरओ य भिच्चं पिव ठिअं बाहुवलिं पासेइ, खणं ते उँहे वि बंधवा हिट्ठमुहा चिट्ठंति, अहो ! महंताणं पराजओ जओ य वि लज्जाइ सिया । तओ चक्कवट्ठी किंचि पच्छा अवक्कमेइ 'ओयंसीणं पुरिसाणं इमं हि जुद्धिच्छालक्खणं' । पुणो वि 'अज्जो भरहो केणइ जुद्धेण जुज्झित्तं इच्छेइ, 'माणिणो जावज्जीवं मणयं पि माणं न उज्झंति' । बाहुवलिस्स खलु भाउहच्चाभवो बलवंतो अवण्णनाओ हांहिइ त्ति मण्णेमि, एसो आमरणंते वि नेव विरमिस्सइ इअ जावखणं बाहुवली चित्तेइ ताव चक्कवट्ठी जमराओ विव दंडं उवादेइ । चक्कवट्ठी उद्विखत्तेण तेण दंडेण चूलाए अयलो विव सो रेहेइ ।

अह भरहभूवई उप्पाय—केउभमकारणं तं दंडं नहंसि भमाडेइ, सीहजुवा पुच्छदंडेण महीयलं पिव तेण दंडेण बाहुवलिं सिरम्मि ताडेइ, सज्जगिरिम्मि अप्फलंतीए जलहिणो वेलाए विव तस्स सिरम्मि चक्किणो दंडघाएण महंतो सद्दो होज्जा । चक्कवट्ठी दंडेण बाहुवलिस्स सत्थय-थिअ-मउडं लोहघणेण अहिगरणीए अवत्थिअं लोहं पिव चुण्णेइ । बाहुवलि-मुद्धाओ मउड-रयण-खंडाई वायंशोलियरुक्खग्गाओ पुप्फाईं पिव भूयले पडेइरे, तेण घाएण—बाहुवली खणं मउलियनयणो जाओ, तस्स भयंकरेण निग्घोसेण लोगो वि तारिसो जाओ । तओ खणेण बाहुवली वि नयणाई उँम्मीलिऊण हत्थेण पयंडं लोह दंडं गिण्हेइ, तइया अयं मं किं पँडिस्सइ, कि ममं उँप्पाडिस्सइ त्ति सग्ग—पुट्ठीहिं जहक्कमं सो आसंकिज्जइ, बाहुवलिणो मुट्ठीए सो आयओ लोहदंडो पव्वयस्स अग्ग-भागत्थिअ—वँम्मिए उरगो विव लज्जइ । अह तक्खसिलावई तं दंडं दूरओ अँत्तेगाऽऽ-

१ महामात्रो=हस्तिपक्रः । २ कुस्वभावः । ३ निग्रहान्तः । ४ व्यजनीकृत्य । ५ वीजयति । ६ उभौ ।

७ आर्यः । ८ अधिकरणी—एरणइति भाषायाम् । ९ उन्मील्य । १० पाटयिष्यति=विभागं करिष्यति । ११ उत्पाटयिष्यति—उन्मूलयिष्यति । १२ वल्मीकः=राफडो । १३ यमाह्नसंज्ञापटमिव ।

द्वयमण्णापड पिव भिन्मं समादेड, तत्रो वाह्वली तेण दडेण चक्रद्विं द्वियमि  
 निद्वं लउडेण कणमूद्य पिव ताडेड । तेण चाएण चक्रद्विणो ददयरो वि सण्णाहो  
 तद्वं खंडसो सहसा विणट्टो, तथा जिण्णकवभो चक्रद्वी मेहरद्विओ आडच्चो इव  
 वूमरद्विओ पावगो विव अमरिमेण अद्विय पयामड, सत्तममयावत्थापत्तो गओ उवे  
 खणट्टं विह्वीह्वभो किपि न चित्तेड, चक्रद्वी पुणो मात्रहाणो समाणो अपिण्णेण पिय-  
 मित्त पिव वाह्वपोरिसं आल्लिच्चा दडं वेत्तणं मुज्जो चाह्वारिं अभिधावेड, दंतैहिं  
 अहरं पीळतां भिउडीभगभीसणो भरहो वडवानल्लविडंयं दंडं भमाटेड, चक्रपाणी  
 तेण दंटेण कृपतकालमेहो विज्जुदंटेण पव्वयं पिव वाह्वारिं मुद्धमि ताडेड । तेण  
 चाएण वाह्वरी लोहादिगरणीमज्झमि जाह्वो वेडरोवने पिव भूमिमि त्राजाणुं  
 मज्जेड, सो भरहदडो वडरमारो वाह्वलिमि अप्फाल्लिज्जण तेण नियावराहेण भीओ  
 पिव विणट्टो ।

भरद्वाह चक्रमोचण—

पुदवीए आजाणु मग्गो वाह्वरी तद्व्या पिच्छए जगगाहो जयत्रो पिव पुद  
 वीओ निगारसेसो मेमनाण्व रेहड, जिद्धवपुविद्वमेण अंतो विम्वयत्तो पिव तीए  
 गयविज्जाए न मन्यय पुणावेड, ताहे तेण चाएण पत्तयेणो वाह्वरी खणं अज्ज  
 परतो जोगिण्व न किंचि सुणेड, तत्रो जुवक-मरिया-तड-पकमज्जाओ हत्थीव  
 पुदवीमज्जाओ सुण्डानदणो निज्जायट, जमरिमण्णपहागो सो लक्खारमाऽण्णदिद्वि-  
 पाण्णिं नज्जयतो पिव निपराणुदडे दडं च पामेड, तत्रो तत्रयमिगरुं तत्रयगनागं  
 पिव दृपेरगुणिज्ज तं दड एणेण हत्थेण अमिज्जण भमाटेड, गुणंदातणण अइने-  
 नेण समाडिज्जमाणो सो दंडो राहावेहपरिमंतचक्रमोहं वहेड, भमतो पेनियज्ज-  
 माणो वि मो दंटो पेरयगाणं नयणाण भमण विहेड । जड अणुणो हत्थाओ पमो दंडो  
 पडिम्मड तथा उप्पटवो पमो कंमपत्तमि आइच्चं फोडिम्मड, माण्टपविणणो अंडगं  
 पिव चंदमंड-वुण्णिम्मड, आमण्णतग्गो फण्डं पिव ताराणो भमिम्मड, 'निट्टाड  
 पिव नेमाणियमाणाः पाडिम्मड, वस्मीअव्व पययणिणाः दन्दिम्मड, तिण्णुद पिव  
 मदावग्निउताः विमिद्वि, अपरक-मद्विया-गोय्य पिव मेडणिं विदिम्मड वि मड-  
 ण्णेहिं अमरेहिं न पेरिग्गज्जमाणो वाह्वरी भुवुं तेण दंटेण चक्रद्विं भिरमि  
 निद्वेड । महंतेण तेण दंटाभियापण चक्रद्वी सोनारादपयोय्य आण्ट उप्पीए

१. दंटेण - चक्रद्वि । २. पडिद्वि । ३. 'वाह्वरी' ।

पविसेइ, तइया विसण्णा चक्कसेवगा 'अम्ह सामिणो दिण्णं विवरं अम्हाणं देसु'  
 त्ति पत्थमाणा इव मेइणीए पडंति । राहुगसिए आइच्चे इव भूमिमग्गे चक्कवट्टिमि  
 भूमीए नराणं गयणम्मि य देवाणं महंतो कोलाहलो होत्था । निमीलियनेत्तो साम-  
 मुहो छक्खंडभरहेसरु महीमज्झम्मि लज्जाए इव खणमेगं अवचिट्ठेइ, अह एगस्स खण-  
 स्स अंते तेएण अइभासुरो निसाइ अंते दिणगरो इव मेइणीमज्झाओ निग्गच्छेइ, निग्ग-  
 च्छिऊण अह सो एवं चित्तेइ—'निहिलेसुं जुद्धेसुं जूएसु अंधजूयकारगो विव अहं अमुणा  
 विजिओ, गावीए भुत्तं दुव्वातिणादिथं गोदोहगरस इव मए साहियं भरहं किं इमस्स  
 उवओगाय सिया, एगम्मि भरहक्खित्तम्मि जुगवं उभे चक्कवट्टिणो कोसम्मि दुवे  
 असिणो विव न दिट्ठा न य सुणिआ, देवेहिं इंदो पत्थिवेहिं च चक्कवट्टी विजिणि-  
 ज्जइ इमं अणायणियपुवं खर—विसाणव्व सिया, अमुणा विजिओ किं अहं चक्कवट्टी  
 न भवामि ! मए वि अविजिणिओ वीसाऽजयणिज्जो इमो तम्हा किं चक्कवट्टी !  
 एवं चित्तमाणस्स तस्स भरहस्स करम्मि चित्तामणिविडंवेगेहिं जक्खराएहिं समाणेऊण  
 चक्कं समप्पियं । तस्स पच्चयाओ चक्कवट्टी अहं ति माणी सो भरहो चक्कं  
 वाउलावट्टो अंभोयरयमंडलं पिव गयणम्मि भमाडेइ, तइया आगासम्मि अकालम्मि  
 पलय—कालानलो इव अवरो वडवानलो विव वइरानलो व्व अकम्हा उच्चएहिं सैमुप्प-  
 ण्णुक्कापुंजो विव भसमाणं रविविम्बं पिव विज्जुगोलगो विव जालाजालकरालं  
 भमंतं तं चक्कं लक्खिज्जइ । चक्कवट्टिणा पहारट्टं भमिज्जमाणं तं चक्कं दट्टूण  
 मंगंसी वाहुवली मंगंसि वियारेइ, अस्स ताय—पुत्ताभिमाणित्तणं धिरत्थु, मए दंडाउ-  
 हम्मि समाणंमि जं भरहेसरस्स चक्कगहणं तओ य तस्स खत्तवयं धिद्धी, अहो !  
 वालगस्स उत्तरिज्जवत्थगहणसरिसं देवाणं समक्खं इमस्स उत्तमजुद्धपइण्णं धिरत्थु, रुट्टो  
 भरहो तवंसी तेउलेसं पिव चक्कं पयंसंतो जह विस्सं वीहावित्था तह मंपि वीहाविउं  
 इच्छेइ, जह एसो नियवाहुदंडाणं विक्कमं जाणित्था तह चक्कस्स वि अस्स विक्कमं  
 जाणेउ एवं चित्तमाणस्स वाहुवलसालिणो वाहुवलिस्स उवरिं सन्ववलेण भरहो चक्कं  
 विमुंवेइ । समागच्छंतं चक्कं दट्टूणं वाहुवली चित्तेइ—इमं चक्कं जिण्णभायणं पिव  
 दंडेण किं सिग्घं दलेमि ! 'गेट्टुअव्व हेलाए आहणिऊण किंवा पच्छा खेवेमि ! अदुव  
 कमल—पत्तव्व लीलाए गयणम्मि किं उल्लालेमि ! जइ वा सिसुनालं इव मेइणीमज्झम्मि  
 किं नैसेमि ! अहव चवल—चडग—पोयं पिव किं हत्थेण णिण्हामि, अदुवा अवज्झावराहि-

१ अनाकर्णितपूर्वम् । २ वातसमूहावर्तः । ३ समुत्पन्नोत्कापुञ्ज इव । ४ मनस्वी । ५ प्रदर्शयन् ।

६ कन्दुकवत् । ७ न्यस्यामि ।

पुरिसं पिव पुव्वं चिय दूराओ असारेमि, किं अहवा घरट्टेण धण्णरुणे विअ अस्त चक्कस्स अहिट्ठायागसहस्सजकखे दडेण सिग्गं दलेमि किं !, अहवा अमुणो हि पच्छा सव्वं इमं विहेयव्व, पढमं ताव इमस्स परक्कमावहिं जाणामि एव चिंतमाणस्स चाहुवलिणो समीवम्मि त चरु उवेच्च सीसो गुरुणो विअ पयक्खिरुण कुणेइ । जओ चक्किस्स चक्कं सामण्णओ नियगोत्तसमुपण्णे पुरिसे न सक्कइ । तथा त्रिसेसेण तारिसचरिमदेहे नरे कइं सवकेज्जा ? । तओ पुणो वि त चक्क पक्खी नीडुं पिव तुरंगमो आससालं व चक्कवट्ठिणो हृत्य आगच्छइ । विसहरस्स विसं पिव चक्कवट्ठिणो मारणकम्मम्मि अमोहं सत्य-सव्वस्सं इमं चेव अओ पर न अण्णं, दंडाउहम्मि मइ चक्कमोअणाओ अणीईकारंगं चक्कसहियं एणं मुट्ठिणा मुदेमि त्ति अमरिसेण चिंतिऊण चाहुवली जमुव्व भीसणो दिदं मुट्ठिं उज्जमिऊण भरह अभिवावेइ, उन्नयमोगगरकरो करी विव कयमुट्ठिकरो चाहु-वली दुयं भरहाहीसस्स अंतियं गच्छेइ, किंतु महोदही मज्जायाभूमीए इव स तत्थ सचिदइ, महासत्तमंतो तत्थ चिट्ठमाणो सो मणम्मि एअ चित्तेइ-अहो मं धिरत्थु, जओ रज्जलद्धेण अमुणा विव लुद्धगाओ वि पाविणा मए भाउवदो समारद्धो, तत्थ साणिणी मंतव्व पढमंपि भाउ-भाउपुत्ताइणो इण्डिजंति तस्स रज्जस्स रूपणं को जएज्जा ? पत्ताए रज्जसिरीए वि जहिच्छं च भुत्ताए वि मद्रापाणकारगस्स मइराए इव पाणिणो तिती न जायए, आराहिज्जमाणावि रज्जलच्छी थोयं पि छल पाजित्ता खणेण खुददेवया विअ परंमुही होज्जा । अमावस्सारत्तिव्व भूरि-तामसगुणोवेआ रज्जलच्छी अत्थि, अण्णहा ताओ तिणमिव कइं एयं उज्झित्या । तस्स तायस्स पुत्तेण सैमाणेण वि मए एसा रज्जलच्छी चिरेणं दुरायारत्तणेण विण्णाया, अण्णो हि कइं अमुं जाणिस्सइ ?, सव्वहा इय हेयत्ति मणम्मि निण्णेऊण महामणा चाहुवली चक्कवट्ठिं वएइ-रुमानाह ! भायर ! रज्जमेत्तरुए वि सत्तुविअ जं मए तुमं एव खेइओ सि, त रामसु, इमम्मि महाभवहदम्मि तंतुपाससरिसेहिं भाउ-पुत्त-रुत्तेहिं रज्जेण य मम ज्जहाहि, सपइ एसो अहं तिजग-सामिणो विस्साभयदाणिकरु-सैत्तागारस्स तायस्स पढम्मि पहिओ होस्सामि त्ति वोत्तण महासत्तसाली साहसियपाणीणं अगगणी सो तेणच्चिय मुट्ठिणा सिरस्स केसे तिणमिअ उंवेइ । तथा 'साहु-साहु' त्ति साणंद निगयंता अमरा चाहुवलिणो अररिं पुत्तफुट्ठिं विहेइरे । पडिवण्ण-महव्वओ सो चाहुवली एअं चित्तेइ-सपइ अहं किं तायपायपउ माण समीवम्मि गच्छामि ! अहवा नो गच्छिस्स, जओ पुव्वपडिवण्णमहव्वयाणं नाण-सालीणं कणिट्ठाणं पि भाऊण मज्झम्मि मम लहुत्तण होस्सइ, तओ इहेव



झाणानलेण घाइकम्माइं उद्विऊण संपत्तकेवलनाणो सामिपरिसाए गमिस्सामि' एवं मणंसि चिंतमाणो वाहुवली पलंविद्यवाहू रयणपडिमच्च काउसरगेण तत्थच्चिय चिट्ठेइ । भरहो तं तारिसं ददूण अप्पणो य कुकम्मं विचारिऊण नमिरग्गीवो पुढविं पवेहुं इच्छंतो विव होत्था, ईसि उण्हेहिं नयणंमूहिं क्रोवसेसं चयंतो इव भरहो सक्खं संतरसत्तुत्तिं पिव वाहुवलिभायरं नमंसेइ, तस्स अहिगुवासणेच्छाए पणमंतो भरहो नेहाऽऽयंसेसु संकंतीए नाणारूवधरो संजाओ, अह भरहनरिंदो वाहुवलिणो गुणत्थु-इपुव्वयं नियावराह-रोगोसहिसरिस-स-निंदं एवं कुणेइ-‘तुमं धण्णो सि जेण मज्झा-णुकंपाए रज्जं चत्तं, अहं तु पावो उम्मतो अमिह जेण असंतुट्ठो तुमं उवद्वित्था । जे ससत्तिं न जाणेइरे, जे य अनीइं कुणेइरे, जे य लोहेण जिण्डिज्जंति ताणं धुरंधरो हं होमि । भवतरुणो वीयं रज्जं ति जे न जाणंति ते अहमा, तेहिंतो वि अहं अहमयमो, जओ जाणमाणो वि अहं न जहामि । तुमं चिय तायस्स पुत्तो, जो तुमं तायपहं अणुमच्छित्था, जइ अहं पि भवारिसो भवाभि तया तस्स पुत्तो होज्जा’ एवं पच्छातावजलेहिं विसायपंकं उम्पूलित्ता वाहुवलिस्स पुत्तं सोमजसं तस्स रज्जम्मि निवेसेइ । तओ पभिईं ताणं ताणं पुरिसरयणाणं अवीयं उप्पत्तिकारणं साहा-सय-समाउलो सोमवंसो समुप्पणो । तओ सयलपरिवार-सहिओ भरहो वाहुवलिं पणमित्ता सग्ग-रज्जसिरि-सरिसिं अउज्झापु रिं गच्छेइ । भयवं वाहुवली सुणी वि भूमीओ समुद्धभूओ इव गयणाओ ओइण्णो इव तत्थ एगो संचिट्ठेइ, झाणिवकसग्गो नासिणंत-वीसंतनयणजुगो निक्कंपो सो सुणी दिसिसाहणसंकू इव सोहइ, सो वणखखव्व देहेण वन्धिकणे इव उण्हे वालुयाकणे विकिरंतं गिम्हवाय-समूहं सहेइ, सो सुहज्जाणगुहामग्गो मुद्धम्मि वि संठियं अग्गिक्कुंडं पिव गिम्ह-मज्झ-ण्हदिणयरं च न जाणेइ, स मत्थयाओ पायपज्जंतं जाव गिम्हतावाओ रय-पंकीभूय-सेय-जलेहिं पंकनिग्गओ कौलो इव विभाइ, एसो पाउसम्मि महाझावायानिल-धुणिय-पायवेहिं धाराऽऽसारेहिं गिरी त्रिव मणयं न भिदिज्जिइ, एस विज्जुपाएसु निग्वाय-कपिय-गिरिसिहरेसु वि न काउस्सग्गाओ नावि झाणाओ चलेइ, तस्स चरण-जुगं हिट्ठवहंतवारि-समुप्पणसेवालेहिं निज्जणगामवावीसोवाणं व लिंपिज्जइ, हेमंतम्मि हिमंरुवजायहत्थिमेत्तजलसरियाए वि कम्मिधण-उहणुज्जुत्तज्झाणग्गिणा सो सुहं चिट्ठेइ, हिमदद्धतरूसुं हेमंतराईसुं कुन्दपुप्फव्व वाहुवलिणो धम्मज्झाणं विसेसेण वइठइ, रणमहिसा महतरुक्खंधे त्रिव सिंगघायपुव्वयं तम्मि खंधकंडूयणं विहेइरे, गंडयपसवो

१ नखादशेषु । २ शकरः । ३ 'प्रकम्पित' । ४ वेगवद्धारावृष्टिभिः । ५ चापीसोपानवत् । ६ हेम-न्तरात्रिषु । ७ गण्डकः=गंडो ।

रत्तीए गिरितड पिव 'देहेण तस्स देह अणुभवेइरे, करिणो  
 सल्लडतरुपल्लवभमेण तस्स पाणि-पाए मुहु करिसत्ता करिसिउं अमक्का 'वेल्लसुं पत्ता  
 गच्छति, चमरीगावीओ वीमासमायण्णाओ उइदमुट्टीओ करपत्तच्च कटकसरिसक-  
 रालजीहाहिं त लिहंति, उच्चएहिं पसरंतीहिं सयसाहाहिं लयाहिं चम्म-रज्जूहिं  
 'धुअगो विव सो सच्चओ वेदिज्जट, पुत्रसिणेहवमाणयसरपुण्णतोणीरसरिच्छ  
 सर-यंता तं निरंतरं परिओ परोहंति, पाउमपंरु-निमग्गेसुं तस्ससुं पाए अणप्पाओ  
 चळंत-संयपडगन्धियदग्गभसुइओ उगगच्छंति, वेल्लि-सकुळे तस्स देहम्मि परुप्पा-  
 विरोहेण सेण-चडगाइपक्खिणो निट्ठाटं कुणेदरे, तस्स वल्ली-वित्थार-गहणे सरीरे  
 सहस्ससो महोरगा अरण्य-मोर-सदेण ठसिया समाणा समारोहंति, देहं अहिरुदेहिं  
 पल्लवमाणेहिं तेहिं भुजंगमेहिं वाहुवली वाहुसहस्सं धरंतो विव विराएइ, स चरणेसुं  
 पायसमीय-विअ-वम्मीअपिणिगाएहिं महोरगेहिं पायकडगेहिं पिव वेदिज्जइ, इत्थं क्षा-  
 णेण संठियम्म तस्स वाहुवलिणो आहारं पिणा विहरंतस्स वसहसामिणो इव  
 एगो वरिसो गओ । पुण्णे उ संवच्छरे वीसयच्छलो भयं वसइसामी चमी-सुंद-  
 रीओ आइपिऊण आदिसेइ-एणिं सो वाहुवली सीण-पउरकम्मो सुअकचउइसीरत्ती  
 विव पाएणं तमरहिओ जाओ, केवलं सो मोहणीयकम्मंस-माणाओ केवलनाणं न  
 पायेइ, जओ संडपटेणावि तिरोहिओ अत्यो न हि दीसइ, तुम्हाणं वयणेण सो माणं  
 चइस्सइ । तुम्हा अज्ज तम्हे तत्थ गच्छेइ, तस्स उअदेसदाणहं खल्ल अहुणा समओ  
 चइइ, तओ प्रमीसुंदरीओ पहुणो आणं सीमेण वेत्तूण चळणाइ च वंदिऊण वाहुवलिं  
 पइ गच्छेदरे । पहू णच्चा वि तस्स माणं सवच्छर जाव उविमिउत्था, जओ अमूढ  
 प्वखा अरिहंता समए उअदेसगा हचेदरे । ताओ अज्जाओ तत्थ देसे गयाओ, किंतु  
 रियेअण्णारयणं पिव वल्लीतिरोहिअं त मुणिं न पामिति, अह मुहुं अण्णेसतीहिं  
 तीहिं तहत्थिओ तरुवरिसो सो कहचि उअल्लिउओ, निउणभावेण तं उअल्लिउऊण  
 पयाहिणतिग काऊण ताओ महामुणिं वाहुवलिं वंदिऊण एवं वयंति-जेहज्ज !  
 ताओ भयव तुमं इमं आणवेइ 'गय-संगहिस्साहाणं केवलं न उअज्जेज्ज' ति वोत्तूण  
 ताओ भगवइओ जहागयाओ तह पडिगयाओ । सो वि महप्पा अणेण वयणेण निम्हय  
 मावण्णो एवं विनेइ-यत्तसायज्जजोगस्स तरणो विव काउम्सग्गे संठियस्स मम  
 एयम्मि रणम्मि गयारोहण त्थ ? इमीओ भगवतस्स सीमाओ कत्थइ सुसं न

१ अयत्तम्-अवलम्ब्य । २ वेल्लयम् लज्जाम् । ३ सुदत्त । ४ सुनीरम्-वीणुं भायु । ५ धारस्तम्बा -  
 सुप्रसङ्गयुक्ता । ६ सउपदीर्गमित्प्रभयम् । ७ इदानीम् । ८ रञ्जन् । ९ अन्विष्यन्तीत्याम् ।

वयंति, अहो ! तं किं एयं ? हुं चिरेण हि मए जाणिअं—को हि वयगरिट्ठाणं  
 कणिट्ठाणं वंधूणं नमुक्कारं क्खणेज्ज त्ति माणो चैव गैओ, तं माणगयं निव्वभरं आरूढो  
 म्हि तेण तिजगगुरुणो तस्स सामिणो चिरं सेवाकारगस्स वि मम जलंमि कुलीरस्स  
 तरणं पित्र विवेगो न होत्था, जं पुव्वं पडिवणवएसु महप्पेसु नियभाज्जुं एए  
 कणिट्ठ त्ति चित्तिज्जण मम तेसुं वंदणेच्छा न होत्था, इयाणिं पि गंतूण ते महासुणिणो  
 वंदिस्सं ति वियारिज्जण स महसत्तो पायं उक्खेवइ, तइया तम्मि चिय पयम्मि लया-  
 वल्लिव्व सव्वओ घाइकम्मैसुं तुट्टिएसुं तस्स केवलनाणं उप्पज्जेइ, अह सो उप्पण्णकेवलणाण  
 दंसणो सोम्मदंसणो ससी रविणो इव्व सामिणो अंतिगं गच्छेइ, तत्थ तित्थयरस्स पय-  
 क्खिणं काज्जण तित्थं च नमंसिज्जण जगवंदणिज्जो पुण्णपइण्णो अह सो बाहुवली  
 महामुणी केवल्लिपरिसाए उव्विसेइ—

पयक्खिणं तित्थवइं विहाय, तित्थं नमित्ता य तिलोगपुज्जो ।  
 महामुणी केवल्लिणो सहाए तिण्णपइण्णो अह सो निसण्णो ॥१॥  
 नरवइवाहुवल्लिस्स वि संगामो संजमो य ज्ञाणं च ।  
 निक्कंपभावजुत्तं केवलनाणं च पंचमए ॥२॥

इअ सिरितवागञ्जाहिवइ—सिरिकयव्वपुहाणेगत्तिथोद्वारग—सासणप्पहावग—आवाल्लवंभयारि—  
 सूरीसरसेहरायरिय—विजयनेमिसूरीसरपइालंकार—समयण्णु—संतमुत्ति—वच्छल्लवारिहि  
 आइरिय—विजयविण्णाणसूरीसरपइधर—सिद्धंतमहोदहि—पाइअ—  
 भासाविसारय—विजयकत्थूरसूरिविरइए महापुरिसचरिए  
 पढमवग्गम्मि वाहुवल्लिसंगाम—पव्वज्जा—  
 केवलणाणवण्णणख्वो पंचमो  
 उद्देसो सम्मत्तो ।

## छट्टो उद्देशो

इओ य सामिणो सीसो नियनाम पिव इक्कारसंगाणं भणिरो समणगुणेहिं  
सहिओ निसग्गओ सुउमालो भरहपुत्तो मरीई जूहवइणा कलहो विम सामिणा सह  
विहरमाणो अणया गिम्हमज्झण्हसमए भीसण-रवि-क्रिरणुकरेहिं सुवण्णयारेहिं पिव  
अभिओ आमिएसु मग्गपंसुसु, अदंसणिजाहिं वण्हिजालाहिं पिव सच्चओ उण्हाहिं महा-  
वायरासीहिं खिलीभूपसुं मग्गेसुं आपाय-मत्थय-उच्चभूय-सेय-धाराभरिए अंगितत्त-  
ईसि-अरिल्लघणसरिसे नियदेहे, जलसंसित्त-सुक्क-चम्मगंधव्व पस्सेय-क्रिलिण-वत्थ  
-देह-मलग्गे य दूसे निग्गए, पाएसु उच्चभाणो तिण्हाए अक्कंतो अवतवियप-  
हम्मि नत्तलो विव पीडं सहमाणो मणसा एव चित्तेइ—

मरीइणो वेसपरिवट्टणं ।

केवलदंसण-नाण-रवि-मयंरु-मेरु-गिरि-सरिसस्स जगगुरुणो रिसहसामिणो  
ताव अहं पोत्तो म्हि अरुण्ड छरुण्ड-महीमंडल-महिंदस्स विवेगनिहिणो भरहेस-  
रस्स पुत्तो म्हि, चउत्विहसंवस्स समक्खं पट्टणो य अतियम्मि पंचमहच्चय-उच्चार-  
पुव्वय पच्चज्जं गिण्हित्था, एवं समाणे इमाओ थाणाओ लज्जाए अक्कद्धस्स मज्झ  
समरंगणाओ वीरस्सेव गेहे गंतु न जुज्जइ, महागिरिं पिव दुव्वहं समरगुणभारं सुहुत्तपि  
घोदु संपयं न सक्को म्हि, अओ इओ गिहगमणे कुलमालिणं इओ य वयं दुक्करं,  
ता इओ नई इओ सइल्लो हा ! संरुडम्मि पडिओ म्हि । अदुवा आ जाणियं,  
इह विसमे वि संजममग्गे पच्चए दंडगपहो विव अय खलु सुसमो मग्गो सिया-एए  
समणा हि मण-वयण-कायदडेहितो विरया, अहं तु तेहिं विजिओ म्हि चि तिदडिओ  
भविस्सामि । अणुणो साहो सिर-केमलुंचणि-दिय-निग्गईहिं मुंडा इवन्ति, अह  
पुणो खुरमुड-सिहापरो होदिसं । एए साहुणो गूल-सुट्टम-पाणिवहाईहितो विरया  
संति, मम उ गूलपाणादजायाद्विरई हवेउ । एए हि अकिंचणा, मम सुवण्णमुहाड  
क्रिचण अत्थु, इमे उवाणहारहिया, अह तु उवाणहाओ परिदिसमामि । एए अट्टारस-  
सीलंग-सहस्सेण अइसुगंधिणो, अह तु सीलेण दुग्गधो तेण चंदणाटय गिण्हिस्सं ।

१ पवत्तिपु । २ स्तेदं । ३ अगितत-इयदाद-रायस्ते । ४ अवनताये । ५ पौत्रोऽस्मि ।

६ धादुओ-व्याघ्र । ७ वगादरहिता ।

इमे साहवो ववगयमोहा संति, अहं तु मोहच्छणो म्हि, तओ तस्स चिण्हख्वच्छ-  
 त्तयं मत्थयस्सोवरिं धरिस्सं । सेयवत्थधरा एए, अहं तु कसायकटुसिओ अओ णयस्स  
 सुमरणत्थं कासायवसणाइं हं परिहिस्सं । अमुणो साहवो पावभीरवो वट्टुजीवं जला-  
 रंभं चएइरे, मम उ मिएण पाणिएण सिणाणं पाणं च अत्थु एवं अरिई स-बुद्धीए  
 अप्पणो लिंणं कप्पिऊण तारिसवेसधरो सामिणा सह विहरेइ, जहा वेधरो न आसो  
 न य खरो किंतु उभयसरुवो तह अरिई न संजओ न य गिहत्थो नववेसधरो होत्था ।  
 मरालेसुं वायसं पिव महरिसीमुं भिण्णजाइमंतं तं निरिक्खिऊणं भूइट्टो जणो फोउ-  
 गेण धम्मं पुच्छेइ । सो मूलत्तरगुणसंजुअं साहुधम्मं उवादिसेइ । सयं च अणा-  
 यारे किं पवट्ठेसि ? त्ति पुट्टो स अप्पणो असत्ति निवेएइ, समागयभन्वजीवे पडि-  
 बोहिऊण पव्वज्जागहणाभिलासिणो समाणे ते भविए अरिई सामिपायाणं समीवम्मि  
 पेसेइ । निक्कारणोवयारिक्खंभूय रिसहसामी पडियुज्जिऊण समागयाणं ताणं सयं दिक्खं देइ ।  
 मरीइसरीदे पीडा, कविलरायपुत्तस्सागमणं च ।

अण्णया पहुणा समं एवं विहरंतस्स अरीइणो सरीरे कट्टम्मि घुणो इव 'उल्लणो  
 रोगो समुप्पणो, तइया पालंबभट्टवानरो विव वयभट्टो वाट्टिरकओ मरीई नियबुंद-  
 संजएहिं नेव परिपालिज्जइ, असंजायपडियारो मरीई वाट्टिणा 'सूअराइणा आरक्खग-  
 वज्जिओ इवखुवाडो विव अहिगं वाहिज्जइ, घोरे महारण्णे असहेज्जो विव रोगम्मि  
 निवडिओ अरीई नियहिययम्मि एवं चित्तेइ—अहो ! मम इहच्चिय भवे असुहं कम्मं उट्ठणं,  
 जं अप्पणो वि साहवो एए अण्णं पिव सं उविकखेइरे, अहवा उल्लगम्मि अणालोय-  
 कारिणो दिवागरस्सेव मसंसि अपडियारिणो कास वि साहुणो दोसो न सिया, ते  
 हि सावज्जविरया साहवो सावज्जनिरयस्स सज्झ मिलिच्छस्स महाकुला विव वेया-  
 वच्चं कंहं कुज्जा, सज्झ वि तेहिं वेयावडियं कराविउं नहि जुत्तं, जं हि साहुणं  
 पासाओ वेयावच्चकरावणं तं वयभंसोत्थपावस्स बुद्धीए सिया, तम्हा अप्पणो पडि-  
 यारट्टं ममेव बंदधम्मवंतं कपि गवेसेमि, जओ भिगेहिं सह मिगा जुज्जंति एवं चित्त-  
 माणो अरीई कालेण कंहपि नीरोगो जाओ, कालेण हि ऊसरभूमी वि अणूसर-  
 त्तणं पावेइ ।

अण्णया पहुणो पायपउमाणं अंतियम्मि दूरभविओ नामेणं कविलो रायपुत्तो  
 समागच्छेइ, तेण कविलेण विस्सोवयारकरण-पाउसिय-जलहरसरिसवसहसामिणो

१ उल्लवणः=उत्कटः । २ प्रालम्बः=आधारः । ३ प्रतिचारः=रोगिसेवा । ४ शूकरादिना । ५ असहायः ।  
 ६ भनालोककारिणः-अप्रकाशकारिणः । ७ प्रतिचारार्थम्-सेवार्थम् । ८ प्रावृषिक-वर्षासम्बन्धि ।

धम्मो सुणिओ, जिणिंदकहिओ सो धम्मो कविलस्स चक्कायस्स जोण्हा इव, ऊल्-  
गस्स 'दित्रामुह पिव पहीणभागवेयस्स रोगिणो 'भेसयं पिव, वायरोगिणो सीयलं  
पिव, छागस्स घणागमो विव न रुओ । तओ सो कविलो धम्मंतर सुणिउं अहिलासी  
इओ तओ दिट्ठिं खिंततो सामिसीसेहिंतो विलङ्खण मरीइ पेक्खेइ, सो धम्मतरगहणिच्छाप  
सामिसगासाओ केडगवान्मो धणइहावणाओ दलिइहटं पिव मरीइ उवागच्छेइ, तेण  
कविलेण धम्मं पुट्ठो मरीइ वण्ड-इह धम्मो नत्थि, जड तुमं धम्मत्थी तया सामिणो  
समीव गच्छाहि । सो भुज्जो उसहसामिपायसमीव गच्छेइ, पुणो तत्थ तहेव तं  
धम्मं सुणेइ । तह वि नियक्कम्मदूसियस्स अस्स पट्टुमासियधम्मो न हि रोएइ, वरा-  
गस्स चायगस्स संपुण्णसरेणानि किं !, सुज्जो सो मरीडणो समीव आगतुण इअ वण्ड-  
तुम्ह समीवम्मि जारिसो वि तारिसो वि धम्मो किं न अत्थि !, धम्मरहियं वयं किं  
होज्जा । । एव सोन्चा मरीइ चित्तेइ-ओ वि अयं ममाणुरूवो, अहो दइव्वेण सरिसाणं  
अय जोगो चिरेण जाओ, सहेज्जरहिस्म मज्झ संहिज्जो अत्थु, इअ विचित्तिऊण सो  
एअ वण्ड-तत्थ वि धम्मो अत्थि, एत्थ वि धम्मो नत्थि, अणेण एत्थेण दुब्भासिय-  
वयणेणावि मरीइ अप्पणो कोडाकोडिसागरुवमपमाण उक्कं संसार उवज्जेइ । सो  
कविल दिक्खेइ स-सहायगं च कुणेइ, तओ य पभिइ परिव्वायग-पासड होत्था ।  
उसहसामिणो अहसया ।

अह सिरिउसहसामिणो विहाराऽऽसया वणिगज्जंति-गामागर-पुर-दोणमुह-  
पट्टण-मडंवाऽऽमम-खेडप्पमुहसनिवेसेहिं परिपुण्ण महिरं विहरमाणो वसहनाहो  
पाउस-समय-जलहरो विव चउटुं दिसामु पणवीमाहिगनोयणसयं रोगाण स्रएण ताव-  
समणेण य जणाणं अशुगिण्हमाणो, पयग-मूसग-सुगप्पमुह-खुदजंतुगण-कय-उवइवाणं  
निवारणेण जणीईओ भूवालो विव सव्वाओ पयाओ सुहावितो 'नेमित्तिआण सास-  
याणं च वेराणं पसमाओ, तमहरणाओ रवी विव पाणिगणे धीणमाणो जह पुवं  
सव्यसोक्खरारि-प्रहार-मग्गपट्टीए आणदवित्था, तह अट्टुणा सव्वओ वि अमारि-  
पउत्तीए पयाओ आगदयतो, ओसडेण अजिण्णाऽइखुहाओ विव नियपहावेण जगस्सापि  
अउट्टि-अणावुट्टीओ अवसारितो, अतमल्लव्व अगगच्छंतम्मि सचक्क-परचक्क  
मयम्मि अच्चतमत्तुट्टजणवएहिं किज्जमाणागममहूसरो, रउत्तसाओ मतजाणगपुरिसो  
वि सव्व-सद्वारग-पोरदुब्बिमक्खाओ जग रक्खतो, अओ च्चिय 'भिसं जणेहिं सुणि-  
ज्जमाणो अगत अतो असेमायं केउत्तणजोई वाहिरभूय पिव जियमायंडमडल माम

१ दिवापुरम्-प्रनाथम् । २ भैरव-भौषधम् । ३ कविद्वालक । ४ सहायकर । ५ उक्कट्-  
विरोधम् । ६ नेमित्तानाम् । ७ शाश्वतानां च । ८ यश्च ।

डलं धरंतो, गयणम्मि पुरओ चलंतेण असाहरणतेण धम्मचक्केण चक्केण चक्क-  
 वट्टी विव रायमाणो, पुरओ तुंगेण लहुज्जयसहस्समंडियधम्मज्झण सव्वकम्म-  
 जयत्थंभेण विव सोहमाणो, गयणे सयं सदायमाणेण दिव्व-दुंदुहिणा निम्भरं किञ्जमाण-  
 पयाणारिहकल्ल्याणो विव, नहत्थिण पायपीढसद्विण फल्लिहरयणसीदासणेण निय-  
 जसेण इव उवसोहिओ, अमरेहिं संचारिज्जमाणेसु कणयकमलेसुं रायहंसो विव सलीलं  
 पायणासं कुणमाणो, भयेण रमायलं पविशिउं इच्छंतेहिं पिव अहोमुहेहिं तिण्हतुंटेहिं  
 कंटगेहिं पि अणाकिलिट्टपरिवारो, अंगसहेज्ज-जाय-पावस्स पायच्छित्तं काउं पिव  
 सयलेहिं पि उंऊहिं जुगवं उवासिज्जमाणो, दूराओ उच्चएहिं सण्णारहिंएहिं पि नामि-  
 यसिहरेहिं मग्गतल्लहिं अभिओ नयंसिज्जमाणो विव तालव्वेटाणिल्लेण विव अणुजल्ल-मउय-  
 सीयलेण अणिलेण निरंतरं सेविज्जमाणो, सामिणो पडिऊत्ताणं न मृहं होज्जत्ति नाऊण  
 विव पयाहिणं उत्तरंतेहिं पक्खीहिं लंघिज्जमाणसग्ग-मग्गो, वेलातरंगेहिं सागरो विव  
 गमणागमपरेहिं जहण्णओ कोडिसंखेहिं मुरामुरेहिं विरायमाणो, भत्तिप्पहाववसाओ  
 दिवावि सप्पहेण चंदेण विव नहत्थिण आयवत्तेण विराइओ, इंदुणो पिह-क्कएहिं  
 किरणसव्वस्स-कोसेहिं पिव गंगातरंग-धवलेहिं चामरेहिं वीइज्जमाणो, नक्खत्तेहिं  
 नक्खत्तनाहो विव तवसा दिप्पंतेहिं लक्खसंखेहिं सोमगुणजुत्त-समणोत्तमेहिं परिव-  
 रिओ, पइसिंधुं पइसरं पंकयाइं आइच्चो विव पइग्गामं पइपुरं भव्वजंतुणो पडिवोहितो  
 वीसोवयारपवरो भयवं उसहसामी कमेण विहरंतो अणया अट्टावयमहाजिरी आगच्छेइ ।

अट्टावयवण्णणं ।

अह अट्टावयपव्वयं वण्णेइ-सैरयभवानं मेहाणं एगहिं कप्पियं रासिं पिव,  
 थिण्णीभूय-खीरसमुद्वेलाकूडं पिव आहरियं, पहुजम्मणाभिसेयसमए पुरंदरविउव्विय-  
 वसहाणं एणं उत्तुंगसिंणं वसहं पिव संठिअं, नंदीसरमहादीव-वट्टि-वावी-मज्झहि-  
 आणं दहिमुहगिरीणं मज्झाओ एगयमं एत्थ आगयं पिव, जंबूदीव-पंकयस्स उद्धरियं  
 नालखंडं पिव, पुढवीए सेय-रयणमइयं उव्वमडं मउडं पिव, निम्मलत्तणेण भागुरत्तणेण  
 य निच्चं चेव देवकुंदेहिं जलेहिं णहविज्जमाणं पिव, अंसुगेहिं च लुहिज्जमाणं पिव, निम्मल-  
 फलिहोवलतडेसुं निसण्णंगणाजणेहिं पवणुच्छलियकमलरेणुणा उवलक्खणिज्जसरिआजलं,  
 सिहरग्ग-भाग-वीसमिय-विज्जाहरल्लणाणं वेयइह-चुल्ल-हिमवंतगिरि-विम्हारणभवं-  
 तरं, सग्ग-भूमीणं आंयंसमिव, दिसाणं अणुवमं हासमिव, गह-नक्खत्त-निम्माणस्स

१ अनाक्किण्ट° । २ कामसहायजातपापस्य । ३ ऋतुभिः । ४ तालवृन्तानिलेन । ५ पृथक्कृतैः ।  
 ६ शरत्संभवानाम् । ७ वसनेश्च मृज्यमानम् । ८ विश्रान्त° । ९ आदर्शमिव ।

अकख्यं मट्टियाथलमिव, मज्झभागसमासीण-क्रीला-संत-कुरंगेहिं सिहरेहिं दसिआणेग-  
मयलछण-विब्भम, निज्झरपतीहिं चत्तनिम्मलुत्तरिज्ज पिव, उँदचिरसुरकंतमणिकिर  
णेहिं उइढपडागं पिव, तुंग-निम्मल-सिहर-ग्ग-सकमिएण आइच्चेण मुद्धविज्जा  
सिद्धवल्लहाणं दिण्णुदयगिरिब्भमं, मऊरपत्तरइएहिं महतेहिं आयपत्तेहिं पिव अच्चंत-  
°डइ-पत्तवहलेहिं तरुहिं कयनिरंतरच्छायं, कोउणेण खेयरीहिं लालिज्जमाणेसु हरिणवालेसु  
अओ चेव झरंतहरिणीसुरीसिचिज्जमाणलयावणं, परिहियैकलीपत्तवसणसवरी-नट्ट पेक्खिउं  
सेणीकयनयणपत्ताहिं देवंगणाहिं अहिद्विय, सुरय-सत-उरगी-पीय-मंड-मद-वणपवणं,  
वणाणिल-नड-क्रीला-पणट्टियलयावण, क्रिण्णरीगण-रयारभ-मंदिरीभूयकंदरं, अच्छ-  
राजणमज्जणभरेण उत्तरंगि-सरोवरजल, कथ वि सारि-जूयकेलिपरेहिं कथइ पाण  
गोद्विरएहिं कथ य आवद्धपणिएहिं जक्खेहिं कोलाहलीकयमज्झभागं, कथइ सवर-  
नारीहिं कथइ क्रिण्णरीहिं कथ य विज्जाहरवल्लहाहिं पारद्ध-क्रीला-गीयं, कथ वि  
पक्क-दक्खाफल-भन्नसणुम्मत्तसुगेहिं कयाराव, कथ वि अंधंसकुराऽसणोम्मत्त कोइल-कय  
पंचमसर, कथ य नमसुणालाऽऽसायणमत्तहंससरुद्धुरं, कथ सरियातडुम्मय-कौच-  
कैकार-रवमुहरं, कथ वि आसण्ण-जलहर-दसणुम्मज्जंत-मोर-कैकारवाउल, कथ  
य सरोवरपरिसरंत-सारस-सर-सुदरं, कथ वि रत्तासोगवणेहिं कोसुभवसणं पिव,  
कथ य ताल-तमाल-हिंतालेहिं नीलवरं पिव, कुसुमंचियं<sup>१</sup>क्रिसुयतरुहिं कथ वि  
पीयस्रुगं पिव, मालइ-मल्लिका-वणेहिं कथ वि सेयवत्यं पिव, एरिसं तं गिरिग  
रिद्ध अट्ट-जोयणुत्सएण गयणपज्जतुण्णय अट्टावयगिरिं जगगुरु आरोहेइ । सो गिरी  
वाउ-विकीण्णेहिं तरुकुसुमेहिं निज्झरवारीहिं च तिजगसामिणो अग्य विहेइ इव ।

### समवसरण

अह सामिपायपवित्तिओ सो अट्टायगिरी पट्टजम्मणमहसवेण पवित्तीकयमेरु  
गिरित्तो अप्पाण हीणं न मण्णेइ, पहरिसिय-कोइलाइ-कूइयमित्सेण सो अट्टावयाऽयलो  
जगणाइएणे सुहु गायइ इव । तथ चउव्विह-देवा समोसरण विरयति-

अह चाउकुमारदेवा जोयणप्पमाणखेत्तम्मि समज्जणीजीणिणो त्रिव  
स्त्रणेण तिणकट्टाइयं हरेइरे, मेहकुमारदेवा सज्जो अब्भाइ पाणिय-  
महिसे त्रिव विउव्विज्जण गंधजलेहिं त पुट्ठवि सिंवेइरे, देवा विमात्राहिं

१ वततीयं-उपरित्तमवसरम् । २ कर्ष्यं गच्छत् । ३ भाद्रपदम् । ४ कदलीपत्रम् । ५ पादकलक-  
पूतपरं । ६ पवित्रे । ७ क्रिष्णक-पलाशश्च । ८ अर्घ्यम् । ९ संनार्वणी-सापरणी इति भाषायाम् ।



सुवण्ण-रयणसिन्नाहिं आयंसतत्तं पिव समं धरणीयत्तं वंभेइरे । वंतरदेवा  
 इंदधणुह्खंडसोहाविडंवगाइं जाणुप्पमाणां पुप्फाइं वरिसिंति, चउसु वि दिसासु  
 अल्लेहिं तच्छदलेहिं जणानई-वीइ-सिरि-सरिस-सोहिराइं तोरणाइं, विहेइरे ।  
 तोरणाइं अभिओ पंभेसुं सिंधुनई-उभयतडत्थिअ-मगर-सिरिविडंविणीओ मगरा-  
 गिईओ विरायंति, तेषु तोरणेषु चत्तारि सेयाऽऽयवत्ताइं चउणं दिसादेवीणं रयय  
 निम्मिया दप्पणा इव पयासिरे, तेषु पवणत्तरंगिया आगासगंगा तरत्तत्तरंगव्भमदा-  
 इणो झयपडा रायंति, तोरणाणं हिट्ठमि हिट्ठमि विस्सस्स इइयं गंगत्तं चित्तत्तित्तिविद्विभ-  
 मकारिणो मात्तियसत्थिगाइणो संति । तत्थ पुढवीए रइयपीढम्मि वेमाणिया सुरा रय-  
 णागरसिरि-सव्वस्सं पिव रयणमइयं वप्पं विहेइरे, तत्थ वप्परसोवरिं तेहिं देवेहिं माणु-  
 सोत्तरगिरिसीमम्मि चंदाइच्चमाला विव माणिकक-कविसीसपरंपरा किज्जइ, तओ जोइ-  
 सियदेवा हिमगिरिणो मंडलीकयं इक्कं सिद्धं पिव कंचणनिम्मियं मज्झमं पागारं रएइरे,  
 तत्थ वप्पम्मि दीहकालं पेक्खगज्जणपडिंविंविण्णं चित्तत्तद्वियाइं पिव रयणमइयाइं कवि-  
 सीसाइं कुणेइरे, भवणवइणो देवा कुंडलीभूय-सेसाऽहि-सरीर-व्भमकारणं तइयं रूप-  
 मइयं वप्पं विहेइरे, तत्थ ते खीर-समुद-जल-संधिअ-गरुत्त-सेणि विव्भम-हेउगं कंच-  
 णमइयं कविसीसपरंपरं कुणंति । पुणो तेहिं देवेहिं वप्पे वप्पे य चत्तारि गोउराइं  
 जक्खेहिं विणीयानयरीपायारम्मि विव कयाइं, गोउरेसुं य तेहिं पसरमाण-निय-  
 किरणेहिं चिय सयगुणाइं पिव माणिककतोरणाइं कुणिज्जंति, दारंमि दारंमि वंतरेहिं  
 चक्खु-रक्खंऽज्जण-लेहा-सरिसधूवउम्मिधारिणीओ धूवघडीओ निहिज्जंति, मज्झ-  
 वप्पव्भंतरम्मि पुव्वुत्तरदिसाए पहुणो वीसमणत्थं गेहम्मि देवालयं पिव देवा  
 देवच्छंदं विहेइरे, वंतरदेवा समोसरणमज्झम्मि पवणमज्झे कूवयं पिव तिकोसमाणं  
 चेइयत्तं विउत्तिरे, अह ते देवा चेइयदुमस्स हिट्ठम्मि तं मूलाओ किरणेहिं पल्ल-  
 वियं पिव कुणमाणं रयणमइयं पीढं विरएइरे, पुणो ते देवा तस्स पीढस्स उवरिं  
 सुहुं चेइयरुक्खसाहापज्जंतपल्लवेहिं पमज्जिज्जमाणं रयणच्छंदयं विहेइरे, तस्स मज्झम्मि  
 पुव्वदिसाए विथसियपंक्कयकोसमज्झे कणियं पिव सपायपीढं रयणसीहासणं कुणेइरे,  
 तस्स सीहासणस्स उवरिं अभिओ आवट्टियं गंगानईपवाहत्तयं पिव छत्ततिगं विउत्तिवति,  
 पुव्वसिद्धं पिव कओ वि समाहरिज्जण सुरासुरेहिं समोसरणं इह ठवियं पिव ।

तओ य जगवई पुव्वदुवारेण भव्वजीवाणं हिययं पिव मोक्खदुवारसमं तं सम-  
 वसरणं पविसेइ, तओ पहु तक्कालं कण्णाऽवयंसीभवंतसाहापज्जंतपल्लवं तं असोग-

१ आर्द्रः । २ गोपुराणि-नगरद्वाराणि । ३ कूपकम्-कूपस्तम्भम् । ४ चैत्यतरुम् । ५ आवर्तितम्=चक्राका-  
 रेण भ्रमणशीलम् ।

तहं पदक्खिणोड, अह विह 'नमो तित्थस्स' ति वयंतो पुब्बदिसाभिमुहो रायहंसो पंकयं पिव सीदासणं उवविसेइ । वंतरदेवा अण्णासु वि तीसुं दिसासुं परमेट्ठिणो रयणसीदासणत्थिआडं पडिस्वाट विउव्विंति । तओ साहु-साहुणी-वेमाणियदेवीओ पुब्बदुवारेण पविसिऊण जिण पयाहिणिऊण य भत्तीए जिणीसरं तित्थं च नमेडरे, तत्य पढमपायारम्मि पुंन्वदाहिणदिसाए धम्मउज्जाणमहातरुणो सव्वसाहवो अंच्छेडरे । ताणं च पिट्ठओ उड्ढत्थिआ वेमाणियदेवीओ चिट्ठेडरे, तासिं च पिट्ठओ तहच्चिय साहुणीओ चिट्ठन्ति । भवणवड-जोडमिय-वतराण देवीओ दाहिणदुवारेण पविसित्ता पुब्बमिव रुयेण 'नेरईदिसाए चिट्ठेडरे, तह भवणेस-जोडसिय-वंतरदेवा पच्छिम-दारेण पविसिऊण पुब्बविहिणा जिणं तित्थं च नमसिऊण वायव्वदिसाइ कमेण उवविसंति, तइया तत्य वासवो समोसरियं नाह विण्णाय त्रिमाणसुंदेहिं गयणं ढक्कंतो सिअं समागच्छेड, समागच्छिऊण उत्तरदारेण पविसित्ता सामिणो पयाहिण-तिगं काऊण नच्चा य भत्तिमंतो सक्को एव थुणेड—

उसहजिणस्स थुई ।

“हे भयव ! जोगिपुंगवेहिं सव्वप्यणा वि तुम्ह गुणा जाणिउं असक्कणिज्जा, थुणिउं जोग्गा तुव गुणा कत्थ ? निच्चपमायपरो धणिरो अहं कत्थ ? तह वि नाह ! तुम्हकेरगुणे थुणिस्सं, दीहपहम्मि वच्चंतो खुंजो हि किं केणावि निवा-रिज्जइ ? ।

हे पहु ! भवदुहाऽऽय-किलेसविपमाण देहीणं छंत्त-आहीभूयपायच्छाय । अम्हे ता खखादि । नाह ! सयं तुं रुयत्थो वि केजल लोगस्स पत्तयारट्ठं विह-रसि, किं दिवागतो अण्णो कए पयासेइ ? मज्झण्हकालाऽऽच्चो विव पहु ! तुमम्मि तत्रतम्मि देहीण देहन्त्राया त्रि सव्वओ कम्म सक्खेड । जे उ तुमं सव्वया पासंति ते हि तिरिअचा वि धण्णा, भवतदसणरहिवा समगनिवासिणो वि देवा न धण्णा । तिजगत्तइ ! जाण हिययचेडएमु तुम एगो अहिदेयया मि, ते भविआ पन्निक्खे-हिंतो पन्निक्खे संति । हे नाह ! अच्चणिज्जपायाण भगवंताणं समीवमि एगं पत्त्यणं कुणेमि—गामाओ गामं पुराओ पुरं विहरतो वि तुम कयाई मज्झ हिययं मा चयाहि” ति पहुं थुणिऊण सक्को पचगफरिसियभूमियओ पणमिऊण पुब्बुत्तर-दिसाए अच्चेड । तह य पहुणो समापारदाणत्थं तत्य ठविआ अट्टापयगिरिरिक्खगा पुरिमा च्चरुवट्ठिस्स 'सामी एत्थ समोसरिओ' ति कहंति ।

१ भक्तिचोकके । २ भागते-उपविशन्ति । ३ वैक्रोदिसि । ४ स्तोता । ५ पश्य । ६ छत्र  
रक्षावीभूतपादच्छाय । ।

दाणसीलो स भरहचक्वट्टी जिणीसरसमायारनिवेदगाणं ताणं सहद-वारहसु-  
वण्णकोडीओ देइ, तारिसपुरिसाणं हि तं थोकं चिय । तओ सो सीहासणाओ उट्टाय भग-  
वओ दिसाओ अहिमुहं सत्त अट्ट पयाइं गंतूण विणण्ण पणमेइ, पणमिऊण भुञ्जो सीहा-  
सणम्मि उवविसिऊण सामिपायपासगमणत्थं पुरंदरो सुरे इव नरिंदे आहवेइ, भरहनरिंदाऽऽ-  
णाए सव्वे भूवा वेलाए उच्चएहिं समुद्वीइपरंपरा इव सव्वओ समागया । तइया सामि-  
समीवगमणाय नियाहिरोहगे तुवरमाणा वित्र दंतिणो तारयरं गज्जंति, तुरंगमा य हेसिरे,  
रहिणो पाइक्का य पमोयपुल्लगंचिया गच्छंति । जओ भगवओ समीवगमणम्मि रण्णो  
आणा सुगंधिसुवण्णसंणिहा सिया । जह महानईपूरजलाइं उभयकुले न संमायंति,  
तह अट्टावयाओ अउज्झानयरिं जाव थिआइंपि सेणाइं न संमाइरे । तया गयणेवि सेय-  
च्छत्तेहिं मऊरनिम्मियच्छत्तेहिं च मंदाइणीज्जणनईणं वेणीसंगो विव होइ ।

आसारोहसुहदकर-ग-त्थिआ कुंता वि फुरमाणेहिं अप्पणो किरणेहिं अवरे समु-  
क्खित्तकुंता इव सोहेइरे । गयारूढेहिं वीरकुंजरेहिं हरिसाओ उज्जियं गज्जंतेहिं कुंजरा  
वि उव्वूढकुंजरा विव रेहिरे । सेणाइं पि जगवइं पणमिउं चक्कवट्टित्तो वि अईव जंसु-  
आइं होत्था, जओ खग्गाओ खग्गाकोसो वि अच्चंतं निसिओ होज्जा । दुवारपा-  
लेण विव ताणं महाकोलाहलेण सहामज्झत्थिअस्स चक्कवट्टिणो सव्वओ मिलिआओ  
सेणाओ निवेइज्जंति । अह चक्कवट्टी जह मुणीसरो रागदोसजण्ण मणसुद्धि कुणेइ  
तह सिणाणेण देहसुद्धिं करेइ । तओ कयपायच्छित्तकोउअमंगलो भरहेसरो नियचरित्तं  
पिव उज्जलाइं वत्थनेवत्थाइं परिहेइ । मुद्धम्मि सेयाऽऽयवत्तेण पासेसुं च सेयचामरेहिं  
विरायमाणो सो गेइपज्जंत-वेइगं गच्छेइ, आइच्चो पुव्वायलं पिव तं वेइगं आरोहि-  
ऊण महीवई नहमज्झं पिव उंदगं महागयं समारोहेइ । जंतधाराजलेहिं पिव भेरी-संख-  
पडहाइपहाणतुरियमहारवेहिं गयणाभोगं भरंतो, जलहरेहिं पिव मयजलेहिं गएहिं  
दिसाओ निरुंभंतो, सागरो तरंगेहिं पिव तुरंगेहिं पुढविं ढकंतो, जुगलनरेहिं कप्पदुमो  
विव हरिस-तुराहिं संजुओ संतेउरपरिवारो सो भरहनरीसरो खणेण अट्टावयगिरिं  
पावेइ ।

सो गयाओ ओरुहिऊण महागिरिं आरोहेइ, जह संजमेच्छू गिहत्थधम्माओ  
उत्तुंगं चारित्तं पिव । सो उत्तरदुवारेण समोसरणं पविसित्ता आणंद-कंदलुग्गम-वारि-  
हरं पहुं पासेइ, पयाहिणतिगं च काऊण पहुणो य पायपंकयाइं नमंसिऊण सिरम्मि

१ इवरयन्त इव । २ गज्जायमुनानयोः । ३ उद्व्युढकुञ्जरा इव । ४ उत्सुकानि । ५ निशितः=  
तीक्ष्णः । ६ वज्रनेपथ्यानि । ७ उदमम्-मनोहरम् । ८ हर्षत्वरभ्याम् । ९ अवरुत्थ ।

निवर्द्धजली भरहो एतं थुं आरभेड-“सामि ! मारिसेहिं तव थवण कलसेहिं अंभो-  
 द्विणो माणसरिसं चेव, तहवि निरंकुसो इं भत्तीए तुमं युणिसंसं, पढो ! जह दीवस्स  
 'संपवकाओ वदीओ वि दीवत्तण पावेइ तह तुमं आंसिया भविणो तुमए  
 तुल्ला हवति, मत्त-उंदिय-गंड-मैयहरणोसठ मग्गमासण तुव सासण विजयड,  
 तिहुवणेसर ! घाइरुम्माइं हत्तुणं अं सेसरुम्माइं उविससि, तं तु तिहुवणाणुग्गहणं  
 षण्णेमि, विहु ! तुम्ह चलणलग्गा भविणो गरुलपवरुमज्जगया जणा समुह पिय भन-  
 समुदं लंवेइरे, अणंतकल्लाणहुमोल्लासणंदोहलं जग-महा-मोहनिदा-पंच्चूस-सरिस  
 तुम्ह दंसण जयइ, तुम्ह पाय-पकय-फरिमाओ पाणीणं रुम्माइं दीरिज्जंति, जओ  
 त्थदमउयकिरणेहिं पि द्दतिदंता फुडन्ति हि । जगनाह ! जहवारिहरस्म बुट्टी मयकस्स  
 य चंदिमा तह तुम्हाणं पसाओ पि सब्बेसिं साहारणो चेव,” एतं उसहणाह थुणिज्जण  
 षणमित्ता य भरहेसरो सामाणियसुरोच्च इंदस्स पिट्टीए निसीएड, देवाणं पिट्टओ  
 अवरेनरा निसीएइरे, नराणं पच्छा नारीओ उद्धट्टिजा एव चिट्ठति । इत्थं पढमवप्प-  
 मज्झमि चउच्चिहो संघो अणवज्जे सिरिजिणसामणे चउच्चिहो धम्मो इव चिट्ठेइ,  
 वीयपायारम्मि विरोहिणो वि मिहो सोयरा विव ससिणेहा सहरिसा तिरिजा चिट्ठंति,  
 तइयपायारम्मि समुवगया नरिंदपमुहाणं देमणासणुक्कणा गय-तुरंगाइ-वाहण-  
 परपरा चिट्ठंति ।

तिहुवणसामी सब्बभासाणुगामि-मेहनिगोसगहीर-गिराए धम्मदेसण विहेइ,  
 तइया हरिसेण जिणदेमण सुणमाणा तिरिअ-नरामरा अच्चत्तभारविमुक्का इव सपत्त-  
 वंछियवया विव कयाभिसेयकल्लाणा व धाणद्विय व्व अहर्मिदत्तणं पत्ता इव पर  
 बम्हपय गया इव संजाया । देमणापज्जते भरहन्निर्वो गहियमहव्वए नियभाउणो  
 निरिक्खिज्जण जायमणसताओ मणंसि एव चित्तेइ-परसिं वंधुण रज्जं गिण्हमाणेण भस्सय-  
 रोगिणा विव निरंतरं अतित्तमणेण हा ! मए किं कयं ?, भोगफल इमं लज्जिअ षण्णेसिं  
 पि दिवो म्हि, तं च दाण मम मूढस्म भिप्पम्मि ह्युय विव निष्कम्मेव । काणो वि  
 काने आहविज्जण अण्णाण दाज्जण उवजीवेड, अह तु काणेहितो पि हीणो, जओ वंधुणो  
 विणा भोगे सुजामि । शुज्जो वि मम पुण्णोदएहिं जइ पुणो उमे दिज्जमाणे भोगे  
 मास-सणयया साहवो भिरय्य पिय गिण्हेज्जा तइया वर एव आलोउज्जण भरहो जग-  
 गुरुणो पायमूलम्मि गत्तुण रइयज्जली नियमधुणो भोगाय निर्मेनेइ । तइया उसहणाहो

१ सम्यक्त्वं । २ आधिया । ३ 'मदहज्जोपयम् । ४ दोहदम् । ५ प्रत्युपसहसम्-प्रमाससम् ।  
 ६ दीयेन्ते । ७ अनवदे-निष्पाये । ८ भस्मनि ।

एवं वएइ—महीवइ ! सरलासय ! तुम्ह वंधवो महासत्तसालिणो पइण्णाय—महव्वया संसा-  
 रासारय नच्चा सव्वओ चत्तपुव्वभोगा एए वंतं पिव भुज्जो वि भोगे न खलु पडि-  
 गिण्हेइरे, एवं सामिणा भोगेसुं निसिद्धो भरसेसरो साणुतावेण मणेण भुज्जो चित्तेइ  
 —जइ ताव चत्तसंगा इमे भोगे न भुंजेइरे, तह वि एए पाणधारणं आहारं तु  
 भुंजिस्सन्ति एवं चित्तिऊण उच्चएहिं पंचहिं सयडसएहिं आहारं  
 आणाविऊण सो भरहो पुव्वं पिव वंधुणो निमंतेइ । पहू भुज्जो वि एवं  
 वएइ—‘भरहेसर ! आहरियं आहाकम्मं अण्णाइं मुणीणं न हि कप्पइ’ एवं  
 निसिद्धो भरहो भुज्जो वि अकयाऽकारियाऽसणाइणा आमंतेइ, जओ ‘अज्जवम्मि  
 सव्वं सोहइ । धम्मचक्किणा ‘राइंद ! महारिसीणं रज्जपिंडो वि न कप्पइ’ एवं भुज्जो  
 वि चक्कवट्ठी ‘निराकरिओ । तइया सामिणा अहं सव्वहा पडिसिद्धो म्हि त्ति महंतेण  
 अणुतावेण राहुणा निसागरो विव दुहिओ । तया सहस्सवखो भरहनरिंदस्स विलक्ख-  
 त्तणं उवलक्खित्ता पहुं पुच्छेइ—‘कइविहो अवग्गहो सिया’ । सामी वि वएइ—इंदं—  
 चंकि—नैरिंद—‘गिहत्थ—साहुसंवंधिभेयाओ पंचहा ओग्गहो सिया, एएसिं उत्तरेण  
 उत्तरेण पुव्वो पुव्वो ओग्गहो वाहिज्जइ, जओ पुंव्वुत्तपरुत्तविहीसुं परुत्तो विही बलवंतो  
 सिया, तया सक्को वि कहेइ—देव ! जे साहवो मम उग्गहे विहरेइरे ताणं मए  
 निओ अवग्गहो अणुण्णाओ त्ति वोत्तूणं सामिपाए वंदिऊण सक्के अवट्ठिए समाणे  
 भरहेसरो भुज्जो वि एवं चिन्तेइ एएहिं मुणीहिं जइवि मईयं असणाइयं न गहियं,  
 तहवि अहं नियावग्गहाणुण्णाए कयत्थो होज्जा इअ हिययम्मि विया-  
 रिऊण पसण्हियओ महीवई सक्को विव सामिपायाणं पुरओ नियं ओग्गहं अणु-  
 जाणेइ, तओ सो भरहो साहम्मियं वासवं पुच्छेइ—अहुणा अणेण भत्तपाणाइणा  
 मए किं कज्जं ? । इमं भत्तपाणाइयं गुणुत्तराणं दायव्वं ति सक्केण भासिए समाणे  
 स एवं झियाइ—साहुणो विणा के अण्णो गुणुत्तरा ?, आ ! जाणियं अहवा  
 देसविरया खलु सावगा ममाओ गुणुत्तरा संति, ताणं मए इमं दायव्वं, एयं च  
 कायव्वं ति निण्णेऊण चक्कवट्ठी सक्कस्स भासुरागिइवंतं रूवं दट्ठूणं विम्मिओ समाणो  
 पुच्छेइ—देववइ ! तुम्हे देवलोगे वि किं एरिसेण रूवेण चिट्ठेह ? अहवा रूवंतरेण,  
 जओ देवा कामरूविणो संति । देवराओ ववेइ—राय ! एरिसं रूवं तत्थ अम्हाणं  
 न सिया, जं तत्थ रूवं तं मणूसेहिं दट्ठुं पि न पारिज्जइ । भरहो वएइ—सुरवइ !  
 अप्पणो तीए दिव्वागिईए दंसणेण चंदो चकोरं पिव मम नयणाइं परिपीणाहि ।

१ सानुतापेन—सपश्चात्तापेन । २ साधुनिमित्तकृतं समानीतमन्नादि । ३ आर्जवे । ४ निराकृतः—निषिद्धः ।

५ पूर्वोक्त-परोक्तविध्योः । ६ समानधर्मवन्तम् । ७ शक्यते ।

तइया वासवो ववेड—भूवई ! तुम पुरुसोचमो सि त्ति तुम्ह पत्थणा मुहा न होज्जा तओ इक्क अंगावयय दंसिद्विस्सामि त्ति उदीरिऊण सक्को उडयालकारसालिणि जगगेह्विकरुदीविगं अप्पणो अंगुलिं दंसेड । भरहनरिंदो समुद्धो पुणिमाचंदं पिव त्रियमतभासुरज्जुड तं महिंदंगुलिं ददृष्टण पसुडअचित्तो जाओ । अह वासवो भगवंतं पण-मिअ नरिंदं सम्माणिऊण तरुणेण संझाए अब्भ पिव तिरोहिओ होत्या । अह चक्क-वटी वि वासवो विअ पहं पैणिवडऊण चित्तम्मि नियकिच्चाड चिंतंतो विणीयान-परिं गच्छेड, तत्थ रयणनिम्मियं सवहंगुलिं ठविऊण भरहनरिंदो अट्टाहियमहूमय कुणेड, सज्जणाण हि भत्तीए सिणेहे वि य तुल्यं चेअ कायव्व । तओ पमिइं इंदत्यंभं संसृत्यभिऊण लोगेहिं इंदमहसवो समाहत्तो, सो अज्जवि षट्ठ । तओ भयव नाहि-नदणो भत्रियंपंरुयरोहगरो अट्टावयगिरित्तो जण्णत्थ आडन्धो खेत्ताओ खेत्तंतरं पिव विहरेड ।

भरहेण सावगाणं भोयणदाणं ।

अह भरहनरिंदो सावगे समाहविऊण इमं ववेड—तुम्हेहिं पट्टविणं मईए गेहम्मि भोत्तव्वं, किसिक्कमाइयं न विहेयव्व, किन्तु अपुत्रणाणगहणं कुणमाणेहिं सज्जाणप-रेहिं अपुट्टिणं थेयं, भोत्तूण य मज्झ अंत्रियगएहिं तुम्हेहिं इमं सइ पट्टणिज्ज जिओ मैयं, वड्ढइ मय, तम्हा मां हणाहि मा हणाहि त्ति । ते समणोवासगा तह त्ति पडिविज्जिऊण भरहनरिंदस्स अगारम्मि भुंजति, तह य त वयणं मज्जाय पिव तप्परा पडेइरे । देओ विअ नामभोगासत्तो पमत्तो सो नरदेओ तस्सइसवणेण चिय एअं त्रिवि-तेइ—केण ह जिओ म्हि ? हू जाणिय कसाएहिं अह विजिओ, कत्तो मम भय अत्थि ?, तेहिंतो कसाएहिंतो पय, तओ पाणिणो मा हणेज्जा, एअ एअ विवेगवंता सावगा निच्चमेव सुमरात्रिति, अहो ! मम पमाउत्तगं, अहो ! मम विमपल्लुद्वया, अहो ! धम्मम्मि वि उट्टामित्तण, अहो ! संसाररागिया, अहो ! महापुरिसोडयायार—विन-रीयत्तण, इमाइ चिंताड गगापनाहो लणसमुदे विअ पमायपरम्मि तम्मि रण धम्मज्जाणं पचट्टेड, किन्तु अणाडकाअमोहभामेण सुज्जो वि भूवो सहाइ—इंदियविमपसु पसज्जइ, जओ भोगफं पम्म अणहा षाउ को वि न सवको ।

अह भगवया "सुयाहिरिईहिं भूवई विणत्तो, सावगो भगवगो या पट्टत्तणेण नो उअत्तिसज्जइ । भरहो सुभरो आदिगइ—अं तुम्हे मइहा जण्णिय, अओ इओ पमिइ परि-

१ अत्रियण । २ अणुत्त-अत्रियण । ३ भवत् । ४ सुतावित्तिवि—नायकपद्ये । ५ अत्रियण ।

कखापुव्वयं भोयणं दायव्वं, एवं सोच्चा ते सूवकारा पुच्छंति—के भवंता !, ते ववन्ति—  
 'अम्हे सावगा अत्थि,' सावगाणं कइ वयाइं संति ?, ताइं अम्हाणं संसेह । अह ते  
 कहिति—अम्हाणं सावगाणं ताइं न होज्जा, किंतु अम्हाणं सया वि हि पंच अणुव्वयाइं  
 सत्त सिक्खावयाइं च संति, एवं पैरिक्खानिव्वूढा ते सूवकारेहिं भरहभूवइणो दंसि-  
 ष्जंति । भरहनरिंदो ताणं कागिणीरयणेण नाण—दंसण—चरित्तलिंणं रेहातिगं वेग-  
 च्छंपिं व सुद्धिनिमित्तं विहेइ, एवं अट्टवरिसे अट्टवरिसे य परिक्खं ते कुणंति, तहेव हि  
 सावगा कागिणीरयणेण लंछिज्जंति, काइणीरयणलंछिया ते भोयणं लहेइरे, अह ते वि  
 उच्चएहिं 'जिओ भवं, वड्ढए भयं' इच्चाइं पढंति, तओ ते 'माहणा' होत्था । ते य  
 माहणा नियाइं अवच्चाइं साहूणं दिंति, ताणं केइ विरत्ता वयं गिण्हंति, केवि परीस-  
 हासहा सावगत्तणं उवादिंति, ते वि तहेव कागिणीरयणलंछिया समाणा भुंजेइरे । 'भर-  
 हनरिंदेण एएसिं भोयणं दिण्णं' ति लोगो वि सद्धाए ताणं भोयणं देइ । जम्हा पूइ-  
 एहिं पूइओ केण केण न पूइज्जइ । भरहचक्की ताणं सज्जायनिमित्तं अरिहंतथुइ—मुणि  
 सइढ—सामायारीपवित्तिए 'आरिए वेए विहेइ, कमेण ते उ माहणा 'ब्राह्मणा' इइ  
 पसिद्धिं पत्ता, कागिइरयणलेहाओ हु जण्णोववीययं पत्ताओ, इयं ठिई भरहरज्जे  
 होत्था, भरहरायस्त पुत्तो आइच्चजसो पुणो काइणीरयणाभावाओ सुवण्णजण्णोववीयाइं  
 कुणेइरे, महाजसाइणो केइ नरिंदा रूपमइआइं, अण्णे पट्टसुत्तमइआइं अवरे सुत्तमइआइं  
 कुणेइरे । भरहनरिंदाओ आइच्चजसो तओ अहाजसो तओ कमेण अइवलो बलभदो  
 चलवीरिओ क्कित्तिवीरिओ जलवीरिओ तओ अट्टमो दंडवीरिओ राया संजाओ त्ति अट्ट  
 पुरिसे जाव अयं आयारो पउत्तो । एएहिं नरिंदेहिं समंतओ भरहइढं भुत्तं, भगवओ अ  
 मउडो सक्केण उवणीओ तेहिं सिरम्मि धारिओ, तयणंतरं सेसनरिंदेहिं तस्स महाप-  
 माणत्तणेण वोहुं न पारिज्जइ, हत्थिणो हि भारो हत्थीहिं वोहुं सक्किज्जइ नावरेहिं ।  
 नवम—दसमतित्थयराणं अंतरे साहुधम्मविच्छेओ जाओ. तओवि सत्तसुं जिणाणं अंत-  
 रेसुं एवं साहुधम्मविच्छेओ समुप्पण्णो । तइआ जे अरिहंतथुइ—जइधम्म—सइढधम्मम-  
 इआ आरिआ वेआ ते पच्छा सुलसा—'जण्णवक्काइंहिं अणारिआ कया । इओ य भर-  
 हनरिंदो सावगदाणेहिं कामकेलीए य अवरेहिं पि विणोएहिं दिवसे अइवाहितो चिट्ठेइ ।  
 अण्णया भयवं उसहपहू मर्हिं पाएहिं चंदो जयणं पिव पवित्तयंतो अट्टावयमहागिरिं समा-  
 गच्छेइ, तत्थ सज्जो सुरगणविणिम्मियसमोसरणे जगणाहो अच्छेइ, धम्मदेसणं च विहेइ ।

१ सूवकाराः—रसवतीकाराः । २ परीक्षानिर्व्यूढाः—विहितपरीक्षाः । ३ वैकशमिव—उपनयनवत् । ४ आर्यान्  
 वेदान् । ५ यज्ञोपवीतताम् । ६ याज्ञवल्क्यादिभिः । ७ पादैः—चरणैः किरणैश्च ।





अउज्जानयरीए जियसत्तुनरिंद-विजयादेवीतणओ वावत्तरिपुव्वलक्खाउसो  
 कणगसमज्जुई सइहचउधणुहसयदेहुच्चओ पुंवंगोण-पुव्वलक्खवयपज्जाओ अजियतित्थ-  
 यरो वीओ भविस्सइ, मईयनिव्वाणाऽजियजिणनिव्वाणकालाणं सागरोवमको-  
 डीणं पण्णासं लक्खा अंतरं णायवं २। सावत्थीनयरीए जियारिनिव-सेणादेवीभवो  
 सुवण्णनिहो सट्ठिपुव्वलक्खाउसो चउधणुसउस्सओ चउपुवंगहीण-पुव्वलक्खदिक्खा-  
 पज्जाओ तइओ संभवनाहो होस्सइ, अजियजिण-संभवजिण-निव्वाणंतरं सागर-  
 वमकोडीणं तीसलक्खाइं ३। विणीयानयरीए खंवरमहीवइ-सिद्धत्थादेवीनंदणो  
 कंचणनिहो पण्णासपुव्वलक्खाऊ सइहधणुसयतिगसरीरो अट्टपुवंगहीणपुव्वलक्खवय-  
 पज्जाओ चउत्थो अभिगंदणजिणिंदो हविस्सइ, सागरोवमकोडीणं च दसलक्खाइं  
 अंतरं जाणियवं ४। तीए नयरीए मेहनरवइ-भंगलादेवीजाओ सुवण्णप्पहो वेया-  
 लीसपुव्वलक्खाउसो धणुहसयतयदेहो वारहपुवंगहीणपुव्वलक्खवओ पंचमो सुमई  
 अरिहंतो होही, अंतरं च सागरोवमकोडीणं नव लक्खाइं ५। कोसंबीनयरीए धर-  
 नरिंद-सुसीमादेवीभवो रत्तवण्णो तीसपुव्वलक्खाउक्को सइहधणुहसयदुगदेहो सोल-  
 सपुवंगणैण-पुव्वलक्खवओ छट्ठो पउमप्पहो तित्थयरो भविस्सइ, अंतरं च सागरोवम-  
 कोडीणं नवइ-सहस्साइं ६। वाणारसीनयरीए पइट्टनरदेवपिच्छीदेवीतणओ  
 सुवण्णकंती वीसपुव्वलक्खाउगो दुसयधणुहसरीरो वीस-पुवंगहीण-पुव्वलक्खवओ  
 सत्तमो नामेण सुपासजिणिंदो होही, सागरोवमकोडीणं नव सहस्साइं च अंतरं ७।  
 चंद्राणणनयरे महासेणनिव-लक्खणादेवीनंदणो दसलक्खपुव्वाउसो सेयवण्णो सइह-  
 धणुसउस्सओ चउव्वीसपुवंगहीण-पुव्वलक्खवओ अट्टमो चंदप्पहत्तित्थयरो होही, अंतरं  
 च सागरोवमकोडीणं नव सयाइं ८। काणंदीपुरीए खुग्गीवनरवइ-रामादेवीभवो सेय-  
 वण्णो दुलक्खपुव्वाउसो इक्कधणुसयदेहो अट्टावीसपुवंगहीण-पुव्वलक्खवयपज्जाओ  
 नवमो खुविही तित्थयरो भविस्सइ, सागरोवमाणं नवई कोडीओ अंतरं ९। भदिल-  
 पुरम्मि दढरहनिव-लंदादेवीजाओ सुवण्णप्पहो पुव्वलक्खाऊ नवइधणुहूसिओ पण-  
 वीस-पुव्वसहस्सवयपज्जाओ दसमो सीयलो नाम अरिहा भविस्सइ, अंतरं पुणो साग-  
 रोवमाणं नव कोडिओ १०। सिंहपुरे विण्णुराय-विण्णुदेवीतणओ सुवण्णाहो असीइधणुण-  
 यदेहो चउरासीइलक्खवरिसाउसो एगवीसवरिसलक्खवयपज्जाओ एगारहो सिज्जंस-  
 जिणेसरो होही, छासट्टिवरिसलक्खेहिं छव्वीसवरिससहस्सेहिं तइ य सागरोवमसएण  
 ऊणिया इगा सागरोवमकोडी जिणाणं अंतरं ११। चंपानयरीए वसुपुज्जनरवइ-

१ चतुरशीतिलक्षवर्षप्रमाणात्मकपूर्वाङ्गेन ऊनः । २ न्यून० । ३ लक्ष्मणादेवी । ४ धनुस्च्छ्रितः ।  
 ५ ऊनिता-न्यूना ।

जयादेवीजाओ वापत्तरिवरिसलक्खालसो सत्तरिधणुहसमुण्णओ रत्तवण्णो चउपण्णवरिसल-  
 क्खवयपज्जाओ वारहमो चासुपुज्जतित्थयरो होही, तह सागरोवमाणं चउपण्णासं अंतरं  
 १२। कंफिल्लनयरम्मि कयवम्मनिव-सामादेवीभओ सहिवरिसलक्खालसो सदठिध-  
 णुहदेहो सुवण्णनिहो पण्णरहवरिसलक्खवयपज्जाओ तेरहमो विमलजिणो भविस्सइ,  
 वासुपुज्जनिव्वाण-विमलजिणनिव्वाणंतरे य तीसं सागरोवमा होहिरे १३। अउज्झापुुरीए  
 सिहसेणनरिद-सुजसातणओ कणगवण्णो तीसलक्खवरिसाउउको पण्णासधणुहदेहो  
 सइदसत्तवरिसलक्खवयपज्जाओ चउदसमो अणंतजिणपरो होही, विमलजिणमोकख-अणं-  
 तजिणमोकखाणं अतरं नव सागरा जाणियव्वा १४। रयणपुरम्मि भाणुभूइ-सुव-  
 पादेवीनंदणो कणयाहो दसवरिसत्तयत्ताउसो पणयालीसपण्णयदेहो सइहलक्खदुगव-  
 रिसवयपज्जओ पण्णरसमो धम्मजिणीसरो होही, अणतजिण-धम्मजिणनिव्वाणमतं  
 चउसागरोवममाणं १५। गयपुरनयरम्मि वीससेणनिवा'उइरादेवीसुओ कंचणनिहो  
 वरिसलक्खालसो चत्तालीसपणुहदेहमाणो पणवीसपरिससहस्सवयपज्जाओ सोलसमो  
 सिरिसत्तिणाहो जिणवरो होही, चउभागीकयपल्लस्स भागत्तिगोण सागरोवमतिथं अंतरं  
 १६। गयपुरनयरे छरनरवइ-सिरिदेवीसुओ सुवण्णसरिसो पणनइवरिससहस्साउसो  
 पणतीसपणुहत्तुंगो सइहसत्तसयजुय-तेवीसवरिससहस्सयपज्जओ सत्तरसमो कुंगुणाहो  
 तित्थयरो होही, ताण च अंतर अइहपल्लउम १७। गयपुरनयरे सुदंसणनरेस-देवी  
 नंदणो कणयनिहो चउरासीइवरिससहस्साउसो तीसधणुहणुअदेहो एगवीसवरिस-  
 सहस्सवयपज्जाओ अहारसमो अरो नाम जिणिंदो होही, वरिसकोडिसहस्सोणपल्ल  
 वमतुरियंसो जिणंतरं १८। मिहिलानयरीए कुंभनरिद-पहावईदेवीतणओ नीलपण्ण-  
 देहो पणवीसधणुस्सओ पणपण्णवरिससहस्साउसो एगवरिससय-ऊण-पणपण्णवरिससह-  
 स्सवयपज्जाओ एगुणवीसइमो मल्लीनाहजिणेसरो भविस्सइ, जिणतर वरिसकोडीसह-  
 स्सपमाण १९। रायगिहनयरम्मि सुमित्तनरवउपउमादेवीसुओ किण्हवण्णो तीसवरिसस-  
 हस्साउसो वीसधणुहस्सयदेहो सइह-सत्तवरिससहस्सयपज्जाओ वीसइमो मुणिमुव्वय-  
 जिणिंदो होही, चउपण्णवरिसत्तयत्ताण च जिणंतर २०। मिहिलानयरीए चिजय-  
 निव-चप्पादेवीतणओ सुपण्णनिहो दसवरिससहस्साउसो पण्णरसधणुहदेहो सइहदुगव  
 रिससहस्सयपज्जाओ उरुवीसइमो नमित्तित्थयरो भविस्सइ, छपरिसलक्खपमाणं  
 योक्खतर २१। मोरिअपुरम्मि म्मुहविजयराय-सिवादेवीजाओ सामवण्णो दसधणु-  
 हत्तुंगो वरिससहस्साउसो सत्तवरिससयवयपज्जाओ वानीसइमो नेमिणाहो तित्थयरो

होहिइ, नमि-नेमिजिणाणं निव्वाणंतरं इंच वरिसलक्खमाणं २२। वाणारसीनयरीए  
आससेणनरिंद-वामादेवीभवो नीलवण्णो नवहत्थपमाणंगो सयवरिसजीविओ सतरिव-  
रिसवयपज्जाओ तेवीसइमो पासजिणिंदो होही, तेसीई सहस्साइं सइढाईं च सत्तसयाईं  
नेमिजिणनिव्वाण-पासजिणनिव्वाणंतरं २३। खत्तियकुंडगामम्मि सिद्धत्थभूवइ-तिसला-  
देवीनंदणो सुवण्णनिहो सत्तहत्थकाओ वावत्तरिवरिसजीविओ पेयालीसवरिसवयपरियाओ  
चउवीसइमो सिरिउहावीरजिणीसरो भविस्सइ, पासजिण-वीरजिणंतरालं च सइढं वरि-  
ससयदुगं णायव्वं ॥२४॥

चक्कवट्टिणो ।

सव्वे चक्कवट्टिणो कासवगोत्तिणो सुवण्णवण्णा, एएसुं अट्ट मोक्खगामिणो, दुण्णि  
सग्गगामिणो, दुण्णि य निरयगामिणो भविस्सन्ति । तुमं मईयकाले पढमो चक्कवट्टी  
जाओ, तह य अजियतित्थयरकालम्मि अउज्जाए वीओ सगरचक्की होही, सो सुमि-  
त्तनिव-जसमईदेवीतणओ सइढधणुहचउसयदेहो वावत्तरिपुव्वलक्खाउसो भविस्सइ २।

स्वावत्थीनयरीए समुद्धविजयनरिंद-अहादेवीपुत्तो पंचवरिसलक्खाऊ सइढवेया-  
लीसधणुससयदेहो अहवा नाम तइओ चक्कवट्टी भविहिइ ३।

हत्थिणापुरनयरे आससेणनरिंद-अहदेवीभवो तिवरिसलक्खाउसो सइढइक्कच-  
तालीसधणुहतुंगो चउत्थो खणंकुमारो चक्की भविस्सइ ४। एए दुण्णि चक्कवट्टिणो  
धम्मजिण-संतिजिणाणं अंतरे तइअसग्गगामिणो भविस्संति ।

संती कुंथू अरो य एए तिण्णि अरिहंता चक्कवट्टिणो वि होहिन्ति ५-६-७।

हत्थिणापुरनयरे कयवीरियनरवइ-तारादेवीजाओ सट्टिवरिससहस्साउसो अट्टा-  
वीसधणुहदेहो सुभूमो अट्टमो चक्की अरजिण-अल्लिजिणाणं अंतरे होही, एसो  
सत्तमं नरयं गच्छिहिइ ८।

वाणारसीए पउमोत्तरनिव-जालादेवीभवो तीसवरिससहस्साउसो वीसधणुहतुंगो  
पउमो नाम नवमो चक्की होही, तह य कंपिल्लनयरे अहाहरिभूवइ-अेरादेवीसुओ दसव-  
रिससहस्साउसो पण्णरसधणुहुस्सियदेहो दसमो हरिसेणचक्कवट्टी होहिइ, एए  
दुण्णि चक्कवट्टिणो सुणिसुव्वय-नमिजिणंतरम्मि हविहिरे-९-१०

रायगिहनयरम्मि विजयमहावइ-वप्पादेवीसुओ तिवरिससहस्साउसो वारहधणु-  
हदेहो नमिजिण-नेमिजिणंतरम्मि जयनामो एगारसमो चक्की भविस्सइ ११।

कंपिल्लनयरे धमनरिंद-बुल्लणीदेवीनंदणो सत्तवरिस-सयाऊ सत्तधणुहदेहो दुवा-  
लसमो वंभदत्तो नाम चक्कवट्टी सिरिनेमिनाह-सिरिपासनाहत्तित्थंतरे होही, रोद्धंझा-  
णपरो एसो सत्तमिं नरयपुढविं गच्छिड्ढि ११ ।

वासुदेव-बलदेव-पडिवासुदेवा-—

तओ उसहपहू अपुढो वि वामुदेवसरूवं ऊहेड-चक्कवट्टीओ अइठविककमा भरह-  
तिखंडभूमिसामिणो किण्हवणणदेहा नव वामुदेवा हवति, तेसु अठमो वामुदेवो कासव-  
गोत्तो, सेसा उ गोयमगोत्ता । ताणं वामुदेवाणं सावक्का भायरा सेयवण्णा बलदेवा  
नव हुंति । तत्थ पोयणपुरम्मि पयाउडनरिंद-मिगावट्टेयीत्तणओ चउरासीइवरिसल-  
क्खाउसो असीइधणुहदेहो सिज्जंसजिणीसरे म्हिं विहरमाणे त्तिपुट्टो नाम पढमो  
वामुदेवो होहिड सत्तमिं च नरयपुढविं वच्चिड्ढि १ ।

वारवईनयरीए वंभनरिंद-पउमादेवीनंदणो वावत्तरिवरिमलक्खाउसो सत्तरिध-  
णुहदेहो वामुपुज्जजिणिंदे भूमिं विहरंते दुविट्टो नाम वीओ वामुदेवो होहिड, सो य  
अंते उट्टिं नरयपुढविं गच्छिड्ढी २ ।

वारवईनयरीए भइराय-पुढवीदेयीसुओ सट्टिउरिसलक्खाउसो वणुहसट्टिसमु-  
ण्णओ विमलसामिजिणसमए तउओ सयभू नाम वामुदेवो, पुण्णाउसो सो उट्टिं नर-  
यावणिं गच्छिड्ढि ३ ।

तीए चेव नयरीए सोमनिव-सीयादेवीजाओ तीसलस्सवरिसाउसो पण्णास-  
धणुहुत्तुगदेहो अणंतजिणवरे विज्जमाणे चउत्थो नामेणं पुरिसोत्तमो वामुदेवो भवि-  
स्सड, आउमसमत्तीए सो उट्टिं निरयपुढविं गच्छिड्ढी १४ ।

आसपुरनयरे सिवराया-उमियादेवीसुओ दसल्लक्खवरिसाउसो पणयालीसधणु-  
देहो धम्मत्तित्थयरे चट्टमाणे पंचमो पुरिसमीहो नामेण वामुदेवो होही । सो आउं  
परिपालिऊण उट्टिं निरयभूमिं गच्छिड्ढि ५ ।

चक्कपुरीए महासिरभूवड-लच्छीवईसुओ पणसट्टिसहस्सवरिसाउसो एगुणतीस-  
धणुण्णायविग्गहो अरजिणमल्लिजिणंतरे छट्टो वामुदेवो पुरिसपुडरीओ नाम होही,  
पुण्णाउसो उट्ट नरयं गच्छिड्ढि ६ ।

१ सापना -अपरजननीजाता । २ त्रिउठ । ३ इारवती-द्वारिकानगरी । ४ डिपुठ । ५ अमृतादे  
वीसुत ।

वाणारसीनयरीए अग्गिसीहभूव-सेसवईदेवीभवो छप्पणसहस्सवरिसाउसो  
छव्वीसधणुहविग्गहो अरजिणमल्लिजिणंतरे सत्तमो दत्तनामो वासुदेवो भविस्सइ,  
पुण्णाऊ सो पंचमं निरयं वच्चिहिइ ७।

रायगिहपुरे (अउज्झानयरीए) दसरहनरिंद-सुमित्तादेवीभवो दुवालससहस्सवरि-  
साउसो सोलसधणुहदेहो सुणिसुव्वयजिण-नमिजिणंतरे अट्टमो नारायणो (लक्खमणो)  
नाम वासुदेवो होहिइ, सो आउसं पालिऊण तुरियं निरयपुढविं वच्चिहिइ ८।

महुरापुरीए वसुदेवनिव-देवकीनंदणो इक्कवरिससहस्साउसो दसधणुहविग्गहो  
नेमिजिणीसरसमुवासणो नवमो किण्हो नाम वासुदेवो होही, पुण्णाउसो सो तइयं  
निरयपिच्छि वच्चिही ९।

वासुदेव-बलदेवाणं पिआ इको च्चिय, देहुच्चत्तणं च समाणमेव, अण्णो  
विसेसो इमो-

तत्थ पढमो अयलनामो बलदेवो भदादेवीसुओ पंचासीइवरिसलक्खाउसो भवि-  
स्सइ १, बीओ विजयनामो बलदेवो सुभदादेवीतणओ पणहत्तरिवरिसलक्खाउसो  
होहिइ २, तइओ नामेणं भदो बलदेवो सुप्पहादेवीसुणू पणसहिवरिसलक्खजीविओ  
होही ३, चउत्थो सुप्पहो नाम बलदेवो सुदंसणादेवीजाओ पणपणवरिसलक्खा-  
उसो णायव्वो ४, पंचमो सुदंसणो नाम बलदेवो विजयादेवीनंदणो सत्तरसवरिस-  
लक्खजीविओ ५, छट्ठो आणंदो नाम बलदेवो वेजयंतीदेवीनंदणो पंचासीइवरिस  
सहस्सजीविओ ६, सत्तमो नंदणो नाम बलदेवो जयंतीदेवीसमुब्भवो पणसट्ठी-  
सहस्सवरिसाउसो ७, अट्टमो पउमो (रामचंदो) नाम बलदेवो अवराइयादेवीभवो  
पण्णरहवरिससहस्साउको ८, नवमो रामो (बलभदो) नाम बलदेवो रोहिणीदेवीसंभवो  
दुवालसवरिस-सयाउसो भविस्सइ ९। एएसुं अट्ट बलदेवा मोक्खं गच्छिहिनित्ति, नवमो  
रामो (बलभदो) पंचमं बंभदेवलोणं गच्छिहिइ, तओ चइऊण आगामिणीए उस्सप्पिणीए  
भरहखित्तम्मि सो किण्हत्तित्थम्मि सिज्झिहिइ ।

पडिवासुदेवा नव होहिरे ते इमे-

आसग्गीवो १ तारगो २ मेरगो ३ महु ४ निसुंभो ५ बली ६ पल्लाओ ७  
लंकेसो रावणो ८ मगहेसशे जरासंधो ९ य । एए सव्वे वासुदेवपडिमल्ला चक्कपहा-  
रिणो चक्कधरा वासुदेवहत्थगएहिं अप्पकेरेहिं चक्केहिं हणिससमाणा निरयं गच्छिहिरे ।

सिरि उसहजिणीमरमुहाओ भावित्तिथयराडसरुं सोच्चा भरहेसरो भविय-  
जगणममाउळ त सहं दट्टुणं पमुइयमणो पुणो पहुं पुच्छेइ-तिजगणइ ! जिणीसर !  
मयय ! एगीभूयजगत्तयं पिव परिपुण्णत्तणेण संठियाए तिरिय-नरामरसंजुआए विसा-  
द्याए एयाए परिसाए एत्य किं को वि जीवो अत्थि ? जो भयंतो विव तित्थं पवट्टि-  
ऊण इमं भरहखेत्तं पवित्तिस्सइ ।

उसहपहू एयं संसेइ-भरह ! जो एसो तुम्ह मरीई नाम पुत्तो आडमो परिव्वा-  
पणो अट्ट-रोहज्झाणहीणो सम्मत्तेण सोहिओ चेंडव्विह च धम्मज्झाण क्षायंतो रहम्मि  
संठिओ अत्थि, पंकेण दुँऊळं पिव नीसासेण दप्पणो विव संपइ अमुस्स जीवो कम्मोण  
मेल्लिणो वट्टइ, सो अगिगपवित्तिथवत्तं पिव जच्चसुवण्ण पिव सुक्कज्झाणगिगसंजोगेण  
कमेण सुद्धि पाविस्सइ, पढमो एसो इहयं चिय भरहखेत्तम्मि पोयणपुरम्मि तिपुट्टो  
नाम वामुदेवो भविस्सइ, तओ ऋमेण एसो पच्छिममहाविदेहेसुं मूगाइ नयरीए  
धणंजय-घारिणीदेवोतणओ पियमित्तो चक्कवट्टी होही, तओ य चिरं ससारे संसरिऊण  
एत्य भरहखेत्तम्मि अय महावीरो नामेण चउव्वीसइमो तित्थयरो भविस्सइ, एव  
पहुवयणं सोच्चा भरहेसरो सामिणो अणुण्ण चेत्तुणं भगवतं पिव वंदिउं मरीइ अभि-  
गच्छेइ, अभिगंतूण तं नमंममाणो वएइ-अं तुमं दंसाराणं पढमो नामेणं तिपुट्टो वामु-  
देवो भविस्ससि, विदेहेसुं य पियमित्तो नाम चक्कवट्टी होहिसि, तं तुव वामुदेवत्तण  
चक्कवट्टित्तण पारिव्वायगवेसं च न वदे किंतु जओ तुं चउव्वीसइमो अरिहतो भवि  
स्ससि, तओ तुम वदेमि इअ धवतो कयंजलिपुडो तं तिम्युत्तो पयाहिणं काऊणं वदेइ।

अहं भरहनरिंदो जगणाहं नच्चा नागराओ नागपुरिं पिव अउज्झानयरिं गच्छेइ ।  
मरीई मरहनिगिराए अब्भदियजायपमोओ तिकखुत्तो करप्फोडणपुव्वय एव वीत्तुं  
पयकमेइ-जइ वामुदेवाणं अह पढमो, विदेहेसुं च चक्कवट्टी, अंतिमो अरिहतो भवि-  
स्सामित्ति एत्तिण्ण मम सव्वं पुण्णं । अरिहतंताणं पढमो मम पियामहो, चक्कवट्टीण  
आइमो मज्ज पिया, वामुदेवाण च अहं पढमो, अहो मम कुट्टं उत्तमं, जह एगत्य गय  
कुट्टं अण्णहिं एराणो तह एगत्य तैत्थयक एगहिं मम कुट्टं मिया, गदाणं आडच्चो  
विव तारगाणं चदो च्च मज्जेहिंतो कुलेहिंतो मम कुट्टं सेहमतिय एवं अण्णो कुळ  
मय कुणत्तेण मरीइणा लूयाए पुडपिप नीयमोत्तकम्मं उवज्जिय ।

अह पुडरीयपमुहगणहणेहिं परित्रिओ उसहपहू विहारमिसेण पुदरिं पवित्तयंतो  
तओ चत्थेइ, चिहरंतो जिणो क्रियाए पुत्तव्व कोमउदेमनरे धम्मकोसउ नयणो, परि-

चिए विव मगहलोगे तवपरे कुणंतो, दिवायरो पउमकोसे इव कासीदेसजणे विया-  
संतो, निसाणाहो अणवे विव दसणदेसनिवासिणो आणंदयंतो, मुच्छिए विव चेदी-  
देसमाणवे देसणासुहाए वेयंतो, वच्छयरेहिं पिव मालवदेसनिवासीहिं धम्मधुरं वाहिंतो,  
पावविवत्तिणासाओ गुज्जरनरे देवे विव कुणंतो, वेज्जो विव सोरट्टदेसवासिणो पस-  
त्थभावजुत्ते समायरंतो कमेण सत्तुंजयं गच्छेइ ।

उसहपहुणो सत्तुंजयतित्थम्मि आगमणं ।

तं च गिरिवरं वण्णेइ-कत्थइ रूपसिलाचएहिं वइदेसिअं वेयइहं  
पिव, कत्थ वि सुवण्णपाहाणोच्चएहिं आहरियं मेरुणो तडं पिव, कत्थ य  
रयणखाणीहिं अवरं रयणायलं पिव, कत्थ वि ओसहीहिं थाणंतर-थिअं हिमगिरिं  
पिव, निरंतरसंसत्तजलहरेहिं परिहियचोलगं पिव, निज्जरजलेहिं खंधाऽवल-  
विहंतारियं पिव, दिवहम्मि सिहरसमीवट्टिएण खरेण धरियमउडं पिव, रत्तीए य  
मयंकेण चंदणरसतिलकचिन्हं पिव, गयणपज्जंतट्टिएहिं सिहरेहिं सहस्समुद्धं पिव,  
तुंगेहिं तालमहीरुहेहिं अणेगवाहुदंडं पिव, नालिएरवणखंडेसुं उच्चएहिं पक्कपिंग-  
लुंबीसुं नियावच्चभमाओ वेगुप्पडंत-पवंगमसंकुलं, उवकण्णेहिं हरिणेहिं अंव-फला-  
वचयपसत्त-सोरट्टवासिहरिणीनयणाणं आयण्णिज्जमाण-महुरगाणं, वियसियं सुइमिसेण  
संजायपल्लिएहिं पिव जरंत-केअगीरुक्खेहिं भरिय-उवरियणभूमिं, ठाणे ठाणे सिरिखंड-  
दव-पंडूहिं सिंदुवारतरुहिं उच्चएहिं कय-सव्वंग-मंगल्लतिलगावल्लिं पिव, साहासंठिय-  
साहामिग-गंगूल-जडिली-कएहिं चिंचादुमेहिं पलक्ख-णग्गोइ-पायवाणुकारं, अच्च-  
ब्भुय-नियवित्थार-संपयाए पमुइएहिं पिव निच्चं रोमंचियफलेहिं फणसेहिं उवसोहियं,  
अमावस्स-राइ-तम-सरिसेहिं सेलुतरुहिं आहरिय-अंजणगिरिचूलाहिं पिव रेहियं, सुग-  
चंचुव्व रत्तकुसुम-समिद्धीहिं किंसुअरुक्खेहिं कुंकुम-थासगेहिं महागयं पिव सोहमाणं,  
कत्थवि दक्खाभवं कत्थ वि खज्जरभवं कत्थइ तालभवं मज्जं पिवंतेहिं सवरीजणेहिं  
निवद्धगोहीयं, अक्खलंताऽऽच्चकिरणवाणाणं पि अभेज्जेहिं तंबूलीवणमंडवेहिं सण्णाहं  
पिव धरंतं, तत्थ महातरुणं तलम्मि अल्ल-दुव्वंकुरासायणपसण्णहरिणवुंदेहिं किज्जमा-  
णंवग्गोलणं, चिरं सहयारफलासायणनिमग्ग-चंचुपुडेहिं जच्चवेरुल्लिएहिं पिव निरंत-  
रेहिं सुगेहिं मंडियं, केयइ-चंपगाऽसोग-कलंब-वउल्लुब्भवेहिं पवणुद्धुणिएहिं परागेहिं  
रैयस्सल-सिलायलं, पहिय-सत्थ-अप्फालिज्जमाण-नालिएरीफलजलेण अभिओ पंकि-

१ चेतयन् । २ उत्तरीयम्-उपरितनवस्त्रम् । ३ फलगुच्छेषु । ४ सूचिमिषेण-शलिकाव्याजेन । ५ श्रीखण्ड-  
द्रववत्-चन्दनद्रववत् । ६ शाखामृग-लांगूलजटिलीकृतैः । ७ चिञ्चा-अम्लिकतरुः, प्लक्षः । ८ शैल्यः-  
श्लेष्मनाशकतरुः । ९ किंशुकः-पलाशः । १० रोमन्थनम्-वागोलुं । ११ रजस्वल-रजोयुक्त ।

लीभूयपञ्चयासण्णभूयलं, भइसालवणपभिईणं मज्झाओ एगयमेण वणेण विव विसाल-  
त्तणसालिणा तरुसंढेण मंडियं, मूलम्मि पण्णासजोयणवित्थरं, सिहरम्मि दसजोयणा-  
SSभोग अट्टजोयणूसेहं तं गिरिवर प्ह आरोहेइ ।

तत्थ भेज्जो वि सुरासुरविणिम्मिए समवसरणे सन्वजीवहियगरो भगवं अच्चि-  
ऊण देसणं कुणेइ । तया देसणं दितस्स पंहुणो गहीरगिराए गुहोत्थियपडिसदेहिं सो  
गिरी अणुवयंतो इव विराएइ ।

अह पढमाए पोरिसीए गयाए तिजगणाहो पाउसकालम्मि गए जलहरो बुट्टीए  
इव देसणांविहीए विरमेइ । तओ ठाणाओ उट्टाय सो देवदेवो देवविनिम्मिए वीय-  
पायारमज्झसट्टिए देवचंडए निसीएइ । तओ य पढमो सिरिपुंडरीअगणहरो महारायस्स  
युराओञ्च सामिणो पायपीढम्मि निसीएइ, निसीइत्ता सो गणहरवरो तहच्चिय संठियाए  
परिसाए भगवओ विव धम्मदेसणं विहेइ, एवं सो वि गणहरो पभायम्मि समीरणो  
ओसाय—सुहासिचणं पिव वीयपोरिसीए देसणं देइ । एअं उसहणाहो भवियजीबुवयारट्टं  
धम्मदेसणं कुणंतो अट्टावयगिरिम्मि विव तत्थ रुचि काल चिट्ठेइ । अण्णया जगगुरू अण्णहिं  
विहरिउं इचंडंतो गणहरपुंडरीय त पुंडरीअं समादिसेइ—महामुणि ! अम्हे इओ अण्णत्थ  
विहरिउ गच्छिस्सामो, तुम मुणिओडिपरिवरिओ एत्थच्चिय गिरिम्मि चिट्ठसु, एत्थ  
खेत्ताणुभावेण सपरिवारस्स भवओ केवलनाण खल्ल उववज्जिस्सइ । तया सो गणहरो तहत्ति  
सामिणो वयण पडिवज्जिऊण पणमिऊण यकोडिमुणिगणपरिवरिओ तत्थच्चिय चिट्ठेइ ।  
नाहिणदणजिणेसो उँव्वेलो वारिही तीरगट्टेसु रयणोह पिव तं पुंडरीयगणहरं तत्थ मोत्तूणं  
सपरिवारो अण्णहिं वच्चेइ । सो गणवई उदयायलतडम्मि नकएत्तेहिं सद्धिं मयको  
विव मुणीहिं सभं तत्थ पञ्चयम्मि चिट्ठेइ, तओ सो पुंडरीअगणहरो परमसंवेगरगर-  
जिओ सुद्धामहुरगिराए समणगणं एव भासेइ ।

दन्व-भावसलेहणा पुंडरीयगणहरस्स निव्वाणं ।

जयाभित्तासीणं सीमापज्जतपुढविसाहगं दुग्गं पिव खेत्तप्पहावेण सो अय  
गिरिराओ सिद्धिनिबंधं अत्थि, मुत्तीए परमसाइणतररुणा संछेहणा वि कायव्वा,  
सा उ दन्वभावमेएण दुप्पिहा होइ, तत्थ सन्नुम्माय—महारोग—निधाणाणं सन्वधाऊण  
सोसणरुणा दन्वसलेहणा मया, जो य रागदोसमोहाण कसायाणं भाव-रिऊणं  
सन्वओ छेओ सा उ भावसलेहणा जाणियव्वा इअ वोत्तूणं सो पुंडरीअगणहरो  
समणओडीहिं सह सव्वे सुद्धमे य वापरे य अइयारे आलोएइ, अइयिसुद्धिनिमित्तं



च भुज्जो महव्यारोवणं कुणेइ, वत्थस्स हि दुक्खुत्तो तिक्खुत्तो पक्खालणं  
अइनिम्मलकारणं सिया ।

छण्ण वि जीव-णिकायाण, जं मए किंचि 'मंगुलं रइयं ।

ते मे खमंतु सव्वे, एस खमावेमि भावेण ॥ १ ॥

जे जाणमजाणं वा, रागद्दोसेहिं अहव मोहेणं ।

जं दुक्खविया जीवा, खमंतु ते मज्झ सव्वे वि ॥ २ ॥

खामेमि सव्वजीवे, सव्वे जीवा खमंतु मे ।

मेत्ती मे सव्वभूएसु, वेरं मज्झ न केणइ ॥ ३ ॥

इअ वोत्तूणं सो समत्तसमणेहिं सह निरागारं सुदुकरं भवचरमं अणसणं पडिवज्जेइ,  
खवगसेहिं समारूढस्स ओयंसिणो तस्स घाइकम्माइं अभिओ जिण्णरज्जुव्व तुट्ठंति,  
तइया तेसिंपि कोडिसंखाणं साहूणं सज्जो घाइकम्माइं तुइइरे, तवो हि सव्वेसिं  
साहारणं चेव । मासियसंलेहणापज्जंते चइत्तमासस्स पुण्णिमाए पुंडरीयगणहरस्स  
पढमं केवलणाणं होत्था, पच्छा य ताणं महप्पाणं संजायं, तओ ते जोगिणो  
सुक्कज्जाणस्स तुरियपाए संठिआ जोगरहिआ समाणा पहीणासेसकम्मा निव्वाणपयविं  
पावेइरे । तया सग्गाओ देवा समागच्च मरुदेवीमाइए इव खणेणं भत्तीए ताणं  
निव्वाणगमणमहुच्छवं कुणेइरे । जह भयवं उसहसामी पढमो तित्थयरो जाओ, तह  
सत्तुंजयगिरी वि तइया पढमं तित्थं संजायं । जत्थ इक्को वि मुणिवरो सिज्जेज्जं तं  
पि पवित्तं तित्थं सिया, तया जत्थ तावंता महेसिणो सिज्जंति तत्थ तस्स पवित्त-  
त्तणम्मि किं पुणो कहिज्जइ ।

अह भरहेसरो नरिंदो सिरिसत्तुंजयगिरिम्मि रयणंसिलामइयं मेरुचूलापडि-  
फद्धिं चेइयं करावेइ, तस्स मज्झम्मि नरिंदो चित्तम्मि चेयणं पिव पुंडरीयपडिमाए सहियं  
उसहपहुणो पडिमं ठवेइ । भयवं पि विविहदेसेसुं विहरमाणो चक्खुदाणेण अंधे विव  
बोहिदाणेण भव्वजीवे अणुगिणहेइ ।

अह भगवओ परिवाराहसंखा--

उसहपहुणो केवलणाणाओ आरब्भ समणाणं चउरासीइसहस्साइं, साहुणीणं  
लक्खत्तयं, \*सावगाणं सपण्णाससहस्सं लक्खत्तयं, तह य साविआणं चउपण्णसहस्स-  
जुयाइं पंच लक्खाइं, चउदसपुव्वधराणं चत्तारि सहस्साणि पण्णासाहिगाइं च

१ अनिष्टम् ।

\* कृष्णसुत्ते-तिग्णि सयसाहस्सीओ पंचसहस्सा उक्कोसिआ समणोवासगाणं संपया हुत्था २१६ ॥  
बावीससहस्सा नव सया अणुत्तरोववाइयाणं संपया हुत्था ॥२२६॥ इअ विसेसो वियाणियव्वो ।

सत्तसयाइं होत्था, ओहिणाणिसाहूणं नर सहस्साइं, कैवलणाणधरसमणाणं चीस सहस्साइं, वेउच्चियलद्धिपत्ताणं महप्पाणं साहूणं छस्यव्वमहियाइं चीसं सहस्साइं, तह शईणं मणपज्जवणाणीणं च पिहं पिहं स-पण्णास-उसयादिगाणि दुवालससहम्साइ आसि, तह य तिहुवणवउणो उसहपहुस्त अणुत्तरविमाणोउवाइयाणं महप्पाणं वाचीसं सहस्साइं संजायाइं ।

उसहपहुणो निव्वाण ।

एवं भयं आडत्तित्थयरो ववहारे पयाओ विव धम्मम्मि चउच्चिहं संघं संठवेड । पव्वज्जाकालाओ पुव्वलग्गं खविऊण तओ भयं अप्पणो भोक्खकाठ च जाणिऊण अट्टा वयगिरिं अहिगच्छेड । रुमेण विहरतो स पहु सपरिवारो अट्टापयसेळं पावेड, पाविऊण निव्वाणमदिग्-सोवाणं पिउ त गिरिं समारोहेइ, तत्थ उसहपहु मुणीणं ढसहिं सहस्सेहिं सिद्धिं चउहसभत्तेण तवेण पायवगमणं अणसणं पडिवज्जेइ । तउया पव्वयपालगपुरिसा तह संठियं जगगुहं णाऊण सिग्गं गतूण भरहचक्कुरद्विणो विण्णविति । सो भरहनरिंदो पहुणो चउच्चिहारपच्चक्खाणं निसमिऊण अंतोपविट्ठसल्लेण विव सोगेण वाहिओ, तओ महंतेण सोगानलेण सज्जो सफुडो सो भरहो 'सिमिसिमायतो अग्गिसंफासिडतरु जलविंदुणो विव असूणि मुंचेइ, अंतेउर-परिवारजुओ दुव्वारदुहपीळिओ भरहो पायचारेण अट्टावयगिरिं पइ णिग्गच्छेड, सो पाएसु कक्कमे पि कक्करे न गणेड, ज हरिसेण विव सोगेण पि वेयणा न वेडज्जड । कक्कर-दूण-पाएहितो रत्तवाराओ शरंति, तेण तस्स चलण-नास-पट्टई अलत्तयरजिया विव हवड, आरोहण-खणेणावि गर्ए विग्गो मा होज्ज त्ति जाणेहिं उवगामिणो जणे नरिंदो अवगणेड, सो सिरम-ट्टिए वि आयत्ते अइत्तविओ होऊण गच्छेड, मुहावुट्टीए पि चिरसताओ कयाड न पसमेइ । सोगविहलो सो भरहनरिंदो हत्थावणपरं नियसेवगे मग्गे उच्चएहिं विल्लएते तरुमाहापज्जतभागे डउ अउहत्थेइ, सरियाऽऽयामगामिणी नापिआ तीर-तरुणो विव स अग्गेसरे वेत्तियपुरिसे पि वेगेण पच्छ कुणेड, चित्तं पिउ वेगेण गतु ऊसुओ सो चक्कुरद्वी पए पए खलतीओ चामरमारिणीओ वि न पडखेइ, वेगेण उच्छळिऊण उच्छळिऊण मुहु उरत्थलअप्फालणेहिं गत्थिय पि मुत्ताहार महीवई न जाणेड, उसहपहुम्मि गयचित्तेण पाममटिए वि गिरिपालगे मुउज्जो सामिवुत्त

पुच्छिउं वेत्तिणा आहवेइ, ज्ञाणत्थिओ जोगिण्व सो न किञ्चि पासेइ, न य कासइ वयणं सुणेइ, इक्कं चिय पहुं झियाइ, भरहेसरो वेगेण पवणो विव मग्गं लहूकुणंतो खणेण अट्टावयगिरिं पावेइ, सामणजणुव्व पायचारी वि परिस्समं अजाणंतो भरहेसरो तओ अट्टावयपव्वयं आरोहेइ, तत्थ य सोग-हरिस-समाउलो चक्कवट्टी पल्लं-कासणसंठियं तिजगनाहं पेक्खेइ, पेक्खित्ता जगवइं पयाहिणं किच्चा वंदिऊण य देहेच्छाहिण्व पासत्थिओ चक्की समुवासेइ । पहुम्मि इत्थं थिए समाणे वि एए अम्हासुं कहं अच्छेइरे इअ हेउणो विव इंदाणं आसणाइं कंपेइरे । तओ चउसट्टी वि इंदा ओहिणाणेण आसणकंपस्स कारणं नच्चा दुअं जिणिंदं अब्भुवगच्छंति, ते वि पदक्खिणं काऊण जगणाहं च पणमित्ता विसणमणा आलिहिआ विव जिणिंदस्स पुरओ चिद्वेइरे । तह इमाए ओसप्पिणीए तइयारगस्स उ एगूणणवइ-पक्खेसुं अवसिट्ठेसुं समाणेसुं माहमासस्स किण्हतेरसीतिहिम्मि पुव्वण्हसमए अभिइनक्खत्तम्मि चंदजोगं उवागयम्मि पल्लंकासणम्मि निसण्णो वायरकायजोगे य ठाइऊण वायरे मणवयणजोगे रंघेइ, तओ य स्हुमकायजोगेण वायरं काययोगं सुहुमे य मणवयणजोगे रंघेइ, तओ य क्रमेण पहू स्हुमकायजोगं निरुंधंतो स्हुमकिरियापडिवाइं नाम तइयं सुक्कज्झाणं साहेइ, तओ य जिणेसो पंचहस्सक्खरुच्चारमेत्तकालं समुच्छिण्णकिरियाणियहिं नाम तुरियज्झाणं आरोहेइ, आरोहिऊण सन्वदुक्खपरिचत्तो केवलणाणदंसणधरो खीण-कम्मो निट्ठियट्टो अणंतवीरियसुहसमिद्धो सो उसहपहू वंधाभावेण एरंडवीयव्व सहा-वओ उइढगई<sup>१</sup> रिज्जुणा पहेण लोअग्गं उवागच्छेइ । ते वि समाणाणं दससहस्सा पडि-वण्णाणसणा खवगसेहिं समारूढा सव्वे वि समुप्पण्णकेवला सव्वओ य मण-वयण-कायजोगं निरुंधिऊण खणेण सामिणो विव परमपयं आसाएन्ति ।

सामि-निव्वाण-कललाणाओ अदिट्ठसुहलेसाणं नारगाणं पि खणेण दुहग्गी उव-संतो, महासोगसमक्कंतो चक्कवट्टी वि तक्खणं मुच्छिओ वज्जाहओ अयलोव्व पुढवीए पडिओ, तइया गरुए वि दुहे समागए दुहसिडिलत्तणकारणं जं रुइयं को वि तं न वेएइ, तओ सक्को सयं दुक्खसिडिलत्तणहेउं तं रुइयं चक्कवट्टिस्स जाणाविउ उच्चएहिं महापोक्कारपुव्वयं कुणेइ, तह तिअसेहिं पि सक्कं अणुकंदणं कुणिज्जइ, सम-दुक्खाणं देहीणं चेट्टा समा हि होइ । चक्कवट्टी वि तेसिं च रोअणं सोच्चा सण्णं च लद्धूणं उच्चयसरेण वैभंडं फोडितो विव कंदेइ, तथा रुइएण रण्णो महंतो वि

१ देहच्छायेव । २ द्रुतम् । ३ ऋजुना । ४ दुःखशिथिलत्वकारणं रुदितम् । ५ ब्रह्माण्डम् ।

सोगगठी महंतेण महापयाहस्त महतेण वेगेण पालीबंधो विव फुट्टेड, तओ सुरासुरमणु-  
साणं रुदिएहिं रुदिएहिं तेलुक्के वि कळुणरसो इवरुळत्तो विव होत्या, तओ आरब्भ  
लोगे वि देहीण सोगसंभवे एसो सोग-सल्ल-विणासगो रोयणमग्गो पवट्टिओ, भरह-  
भूवई 'नेसग्गिअं धीरिअं चइऊण द्दुहिओ तिरिए वि हि 'दुद्धाहितो एवं विलवेइ-  
हा ताय ! हा जगयधु ! हा किवारससागर ! अण्णाणिणो अम्हे इह भवारण्णे क्क  
चंचत्तओ सि, दीव विणा अंधयारे विव अभिलाण-केवल्लणाण-पयासगेण तुमए विणा  
एत्थ भवे क्कं ठाइस्तामो ?, परमेवर ! छउमत्थजणस्सेए तुह किं एयं मोण, देसणं  
कुणेषु, अयुं जणं किं नाणुगिण्हेसि !, अहवा जेण भयत्तं ! लोयग्गं गच्छित्था तेण  
तुमं न भासेसि, किंतु ते पि मज्झ वंधवो दुहियं मं किं न भासेइरे, अहवा ह्णाय  
ते हि सड सामिणो अणुगामिणो संति, मम कुळम्मि मं विणा अवरो को वि सामिस्स  
अणुणुगो नत्थि ।

जगत्यताया ताओ, चाहुवलिपमुहा लहुवंवओ, चंभी-मुदरीओ वहिणीओ,  
पुंडरीआणो पुत्ता, सिज्जंसपमुहा 'पोत्ता एए सव्वे अहिल्लक्कम्मसत्तुणो हत्तण लोअग्ग  
उगया, अह तु पियजीविओ अज्जावि जीजामि । तउया सोगेण जीविय-'निच्चिण्णं  
मरिउं इच्छंतं पिव चक्रवृट्ठिं दद्वृणं पागसासणो तं वोहिउं एव पारभेड—

भरहेसर ! महासचरेडिर ! अम्हाणं एसो सामी सय मसारसमुद तरित्था, अवरे  
वि य तारिंसु, 'तित्थेण महाणड पिव जिणिंदसंठविअत्तित्थेण अण्णे त्रि ससारिणो जीजा  
चिरं संमारसागरं उत्तरिस्संति, सय हि एसो कयकिच्चो भयत्त अवरे वि जणे कय-  
किच्चे काउं पुव्वल्लखवरिसं जाव सो अत्थिओ । निहिलं लोग अणुगिण्हिऊण  
सिउ-मयल मरुय-मणंत-मस्खय-मव्वायाहमपुण्णभव सिद्धिगडनामवेय ठाणं सपत्तं जग-  
सामिं राय ! किं नाम 'सोएसि । जो 'पेच्च महादुहोदहाणेसु जोणिल्लखेसु अणे-  
गसो संचरेइ सो हि परासु सोइज्जड ।

नरिंद ! साहारणजणेसुं पिव संपत्तपरमपय पट्टं सोचतो किं न लज्जमि ?, सोग  
कुणतस्स तुह सोयणिज्जम्म य पट्टुणो उभणं पि डमं न उइअं । जो हि एगया वि  
सामिणो धम्मदेसण मुणित्था सो जया पि सोगहरिमेहिं न जिणिज्जड

१ वैमर्गिक धैर्यम् । २ दुःखयत् । ३ त्यक्तवान् । ४ पीया । ५ प्राप्तनिर्वेदम् । ६ तीर्थे—  
शलावतारमार्गेण । ७ क्षोबधि । ८ प्रेत्य-शुद्धा । ९ परासु-यत् शोचते ।

किं पुणो बहुसो देसणं सुणमाणो भवं ! । महीणाह ! महासागरस्स खोहो, मेरुगि-  
रिणो कंपो, अचणीए उव्वट्टणं, कुल्लिसस्स कुंठया, पेडससग विरसया, ससिणो उण्हया  
य कयाइ न सिया, तह तुम्ह इमं पेरिदेवणं असंभावणीअं । नरिंद ! धीरो ठोसु, अप्पाणं  
जाणेसु, जओ जगत्तय—इक्कधीरस्स तस्स पहुणो णणु तुमं तणओ सि एवं गोत्तवु-  
द्धपुरिसेण विव इंदेण पवोहिओ अरहनरिंदो जलं सीयत्तणं पिव साहाविअं धीरिअं  
धरेइ ।

उसहजिणनिव्वाणमहसवो —

अह सक्किंदो सामितणुसैक्कास्वक्खराहरणे सिग्घं आभिओगियदेवे आदिसेइ,  
तओ देवा सक्कनिहेसेण णंदणोज्जाणाओ खणेण गोसीसचंदणकट्टाइं समाणेइरे, पुणो  
ते सुरा इंदादेसेण पुव्वदिसाए पहुदेहस्म निमित्तं गोसीसचंदणेहिं वंटं चियं समार-  
यंति, तह य इक्खागुकुलजायाणं महरिसीणं कए दाहिणाए दिसाए तंसं चियं विहे-  
इरे, पुणो य देवा अण्णेसिं अणगाराणं कएणं पच्छिमदिसाए चउरंसं चिअं कुणेइरे ।

अह वासवो खीरसागराओ पुक्खलावट्टमेहेहिं पिव देवेहिं सिग्घं जलाइं 'आणा-  
वेइ, तेण य जलेण सक्को भगवओ तणुं णवेइ, तह य गोसीसचंदणरसेहिं विळि-  
पेइ, तओ य वासवो हंसचिन्हेण देवदूसेण वत्थेण परमेसरस्स तं सरीरं ढक्केइ, ढक्कि-  
ऊण तं परमेट्टिदेहं दिव्वेहिं माणिककभूसणेहिं सव्वओ भूसेइ, अण्णे उ देवा अण्णेसिं  
मुणीणं पि तक्खणं इंदुव्व भत्तीए तं सव्वं णहवणाइयं विहेइरे । तओ अमरा पिहं पिहं  
आणीएहिं तिलोईए सारभूयरयणेहिं सहस्सपुरिसवहणीआओ तिण्णि सिविगाओ कुणे-  
इरे । तओ पुरंदरो सयं चैव सामिणो चलणे पणमिऊणं पहुदेहं मुद्धम्मि आरोवि-  
ऊण सिविगामज्जे निक्खिवेइ, अण्णे य देवा इक्खागुवंसजायाणं 'सिवपयाऽइहीणं सम-  
णाणं सरीराइं तहेव य अवराए सिविआए परिक्खिवेइरे, तह य अवरे विवुहा अण्णेसिं  
अणगाराणं देहे निएसु मुद्धेसु आरोविऊण तइयाए सिवियाए निहेइरे ।

अह हरी सयं तं जिणिंदसिविअं उद्धरेइ, अवरे य सुरा अवरेसिं मुणीणं सिवि-  
आओ धरेइरे । तइया एगओ अच्छरासु तालरासगं दिंतीसु, अण्णओ य महुरसहं  
संगीयं कुणंतीसु, पुरओ पुरओ देवेसु सोगेण धूवधूमच्छलेण वाहं वमंतीओ इव धूव-  
घडीओ धरंतेसु, 'केसु इ देवेसु सिविगोवरिं पुप्फदामाइं खिवंतेसु, केसु इ सेसानि-

१ पीयूषस्य । २ विलपनम् । ३ धैर्यम् । ४ संस्कारोपस्करानयने । ५ वृत्तां चिताम् । ६ आनाययति ।

७ शिवपदातिथीनाम् । ८ वाष्पम् । ९ केषुचित् ।

मित्तं ताइं चिय गिण्हंतेसु, केसु इ सुरेसु देवदसेहिं पुरओ तोरणाइं कुणतेसु, केसु इ अमरेसु अग्गओ जससकदमेहिं छंटाणं दिंतेसु, केसु इ जतभद्वपाटाणगोलगव्व अग्गओ 'मिल्लहतेसु, मोहचुण्णाऽऽहएसु विअ अण्णेसु पिट्ठओ धावंतेसु, केसु इ नाह ! नाहत्ति उच्चएहिं सवं कुणंतेसु, केसु इ मंदभग्गा हया अम्हे त्ति अप्पाणं निंदतेसु, केसु इ नाह ! अम्हाणं सिस्सं देहित्ति सुहुं पत्थमाणेसु, केसु इ सामि ! अम्हाणं धम्मसंसयं को डिदि स्सइ एव नंपमाणेसु, केसु वि भयवं ! अंधुव्व अम्हे क्तथ गच्छिस्सामु त्ति पच्छा याव कुणंतेसु, केसु इ सुरेसु पुहवी अम्हाण विअर देउ त्ति कंरमाणेसु, तुरिएसु वाइ-ज्जमाणेसु सअको सामिसिअ विआए समीवं णेइ, अण्णे अ देवा अण्णाओ दुण्णि सिअिआओ चिअं उवर्णिति । 'किच्चविज्ज सक्किदो सपुत्तो विअ सामिणो तणुं पुव्व-दिसिअिआए सणियं ठवेइ, सहोयरा विअ अमरा इक्खामुकुलजम्माण समणाणं देहाइं दाहिणिल्ल-चियगाए ठवेइरे, अमरे वि सुरा समुचियविउणो अण्णेसिं अणगाराणं सरी-राइ पच्छिमदिसिअिआए निहेइरे ।

अह सअकादेसेण अग्गिकुमारया देवा तक्कालं तामु चियामु अग्गिकाए विउ-विरे, वाउकुमारदेवा इंदस्स आणाए वाउणो विउच्चित्ति, तओ ते वायवो अभिओ वन्दि सिअ ङालत्ति, सुरिंदस्स निहेसेण तामु चियामुं भारप्पमाणाइ कप्पूराइणि कुंभ-प्पमाणाइं घयाइं महुइं च निहेइरे, अट्ठि मोत्तूण जाव सेसथाउणो दइढा ताव चिया-नउं मेहकुमारया देवा खीरजळेहिं 'विअवित्ति । तओ पुरदरो निअविमाणम्मि पडि-मव्व अच्चिउं पहुणो उवरियणि दाहिणं 'दाइ गिणहेइ, ईसाणिदो वि उवरियणि दाहिणेरं पहुस्स दाइं गहेइ, चमरिदो उ 'हेट्ठिल्लं दाहिणं दाइं उवादेइ, वल्लिदो वामं हेट्ठिल्लं दाइ गिणहइ, अण्णे उ वासवा सेसदंते, अण्णे य देवा अट्ठीणि वि गिणहे-इरे । तथा तं मग्गमाणा सावगा देवेहिं दिण्ण-कुडचय-गिणो ते तओ पभिइ अग्गि-होत्तियमाइणा होत्था, ते हि गेहम्मि सामि-चिया-वण्डि निच्च पूयति, सिरिमता सेट्ठिणो लससदीव पिअ त 'निव्वां रक्खेइरे । इक्खामुकुलजायाण समणाण सेसाण-गाराण च निव्वाणे ते दुण्णि चियाणले सामिचियानलेण जीववित्ति ।

अण्णाणगाराणं निव्वाअ चियामहिं इरखासुमहरिसागं पि चिइगाकिसाणुणा ते रोहेइरे, अण्णाणगारचियणिं अण्णेउ दांसु चिइगावदीधु पुणो न हि सअमेइरे, माह-

१ विउच्छउ । २ अण्णविय । ३ दजिअविअाम् । ४ अण्णविय । ५ अण्णिय । ६ दिअपावत्ति ।

७ एण्णम् । ८ दक्षिणेतारम्-वाणम् । ९ अण्णलओम् । १० निवात्तम्-वात्तदित्तम् ।

णेषु अङ्गावि एसो विही दीसइ । केइ उ 'लद्धमस्सा भत्तीए तं भैष्वं वंदेइरे, तओ पहुडिं भप्पभूसणा ते तावसा जाया, तओ देवा अट्ठावयगिरिणो नव्वं सिहरत्तयं पिव चिया-थाणत्तए रयणत्थूवत्तयं विहेइरे, तओ नंदीसरदीवम्मि सासयपडिमाहूसवं किच्चा इंदसहिया ते देवा नियं नियं थाणं गच्छन्ति । सव्वे इंदा स-स-विमाणेषुं सोहम्माए परिसाए माणवगतंभम्मि वट्ट-वइर-समुग्गए सामिदाढाओ निवेसिति, निवे-सिऊण निरंतरं ताओ अच्चिंति, तासिं पहावाओ ताणं सइ विजयमंडलाइं सिया ।

अट्ठावयस्स उवरिं भरहकारिओ सिह्निसज्जाजिणपासाओ —

भरहनरिंदो य तत्थ पहुसक्कारासणभूमियलम्मि जोयणायामं ति-कोससमु-स्सयं निव्वाणपासायस्स सप्पहं नामेण सिह्निसज्जं पासायं वट्टइरयणेण उच्चएहिं रयणपासाणेहिं कारवेइ, तस्स य सामिसमवसरणस्स इव फलिहपाहाणमइआइं रम्माइं चउरो दाराइं जायाइं, तत्थ पइदुवारं उभयपासेसुं सिवसिरीणं कोसा विव सोलस रय-णचंदणकलसा संति, दुवारे दुवारे रयणमइया सोलह तोरणा सक्खं अभिओ समु-ब्भूया पुणवल्लीओ विव संति, दारे दारे पासायदुवारैविणसिय-पसत्थि-लिवि-संणिहाइं मंगलकारगाइं सोलस अट्टमंगलाइं संति, तेसु य दुवारेसु चउण्हं दिसिवालाणं पि आहरिआओ सहाओ विव विसाला मुहमंडवा विज्जंति, तेसिं च चउण्हं मुहमंड-वाणं पुरओ मंडवंतम्मि सिरिवल्लीणं पेक्खागेहमंडवा हुंति, तेसिं च पेक्खामंडवाणं मज्झभागेसुं सूरविंवविडंविणो वइरमइया अक्खाडगा संति, अक्खाडगे अक्खाडगे य मज्झभागम्मि कमलमज्जे कणिगा विव मणोहरं रयणसिंहासणं अत्थि, पइपेक्खामं-डवपुरओ मणिपीढिआ होइ, तीए य उवरिं रयणसालिणो चेइयथूभा भवंति,

ताणं च चेइयथूवाणं पुरओ विज्जोइयंउवरा पच्चेगं च पइदिसं महई मणि-पीढिआ हवइ, तीए पच्चेअं अवरिं चेइयथूभ-संमुहीणा सव्वंगं रयणनिम्मिआ पंच धणुहसयमाणा नामेणं उसहा चंदाणणा चारिसेणा वट्टमाणत्ति पल्लंकासणसंठिआ मणोहरा नयण-केरव-चंदिमा नंदीसरमहादीवचेइयमज्झम्मि सासयजिणपडिमा विव पडिमा हवंति, । तेसिं च पच्चेगं चेइयथूभाणं पुरओ अणग्घमाणिक्कमइआ विसाला चारुपीढिआ अत्थि, तासिं च पीढिआणं पुरओ पच्चेगं चेइयपायवा, ताणं चेइय-तरुणं पुरओ पच्चेगं मणिपीढिआओ संति, ताणं च पच्चेगं पि उवरिं इंदज्जाओ धम्मेण दिसिदिसि अहिरोविओ जयत्थंभो विव हवइ, पच्चेगं पि य इंदज्जायाणं च

पुरओ तिसोवाणा सतोरणा नंदा नाम पुस्सरिणी होइ, सा सच्छ-सीयलजला-  
 पुण्णा विचित्तकमलसालिणी मणोहरा दहिमुहपव्वयाहारभूयपुक्खरिणीनिहा भवइ,  
 तस्स सिहणिसज्जामहाचेइयस्स मज्झभागम्मि महई मणिपीढिआ अत्थि, तीए  
 मणिपीढिआए अवरिं समोसरणस्स विव चित्तरयणमइओ देवच्छंदओ इवइ, तस्स  
 य उवरिं अक्काले वि संक्ष्वभपडलसिंरि उव्भापितो नाणापण्णवत्थमइओ उल्लोओ  
 इवइ, उल्लोयस्स अब्भंतरे पासेसु य वइरमइयंकुसा संति, तह वि उल्लोअसोहा  
 निरंकुसा अत्थि । तेसु अंकुसेसु कुंभमाणेहिं आमलगव्व धूलेहिं मुत्ताहलेहिं निम्मिया  
 मुहागरोवमा हारा अत्रल्यमाणा संति, हारपज्जंतसु य तिमला मणिमालिआ  
 तेलुक्क-मणि-खाणीणं आहरिआ वंणिगा विव छज्जन्ते, मणिमालाण अंतभागेसुं  
 अमला वइरमालिआओ सहीओ विव पहासुएहिं परुप्परं आलिंतीओ सोहेइरे,  
 वेइअभित्तोसुं च चित्तमणिमइओ गंवस्सा नियपहा-पडलेहिं जाय-तिरकरिणीओ विव  
 सति, तेसु य इज्जमाणाज्जरु-धूमत्थोमा तस्स गिरिणो नंतुवभूय-चूला-भमप्पया  
 सोहते । तत्थ देवच्छदम्मि निय-निय-सठाण-माण-वण्णधराओ सेछेसिज्जाण-  
 वट्ठिणो पच्चक्स सामिणो विव उसहजिणिंदपमुहाणं अरिहत्ताणं निम्मलाओ चउ-  
 वीस पि रयणपडिमाओ निम्मविऊण ठवेइरे, तत्थ सोलस पडिमाओ सुवण्ण-  
 निष्फण्णाओ, उमे सामरयणमइआओ, दोणि फलिह-निष्फण्णाओ, दुवे वेहुज्ज-  
 रयणनिम्मिआओ, दो सोणपाहाणजायाओ एव चउव्वीसजिणपडिमाओ तत्थ सति ।  
 सव्वासिं पि ताणं अरिहत्तपडिमाणं अंरुयणमइआ लोहियक्खमणिपडिसेगा नहा  
 विज्जति, नाहि-केसपज्जंतभूमि-जीहा-ताळ-सिरिवच्छ-सुच्छुं इत्थपायस्स य  
 तयाइ रत्तमुवण्ण-णिष्फण्णाइ सति, पम्हाइ नयणताराओ भंखुईं भुमयालोमाइं  
 केसा य रिद्धरयणमइयां, ओट्टा य विमुमइआ संति, दत्ता फट्ठिहमइआ, "सीस-  
 पडीओ वइरमइआओ, नासिगा अब्भतरलोहियक्खपडिसेगा सुवण्णनिष्फण्णा, दिट्ठीओ  
 लोहियक्ख-पडिसेग-पंतभागाओ अंरुयणनिम्मिआओ ति अणेगमणिमइआओ पडिमाओ  
 पयासेइरे । तासिं पिट्ठीए पत्थेग इक्किपा रयणनिम्मिआ नहारिहमाण-मात्थिणी छत्त-  
 थारपटिमा मुत्ता-पवालजालकियं कौरटगपुप्फदामग फट्ठिमणिमइअदड संगेयायत्त

१ वणिहा-वानगी । २ गवाहा वाहावनामि । ३ आततिरच्छरिण्य-गुहा तपवनिहा । ४ धूमत्थोमा-  
 धूमवृक्षा । ५ नवोदभूतमुहाभमरादा । ६ वेइयं-न.उवर्णमणि । ७ सोणपापज्जत रत्तवर्णमणिज्जते । ८  
 लोहियक्खमणिप्रतिषेधा-लोहियाउभमिमय-नत्ताभयजनमाणा । ९ सुप्पुइ-रत्तावमग । १० इम्मि, धुरो  
 (मणि) । ११ इवंपत्थ-मरावइइइदिहा । १२ अन्व-रत्तेट्टिगाउमयाभाविता । १३ पृथभाग । १४ वेहाल-  
 पत्ता-वेत्तपत्त ।



धरंती चिद्वृद्ध, पच्चेगं तारिं पडिमाणं उभेसुं पासेसुं उक्खित्तमणिचामराओ रयणमइआओ  
दुण्णि चामरधारपडिमाओ संति, पच्चेगं भगवंतपडिमाणं पुरओ नाग-जक्ख-भूय-  
कुंडधाराणं दुण्णि दुण्णि पडिमाओ हुंति, ताओ सव्वंगं उज्जलाओ रयणमइआओ  
कयंजलीओ पच्चक्खा उवविट्ठा नागाइदेवा इव विरायंति । देवच्छंदम्मि निम्मलाओ  
चउवीसं रयणवंटाओ, संखित्ताइच्चर्विवसरिच्छा माणिक्कदप्पणा. हेमनिम्मियाओ  
ठाणसंठियदीविगाओ तह रयणकरंडभा सरियाऽऽवट्टवट्टुला चंगा पुप्फचंगेरिआ,  
'लोमहत्थपडलीओ, विभूक्षणकरंडगा, हेमनिप्फणधूवद्धणगाइं, आरत्तिगाणि रयण-  
मंगलदीवा रयणभिगारगा मणोहररयणथालाइं सुवण्णपत्ताइं रयणचंद्रणकलसा रयण-  
सीहासणाइं, रयणमइअ-अट्टसंगलाइं, हेममइअ-तेल्लसंमुग्गया, हेममइयाइं धूवमंडाईं,  
हेममइआ उप्पलहत्थगा, एयाइं सिरिमंताणं अरिहंताणं चउवीसाए तित्थयराणं  
पुरओ हवंति । इअ णाणारयणमयं, तेल्लक्के वि अइसुंदरं, मुत्तिमंतेण धम्मणेण विव  
चंदकंतमणिमइयवप्पेण सोहियं तं चेइअं भरहनरिंदस्स आणातुल्लसमए कैलाविउणा  
तेण वड्ढइरयणेण जहविहिं विहिज्जइ, तं च एरिसं ईहामिग-वसह-मगर-तुरंग-  
नर-किंनर-विहंगम वालग-रुरु-सैरह-चमर-गयाइ-दिविहचित्तकम्मेहिं उवसोहियं,  
बहु-तरुज्जाणं पिव वणलया-पउमलयहिं विचित्तब्भुयमंगियं. रयणथंभसमाउलं, रयण-  
गंगातरंगेहिं पिव पडागाहिं मणोरमं, उण्णएहिं सुवण्णमइअज्झयदंढेहिं दंतुरं पिव,  
निरंतरपसरंतेहिं ज्ञयसंथिअ-किंकिणीसदेहिं खेयर-इत्थी-बुंद-रसणा-दाम-ञ्जुणि-  
विडंबंगं, उवरिं विसाल्लकंतिसालिणा पउमरागमणिकुंभेण माणिक्केण अंगुलीय-  
मिव विरायमाणं, अंस्सहिं कत्थइ परलवियं पिव, कत्थइ संवम्मियं पिव, कत्थइ रोमं-  
चियं पिव, कत्थइ लित्तं पिव, कत्थ वि गोसीसचंद्रणरसमइयथासगलंछियं अइसु-  
सिलिद्ध-संधित्तणेण एगपाहाणेण निम्मियं पिव, अच्छराहिं मेरुगिरिव्व चेट्टा-वंइ-  
चित्त-चारुहिं माणिक्क-सालभंजीहिं अहिट्टिय--<sup>१०</sup>नियंबभागं, उभेसुं दुवारदेसेसुं चंदण-  
दवलित्तेहिं दोहिं कुंभेहिं थलसमुप्पण्णपुंडरीएहिं पिव अंकियं, तिरिअ-वद्धावलंविएहिं  
धूविएहिं दौमेहिं रमणीअं, तलम्मि पंचवण्णकुसुमेहिं रैइयपगरं, जउगानईए कलिन्द-  
गिरि पिव निरंतरेहिं कप्पुरागरुकत्थूरीधूवधूमेहिं अहोणिसं पैलाविज्जमाणं, देवलो-  
गाओ आगयं अच्छरागणसंकिण्णं पिव, पालगविमाणं विज्जाहरीवरिअं वेय-

१ लोमहस्तपटल्यः । २ रत्नभृंगारकाः । ३ समुद्रगकाः-दामडा । ४ कलाविदा । ५ वृकः । ६ रुरुः-  
मृगविशेषः । ७ शरभः-अष्टापदः । ८ स्थानकः-हस्तविम्बम्-हाथनां थापा । ९ वैचित्र्यचारुभिः ।  
१० नितम्बभागम्-मध्यभागम् । ११ दामभिः-मालाभिः । १२ रचितप्रकरम्-पुष्पाणां रचनाविशेषः ।  
१३ श्लाघ्यमानम् ।



अट्टावयजिणपासांयंतग्गयचउव्वीसजिणाणं थुईओ—

कल्लाणपंचएहिं, नेरइयाणं पि दुक्खतवियाणं ।  
दिण्णसुहस्स सुहागर !, नमो तुहं तिजगदीसरय ! ॥१॥

सामिय ! जगहियकारग !, विहरंतेणं तए इमं विस्सं ।  
दिणवइणा विव निहिलं, अणुग्गहियमेत्थ तमगसियं ॥२॥

अज्जाणज्जजणाणं, विहरंतो तुं सिया समसुहाय ।  
भवओ पवणस्स य तह, परोवयाराय होज्ज गई ॥३॥

अण्णेसिं विहरंतो, उवयरिउं आसि दीहकालमिह ।  
उवयाराय हि भयवं !, मुत्तीए कास समुवगओ ? ॥४॥

भवया अहिट्ठियं जं, लोयग्गं अज्ज लोगवरमासी ।  
मच्चुपहाणो लोगो, तुमइ विणा एस संजाओ ॥५॥

अज्ज वि सक्खमसि तुमं, तेसिं सब्भावभूसियभववीणं ।  
लोगाणुग्गहकरणिं, सरंति जे देसणं तुम्ह ॥६॥

रूवत्थं पि जणा जे, जिणिंद ! ज्ञाणं तुमम्मि जुंजंति ।  
पच्चक्खमेव ताणं, जोगीणं पि भयवं तुं सि ॥७॥

परमेसर ! संसारं जहा असेसं चइत्थ दुहभरियं ।  
तह निम्ममो वि चित्तं, न चएसु कयाइ मम प्णुणं ॥८॥

इअ थुणिऊणं उसहं, प्हं तओ जिणवरे य अण्णे वि ।  
नमिउं नमिउं भरहो, पत्तेगं वण्णिउं लग्गो ॥९॥

विसयकसाया अजिअं, विजया—मायरसुकुक्खवरहंसं ।  
जियसत्तुनरिंदसुयं, नमामि अजियं अजियनाहं ॥१०॥

भवगयणपारगमणे, सूरं सेणोयरस्स वररयणं ।  
नरवइजियारिजायं, संभवजिणणाहमरिहामि ॥११॥

संवरंसाभरण, देवीसिद्धत्थपुब्बदिसिभाणू ।  
अभिणंदणजिणयंदो, हणेउ सइ अम्ह दुरियाई ॥४॥

जय मंगलामणकुमुय-चढो मेहण्णयात्रणिजलहरो ।  
सुमई जिणिंदणाहो, जो भवियजण-मण-दुहहरणो ॥५॥

सामि ! धरनरिंदजलहि-सोम ! सुसीमासरोवरसरोय ! ।  
पउमप्पह-तित्थयरो !, तुब्भं सययं नमो अत्थु ॥६॥

जिणवर-सुपास ! रक्खसु, पुढवीमलयम्मि चंदणसरिन्ड !  
सिरियपइद्वनित्रकुलाऽऽहारवरत्थंभ ! अम्हे वि ॥७॥

महसेणकुलमयंको !, लउत्तमणाकुम्भिसमाणममराल ! ।  
भयउ चंदप्पहजिण !, तारसु अम्हे भवोदहियो ॥८॥

सुग्गीवतणय ! रामा-देवी णंदणवणुच्चिकप्पतरु ।  
सुविहिजिणो मज्झ दिससु, परमपयपयासहग म' ॥९॥

सिरिसीयलो जिणेसो, नदादेवीमणंघुहि-मयंको ।  
दहरहनरिंदत्तणओ, मणवंछियदायगो मज्झ ॥१०॥

सिरिविण्हुमाउत्तणओ, विण्हुनरिंदकुलमोच्चियाभरणं ।  
नीसेयससिरिरमणो, सिज्जंसो देउ मम मोकरं ॥११॥

वसुपुज्जनरिंदसुओ, माइजयाहिययपकयाइन्चो ।  
अरिहतवासुपुज्जो, सिवस्तिरिं दिज्ज भव्वाणं ॥१२॥

सामाणण-वरचंदो, कयवम्मनरिंदसागरससंको ।  
अरिहो चिमलजिणेसो, हियय चिमल महं कुणउ ॥१३॥

सिरिसिहसेणनरवइ-कुलमगलदीवगो अणत्तजिणो ।  
सुजसादेवीछणू, वियरसु अम्ह सुहमणंतं ॥१४॥

भाणुनिवहियचंदो, सुचयापुन्वायलेसउसिणंस्स ।  
धम्मजिणेसो भयवं, विहेउ धम्मे मइं मज्झ ॥१५॥

सिरिसंतिणाहजिणवर ! अइरादेवीवरंगओ भवन्तु ।  
निववीससेणकुलणह—चंदो ! भवियाण संतिगरो ॥१६॥

सिरिकुंथुणाह ! भयवं !, सूरनरिंदकुलगयणतिमिरारी । ।  
सिरिजणणी—कुक्खिमणी !, जएसु उम्महियमयणमओ ॥१७॥

देवीमाणसहंसो, सुदंसणनरिंदचित्तघणमोरो ।  
तित्थयरो अरणाहो, देउ मम भवुत्तरणवरयं ॥१८॥

कुंभनरेससमुद्दाऽमयकुंभो मल्लिणाहजिणचंदो ।  
देविपहावइजाओ, दिसउ सिवं कम्मखयमल्लो ॥१९॥

पउमावइदेवीसुअ ! सुमित्तहिमवंतपोम्म—दहरूवो ! ।  
मुणिसुव्वयतित्थेसो ! 'पणई अम्हाण तुम्ह सिया ॥२०॥

वप्पादेवीरोहण—गिरिरयण ! विजयनरिंदकुलदीव ! ।  
विस्सनमंसियपयकय ! नमिजिणवर ! देसु मुत्तिसुहं ॥२१॥

अरिहा अरिद्वनेमी समुद्भवइसमुद्दरयणीसो ।  
असिवाणि सिवास्सणु, हरेउ भवियाण नमिराणं ॥२२॥

पासजिणीसरदेवो चामामणनंदणी पसंतिगरो ।  
रायाऽससेणतणुओ विग्घहरो होज्ज अम्हाणं ॥२३॥

सिद्धत्थभूवतणओ तिसल्लाहिययसररायहंससमो ।  
चरमजिणेसो वीरो अणंतमवखयपयं देज्जा ॥२४॥

इअ चउवीसजिणथुई, पढिज्जमाणा इमाउ भवियाणं ।  
कत्थूरस्सरिरइआ, भवदुहहरणी सया होज्जा ॥२५॥

**भरहस्स अउज्झापुरीण गमणं**

इय पच्चेवग सव्वे अरिहंते थुण्डिज्जण नमंसिज्जण य सिद्धनिसज्जावेडयाओ निग-  
 च्छेड, वल्लंतग्गीवो तं चेइअं पियमित्तं व पिळ्ळीयतां सपरिउओ भरहनरिंदो अट्टाय-  
 गिरित्तो उत्तरेइ, लग्गपत्तयंचलो विव गिरिपिल्लगमणो अउज्झापई तओ मंदं मंदं अउ-  
 च्छानयरिं पइ चलेइ, सोगपूरेहिं पिय सेणोद्धएहिं रयपूरेहिं दिसाओ वि आउलाओ  
 कुणंतो 'सोगत्तो भूवई' कमेण नियपुरिं पावेइ, तडया वाठं तडुम्सदुदिएहिं 'सोयरेहिं  
 पिव नगरलोगेहिं' अमुजुयनयणेहिं दीसमाणो भरहनरिंदो विणीयानयरिं पविसेइ, तओ  
 सामिपाए सरिज्जणं सरिज्जणं बुट्टसेसजल्लहरो विव सो नरिंदो अंमुजल्लविदये वरिसंतो  
 निय पासाय पविसेइ, सो तत्थ चिद्धतो गच्छतो छुवतो जागरतो याहिरं मज्झे वा  
 दिवा निसाए वा हरियघणो क्रिवणो अत्थं पिव पहुं चिय आयइ, तथा अण्णहेउणा  
 वि अट्टाययगिरिययाओ समागए नरे ददुट्टणं पुव्व पिव पहुसस्स कहिते सो मण्णेइ ।  
 इय सोगवाउल्ल भरहनरिंद पासिज्जण मंतिवरा तं एअं बोहिंति-हे महासाय ! जो पहु  
 पुव्वं गिहवामत्थिओ वि पमुव्व इम अजुहजण यवहारणए पयट्टावित्था, तओ गहिय-  
 दिक्खो भयय अचिरसमुत्पण्णकेवयो भरजल्लहितो जगजगं उद्धरिउ उच्छंतो घम्मम्मि  
 पव्वट्टियु, सय कयकिच्चो होऊण अण्णजणे वि कयकिच्चे काऊण जो परमपर्यं  
 पावित्था त पहुं कइ नाम सोएसि ?, एवं कुयामच्चेहिं कइचि वि बोहिओ मंहीवई  
 सणियं सणियं रज्जकज्जेसु पवट्टेइ ।

**भरहस्स भोगा—**

तमसा विमुत्तो मयंको विव मणिय सणियं सोगमुत्तो नरीसरो याहिरं विहार-  
 भूमीसुं वियरैइ, मयंको विवियत्ति पिव सामिपाए सुमरिज्जण विमीयंतो पत्तो उरेच्च  
 सया आसणसिद्धजणेहिं विणोइज्जइ, एगवा सो जगईवई परिवाराशुरोहेण विणोअ-  
 उप्पत्तिभूमिसुं आरामपंतोसु गच्छेइ, तत्थ य समागव-इय्यारज्जेण विव इत्थीपुदेण  
 मइ रम्मासु लयामंदवसंज्जासुं रमेइ, म उत्थ कोउणेण विज्जाहराणं पुप्फावयणं विव  
 तम्भजणार्णं कुमुमावयवकील्ल पेक्खेइ, वरवामत्थीयणा मयं पुक्कनेय्यं गंठिऊण  
 पुप्फवाणम्म पयं पिव तम्म उयणेइ, तं ममुरागिउ भयवभूआ उउमिरीओ विव  
 मय्यंगपुप्फाहरणभूसिआओ अगणाओ नम्म पुत्तओ कीच्छेइ, तामि मज्जे उउत्तेयपाणं  
 इक्कं अदिदेयं विव मत्तओ पुक्कभूमणो गो रायगओ वि वेइइ । कयाइ गो भरहेमरो  
 मवहजणो रायदंमो इव कीलादीहि । कीच्छिउ मंडर पयाइ, तत्थ य सामनयादि मइ भरहो  
 क्कणेरुपादि सहिओ वृत्तरो नम्मराए विव जल्लहो कुणइ, तथा पादजोयणा-गिक्खि-  
 भाओ विव अंजुम्मीओ म आग्निंतीओ मयं वंठम्मि, मय पा 'सुं, मय दिवयम्मियवेइरे ।

१ अंजुम्मी । २ अंजुम्मी । ३ अंजुम्मी । ४ अंजुम्मी । ५ अंजुम्मी । ६ अंजुम्मी । ७ अंजुम्मी । ८ अंजुम्मी । ९ अंजुम्मी । १० अंजुम्मी । ११ अंजुम्मी । १२ अंजुम्मी । १३ अंजुम्मी । १४ अंजुम्मी । १५ अंजुम्मी । १६ अंजुम्मी । १७ अंजुम्मी । १८ अंजुम्मी । १९ अंजुम्मी । २० अंजुम्मी । २१ अंजुम्मी । २२ अंजुम्मी । २३ अंजुम्मी । २४ अंजुम्मी । २५ अंजुम्मी । २६ अंजुम्मी । २७ अंजुम्मी । २८ अंजुम्मी । २९ अंजुम्मी । ३० अंजुम्मी । ३१ अंजुम्मी । ३२ अंजुम्मी । ३३ अंजुम्मी । ३४ अंजुम्मी । ३५ अंजुम्मी । ३६ अंजुम्मी । ३७ अंजुम्मी । ३८ अंजुम्मी । ३९ अंजुम्मी । ४० अंजुम्मी । ४१ अंजुम्मी । ४२ अंजुम्मी । ४३ अंजुम्मी । ४४ अंजुम्मी । ४५ अंजुम्मी । ४६ अंजुम्मी । ४७ अंजुम्मी । ४८ अंजुम्मी । ४९ अंजुम्मी । ५० अंजुम्मी । ५१ अंजुम्मी । ५२ अंजुम्मी । ५३ अंजुम्मी । ५४ अंजुम्मी । ५५ अंजुम्मी । ५६ अंजुम्मी । ५७ अंजुम्मी । ५८ अंजुम्मी । ५९ अंजुम्मी । ६० अंजुम्मी । ६१ अंजुम्मी । ६२ अंजुम्मी । ६३ अंजुम्मी । ६४ अंजुम्मी । ६५ अंजुम्मी । ६६ अंजुम्मी । ६७ अंजुम्मी । ६८ अंजुम्मी । ६९ अंजुम्मी । ७० अंजुम्मी । ७१ अंजुम्मी । ७२ अंजुम्मी । ७३ अंजुम्मी । ७४ अंजुम्मी । ७५ अंजुम्मी । ७६ अंजुम्मी । ७७ अंजुम्मी । ७८ अंजुम्मी । ७९ अंजुम्मी । ८० अंजुम्मी । ८१ अंजुम्मी । ८२ अंजुम्मी । ८३ अंजुम्मी । ८४ अंजुम्मी । ८५ अंजुम्मी । ८६ अंजुम्मी । ८७ अंजुम्मी । ८८ अंजुम्मी । ८९ अंजुम्मी । ९० अंजुम्मी । ९१ अंजुम्मी । ९२ अंजुम्मी । ९३ अंजुम्मी । ९४ अंजुम्मी । ९५ अंजुम्मी । ९६ अंजुम्मी । ९७ अंजुम्मी । ९८ अंजुम्मी । ९९ अंजुम्मी । १०० अंजुम्मी ।

एयस्मि समयस्मि अवयंसीकय-पंकओ चलंतमोत्तियकुंडलो सो भरहो वारिस्मि सकखं वरुणदेवो विव लखिखज्जइ, लीला-विलास-सामज्ज-निवेशणाय विव इत्थीहिं<sup>१</sup> अहमहमिगयाए वारीहिं भूवई अहिसिचिज्जइ, अच्छराहिं पिव जलदेवयाहिं पिव अभिओ जलकीलापसत्ताहिं ताहिं रमणीहिं सह रमेइ, <sup>२</sup>निय-पाडिप्फद्धीणं कमलाणं दंसणेण विव हरिणयणाणं दिट्ठीओ वारीहिं <sup>३</sup>तंवत्तणं पावेइरे, अंगणाणं अंगाओ विगलिएहिं घणेहिं अंगरागेहिं सकहमाइं जलाइं जक्खकदमत्तणं पारिविति । एवं भरहनरिंदो विविहप्पयारेहिं बहुसो जलकीलं कुणेइ । कयाई वि सक्किदो व्व संगीयगं कारिउं सो पुढवीवई विला समंडवसहं उवविसइ, तत्थ वीणावायगोत्तमा मंताणं उँकारं पिव संगीयकम्माणं पढमं सुस्सरं वेणुं पुरिंति, वँइणविगा सवणसुहेहिं फुडवंजणधाऊहिं <sup>४</sup>सरेहिं एगारह-विहाओ वीणाओ वायंति, <sup>५</sup>रंगायरिआ तयतयकवित्तणाणुगयं निच्चाभिणयमायरं नामेणं पत्था-रसुंदरं तालं धरेइरे, <sup>६</sup>मयंगवायगा पणववायगा य पियमित्तो व्व अण्णुण्णं मणयं पि अणु-ज्जंतां नियं नियं वाँइत्तं वाएन्ति, हाहा-हहू-देवगंधव्वाऽहंकारहारिणो गायगा सरगीइ-मणोरमे नवनवजाइरागे गायंति, लास-तंडवपंडिआओ नट्टिआओ विचित्तेहिं अंगहा-रेहिं करणेहिं पि सव्वेसिं विम्हयं कुणंतीओ तारं नच्चेइरे, भरहनरिंदो पेक्खणिज्जाइं एयाइं ति अविग्घं पेक्खेइ, 'जहिं तहिं पसत्ताणं पहूणं को हि वाहगो' ? , एवं भरहे-सरो कामभोगे भुंजमाणो सामिमोक्खदिणाओ पंच पुव्वलक्खाइं अइवाहेइ ।

भरहस्स रयणायंसगिहस्मि केवलनाणुप्पत्ती—

अण्णया विहियसिणाणो कयवलिकम्मो <sup>१</sup>देवदूसंऽमुयलुहियसरीरो पुप्फमालागंठि-अकुंतलो गोसीसचंदणकयसव्वंगविलेवगो सव्वंगीणनिहियाणग्घदिव्वरयणभूसणो वर-जुवईगणपरिवरिओ पडिहारीए दंसिज्जमाणपहो सो भरहो अंतेउरगेहब्भंतरस्मि <sup>२</sup>रयणायं-सगिहं गच्छेइ, अइनिम्मले आगासफलिहुवमे तत्थ दप्पणे पडिर्विविअं जहपमाणं सव्वंगं रूवं दीसइ, तत्थ य अण्णो देहं पेक्खमाणस्स भरहेसरस्स एगयमाए अंगुलीए <sup>३</sup>अंगुलि-

१ अवतंतीकृतपङ्कजः—कर्णाभूषणीकृतपङ्कजः । २ साम्राज्यम् । ३ अहमहमिकया । ४ निजप्रतिस्पर्दि-  
नाम् । ५ ताम्रत्वम्—रक्तत्वम् । ६ वैणविकाः—वीणावादकाः । ७ स्वरैः । ८ रक्षाचार्याः—सूत्रधाराः,  
तत्तत्कवित्वाऽनुगतम् । ९ मृदङ्गवादकाः । १० वादित्रम्—वाद्यम् । ११ देवदूष्यांशुकं । १२ रत्नादर्शगृहम् ।  
१३ अंगुलीयकम्—मुद्रिका ।

ज्जगं पडिय, महीवई अंगुलीए गलियं तं अंगुलीअं वेरहिणो उरिहभाराओ पडियं एगं  
 वरिहं पिव न जाणेइ । चक्कपट्टी क्रमेण देहंगाइ पामतो दिवा मयंककल पिव मुद्धि-  
 यारहियं गलियजोण्ह तं अंगुलिं पेक्खेइ, अहो इमा अंगुली तेयरहिया किं ? ति विचिं-  
 तंतो नरेसरो भूमीए पडियं अंगुलियं पासेइ, अण्णाइं पि अंगाइ आहरणेहिं विणा  
 सोहारहियाइ किं ? ति चिंतिऊण सो अवराडपि भूमणाइं मोत्तुं आरंभेइ, पुव्वं नरिंदो  
 माणिककमउडं उच्चारेइ, तइया चुयरयणं मुद्धियं पिव मउडहीणं सिरं पासेइ, तओ  
 माणिकककुडलाइं उज्झिऊण सो कुंडलेहिं विहीणे ऋणपासे खूर-चंद-रहिआओ पुच्चा-  
 वरदिसाओ विव पासेइ । पुणो "गेवेज्जय जहाइ, अह निवो गेवेज्जयरहियं गीवं  
 निज्जलं नइं पिय सिरिरहिय पेक्खेइ । खणेण हारं उच्चारेइ, तथा नरिंदो गयतारगं  
 गयणं पिय हारविहीणं उरत्थलं आलोएइ । जया "केज्जराड च मुंचेइ, तथा सो भूवो  
 "उव्वेद्धिदय-भइडलडगापासे सालदुमे पिय केज्जरविमुत्ते दुण्णि "वाहे पासेइ । हत्यमूले-  
 हितो जया करुणाइं चएइ तथा सो आमलसारग-रहियवरपासायं पिव तेहिं वज्जि-  
 याइं हत्यमूलाइ पेक्खेइ । जया अण्णाइं पि अंगुलिज्जगाइं मुंचेइ तथा सो भूवई मह-  
 मणीओ फणिफणाओ विव अंगुलिज्जगहीणाओ अगुलीओ आलोएइ । जइआ पायक-  
 डगे चयइ तइआ गलियसुवण्णचलए गयरायदसणे विच कडगरहिं पाए पासेइ, इव  
 क्रमेण भरहनरिंदो चत्तसव्वगभूसणं गयसिरिं अप्पाणं जिण्णपणं तरं पिव पासेइ,  
 पासिउण चित्तेइ ।

भरहस्त चितणं—

अहो धिरत्थु इमस्स देहस्स, जओ भुसणाईहिं सरीरम्म सोहा चित्तकम्मैहिं  
 भिन्तीए पिय 'कारिमा, अतो विट्ठाडमलकिल्णिणस्स याहिं इंदियच्चिट्ठ-भवमलेहिं मरि-  
 यस्स इमम्म सरीरम्म चिंतिज्जमाणं किंपि सोहण न सिया, इम सरीर कप्पूर-कत्थुरी-  
 पमुहमुगधिवत्थुइ पि उमरभूमी जलहरजयाइं पिय दूसेइ । विसएहिंतो त्रिज्जिऊण  
 जेहिं मोरएकणे तरो तपिओ, तत्तयेइहिं तेहिं चेय एयम्म फल गहिअ ति चित-  
 माणम्म मम्मं अपुण्यकरणक्रमेण खणमेदिममारूढम्म गुणज्झाणं सपत्तस्य याडकम्म-  
 वरउण भइ तम्म भरहेमरस्स जट्ठरपडलविणासेण आइच्चपयासो विव वेणठ नाणं  
 पपटीहोइ ।

१ बहिं - मूरुएव । २ बईभागाए-भयवित्तउत्तमूहाए । ३ दीयाभूएण्ण । ४ वेगूरे-इयाभूएण्ण ।

५ इव्वेदिहए, ईव्वेदिहएण्ण । ६ वाहू । ७ इयिमा । ८ मत्तवेदिमि ।



तयारिणि च सोहम्माहिवङ्गो सक्कस्स सहसा आसणकंपो जायइ, अर्चेयणा विं भावा महंताणं सामिद्धिं महंताणं संसेइ, सक्को ओहिणाणेण भरहस्स केवळणाणुप्पत्तिं नच्चा भत्तीए तस्स समीवं अभिगच्छेइ । भत्तिमंता हि सामिच्च सामिपुत्ते वि औयरवंता भवंति, किं पुणो संपत्तकेवलम्मि ।

इंदो वएइ—केवलनाणि ! दव्वलिंणं पडिवज्जसु, जेण वंदेमि, तुम्ह य निक्कमण-महूसवं विहेमि ।

तओ अ बाहुवलिव्व भरहेसरो पव्वज्जालक्खणं पंचमुट्ठिअं केसलुंचणं विहेइ, तओ सण्णिहिय देवयाए उवणीअं रयहरणपमुहोवगरणं भरहो गिण्हेइ, तओ चेव देविदो तं वंदेइ, जओ—

वंदिओ देवराएण तओ य भरहेसरो । न हि वंदिज्जए पत्त—केवलो वि अदिक्खिओ ॥

तइआ भरहनरिंदं सैमस्सिआ दससहस्साइं रायाणो पव्वज्जं गिण्हेइरे, तारि-ससामिसेवा हि परलोमे वि सुहदाइणी सिया ।

अह सक्को पुढविभारवहणसमत्थस्स भरहनरिंदतणयस्स आइच्चजसस्स रज्जा-भिसेग कुणेइ । तओ उसहसामिणो विव केवळणाणुप्पत्तीए अणंतरं सपरिच्छओ भरह-केवलीं गामागर—पुरा—रण्ण—गिरिं—दौणमुहाइट्टाणेसुं धम्मदेसणाए भव्वजीवे पडिवो-हिंतो पुव्वलक्खवरिसं जाव विहरेइ, तओ य अट्टावयगिरिम्मि गंतूण भरहेसरो केवली जहविहिं चउव्विहारपच्चक्खाणं कुणेइ, अह सो इक्कमासपज्जंते सवणनक्खत्तगए वंदे सिद्धाणंतचउक्को सिद्धिक्खेत्तं उवगच्छेइ ।

एवं च उसहसामिम्मि पिच्छं पसासमाणे भरहेसरो कुमारभावे पुव्वलक्खाणं सत्तहत्तरिं गमेइ , छउमत्थत्तणे भगवओ पिव मंडलियत्तणम्मि वरिसाणं एगसह-स्सं अइवाहेइ, तओ रिसहतणओ चक्कवट्ठित्तणं उव्वहंतो एगवरिस—सहस्सोणाइं

छ पुव्वलक्खाइं वइक्कमेइ, वइक्कमित्ता समुप्पण्णकेज्जलणाणो धीसाणुग्गहणट्ठं दिवस दिण-  
यरुव्व पुव्वलक्खस विहरिज्जण इअ चउरासीइ पुव्वलक्खसइ नियाउसेण अइक्कमिज्जण  
सो भरहो महप्पा मोक्खं गच्छिउत्था । तइआ पमुइयचित्तेहिं देवेहिं समं सक्केण तस्स  
निव्वाणमहूसवो विहिओ ।

एव पहुपुव्वभवा, वुत्ता तत्तो य कुलयरुप्पत्ती ।  
सामिस्सं जम्मणं तह, चिवाह-चवहार-दंसणयं ॥१॥

रज्जं दिक्खा नाण, जिणस्स तह चेव भरहभूवस्स ।  
चक्कित्तं पहुणो तह, कमेण चविकस्स सिवपत्ती ॥२॥

एयम्मि पढमवग्गो ज, इह वुत्तं भविणवोहट्ठं  
उइसगाण छक्कं, हरेउ दुइयाणि तं निच्चं ॥३॥

इअ सिरितवागच्छाहिवइ-सिरिकर्यवप्पमुहाणेगत्तित्थोद्दारग-सासणप्पहावग-आवालवंभ-  
यारि-सूरीसरसेहरायरिय-विजयनेमिसूरीसर-पट्टालकार-समयण्णु-संत-

मुत्ति-वच्छल्लवारिहि-आयरिय-विजयविण्णाणसूरीसर-पट्ट-

घर-सिद्धतमहोदहि-पाइअभासाविसारय-विजयकत्थूर-

सूरिविरइए महापुरिसचरिए पढमवग्गम्मि

मरीइभव-भाविसलायापुरिस-उस-

हसामिनिव्वाण-भरहनिव्वाण-

सरूवो छट्ठो उडेमो

समतो य सिरिउसइसामि-भरहचक्कवट्ठिपडिबद्धो पढमो वग्गो ॥१॥

मुंवापुरीइ मज्झे, सिरिगोडीपासणाइसंणिज्जे ।

रइयं एयं चरियं रस-ससि-नंह-नयणवरिसम्मि ॥१॥

जिणसासणं जयइ जा, दिणयरससिणो तहा य लोगम्मि ।

ताव भविण कंठे सया वसेज्जा इमं चरियं ॥२॥



